

EMMANUELIS
MARTINI
EPISTOLARUM
LIBRI DUODECIM.

EDITIO SECUNDA EMENDATIO,

ET VARIIS ACCESSIONIBUS AUCTORIS

ET INDICIBUS NECESSARIIS

LOCUPLETIOR.

EMMANUELIS
MARTINI,


ECCLESIAE ALONENSIS DECANI,
EPISTOLARUM
LIBRI DUODECIM.

ACCEDUNT
AUCTORIS NONDUM DEFUNCTI VITA,
'A GREGORIO MAJANSIO

CONSCRIPTA:
NEC NON PRAEFATIO
PETRI WESSELINGII.
TOMUS PRIMUS.



AMSTELÆDAMI,
Apud J. WETSTENIUM & G. SMITH.
MDCCXXXVIII.





Ph. Chetani del et sculp. - Amsterdam

EMMANUEL
MARTINUS,

ALONENSIS ECCLESIAE DECANUS,
PERILLUSTRI DOMINO

BENJAMINO
KEENE,

MAGNAE BRITANNIAE REGIS
apud Regem Catholicum Oratori cum plena
potestate,

S. P. D.

Joseph Octavius Bustantius (quicum magna &
jocunda mihi intercedit necessitudo) nunciavit
proximis diebus, te cum aliquot Epistolas
nostras legisses, ex iis quae lucem viderant, ea-
rum

D E D I C A T I O.

rum lectione valde fuisse delectatum, ac desiderio accensum videndi alias, si alicunde expiscari possent. Quo ego nuncio ita affectus sum, quasi nullus optatior in hac mihi luce contingere posset. Jam enim famae rumores praeiverant de tua eruditione, de ingenii elegantia, de mirabili rerum cognitione, atque amoeniorum literarum notitia, deque alacritate in doctorum hominum studiis propagandis atque fovendis. Quae ornamenta eo sunt admiranda magis, quo rarius inveniuntur hisce temporibus. Quare occasionem hanc avidissime arripiens, tanquam munus aliquod e coelo delapsum; statui e vestigio Epistolarum mearum autographum ad te mittere, hominem (ut mirificum rerum usum praeteream) peracutum & prudentem, literarum gloria clarum, & (quod caput est omnium) mei absentis & ignoti studiosissimum. Non eo illas tibi mitto, quod credam in aliquo apud te fore pretio,

D E D I C A T I O.

tio, (non enim sunt tanti) nec defaecatissimo tuo iudicio aliquam asferre posse oblectationem. Sed quod tu iussisti. Religioni enim duxi desideriiis tuis non obtemperare. Tu igitur illas, si minus arriserint, dele, discerpe, combure. Lewis enim erit iactura. dum mihi liceat absque illis in tua manere clientela. Cui me commisit Buxantius noster, quem merito suo efflictim depereo, cum ob morum gravitatem, modestiam, prudentiam, industriam in rebus expediendis, caeteraque animi ornamenta; tum ob singularem eruditionem, & strenuam in literis navatam operam; tum denique, quod ab illo impense amari me sentio, quod me observat, meque laudibus ornandi nullam occasionem praetermittit. Tu igitur, Illustrissime Domine, munusculum bocce, quantumvis tenue & exiguum, benigne amplectere, una cum mittentis animo, quo te eximiamque tuam virtutem omni obsequiorum genere prosequor, omni-

* *

que

DEDICATIO.

*que cultu, observantia, fide, memoria colam sem-
piterna. Interea votis nuncupatis Deum veneror,
ut te tuaque fortunet, teque servet incolumem, ad
Reipublicae literariae praesidium atque tutelam.
Vale. Alona, VIII. Kalendas Januarias, An.
MDCCXXXV.*

LEC

LECTORIBUS

S. D.

PETRUS WESSELINGIUS.

CUM superiore anno Gregorii Majansii, Antecessoris Valentini, Epistolarum libros, doctos & elegantes, jucundissime evolverem, praeter ceteras oppido eas mirabar, quae Emmanuelis Martini, Decani Alonensis, nomen praeferebant: erant enim cultissime scriptae, & quasi papavere, & lesamo sparsae. Id vero mihi dolebat, quod spes admodum angusta esset earum, quas ad Hispaniae vicinarumque regionum eruditos dederat, impetrandarum. Noveram ex assiduis utriusque querelis literas, quibus ab humanitate nomen est, plerisque per Hispanias contentui esse: verborum sordes & stribiligines, lutulentamque haram & immundum volutabrum in deliciis esse, & mirifice diligi; illaque unice probari, quibus via ad lautiora sacerdotia emunuitur, & τὰ ἀλφια: cetera omnia quisquillias ac meras putari nugas. Quo fiebat, ut vehementer metuerem, ne doctissimi viri literae, quod de libris suis ipse in quadam ad Majansium epistola praefageiebar, scombris piperique essent cuculli, thurisque involucria. Quem quidem metum discussit egregia amplissimi & excellentissimi viri, Benjamin Keene, regis Britannorum cum summa potestate ad Hispaniarum regem legati, liberalitas: cognita enim & perspecta ex Majansii Epistolis, & familiari sermone singulari Emmanuelis Martini eruditione, ut est liberalium studiorum cultor elegans & fautor unicus, ejusdem Epistolarum libros duodecim cum fragmento de Animi affectionibus Mantuae Carpetanorum pervulgari jussit. Sed paucissima eorum cum essent prodita exempla, ut sit in libris, qui liberalibus unius in-pensis publicantur, & edita, sicubi haberi poterant, cupidissime diriperentur, nihilo magis in celebritate versabantur, aut parabiles erant Alonensis Decani Epistolae, quam quae nusquam sunt. Quod aegrius cum ferrem, optatissimus mihi nuncius a Guiljelmo Smitho venit, qui esse sibi Epistolarum earum copiam, & repetita editione vulgandarum consilium adferebat. Ego vero, perlectis summa cum voluptate omnibus, adhortari & currentem urgere non desii, donec incoeptum profligaret. Ita prodeunt Emmanuelis Martini Epistolarum libri nitidiores, quam unquam antea, cultu, & Oratione de re quidem turpicula, sed honeste & eleganter scripta, aucti. Optarem quidem,



C E N S U R A

DON BLASII ANTONII NASSARRE ET FERRIZ;
*J. C. Caesarangustani, Bibliothecae Regiae Praefecti, &c.
 Ex Ordinarii Ecclesiastici delegatione.*

EMmanuellem Martinum, Ecclesiae Alonensis Decanum, ad miraculum eruditum & eloquentem esse, Orbi literario notissimum est: ipsemet *Epistolas*, & a Viris doctissimis ad eum datas, sicut ejusdem *Vitam* elegantissime scriptam a Gregorio Majansio, Generoso Valentino, ac Hispaniarum Regi a Bibliotheca, continere nihil bonis moribus adversum; immo plurima facientia ad rem literariam; ex animi sententia profiteor. Mantuae Carpetanorum. Ex Regio Museo, Eidibus Martii, An. MDCCXXXV.

*Hac Censura praecedente suam auctoritatem praestitit Ordinarius
 Ecclesiasticus.*



JOANNIS IRIARTE

Regiae Bibliothecae Quinqueviri

C E N S U R A.

EMMANUELIS MARTINI, ECCLESIAE ALONENSIS DECANI, EPISTOLARUM LIBROS XII. amplissimi Castellae Senatus jussu diligenter evolvens, *Plantum*, vel *Terentium metro solutum*, quod de Saturnini epistolis Plinius, legere credidi: tanta illis sermonis castimonia, elegantia, festivitas: adeo ingenium Auctoris & personae, & argumenti cuiuslibet capax: ita inventione, varietate, ornatu multiplex. Narretne jucundius, an disserat argutius: vehementius increpet, an laudet magnificentius: gratuletur officiosius, an efficacius consoletur: uno verbo quod genus epistolae tractet absolutius, non sub iudice, sed supra iudicem quemvis sagacissimum lis est. Quid enim aliud totum opus, nisi dubiae quoddam coenae genus delicatissimis Musarum convivis appositae? Rident omnia munditiis, cupediis affluunt: lactea ubique, aut mellea facundia: nihil non ex amoeniorum disciplinarum floribus expresso nectare delibutum. Suppetit salis, acetive, ubi res locusque postulat, quam lepidissimum condimentum. Ut vividis jocorum, facetiarum aculeis lectoris palatum blande titillat! ut ad totas literas devorandas valide exstimulat! Quam subiti, crebrique sententiarum igniculi, qui rerum sive tenuiorum, sive domesticarum frigus excutiant, qui duo potissimum in id genus scriptis desiderari solita, vim & novitatis lumen afferant! Vetera ac vulgo trita verba quam nove, quam non vulgariter usurpata! Quo vetustiora, hoc falsiora: minime his consenscit, immo alacrius viget oratio, vino non absimilis, quod ex annosis faecibus animos haurit multo valentiores. Graeca vero ubi Latinis amicus inserta? Ubi sermoni carmina intermixta venustius? Quis haec utraque lingua tam belle & καλῶς? Quis tam ex aequo, (ut bilingui Poetae & bilinguis accinam)

Ἑλλὰδὸς μίτῃ μὲν, Latinae quoque camoenae? *

Modo Anacreontis instar, modo Catulli perite ludit, nugatur argute, sapienter

* *Alon. Ep. 12.*

pienter desipit. Quid Nasonem? ut candidis, mollibus, ingeniosis eum elegis aemulatur, testis ARCA illa Minervae gazis, Charitum deliciis, Musarum donis refertissima, quam domini opum ostentatrix, tam famae aeterna custos: digna mehercule tot summis in *Astra* laudibus effertur: & si minus coelum, divinum certe nacla praeconem. At Martialis jocos sive affectat imitator: quid ejus Epigrammatis, vel ab ingenio, vel a lima politius? Sive eosdem Graece recidit interpres: quanto id perficit Scaligero metaphrasie concinnius, felicisque! Quin Martialem ipsum graecissantem provocat Martius, tam elegans continue, quam ille carpit. Unde merito illi gratuleris Romanos sales Atticis non sine foenore permutatos.

Jam vero quid his literis excogitari potest literatius? Quae doctrinarum omnium vel eleganter adpersa, vel apte congesta varietas! Quam universae antiquitatis, nummariae praefertim, ac lapidariae consummata peritia! in qua sive introspectenda, sive extricanda Lynceumne, an Oedipum melius agat, haud facile decernas. Semesos e Temporis faucibus nunc lapides avellentem, nunc aera prope concocta e terrae visceribus erudito quodam avaritiae genere edudentem obstupescas: hic e tumulis priscae heroas ducesque, illic e ruderibus Theatra Urbesque excitantem, ubique e tenebris atque oblivionis sinu praeclara quaevis monumenta proferentem, unde res Graecas, Romanas, patrias exornet, illustret, amplificet. Adeo immensum, quo semper ille flagravit, antiquitatis studium. Nae hanc suis plus oculis amasse vere dixeris, quippe cui medullitus perscrutandae ut mentis, sic oculorum aciem lubentissimus totam impenderit: magno quidem, ut ipsius ad amicos querelae testantur, horum lucis dispendio; at longe maximo, ut doctorum hominum plausus circumsonant, famae claritatis incremento. Cujus tandem incredibili industriae indefessisque vigilis id nimirum debet Hispania, quod neque suos Augustinum, Ciaconium, Moralem ultra desideret, neque Italiae Panvinium, Galliae Vaillantium, Germaniae Goltzium inopositerum invideat.

Illud autem cum inventu maxime rarum, tum admirationi in primis obvium, sic diversa ac pugnancia inter se studia in uno tam amice, tam decenter conciliari: eundem esse in Musarum castris juvenili gratia tironem, severioris doctrinae supercilio decanum: aequo scilicet pede difficiliorum investigationum salebras & senticeta, atque Rhetorices, vel Poeseos viridaria floridulosque pulvinos perambulat, juxta validus Antiquitatis fossor, ac delicatus humanitatis topiarius. Nihil saxorum pulvere, nihil metallorum rubigine sorescit stilus; immo illis vice cotis attritus, & acuminis & splendoris plurimum trahit.

Quid multa? mirificus omnium in hisce Epistolis concentus. Amice
con-

conjurant cum granditate sensuum brevis orationis, cum reconditiore doctrina perspicuitas, festivitas cum gravitate, Graecia cum Latio, novitas cum antiquitate, cum exquisitissimae denique eruditionis penu lepos quidam minime quaesitus, qui naturam parentem, artem nutricem, Martinum dominum duntaxat agnoscit. Omnia in summa tam facile, tam nitide elucubrata, ut Minervam redeoant, non oleum: ut lucernae ubique fulgor, nusquam fuligo.

Accedit ad Epistolas aureae appendicis loco ΠΕΡΙ ΠΑΘΩΝ, sive *De Animi Affectionibus* Liber, eodem auctore: foecundissimi ille quidem ingenii foetus, at iniqua temporum obstericante fortuna male natus: quippe utrinque mutilus, seu qualem suus eum pater appellare amat, αἰσθητός & μέσος in lucem prodit; non ea tamen indignus, atque vel ita affectus, cum perfectissimis merito comparandus. Qui sane & subtilissimo reliqui corporis artificio, & praecipuarum partium defectu duo haec eruditorum omnium animis πᾶσι, *Admirationem & Desiderium* aeternum concitabit.

Atque haec pro tanti Scriptoris dignitate breviter & cursim attingi, tum ne de Epistolico argumento disserens, vel censurae cancellos, vel epistolae modum excedam: tum ne uberius laudum segetis dulcedine longius provecus, falcem videar immittere in Cl. Collegae nostri Gregorii Majansii messem, qui *Martini Vitam* non diserte minus, quam accurate concinnavit. Arduum sane opus & amici & viventis imaginem exprimere, Critices penicillo non auferam, sine adulationis fucō floridam, quam exemplari suo, tam aequis spectatoribus gratam. Quae quidem ille egregie praestitit in propagando praestantissimi atque amicissimi viri nomine laboris prodigus, veri tenax, invidiae nihil timidus. Praeposterum nempe illorum morem exofus, qui viros sive rebus gestis, sive literis nobiles, exanimis demum pingi curant; vivum illum, quo expressior, quo vividior imago, sibi adumbrandum censuit. Praeclare sane cum Martino actum,

dicique beatus

Ante obitum

profecto dignus, cui viventi, sentientique laudator obtigit eloquentissimus idem, ac veracissimus. Cujus hoc & amicitiae & doctrinae immortalis monumento effectum est, ne summus ille vir tot ingenii laureis, tot scientiarum palmis inclutus seram a cupressis laudem exspectare cogatur; sed famae posthumae jam compos, suaeque gloriae (ut ita dicam) aequalis, quod Ennius olim de se extincto, id de se incolumi verius ipse praedicare possit:

volito viru' per ora virum,

vel Martialis illud sibi adscribere:

Quodque cinis paucis, hoc mihi vita dedit.

Sin-

Singula itaque hujus operis accuratius expendenti, Censoria virgula, non ad notanda vitia, verum assignanda decora usus tantummodo fui : nihilque omnino a patriis legibus Regisque sanctionibus devium aliunde occurrit. Quapropter & Hispani nominis, & universae rei literariae maxime interesse judico, ut typorum beneficio publica luce donetur. Matriti, ex Regio Museo, Idib. Mart. Anno MDCCXXXV.

*Has Censura praemissa suam praestitit auctoritatem Regius
Castellae Senatus.*



ER-

E R R A T A.

ΤΟΜ. I. Pag. 11. L. 11. lege Ticioensis. p. 11. L. 6. MDCCIV. p. 32, 16. Alonæ. 61, 30. Ἰφιλά-
 λεργίται. 61, 15. Ἰουίαι. 73, 5. gurgustiolum. 77, 10. Ex cellula. 80, 34. faustumque. 101,
 17. ἀντὶ, φανερῶς. 103, 14. διέχον, 10. Prophetis. 115, 19. Ἀχλὺς. 116, 7. longem. 142,
 23. ut Romano. 186, 11. Gadaris. 113, 10. Ἀχλὺς. 154, 14. πτοχῆς, 17. στίχων. 155, 5. το-
 πύμαχ'. 156, 11. διδύχα. 161, 23. mil.

ΤΟΜ. II. p. 3, 32. lege diligentiam. 43, 16. Romam. 84, 40. imago. 85, 16. procellas.
 164, 11. nobiliter ipsa. 159, 19. Menus. 140, 39. Verecundias. 149, 23. ἀγαλλίασθαι. 160,
 19. Ἰγνακίουδολογίαν. 168, 25. Chremylus.

EM-

EMMANUELIS MARTINI,

ECCLESIAE ALONENSIS DECANI

V I T A,

SCRIPTORE

GREGORIO MAJANSIO,

Generoso, & Antecessore Valentino, Hispaniarum
Regi a Bibliotheca.



AMSTELÆDAMI,

Apud J. WETSTENIUM & G. SMITH.

MDCCXXXVIII

ILLUSTRISSIMO VIRO,
JOSEPHO OCTAVIO
BUSTANZIO,

REIPUBLICAE GENUENSI A SECRETIS

APUD PHILIPPUM V.

Hispaniarum Regem,

GREGORIUS MAJANSIUS,

Generosus Valentinus,

S. D.

Non sum nescius, Perillustis Josepho Octavi
Bustanzi, cum viventis hominis Vitam li-
teris mandem, fore, ut hic meus labor in varias
reprehensiones incurrat. Sed cum considerem proba-
tum iri argumentum, & Tibi, & iis, quos ego posse
judicare arbitror; me nullo modo pigebit invidiae
molem sustinere. Nam, si quid veri mens augurat,
scriptioni meae non deerit bonorum omnium patrocini-
um,

D E D I C A T I O.

nium, maximeque tuum. Scripsi Vitam Hominiſ Hispani, cujus Notae Criticae in Q. Seſtiani Sa- tyras, Jani Vincentii Gravinae obtreſſatoribus, Latinae linguae imperitiâ ob oculos poſuerunt, iſſis vel in vitis fatentibus. Cujus Latina dictio eidem Gravinae, noſtrae ætatis ſcriptori elegantiffimo, fuit Canon; G. æcae linguae uſus Laurentio Zac- cagnae Graecis literis doctiffimo, æmulationi; An- tiquitatis cognitio Raphaëli Fabretto abſtruſae eru- ditionis ſagaciſſimo Interpreti, auxilio; recondita- rum literarum explicatio M. Antonio Sabbatino Antiquariorum ſui temporis Principi, miraculo; monumenta vetera illuſtrandi ſollertia Bernardo Monſalconio totius Antiquitatis eximio enarratori, ornamento. Cujus diligentia novam veluti vitam dedit Scriptoribus Hispanis, qui ab Auguſto Impera- tore per mille quingentosque annos floruerunt. Cujus laboris aſſiduitas, & ſtrenue navata opera Aguir- rianae Conciliorum Hispaniae editioni, magno bono eſt diſciplinæ Eccleſiaſticae. Cujus Poëtica facul- tas (neque enim hæc prætereunda,

Sedibus æthereis ſpiritus ille venit)

ſive Latine, ſive Graece, ſive Etruſce, verſus ille pan- gat, proxime ad illarum Nationum Poëtarum Princi- pum

D E D I C A T I O.

93

pum praestantiam videtur accedere: ut Hispanam taceam Poëticam, in qua tantum virum excellere mirum non est. Cujus eloquentia est admirabilis, dignaque judicio superbissimarum aurium; sermo denique talis, ut Suadae illius, quam in Periclis labris scripsit Eupolis sessitavisse, videatur hic esse medulla ipsa. Sed quid multis verbis opus est, cum uno tantum opus sit? Scripsi Vitam EMMANUELIS MARTINI, cujus virtutes impense amas, colis, dignissimasque putas praedicatione tua. Vide, Illustrissime Buzianzi, causas in me impendentis invidiae; videat & ipsa, intabescatque videndo. Nunc in mentem revoca, quo Te jure mihi Patronum advocem. Meministi optime, paucis ab hinc mensibus fuisse nos apud Benjaminum Keene, Regis Angliae Oratorem, virum mirifico rerum publicarum usu, & duabus foederum sanctionibus Hispanos inter & Britannos toto orbe celeberrimum. Tunc inter loquendum facta fuit mentio Emmanuelis Martini Epistolarum, quarum aliquas ego publicaveram, quasque vir summo ingenio summoque judicio jucunde legerat: idemque pro singulari erga literas amore significavit se desiderio teneri videndi alias, quarum ego memineram in Praefatione mea. Cum

* 3

que

D E D I C A T I O.

que uterque nostrum desiderio ejus satisfacere vellemus; in nos recepimus, ad Emmanuelem Martinum scripturos esse: qui certior factus, e vestigio Tibi (nec vero invideo, Decanus enim mihi re-
scripsit, ut summa gloria me perfunderet, esse Te, alterum me) Tibi, inquam, misit autographum ipsum, ut per Te in manus perveniret Amplissimi viri: cujus beneficio factum est, ut Epistolae illae, itemque ejusdem Decani aureolus libellus ΠΕΡΙ ΠΑΘΩΝ, sive De Animi Affectionibus, in lucem prodierint. Nisi Tu igitur de me bonorifice, ut soles, loquutus fuisses; nisi meas, unaque Decani Epistolas legendas dedisses egregio illi literarum fautori; frustra reliquae lucem expectassent publicam. Et quid interea Tu? Me urgere, impellere, ut Vitam banc, quam a me scriptam sciebas, publici juris facerem. Pergite, pergitte, literarum Patroni. Facentes literas erigite. Excitate, si potestis, vestro exemplo & auctoritate, tantae gloriae aemulatores. Qui nisi fuerint; quid superest, nisi ut, qui bonarum artium studio tenemur, vitam otiosi & inglorii per summam inertiam transigamus? Quoniam igitur & mihi, & Emmanueli Martino tantopere faves; accipe Libellum,

D E D I C A T I O.

95

bellum, in quo, & amorem adversus Decanum, & indulgentiam erga me exercere poteris. Equidem ego vix quaerere poteram argumentum aliud, in quo mihi abs te venia esset paratior: quam si mihi indulseris, plurimi faciam humanitatem tuam: si non concesseris, & errata mea castigaveris; multo pluris faciam quidquid emendare volueris. Scis quanti aestimem obelismos tuos. Plus quam Cicero Attici ceras illas miniatulas. Scilicet in te Natura contulit peracutum ingenium; optimorum Auctorum lectio eximie roboravit judicium tuum; integritas amabilem Te; affabilitas charum facit omnibus. Et tamen Prudentia principatum obtinet inter virtutes tuas. In quibus praedicandis ego multus essem, nisi de Te loquerer apud Te, modestissimum virum. Praeterea beneficiorum abs Te acceptorum memoria potius postulat, ut ob tua erga me magna merita ad Tibi gratias agendas me convertam. Nam & Tibi debeo maximorum hominum patrocini-um; & meorum studiorum aestimationem aliquam apud praestantes judicio & dignitate viros, & quod ego ut summum beneficium acceptum fero, amicitiam tuam, ex qua jucundissimos amoris, doctrinae, omniumque suavitatum fructus percipio.
Sae-

D E D I C A T I O.

Saepe enim expertus sum, Te benevolentia erga me prope incredibili affectum, cum nullam mei ornan- di occasionem praetermittas; & ex communicatione tua quotidie sentiam me multum proficere; cum Tibi semper in ore sint veterum & recentiorum Sa- pientum cordatissima dicta; optimorum Poëtarum, Italorum, Hispanorum, Latinorum, Graecorum- que sententiae selectissimae; scriptorum omnis ge- neris gratiae: ut in Te aequè mirer delectum, ac copiam; haec a memoria tenacissima; ille a pru- dentia venit singulari. Quae cum ita sint, mi- nime miror, Rempublicam tuam tam sapienter sibi consulere, quae Te isto iudicio, morum gra- vitate, doctrina, rerumque usu praestantissimum virum, tali munere vult fungi, quod non nisi prudentissimis hominibus, tuique similibus (qui per- pauci sunt) committi debet. Quo fit, ut Reipu- blicae tuae beneficio praesentia tua fruamur; tua- rumque virtutum admiratione Reipublicae tuae providentiam maxime laudare debeamus. Deum veneror, ut tot tantaque bona Tibi velit esse per- petua. Madriti. Ex Musco, Postridie Kal. August. An. MDCCXXXV.

EM.



EMMANUELIS
MARTINI

ECCLESIAE ALONENSIS DECANI,

VITA,

SCRIPTORE

GREGORIO MAIANRIO,

Generoso Valentino.



Larorum Virorum qui vita functi fuerunt, facta moreſque poſteris tradere, ſaeculis omnibus uſitatum; ſed viventis adhuc virtutes ipſis praefentium oculis animiſque ſpectandas admirandasque proponere, ut factu pulchrum, ita invidioſae plenum opus aleae. Humanum enim ingenium praeterita plerumque veneratione, praefentia invidia proſequitur; ipſamque illam virtutem, quam ex oculis ſublatam graviffime quereretur; odiſſe ſolet praefentem. Adeo recti cognitionem invidia, aut impedit, aut opprimit. Sed, ſi noſtra memoria licuit eruditiffimo viro Petro Danieli Huetio Commentarium ſcribere de rebus ad ſe pertinentibus; cur mihi bonae tantum conſcientiae pretio ducto non liceat

Tom. I.

A

ceat

quantulum reformaverat, edito *Compendio Syntaxeae*, levius quidem opusculo, sed in quo illud merito laudes, quod plerumque sequitur doctrinam Francisci Sanctii Brocensis, Grammaticorum Principis. Michael ille Falco nominis sui sonitu deceptus irridendo fastu iactitabat, se originem ducere a Proba Falconia: quae Falconia, sive potius Faltonia, floruit anno cdx. fuitque avia Demetriadis illius Virginis a Sanctis Patribus tantopere laudatae; praeterea Graecae & Latinae eruditissima, ut ejus opera testantur; ingenio vero maximo, quod mirabiliter elucet in Jesu Christi Vita Virgilianis versibus contexta.

5 Cum puer adhuc Castulone Grammaticae daret operam, domum a parentibus accersitus, ut die octava Septembris sacris Dominicis interesset, quibus Virginis Matris dies Natalis peragebatur, more institutoque ejus familiae; cumque a coena ivissent cubitum, vixque lectum conscendissent; fulmen in cubiculum decidit, ubi ipse ac parentes cubabant. Quod ter pueri lectum circumactum, foras erupit, omnibus illaesis praeter servum, cui crura, manus, & brachia afflata atque ambusta.

6 Grammaticis praeceptionibus imbutus anno aetatis suae decimo tertio Martinus se contulit Valentiam Regni Metropolim, & amoenitatis sedem, ibique per triennium Philosophiae operam navavit sub Magistro Vincentio Stephano. Quo tempore, ut ipse postea dictitabat, egregie didicit artem exercendi praeconium: intentus enim puerilibus nugis, de quaestiunculis suberis umbra levioribus, invicta voce cum condiscipulis per multas horas contendebat.

7 Deinde se dedit sanctioribus Theologiae Scholasticae studiis, nactus praeceptores eo tempore celeberrimos, Marcellum Maronam Valentinum, qui tranquillitatis amore, Episcopatu Oriolano abdicavit se postea, studiosam vitam iterum amplectens: Joannem Baptistam Scuderium Castulonensem, virum ingenii acutissimi: Franciscum Milanum Aragonium, Durandi Doctrinae Professore, omnes Dominicanae familiae: & Antonium Pratensem Valentinum, Metropolitanæ Ecclesiae Praepositum primum, ac deinde Canonicum. Sub quibus Magistris Theologiae operam navavit quatuor annos.

8 At Martini ingenium disciplinarum orbis capax intra illa studia se continere non potuit. Itaque ut iis subsidiis animum instrueret, quibus munitus easdem illas disciplinas majori cum fructu ac voluptate

coetu nobilissimorum virorum, lectissimarumque feminarum, aliquando rogaretur ut recitare vellet Historiolam aliquam Poeticam; respondit se memoriae suae mandasse nullam; ex tempore tamen recitaturum quamlibet, argumento sibi proposito. Placuit praesentibus conditio, & argumento dato, subito calore, veluti novus Lucanus, magnum versuum numerum effudit, summa audientium voluptate, & admiratione. Eiusdem extemporales facultatis saepe fecit periculum in Latinis versibus. In qua lingua ut aliquod ingenii, & eruditionis specimen daret, natus annos duodeviginti, scripsit vigin-ti Elegias, quas inscripsit *Amaltheam Geographicam*.

10 Incredibile dictu est, ut omnium mentes oculosque in se converteret adolescentulus, praeditus, cum mirifica illa facilitate pangendi carmina, aliisque ingenii virtutibus; tum facie liberali. Nec sine magno ejus periculo. Nam cum nobilissima femina adolescentem deperiret; ipse natus annos duodeviginti, ut absentia sua extingueret effraenem illum amorem, & a praesentissimo periculo se liberaret, ad Oscensem Scholam vetustate nobilem, tanquam ad Minervae Asylum confugit, ibique mansit, donec feminae amore per-citae infans aestu defervescente, tuto Valentiam redire potuit.

11. Animadvertit Martinus linguam Graecam omnis sapientiae thesaurum esse, & absque illa in studiis multum progredi velle, perinde esse, ac navigationem felicem velle conficere sine velis remis-que. Verum ejus linguae cognitionem appetenti Magister decrat, qui doceret illam. Sed cum opportune Hesiodus quidam Graeco-Latinus illi obtrigisset ex supellectili libraria affinis cujusdam, qui tum decesserat; hunc quasi e coelo missum arripuit, & incitatus studio Graecae linguae discendae, nomina propria, in quibus in utraque lingua vix ulla est literarum mutatio, conferre coepit, & facta qua-dam analysi, collegit notavitque singularum literarum figuram propri-etatemque; & Alphabeto sibi confecto, didicit Graece legere, nulla verae pronuntiationis habita ratione.

12. Habent hoc praeclari conatus, ut tametsi effectu desituantur; prospero tamen successu nunquam careant, si homo eos suscipiat ge-nerosi spiritus. Nam quod quis non potest una via adsequi, alia ten-tat. Sic Martinus, cum Valentiae non haberet Praeceptorem, aut monitorem aliquem idoneum, qui per certissimam verae gloriae viam

se veluti manu duceret; statuit Romam proficisci, sperans fore, ut in Urbe Principe Orbis adipisceretur Magistros idoneos ad quamcumque artem scientiamve. Itaque anno MDCCLXXVI. aetatis suae vicesimo secundo jam exacto, Romam versus iter suscepit, alacriterque confecit. Utque è diversorio sito ad quintum sextumve lapidem, aeternam Urbem aspexit, ejus amore correptus, salutavit eam centum quinquaginta versibus, quibus cecinit laudes terrarum dominae.

13 Ingressus Romam, veluti novo sapientiae amore inflammari coepit, ubi conspexit, vel bruta saxa & signa, multa eum docere posse. Sibi venit in mentem, Jo. Picum Mirandulanum linguam Hebraicam intra paucos dies, Josephum Scaligerum Arabicam sine Magistro didicisse. Itaque aemulus virorum praestantissimis ingeniis, statim emit Institutiones Graecae linguae, quibus nullo usus praeceptore, adeo egregie operam navavit, ut exactis solum septem mensibus, Ovidianam Ulyssis ad Penelopen Epistolam, Graecam fecerit. Tantumque brevi tempore in ea lingua progressum fecit, ut non minorem ac in Latina facilitatem scribendi loquendique adeptus fuerit: quam sibi comparavit quotidiana scribendi exercitatione. Adhuc hodie servat aliqua Poematia, quae adolescentulus scripsit; & tamen partus videntur maturioris aetatis: ne unus Angelus Politianus in hoc gloriae genere triumphet.

14 Mox dedit se linguae Hebraicae, adeo felici progressu, ut spatio quadraginta dierum non solum legere, sed & literas pereleganter sciret appingere: &, quod est mirabilius, Institutiones Hebraicas tam brevi tempore imbibit. Agnovit statim angustissimum eise ejus linguae campum, cujus finibus solum continetur Testamentum Vetus, & Divi Matthaei Evangelium. Nam Rabbiorum lectio, fabularum & superstitionum feracissima, perquam apta est ad mentes animosque corrumpendos. Ea propter vale dixit studio, quod licet sacram eruditionem appetentibus utilissimum sit; viros alioqui cordatos, insipientes solet efficere.

15 Animadvertit Gallicam linguam omni scriptorum genere locupletatam maxime conferre ad eruditi hominis cultum ornatumque; eamque didicit, usus institutore, homine Gallo. Sed suapte ingenio incitatus in amoenissimum bonarum artium campum ded it: atque

atque ut minus desiderarentur Sex postremi Faſtorum Libri Ovidiani, Duodecim ipſe panxit miro artificio. Praeterea edidit *Amalthæan Geographicam* Romae, Typis Dominici Antonii Herculis, An. MDCLXXXVI. in 8. Quod opus Miſcellaneum eſt, dividiturque in viginti Elegias, quarum argumenta indicavit ipſe Auſtor decem Diſtichis, quae Joſephus Rodrigeſius tranſtulit in Bibliothecam Valentinam.

16 Anno elapſo ex quo Romam ingreſſus fuerat, referri voluit in album Academicorum qui vocabantur *Iſecondi*. Unde naſtus fuit occaſionem exercendi ingenii in pangendis verſibus Etruſcis, quibus ad miraculum excelluit.

17 Eodem anno Elegiarum Librum conſcripſit, cui fecit titulum *Amerum*. In illis Camillam celebravit, ut Catullus, Tibullus, & Propertius, Leſbiam, Cynthiam, Deliamque. Quamquam illi fictis nominibus (ſi fidem meretur Apulejus) intelligebant Clodiam, Hoſtiliam, Flaviamque) Martinus vero ingenii ſolum exercendi gratia ſibi finxit Camillam, tum honeſtioris vitae, quam Ovidiana Corinna, tum elegantioris ingenii; cum non ſolum ab ſe ad illam, ſed ab illa etiam ad ſe Elegiae exiſtent ſuaſiſſimae. Haſ Elegias Emmanuel Martinus, cum Gabriel Joannes Reginerius vir ingenii praeclariffimi ſcripſiſſet Epistoſas Eroticas Lycoridi cuidam, quas in amicorum coetu, praefente Martino recitaverat; occaſione arrepta, Reginerio miſit, qui celebravit eas ingenioſa, & bene docta epistoſa.

18 Poſtea Tiberis alveo ſuo dereliſto inundavit agros viſcoſque Urbis Romae: Martinuſque imitans Statium Papinium, *Sylvam* ſcripſit *De Tiberis Alluvione*, eamque edidit apud Joannem Jacobum Comarech, Anno MDCLXXXVIII. in 4. Donavit Sylvam illam Martinus Joſepho Saenzio Aguirrio S. R. E. Cardinali Presbytero, viro ſapientiſſimo recens in Urbem advenae.

19 Cardinalis prudentiſſimus adoleſcentis ingenium & eruditionem ſupra aetatem admiratus; rogavit eum, ut apud ſe eſſe vellet, honeſtandus titulo Commenſalis, & ut ſibi eſſet a Bibliotheca. Qui titulus ſummus eſt Romae apud Cardinales & Principes. Martinus alacer conditionem admiiſit, naſtus tam egregium ſtudioſorum patronum. &, quod in votis maxime habebat, occaſionem ſtudia excolendi: & ut ſibi videbatur, laborandi etiam in utilitatem publicam.

Neque

Neque spes eum fefellit. Statim ei Cardinalis mandavit, ut adjuvaret se in digerendis Notis, quas ad Hispaniae Concilia Nationalia, & Provincialia praeparaverat, & in adversariis habebat. Quod Opus praeclarissimum multos jam annos versabat, & prope jam amiserat spem ad exitum perducendi, quoniam idoneum ad illud perficiendum adiutorem invenerat nullum. Incubuit Martinus Aguirrii schedulis ordiendis, transcribendisque, studio sane pertinaci: ac postea immortalis Operis editioni praefuit, quod Emmanuele Martino accurrante prodiit anno MDCXCIV. magna cum Hispaniae gloria, summoque Rei publicae Christianae bono; sed Martini valetudinis non exiguuo detrimento. Etenim res erat summi laboris praeparare exemplar quod duobus praelis sufficeret, & emendare ter singulas paginas. Qua laboris assiduitate & contentione mirum in modum afflicta fuit Martini valetudo; nam deficiente stomachi calore, cibum concoquere nequibat. Unde capitis dolores, & contumacissimi vomitus, qui singulis septimanis bis, aut ter, infestabant eum.

20 Adolescentiam ingressus eo morbo infestari solitus est, quem Graeci vocant *ιφιάλη*, Latini *Incubum*. Non quidem nocturno illo, sed pomeridiano. Corripiebatur enim eo meridiationis tempore; cum fatali quadam *αυνησις* atque *αφονία*, totiusque corporis marcere, animo tantum excubante. Morbi autem vi in dies acrius saeviente, Eminentissimo Cardinale Aguirrio impulsore Marcellum Malpighium consuluit, medicum Pontificium, eaque tempestate nobilissimum. Qui eruditissimo responso causas morbi aperuit, Auctorem impendentis periculi admonuit, illique dietam praescripsit. Verum ille (ut est medicarum nugarum strenuus irrisor) molestissima curatione contempta, sola capitis erectione liberatus est. Donec patriam reversus, salubrioris aeris beneficio tam infestum hostem a se amovit.

21 Sed licet Martinus Romae esset adeo afflicta valetudine; tamen studiorum intemperantiam vix cohibere poterat. Certe salutis suae parum consulebat: nam etsi Conciliorum editioni incumberet; tamen illud tempus quod animo recreando tribuere debebat, in amoenioribus studiis excolendis impendebat, omnibusque viis tentabat ad immortalitatem ire.

22 Eo tempore de Homeri poemate memoriae tradendo (quod fertur

fertur de Fulgentio Ruspensi) serio cogitavit. Tantoque molimini omnes machinas admovit. Sed cum videret fieri id minime posse sine maxima temporis jactura, & reliquorum studiorum dispendio; aliunde autem vereretur, ut tanto labori sustinendo vires sufficerent; tam improbi conatus cogitationem abiecit: cum bonam tamen Homeri partem devorasset.

23. Sed cum maximiviri ingenium otiosum esse non posset, libellum scripsit *De Poculis Veterum*, ubi universa quae ad Veterum Pocula & Symposia spectant, discussit illustravitque. Quem Tractatum Alonae postea ipse flammis commisit. Praeterea oblectabat se in selectissimis. M. Valerii Martialis Epigrammatis Graece reddendis, imitatus M. Tullium Ciceronem, & Josephum Justum Scaligerum, quorum ille Arati Phaenomena; hic Sophoclis Ajacem Lorarium, Martialis etiam & aliorum Epigrammata aliquot, pluraque alia, quibus graviora studia intermittebat. Praeterea Theocritum emendavit illustravitque Emmanuel Martinus Noris eruditissimis, quibus magnopere indiget Auctor ille, quasque utilissimum esset publici juris fieri. Etsi opus illud non est absolutum.

24. Paucis ante annis sub auspiciis Serenissimae dum in vivis ageret, Christinae Mariae Alexandrae, Gustavi Adolphi filiae, Suecorumque Reginae, Romae instituta fuit Arcadum Academia, eaque in Regiis Hortis sub Monte Aureo celebrari solita. Post Reginae obitum translata fuit ad Hortos Farnesianos in Monte Palatino sitos, in eundem scilicet locum, ubi Evander Arcas sedes olim fixerat. In ea Academia cum de Legibus ferendis ageretur, Duodecemviri Legibus condendis creati fuerunt. Quorum unus fuit Emmanuel Martinus. Quas cum illi composuissent, eas postea advocata Arcadum concione promulgavit Janus Vincentius Gravina, Jurisconsultus eruditissimus, ingenio vir perpolito. Quam orationem pro Legibus Arcadum, scriptam edidit postea cum aliis opusculis oppido elegantibus. Moris erat in Arcadum Academia, ut qui in eam ingrederentur, nomen suum mutarent, sumerentque alterum Graecum, quod patriam demonstraret in antiqua Arcadia contentam. Qua de causa Martinus vocari voluit Eumelus Olenius, id est, Pastor ovium pinguium, natus Oleni Arcadiae oppidulo.

25. Annus agebatur nonagesimus secundus saeculi decimi septimi,
Tom. I. B cum

cum Senensis quidam, Cardinalis Petri Otthoboni a poculis, vir excellentis ingenii, sed effraenis linguae, assumpto nomine Q. Sectani, spargere coepit Satyras virulentissimas, quibus Romanos mores exagitabat, vera falsis involvens. Nam personae tegumento confusus, invehabatur in optimos quosque viros, ac honestissimas feminas. Praecipue vero venenata spicula dirigebat adversus Janum Vincentium Gravinam egregiae doctrinae, & nitidissimae dictionis virum, quem veluti digito designabat sub nomine modo Philodemi, modo Bionis. Quod nomen illi erat inter Arcades. Mirum erat, quot quantisque laudibus Satyrae illae esserrentur: adeo ut triumviri illi corrigendis moribus veluti nati, Horatius, Persius, Juvenalis, parum acute vidisse Urbis vicia viderentur prae Q. Sectano. Sed Martinus non potuit aequo animo ferre Satyrici insolentiam, immoderatas Satyrarum laudes, & torque praestantibus viris feminisque illatas injurias, maxime Gravinæ suo: proptereaque tum venerandae antiquitatis, tum honoris illis erepti vindicias in se recepit, scripsitque *Satyrasmastigem*, sive Notas Criticas in Q. Sectani decem priores Satyras. Qui liber ingenii validissimi videtur partus, licet Martinus eo tempore parum corpore valeret. Quam ob causam Georgio Baglivio celeberrimo medico se invidenti, Notas suas communicabat, & per hunc misit Gravinæ suo xvi. Kal. Aprileis, AN. MDCCIV. Qui Martino gratias egit maximas pro immortali beneficio; rescripsitque literas tanto philosopho dignissimas. Neque his contentus, remuneravit postea gloriae suae vindicem *Dialogo de Lingua Latina*, ubi Emmanuelem Martinum induxit disputantem, etsi non ea dignitate quae tanto viro conveniebat. Quamquam enim stilus est limatissimus; doctrina tamen puerilis, & tanto critico impar. Ut merito Gravinæ voluntas; non autem retributio laudari debeat. At Satyromastigis stilus, acer, aculeatus, eutrapelus; festivusque simul. Itaque inter literatos eo tempore vix de alia re, quam de Notis Criticis sermo erat. Eas legere, & exscribere negotium praecipuum. Omnes earum Auctoris admirari ingenium, celebrare acumen, utriusque linguae praestantiam ad coelum efferre. Denique eo deventum, ut plures Legati Regii ad suos Principes miserint NOLAS illas. Praesertim Arcades Martino in Academiam ingredienti applaudere, & tanquam venerabundi assurgere ad tanti viri

con-

conspēctum. Ut mirandum non sit, Martinum per vias publicas euntem, veluti Demosthenem alterum designari digito. Tanta erat apud omnes illius existimatio & reverentia.

26. Nec propterea Martinus de diligentia quicquam remittebat. Nam quo plus famae adipiscēbatur, eo magis cogitabat sibi decus & gloriam comparare ab omni literarum genere. Propterea tam in Poetice Etrusca, quam in Latina mirificos progressus fecit. Nam triennio elapso, postea quam Romae vivere coepit, Etruscos versus adeo facile pangebatur, ut admirationi esset ipsis Italici, qui plane in Musicis studiis nationes omnes antecellunt. Praecipue vero gratissimas ei aures praebebat Alexander Guidius Parmensis, Poetarum Etruscorum illis temporibus Princeps, qui una cum Regina Sueciae, Christina Maria Alexandra conscripsit insigne Drama, cui titulus *Endymion*, & oestro Pindarico vertit Clementis XI. Homilias, quarum versionem sapientissimus Pontifex plurimi fecit; tantoque amore Auctorem prosequutus fuit, ut ei defuncto magnis sumptibus posuerit tumulum marmoreum.

27. Forte ridiculum videbitur; silentio tamen perpetuo minime mandandum, quod inter alia contigit apud Alexandrum Guidium degentem in Palatio Farnesiano. Eo singulis hebdomadis eruditissimi viri confluebant eloquentiae causa. In illo coetu gravissimo Emmanueli Martino facetiarum parenti praescriptum fuit argumentum *Pro crepitu ventris*. De quo orationem scripsit adeo purgatissimis auribus acceptam, ut Cardinalis Aguirrius celebritate plausum permotus (tantus est in hominibus novitatis amor) eam audire voluerit, & in argumento levissimo, summi viri Ingenium, dicendique copiam facetissimam admiratus fuerit.

28. Haec erant ingenii Martini veluti laxamenta. Nam & suum etiam nomen professus fuit in Academia Dogmatica: in qua recitavit aliquas Disputationes, quae summo omnium plausu auditae fuerunt: meruitque ut sapientissimus Aguirrius publicam adversus se disputationem haberet: in qua expertus fuit, quantus esset ille vir in Religionis Catholicae Dogmatibus.

29. Praeterea Martinus frequens adibat Bibliothecas, cum privatas maxime nominis, Barberinam, Orthonianam, alias; tum publicas, ut illam Sancti Augustini, quam reliquit eruditissimus vir

Lucas Holstenius; tum etiam illam Sapientiae, quam instituit Alexander VII. qui in eam ab Heidelberga deportari iussit celebrem Bibliothecam Palatinam, itemque Dynastarum Veronensium, cum in illa domo defecit proles.

30. In Bibliothecis illis, non solum cum saeculorum omnium Magistris, sed cum viventibus etiam maxime celebribus jucundissime vitam transigebat. Praecipue vero frequentabat Bibliothecam Vaticanam, ut videret conferretque codices antiquos, tam Latinos, quam Graecos. Qua occasione, amore antiquitatis quo flagrabat, nonnullos Codices manuscriptos perverustos, praesertim Bibliothecae Orthobonianaе, contulit cum editis exemplaribus melioris Notae; ut ne tempus aliquod iners abiret. Solebat enim illud crebro inculcare *πολυλίαντες ἀνάλωμα ὁ χρόνος*. Ex iis Collationibus praegrande confecit volumen Variantium Lectionum. Sed in Hispaniam reversus; cum librorum copia destitueretur, vidissetque nostrates hoc studii genus pro nihilo putare, & existimare ejus professores nihil agere; animum despondit; ac tametsi Collationes illas apud se retineret; postea tamen discerpit, anno nimirum MDCC. Quare dicere solebat, patriam sibi obstitisse, quo minus aliquam sui memoriam posteris relinqueret.

31. Quo tempore autem Collationes illas conficiebat, lectione prope infinita se quoque conficiens; cum ab amicis in eo genere studii, quodam veluti intemperantiae vitio argueretur; dicere solebat, aegre se e vita discessurum, nisi prius legisset quicquid usquam superesset ex Latina & Graeca antiquitate, quam non solum venerandam, sed quodammodo habebat sacrosanctam. Itaque anxie perquirebat quascumque invenire poterat prisca alicujus Scriptoris reliquias: fortunatissimumque se existimabat, si vel duos versiculos nondum editos inveniret: semperque in ore ferebat laudabarque immortalem illam diligentiam Cosmi Medicei Etruriae Dynastae, Nicolai V. Pont. Max. Ant. Augustini Archiepiscopi Tarracoenensis, Nicolai Claudii Fabricii Senatoris Aquiseptentis, aliorumque similium, qui ut Manuscripta per Orientem perquirerent, quibus literarum studia adjuvarent; nullis sumptibus pepercerunt.

32. Cum Martinus igitur verera Manuscripta assidue contrectaret versaretque; id inter alia assequutus fuit, ut uniuscujusque Manuscrip-

nuscripti aetatem facillime designaret. Praeterea collegit c.l. antiqua Epigrammata Graeca nondum edita, quae manu sua descripsit ex antiquissimis Codicibus, & utilissimum esset, ut adderentur Anthologiae Graecae.

33. Interea dum Conciliorum editio absolvebatur, animumque Martinus in amoenioribus studiis pascerebat, nova gloriae fegesei parabatur. Nam Cardinalis Aguirrius, qui maximi illius viri Nicolai Antonii summus amicus fuerat, & in Salmanticensi Academia etiam olim studiorum comes, promissorum suorum memor ab heredibus ejus contendebat, ut Bibliothecam Hispanam Veterem praelo jam destinatam ad se mitterent sumtibus suis publicandam. Quam ubi vir summus obtinuit, Emmanueli Martino illam tradidit, ut editionem ejus curaret adornaretque. Cui rei plenissimum jus in egregium illud opus Martino concessit, ut videre est in Praefatione Cardinalis ad Lectorem, ubi ipse Aguirrius candide confessus est, Notas ad marginem appositas nomine suo, non esse suas, sed Emmanuelis Martini, cui Cardinalis, qui Aesopeam corniculam imitari nolebat, gloriam illius studiis debitam praeripere noluit, & arrogare sibi, sed Auctori suo restituit integram. Prodiit Romae opus immortale anno MDCXCVI. tanto omnium eruditorum plausu, ut fateantur omnes nullam aliam nationem Bibliothecam habere ita omnibus numeris absolutam. Sed dolendum est, Bibliothecam Rabbinico-Hispanam (licet imperfectam) quae tunc inveniri non potuit, post aliquot annos, jam vita functo Cardinale, Matrili inventam fuisse apud Hadrianum Koningium, Nicolai Antonii heredem, cui Regia debet Bibliotheca summi illius viri Manuscripta omnia.

34. Interea Martinus maximi operis amore flagrans, cogitare coepit de scribendo Latinae Linguae Etymologico Magno, quo lingua illa magnopere indiget. Nam quod superest ex Varrone Romanorum omnium doctissimo, magna ex parte puerile, ac futile est. Isidori Hispalensis ineruditum ac barbarum, non viri doctissimi, sed illorum temporum vitio. Centum & viginti libros *de Originibus Linguae Latinae*, quos scripsisse dicitur C. Julius Caesar Scalliger, memoriae proditum est, conflagrasse in ejus domus incendio. Gerardi Joannis Vossii Etymologicon, caeteroquin eruditissimum, & ingentis laboris judicii que opus, tamen est diminutum, utpote

posthumum. Denique Claudii Salmasii Etymologicon, quod ipse passim laudat in operibus suis, nusquam comparuit: cum tamen alia ejus opera posthuma edita sint: ut non injuria suspicari possis, Salmasium vendidisse fumos. In eum itaque finem Martinus Adversaria coepit parare. Sed considerans postea, se non posse ad exitum perducere illud opus, neque Romae, quoniam in Hispaniam esset rediturus; neque in Hispania, quoniam libris ad eam rem necessariis cariturus esset; ab incepto desistit. Ne tamen conatum gloriosissimum omnino abrumperet, omnesque spes videretur ipse sibi velle praecidere, consilium coepit cumulandi in schedas meditationes varias eodem collineantes.

35. Hoc vitae instituto sibi conciliavit Martinus benevolentiam amoremque literatissimorum hominum, & aliorum quam plurium dignitatibus praecellentium. Inter quos fuere amplissimi Cardinales, Casanata, Carpegna, & Panciaticus. Maxime vero familiarissimi ei fuerunt Henricus Norisius, Bibliothecae Vaticanae primum Praefectus, deinde Sacrae Romanae Ecclesiae Cardinalis, vir iugentii acutissimi, magnae sapientiae, profundissimae eruditionis, & Chronologiae fax lucidissima.

36. Laurentius Zaccagna Bibliothecae etiam Vaticanae Praefectus, Graecae Linguae peritissimus, qui Ecclesiastica Fragmenta Graece scripta edidit cum eruditissimis Notis.

37. Philippus Bonarota Florentinus, Antiquarius Dynastae Florentini, vir antiquitatis consultissimus, qui eruditissime illustravit ediditque Numismata maximi moduli Musei Carpiniani, & alia opera exquisitissimae doctrinae.

38. Januarius Capellarius Neapolitanus praeditus ingenio praestantissimo, & oestro Poetico mirifico, qui Poema scripsit *De Immortalitate Animae*, illudque manuscriptum dedicavit Emmanueli Martino, & an luce publica donarit, incertum. At certe illud recitavit Auctor in congressu eruditissimorum virorum apud Ducem Parmensem, exitumque habuit tragicum, quem silentio praeterire satius est.

39. Marcellus Malpigijs, Medicus illustris, cujus nomen celeberrimum ob Anatoniam Plantarum, quam ipse edidit, & ob alia opera, quae illo vita functo lucem viderunt publicam.

40. Hujus

40. Hujus Discipulus Georgius Baglivius, Medicus illustris, toti Europae notissimus.

41. Josephus de Juliis Romae quondam linguae Graecae Professor in Collegio de propaganda Fide.

42. Antonius Malegonellus, editis Orationibus celeberrimus, quibus Martinus praemisit Epistolam ad Lectorem anno MDCXCVII.

43. Praeter caeteros vero ei fuit charissimus Janus Vincentius Gravina sobriae cordataeque eruditionis vir, & nitidissimi stili.

44. Denique arctissimam necessitudinem habuit cum Raphaele Fabretto, & Joanne Ciampinio. His duobus comitatus ire solebat ad antiqua Urbis Coemeteria (*Catacumbas* vocant) quae subterranei sunt vici, in quos veluti cuniculi abdebant se primaevae Ecclesiae Christiani, Ethnicorum persecutiones fugientes. Et adeo late patent viculae illae excavatae, ut ad octo vel novem millia passuum extendi dicantur. Eo igitur propter innumerabilia antiquitatis vestigia, eorumque indagandorum causa, eruditissimi viri ingrediebantur duabus facibus accensis, praeparatoque etiam igni, ut si forte illae extinguerentur, iterum accendi possent. Praeterea ut gressus dirigerent, atque revertere scirent (sunt enim illa Coemeteria veluti quidam Labyrinthi erroribus obnoxii) tanquam filo Ariadnaeo, utebantur pyxide Nautica, ut ubicumque essent, poli situm noscerent, & egressum invenirent. Incredibile dictu est, quot antiquitatis vestigia ibi observarent homines illarum rerum investigatores sagacissimi.

45. Neque his finibus Martini studia continebantur. In Sacello Pontificio Paulino, festoque die Sancti Joannis Evangelistae, coram Innocentio XI. Pontifice Maximo, Sacroque Cardinalium Collegio orationem habuit summo auditorum plausu: deinde aliam ad Sacrum Collegium pro eligendo Summo Pontifice in postremo die Exequiarum Innocentii XI. Denique aliam in Basilica Lateranensi coram Alexandro VIII.

46. Hic adeo magni faciebat Martini merita, ut ei ad pedum oscula accedenti saepissime dixerit, num quid vellet? significavirque semel iterumque, ornaturum se illum dignitate amplissima, ubi primum adveniret opportuna occasio. Per decem autem annos, quibus Romae vixit Martinus, nulla alia dignitas, quae illius animum alliceret, in Regno Valentiae, nec in Dioecesi Bertusana, in qua erat

erat natale solum Martini, vacavit praeter Ecclesiae Alonenfis Decanatum, quem ipse veluti necessitate adactus a Pontifice Maximo petivit, obtinuitque altero die postquam supplices dedit Codicillos. Quos cum Innocentius XII. accepisset, lapideo stilo voluntatem suam declaravit in averſa charta, verboque adjunxit, *videri ſibi Prae-bendam illam tanti viri meritis imparem*. Idque dixit Martino Cardinalis Panciarius, eo tempore Prodatarius, Martinique egregius admirator.

47. Cauſſa petendi Decanatum haec fuit. Ludovicus Cerda Eccleſiae Princeps, Caroli II. Hispaniarum Regis Orator in Urbe Roma, optabat habere apud ſe Emmanuelem Martinum. Cardinalis Aguirius, qui tunc erat Neapoli valetudinis recuperandae cauſſa, contendebat cum non dimittere. Aſebat enim Martinum veluti pedes manuſque ſuas eſſe, ſiquidem in ejus ſedulitate & induſtria famam ſuam depoſuerat. Hanc contentionem augebat clariffimorum viro- rum aemulatio, accedentibus etiam occultis ſimulatibus. Cum autem videret Metymnenſium Princeps, precibus ſe nihil obtinere poſſe; vim adhibere tentavit. Scripſit matri ſuae, ut ab Hispaniarum Rege literas impetrare curaret, quibus Cardinali Aguirrio juberet, ut ſinceret, Emmanuelem Martinum eſſe apud ſe. Quod impigra femina enixis precibus uſa, facillime obtinuit. Itaque Martinus, qui mallet Romae manere ſub tutela Principis Eccleſiaſtici, cujus amorem & beneficentiam expertus fuerat, quam apud ſaecularem, licet excelsi animi, ſpes captare incertas; neceſſitati ſervire coactus fuit: ſequutusque eum fuiſſet Neapolim ad Regni Praefecturam proficiſcentem, niſi profectionis tempore aeger fuiſſet, decubiſſetque cujuſdam malefici cauſſa, quod ipſa venefica conſeſſa fuit, & ob illud crimen ſulſibus vapulavit. Ipſo die quo Ludovicus Cerda ingreſſus fuit Neapolim, alia porta Aguirrius egreſſus fuit, ut ejus alloquium fingeret: cumque Romam perveniſſet, Martinus, ei reſtituit claves Bibliothecae, cujus ipſe Cuſtos Praefectusque fuerat. Opportune tunc Alonenſis Dignitas vacavit, quam, cum petere Martinus decreviſſet, facile obtinuit, & reſidentiam poſcente dignitate, in Eccleſiam ſuam proficiſci ſtatuit. Martinus igitur, & novae dignitatis nuncium, & cauſſam in Hispaniam redeundi detulit ad Eccleſiae Principem, qui de ejus dignitate multum illi gratulatus, reſpondit ſimul,

simul, aegre se id ferre, quoniam a sua spe se videret defectum.

48. Eo tempore, anno scilicet MDCXCVI. Martinus in aedibus Sapientiae utriusque Juris lauream accepit; moxque iter in Hispaniam suscepit: quod partim navi, partim pedibus confecit. Nam Roma Barcinonem navigavit: inde pedibus Oropeſam pervenit, trajecto Rubricato, ascensis Scalas Hannibalis, Tarracone, & Dertossa, quantum per angustias temporis licuit, lustratis. Patre suo salutato, Alonam se contulit: in quam Urbem pervenit ejusdem anni die penultimo; Dignitatis suae possessionem iniit; & anno MDCXCVII. incunte sacros Presbyteri Ordines suscepit usus interstitiorum venia, quam secum in eum finem ab Urbe attulerat; quo tempore annum agebat quartum & tricesimum.

49. Biennio elapso de substituto cogitare coepit, propterea quod exagitabatur contumacissimis capitis doloribus provenientes ex maritimis illis & meridionalibus ventis natura sua humidissimis, qui Alonam infestare solent. Qui capitis dolores, praeterquam quod assidui erant, adeo etiam graves & peracuti, ut noctes insomnes transigeret; accedente vomitu molestissimo, per quem ejiciebat magnam copiam bilis flavae ac porraceae. Accedebat praeterea, hominem assuetum maximorum virorum consuetudini, eorum desiderio literarumque tabescere, quas in illo Emporio colere pro votis non poterat. Itaque Romam remigrare cogitabat. Neque levis momenti haec caussa fuit, ut ei Pontifex concederet facultatem eligendi Vicarium: nam petentis aetas adhuc erat tenera, & residentiae tempus nimis breve. Anno igitur MDCXCIX. sibi Vicarium coopravit CL. Josephum Anastasium Martinum, probissimum & prudentissimum virum, qui Matriti decessit anno MDCCLXXI.

50. Emmanuelem Martinum Romam ire cupientem plurima negotia invaserunt, quae consilium ejus retardarunt, & coegerunt cum in Hispania manere. Triennio tamen posteaquam Alonae fuerat, Valentiam, Urbem amoenissimam, saluberrimamque migravit, sperans ibi fore, ut major occasio esset communicandi cum viris doctis. Et profecto in ea Urbe sibi arctissimo necessitudinis vinculo conjunxit nobilissimum virum Jo. Basilium Castelvini Cervillionis Comitem, Vincentium Turreſium, ornatissimum eruditissimumque juvenem; Thomam Vincentium Tolſcam Valentinum Congregationis

Tom. I.

C

Ora-

Oratorii D. Philippi Nerii Presbyterum, Theologum summum, Compendii Mathematici Scriptorem celeberrimum, Philosophiae apud nostrates Instaурatorem egregium, denique virum morum suavitae & candore prope incredibili, qui Valentiae postea decessit mense Aprili, An. MDCCXXII. Vixit etiam conjunctissime cum Jo. Bapt. Coracciano Theologo sapientissimo, Philosopho & Mathematico insigni, Auctore *Arithmeticae Demonstratae*, quam juvenis in lucem emisit. Idemque postea scripsit *Vitam Sancti Petri Martiris*, & *Sancti Francisci Paulini*, quorum operum stilus facilis aperiusque, suavissimos ejus mores candoremque referunt. Sed tamen edita ab illo opera, etsi doctissima, sapientiam ejus pro dignitate minime declarant. Nam modestissimus vir supprimit quam plurima scripta ad Mathesin spectantia: in cujus studiis vir laboriosissimus principatum tenet in Hispania: utpote qui annos LVI. summa animi contentione in iis insudavit. Neque hujus vigiliis parum debent scripta Thomae Vincentii Toscae, cui Coraccianus sua facile semper communicavit.

§ 1. Sed Martinus neminem sibi arctius conjunxit, quam Josephum Emmanuellem Mignanum e Trinitariorum Calceatorum Sodalitio, qui multum debuit Decani Alonensis monitis, & institutioni; tum etiam patrocinio, utpote illo fautore, Rhetorices Professor in Academia Valentina factus est. Quam professionem abiecit postea, ut Historiae scribendae vacaret. Itaque & *Bellum Rusticum Valentinum* scripsit, sive De Austriacorum Foederatorumque ingressu in Regnum Valentiae; & Jo. Marianae Historiam de Rebus Hispaniae gravissime continuavit usque ad obitum Philippi II. Hispaniarum Regis. Quam Historiam magnifice quidem, & eleganter, sed typographorum incuria parum emendatam, An. MDCCXXXIII. Hagae Comitum publicavit, & Ferdinando Borbonio, Asturum Principi dedicavit Hyacinthus Joverius, optimae spei adolescens, Illustrissimo Barone Jo. Theodorico Schombergio negotium promovente; urgente autem & peragente Gregorio Majansio, Patricio Olivenfi, & Antecessore Valentino, nunc Hispaniarum Regi a Bibliotheca.

§ 2. Hi erant praecipui Emmanuelis Martini amici. Quorum aliqui inter se amoebae Epistolas scribebant, jussitque Martinus, ut non nulli mutarent nomina. Unde factum, ut Jo. Basilii Castelvini

vinius Cervilionis Comes, diceretur Basilius Pyrgopalaëus, habita ratione nominis gentilitii, Gotholanorum lingua significantis *Castellum vetus*: Vincentius Turresius, Nicius Pyrgaeus, sicuti olim Joannes Victorius Rossus, Janus Nicius Erythraeus: denique Emmanuel Martinus, Theophylactus Arcus, ut praenomen nomenque suum exprimeret. Quo factum est, ut aliquando haec nomina in Epistolis manserint, etiamsi Inscriptiones aliae substitutae sint, ut Lector sciret, quis cui scriberet.

53. Hi omnes conveniebant in Bibliothecam Castelvianam plurimis optimisque libris instructam, Quam, cum Martinus versaret, invenit Manuscriptum pretiosissimum Cl. viri Ferdinandi Ruizii Villegatis, Poetae eximii, qui sub Carolo V. & Philippo II. Hispaniarum Regibus vixit. Fuit is discipulus magni Ludovici Vivis, & Gundisalvi Illescae, Historiae Pontificalis Scriptoris celeberrimi, Joannis Verzosae cordatissimi Poetae, Guiljelmi Budaei eruditissimi viri, aliorumque similium familiarissimus. Quanti fecerit Martinus invenisse thesaurum illum absconditum, declaravit ipse, tum in Epistola, quam scripsit Valentiae Edecanorum, An. MDCCII. ad Jo. Gabrielem Reginerium; tum in Praefatione ad Lectorem, quam Poetae illi praefixit postea, cum Mattiti esset anno MDCCV. Poetam illum praeclarissimum ab eruditissimo viro Nicolao Antonio obiter tantum laudatum, Hispanisque Scriptoribus incognitum (si excipias maximum virum Antonium Augustinum, qui in Manuscripta sua Bibliotheca habuit quandam illius Eclogam manu scriptam in obitum Ludovici Vivis, inscriptam Menciae Calabriae & Zeneti Principisfae; & Laurentium Vanderium, qui in *Philippo Prudente* inter Hispaniae decora recensuit) innumerabilibus mendis scatentem, ab exscriptoris inficitia Martinus vindicavit, purgavit, emaculavit, & e conjecturis emendatum pristino nitore restituit. Ornavit etiam eundem eruditissima Praefatione ad Hispanam Juventutem, cui dedicavit opus, mittens illud Cl. viro Jo. Basilio Castelvino, qui ejus editionem in se recepit An. MDCCV. cujus adhuc est debitor, spesque proxima est, propediem Venetiis liberaturum fidem suam.

54. Verum haec severioris studii veluti diverticula erant: nam ubi pedes fixit Valentiae, incepit e lingua Graeca in Latinam vertere Eustathii, Episcopi Thessalonicensis. Parecbolas in Homerum Poetarum

Principem, vastissimum opus, & ante illud tempus, ut insuperabile derelictum, vel propter ejus vastitatem, vel propter vertendi difficultatem: cum summa industria necessaria esset ad vertenda Latine quæ pertinent ad linguæ Græcæ cognitionem. At Laurentius Zaccagna, Bibliothecæ Vaticanæ Praefectus, Græcæ linguæ peritissimus, cum videret eas difficultates a Martino posse superari; cum ab Urbe Roma ille discederet, & in Hispaniam proficisceretur, praeclarum illud opus ei dono dedit, ut Latinum faceret, multum eum hortantibus Raphaele Fabretto, Philippo Bonarrota, aliisque viris eruditissimis. Summa igitur alacritate Martinus operi se accinxit, animos augente facilitate vertendi, quam ipse experiebatur. Accedebat Marchionis Villanovani auctoritas, qui Parisiis opus urgebat, promittens se curaturum editionem, eamque fore nitidissimam. Tanto autem ardore in illud opus incubuit, ut ne sibi quieti utilissimæ ad elucubrandum temporis pars, nocturni scilicet, elaberetur; reliquerit abjeceritque coenandi consuetudinem: eo consilio, ut Minervæ noctes consecraret. Unde incoenatus vixit septedecim annos, consuetudine illi veluti alteram naturam indente.

55. Dum Valenriæ esset Martinus, cupido ejus animum incescit; lustrandi antiquitates Saguntinas. Eo iraque se contulit, una cum juvene Cl. Vincentio Turrelio. Egregium illud prisce ævi monumentum lustravit oculis. Neque vero operam lusit. Extraxit enim e densissimis tenebris Theatrum quoddam ad eam diem ignotum, nec ulli mortalium observatum adnotatumque. Etenim Scriptores Valentini, qui res patrias consignaverunt, meras nugas deblaterant: cum non Theatrum id appellent, sed Amphitheatrum, pro amphora urceum. Quorum inscriam ipsa operis structura ostendit. Monumento illo lustrato Oropesam Patriam suam Martinus petiit, incunte anno tertio sæculi decimi octavi. Aliquot ibi menses commoratus, Valentiam rediit, ubi a mense Octobri anni MDCXCIX. sedes fixerat, ibique vixit jucundissime quatuor annos novemque menses. Quinto decimo enim Kalendas Augustas anni MDCCIV. Mantuam Carpetanorum sedes suas transtulit; cujus migrationis causa hæc fuit.

56. Ludovicus Cerdæ Ecclesiæ Princeps, Neapoli Matritum redierat Proregis officio functus. Cumque intellexisset, Decanum A-

Ionensem habere Vicarium, & Valentiae degere, antiqua desideria cum apud se habendi iterum animum ejus inceserunt. Literas misit ad Decanum, quibus impense rogavit, ut ad se veniret, invitans eum honestissimis conditionibus: quibus Decanus, si viri comis officii fungi vellet, adversari non poterat. Assensit igitur, & mense Julio Anni MDCCX. urbem regiam petiit. Quem ubi vidit Ecclesiae Princeps, exclamavit Deo se agere gratias; propterea quod tandem obtinuisse, quod per octo annos optaverat. Decano Alonensi domus erat praeparata, satis ampla, tabellis pretiosissimis instructa, ac omni supellectile. Ludovicus Cerda statim ei tradidit claves, tum Bibliothecae suae, quam Neapoli adyexerat, quaeque Marchionis Carpiensis fuerat; tum Musci, in quo erat collectio pretiosissima Numismatum auri, argenti, aërisque, quam Neapoli emerat, totque numismata continebat, ut ad septem millia numero pervenirent praetermissis virorum & mulierum illustrium, ac serie item summorum Pontificum. Erat praeterea magnus numerus Cimeliorum antiquorum omnis generis, ut signa aenea, claves, lucernae, sigilla, annuli signatorii, fibulae, armillae, strigiles, phylae unguentariae, acerrae, vasa sacrificalia, urceoli lacrymatorii, pondera, amuleta, abraxae, denaria, denique gemmae omnis generis, non eae quidem inertes, insanae avaritiae oblectamenta, & humanae fortis ludibria; sed scitae illae & elegantes, quarum amor non nisi illos tangit, quos philologia.

57. Incredibile dictu est, quanta voluptate perusus fuerit Decanus, cum se collocatum vidit in illis deliciarum campis: maximeque cum ei dixit Ecclesiae Princeps, nolle se ut numismata quae erant in Bibliotheca ad hortum sita, ibi manerent, sed velle ut secum in suum conclave ferret, ut commodius iis frueretur, & cum liberet, interpellante nemine, ordinare posset.

58. Existimabat Decanus se mortalium omnium fortunatissimum esse. Lucullorum Crassorumque divitiae prae illis, quas tractabat ipse, sibi sordebant. Fuerat enim semper Historiae rei nummariae amantissimus, votique compos factus, omnem animi mentem ad illam appellere volebat. Quod ille faciebat eo majori cum fructu & voluptate (sine quibus studia literarum inania sunt & vanissima) quo magis iis doctrinis animum ornaverat, quae maxime conducebant ad totius antiquitatis ideam veluti ante oculos repraesentandam.

dam. Disciplinarum enim orbe animum instruxerat, ratus studium nummariam, utpote mutum, absque omnigenae eruditionis notitia instructuosum esse. Quo literarum praesidio qui destituti sunt, humilissimi studia, curiosa magis, quam utilia existimant. Nimirum isti Albii assuevere pecuniam valore solum aestimare; & perinde quasi nunc vigerent illa tempora, in quibus aurum, argentum, aes, rudia adhuc erant, neque conflabantur feriebanturque, sed solo pondere aestimabantur; persuaserunt sibi, antiquitatis observatores prodigere tempus, operamque ludere, dum prisca illa monumenta intuentur & contemplantur: ignari prorsus, certissima veritatis monumenta, & incorruptae Historiae notitiam inde erui. Nam studium hoc metallicum muta quaedam Historia est, in qua videtur id ipsum quod in libris legitur, & multo plura quam quae leguntur. Per illud enim obijciuntur oculis ipsis Imperatorum successiones, uxores, liberi; horum omnium vultus ad vivum expressi, ut conjiciatur aetas; & quod est mirabilius, facie ipsae gestae. Praeterea oculis ipsis intuentur proponuntur, fabricae publicae, ut templa, aquaeductus, pontes, portus maritimi, theatra, arcus triumphales, & similia. Discuntur etiam in numismatis sacri prophanique gentium ritus, Sacerdotia, Magistratus, Collegia, adoptiones, mores militares, insignia, allocutiones, donativa, congiaria, conciones, arma, vestitus, expeditiones. Caerimoniae item, Deorum Deorumque nomenclaturae, quarum alioqui multae incognitae essent. Praeterea Orthographiae antiquae certissima ratio. Denique Tribunitia potestas, quae est thesaurus temporum.

59. Harum itaque rerum & similium cognitione instructus Martinus, versabat illa numismata tanto cum fructu & voluptate, ut miraculo esset viris eruditis, posse quemquam pervenire ad eam priscae aevi cognitionem. Quae tanta erat, ut Ecclesiae Principi, aliisque Hispaniae Magnatibus persaepe mirantibus repente Martinum declarare, quinam essent illi, qui in quibuslibet numismatis sibi oblatis designarentur, non semel dixerit Decanus, non inani sui fiducia elatus, sed suae conscientiae testimonio fretus, se, si Imperator aliquis imperii alti, quod in Gallienum definit, revivisceret, designaturum illum, manuque prehensurum, vel si occultare se vellet inter multa hominum millia. Sic igitur instructus, numismatis in

in seriem redigendis omnes industriae ac diligentiae nervos intendit, adjecta unicuique nota Chronologica anni, in quo percussus fuerat nummus. Ea quae pertinebant ad Caesarum seriem a C. Caesare usque ad Heraclium ordinavit. In alios ordines rejecit quae ad Graeciam utramque, & celebre illud antiquitatis theatrum, Siciliam, pertinebant. Grajos item Reges & Tyrannos ordine disposuit. Quae ad Romanorum pertinebant familias, seorsim centuriavit, & elementorum serie digessit, exemplo summi viri Fulvii Ursini. Hispaniae item Municipia & Colonias. Unde colligi potest, quanta voluptate perfunderetur, cum a prima origine per interruptas series Historiam Romanam, Graecam, aliarumque Nationum, contemplaretur.

60. Cum autem Martinus consideraret possessionem illam numismatum precariam esse; ne postea careret suavissimo fructu studiorum suorum, undecumque poterat, sibi numismata parabat: adeo pecuniae prodigus, ut ad emenda illa aliquando demeret aliquid de alimentis suis.

61. Cum Emmanuelis Martini eruditio nemini non esset nota, & ejusdem consuetudo jucundissima, ejus amicitiam ambiebat optimus & eruditissimus quisque.

62. Annus itaque agebatur hujus saeculi quintus, cum Matriti erat Antonius Felix Zondadarius, Archiepiscopus Damascanus, & Clementis XI. Pontificis Maximi Legatus apud Philippum V. Regem Catholicum. Is fratrem habebat apud se Alexandrum Zondadarium, Ecclesiae Senensis Archipresbyterum, Abbatem Divi Salvatoris, & Praepositum Pistoricensem, evesum postea ad Archiepiscopatum Senensem. Uterque summopere diligebat Martinum propter egregiam eruditionem, praeclarissimas virtutes, & eximium cultum. Cum igitur diu multumque cogitaret Martinus, quonam potissimum judicii genere memorem acceptorum ab illis beneficiorum animum mentemque significaret; nullum ei visum est, nec sincerius, nec praestantius, quam si aliquo studiorum suorum monumento initiae ab illis gratiae testificationem posteris exaratam relinqueret. Praesertim cum eo semper in Martinum fuissent animo, ut ingenium ejus & literas, maximi facerent. Igitur monumento literario utrumque sibi arctius devincire constituit.

63. Em-

63. Emmanueli Martino opportune venit in mentem, Epigrammatum Graecorum Collectione, quae *Anthologiae* nomine circumfertur, vix aliquod ad posteros pervenisse eruditionis antiquitatis monumentum, vel utilius, vel illustrius. Multi enim qui bene de literis meruerunt, longa oblivionis caligine obvolverentur, nisi eorum nomina, per illas veluti propagines ad aevum essent praefens transmissa & propagata. Multorum etiam scripta funditus intercidissent, quorum desiderium praefens sacculum conficeret. Accedit argumentorum varietas, sententiarum acumen, facetiarum lepore, multiplex rerum abstrusarum notitia, totiusque antiquitatis veluti complexus. Unde tanquam e penu locupletissima, quidquid libuerit, depromere licet. Tanti igitur operis dignitatem cum animo suo reputantem Martinum subiit cogitatio de Auctore ejus Collectionis: praesertim cum videret eam rem eruditorum peritque ignotam, aliquibus vero non bene compertam: omnibus denique negotium facessere. Quae quidem cura cum acrius Martinum pupugisset, omnes jam adhibuerat nervos, ut illam rem erueret, operisque altius se accinxerat; cum incidit opportune in Epistolam quandam Leonis Allatii ad Gabrielem Naudaeum, quae exstat in Responsis Fortunii Liceti ad Quaesita per Epistolas. In qua vir ille eruditissimus Martini diligentiae praecurrerat, consulto etiam insigni illo Palatino Codice, nunc Bibliothecae Vaticanae, quem Martinus illi rei indagandae accuratius evolverat, copiam sibi faciente Laurentio Zaccagna, ejus Bibliothecae Custode, sibi, quamdiu egit in Urbe, omnibus officiis conjunctissimo. Igitur ab ea cogitatione tum retractus, alio animum adjecerat. Tametsi non diffideret, se illa ipsa quae Allatius scripserat, longe uberius, atque enucleatius, mandare literis posse. Nam ille, ut canis Nilum, obiter tantum ac in transcurso, argumentum illud delibavit potius, quam absolvit. Totius autem rei accuratius explanandae cupidine quadam, cum Matrioni esset Martinus, denuo tactus, ea quae super illa re comperta sibi erant in medium proferre voluit; confusus fore, ut suus ille labor, Graecarum literarum studiosis, nec inutilis omnino evaderet, nec injucundus. Disputationemque illam sane quam implexam, sibi enodandam suscepit, enodatamque misit Alexandro Zondadari fautori suo. Cujus disquisitionis summam, quam ipse Martinus confecit,

fecit, misitque eruditissimo viro Gaspari Mendozae & Segoviae, Marchioni Mondexarensi, & Agropolitano; operae pretium est huc transcribere pene ad litteram.

64. Primus omnium qui Graeca Epigrammata collegit, fuit Meleager quidam Phoenix, Eucratis filius, Patria Gadarensis, qui vixit sub Seleuco Philopatore, Antiochi Magni filio, qui Regnum iniit Olympiadis c x l v i i i . anno primo, Aerae Seleucidarum c x x v i . ante Christum natum c l x x x v i . Eamque Epigrammatum Syllogen inscripsit *coronam*. quam texuit ex Poetarum a se collectorum nominibus, suo cuique tributo, vel flore, vel fructu. Cujus Coronae pancarpiae exemplar Martinus attulit, exscriptum ex vetustissimis membranarum Palatinis, quae Heidelberga Romam translatae fuere, & nunc exstant in Vaticana Bibliotheca. Post Meleagrum, Philippus Thessalonicensis, aemulandi studio, ut ipse fatetur, novam Collectionem orditus est, quam itidem appellavit *Στίφανον*, tanquam accessione[m] quandam ad Meleagrean. Quod constat tum ex Scholiaste *ad ἄλφ.* ad oram Codicis Palatini, tum ex ipsius Philippi *Corona*. Vixit hic Auctor temporibus Caesaris Dictatoris & Octaviani Augusti. Quod docent ejus Epigrammata, in quibus utrique impudenter blanditur. Narrat praeterea tanquam eo tempore evulgatum portentum illud de palma sub statua Caesaris inter coagmenta lapidum Trallibus enata & Tarracone in ara Augusti. Meminit etiam navalis pugnae ad Actium. Tertius Epigrammatum Collectioni manus admovit Agathias, sive Agathius Scholasticus, Memnonii Rhetoris & Pericleae filius, patria Myrinaeus, ex Urbe Myrina, in Asia minori Aeolensium Colonia ad ostia Pythici fluvii. Hic Smyrnae Jurisprudentiam publice professus est, unde illi cognomentum *Scholastici*. Floruit sub Justiniano Imperatore, cujus res gestas consignavit literis post Procopium Caesariensem. Hic igitur novam quandam adornavit Collectionem, quam inscripsit *Κύκλον*, teste Suida. Etsi Agathias in Praefatione ad suam Historiam, non *Circulum* ab se fuisse inscripta ea Collectanea prodit, sed aptiore vocabulo, *συλλογὴν*. Quam nuncupavit Theodoro Decurioni. Deinde Constantinus quidam cognomento Cephalas, haec eadem Epigrammata, quae literarum ordine fuerant digesta, in unum confudit, divisitque in capita diversa: separatim nempe *ἱστορικά*, & *ἀναθηματικά* & *ἐπιτύμβια*, &

Tom. I.

D

&

& *indivisa*, ea ratione qua hodie in Codice Palatino digesta sunt. Quae omnia diserte tradunt Scholia marginalia anecdota ad *Coronam* Meleagri. Tandem Maximus Planudes Monachus Constantinopolitanus, qui An. mccc. xx. florebat, Collecta veterum studio Epigrammata amputavit sine ingenio, sine judicio. Multa enim ex illis demersit, quibus defraudare posteros piaculari fuit. Multa reliquit, quibus carere sine iactura facile possemus. Sed homo lepidus ex ingenio & capto suo caeterorum studia dimensus est. Nihilque existimavit aliis voluptatem allaturum: praeter ea quibus ipse delectaretur. Quamquam aliqui doctus, ut testantur non pauci ingenii sui egregia monumenta. De Anthologiae Collectore ita Martinus.

65. Neque minori obsequio sibi demeruit Antonium Felicem Zondadarium, quocum sermones cum sereret, ut sunt fere colloquia, & varia, & aliud ex alio elicientia; casu Theatri Saguntini incidit mentio. Quod cum a se delineatum, omnibusque numeris expressum dixisset; Antonii Felicis Zondadarii pervasit animum illud videndi cupido, una cum Notis, sive Descriptione quadam a Martino adjecta obscurissimae rei explanandae gratia. Tenebatur enim vir ille incredibili antiquitatis amore. Cujus rei Sagunti praeclarum reliquit testimonium. Cum enim Martinus eo se contulisset, antiqua illa monumenta visendi gratia, legendisque Inscriptionibus operam daret; animadvertit literarum ductus atro quodam bitumine illitos, quo leviores opera legi possent, oculique minus laborarent. Cumque Martinus rei novitate percussus, a Mignana quaesivisset. Quisnam mortalium tam accurata diligentia usus? certe nostratem non esse: respondit Mignana: Illustrissimum Zondadarium Legatum Pontificium, qui proximis diebus illac transierat, Roma adveniens. Praeclarissimum igitur monumentum illud Zondadarii Martinus ob oculos posuit, eidemque simul tradidit eruditissimam illam Epistolam de Theatro Saguntino, quam inter suas publicavit Gregorius Majansius, Generosus Valentinus, & ante eum eruditissimus vir Bernardus Monfalconius Benedictinus in celeberrimo opere *Antiquitatis illustratae*. Neque contentus fuit Martinus Theatrum illud sibi suo nobilitasse; sed ut ejus diuturnitati incolumitatieque, quantum fieri posset, consulere, undecimo Kal. Aprileis An. mdccv. publice literas

teras dedit amplissimis spectatissimisque Quatuorviris Saguntinis, caeterisque Decurionibus, per quas eos exhortatus fuit ad lacera illa & discepta Urbis fide ac virtute nobilis & aerumnis indytae membra asservanda: enixeque oravit, ne sinerent dirui, excindi, evertique, praeclara illa monumenta, pristinae gloriae indicia. Quatuorviri Saguntini (Josepho Emmanuele Mignana eorum jussu rescribente) Emmanueli Martino gratias egerunt Eidibus Aprilis ejusdem anni; pollicitique sunt, non alirer ac carissima pignora curaturos se illa rudera conservare immunia ac libera ab omni maleficio ac injuria.

66. Per illa tempora forte Matriti aderat Joachimus Alcarazius Valentinus, adolescens melioris ingenii, quam judicii, quique ante aetatem nimis sapere sibi videbatur. Hic Decanum adibat, eruditionem ejus suspiciebat, & ad alstra ferebat. Martinus adolescentis spes mirifice fovebat, & quantum poterat non solum consiliis monitisque promovebat; sed etiam institutionibus Graecis illum imbuat, rogatu patris hominis sanctissimi, & juvenis obsequio. Scripta sua facile ei communicabat, & inter alia Descriptionem illam Theatri Saguntini, describendam dedit. Quae res occasione postea dedit maximis turbis. Ille vicissim quicquid exarabat, deferrebat statim ad Martinum. Scripsit *Socratem*, sive *De Felicitate Sapientis Dialogum*. A Decano enixe postulavit, ut opusculum illud recognosceret; nam nisi ita faceret, juravit, se illud traditurum flammis. Precibus devictus Decanus legit illud opusculum; cumque animadvertisset, nihil aliud esse, quam Ciceronis centones pessime confutos, candide & amice indicavit ei judicium suum. Quod adeo aegre tulit Alcarazius, ut ex eo tempore averfa fuerit voluntate in Martinum.

67. Hic, posteaquam numismata digesserat, Dissertationesque illas de Veterum Epigrammatum Collectore, & de Theatro Saguntino conscripserat, inter vertendum Eustathium Homericum (a quo nunquam penitus discessit) alio mentem intendit. Vertit enim Historiam Olympiadum Phlegontis Tralliani, Imperatoris Hadriani liberti doctissimi. Qua versione felicissime ad exitum perducta, parare coepit adversaria, conficiendarum Notarum gratia in Olympiadas illas. Cum autem libris necessariis ad perficiendas Notas careret, alio animum intendit.

68. Semper amantissimus fuit M. Tullii Ciceronis, quem non minus suspexit ob admirabilem illam eloquentiam, quam ob philosophandi praestantiam. Cum igitur anno hujus saeculi sexto Ciceronis quartum Tusculanarum librum legeret, lectione illa inflammatus, quodamque veluti oestro percitus incoepit scribere *Traſtatum ΠΕΡΙ ΠΑΘΩΝ*, sive *De Animi Affectionibus*. Opetis idea nova. Primum ponit quatuor radices principales, unde oriuntur omnes affectiones nostri animi, tanquam fibrae; sequuntur semiaffectiones; & has affectionum veluti proclivitates. Separat enim eas, quae sunt rerum quas sequimur ab iis, quae sunt rerum quas fugimus & odimus. His accedunt ingeniosissimae aliae subtilitates, quae propter novitatem exquisitae disputationis, legentis animum alliciunt. Emmanuelis Martini consilium in hoc opere erat, manifestare & patefacere radices & causas affectionum, vimque uniuscujusque. Modus cogitandi, concipiendi, edendique sententias, validus, perspicuus, acutus. Opus tamen ipsum imperfectum. Nam licet anno sexto, summo conatu illud scribere aggreſſus fuisset, & per intervalla temporis, incredibili alacritate continuasset anno sequenti; tamen scriptionis filum abrupte coactus fuit, de tranquillitate mentis dejectus. Nam ea tempeſtate bello saeviente Martini Patria periit, domus ejus transmigrauit, Pater decessit, Alona capta; cessaruntque omnia subsidia ad vitam tolerandam; quibus calamitates aliae supervenere. Unde maxima tristitia moerorque animum ejus invasit. Ex melancholia supervernerunt status hypochondriaci, qui perseverarunt quatuor, aut quinque annos, quibus non homo, sed hominis simulacrum videbatur. Itaque, licet Decanus in animo haberet, Dissertationem illam absolvere, & exornare, quem in finem parata habebat adversaria pretiosa; tamen, cum, adhortante & urgente Alexandro Zondadatio, qui & editionis impensas promittebat, saepe tentasset perficere Systema illud Philosophiae Stoicae ad affectiones spectantis; nunquam absolvere poruit, quia nunquam valuit exaequare se ipsum, licet animo alacriori paucorum mensium negotium esset. Adeo ad perfecte scribendum animi alacritas conducit.

69. Annus exibat hujus saeculi septimus, cum Josephus Emmanuel Mignana Emmanuelis Martini judicio submisit Historiam suam *De Bello Rustico Valentino*, sive de Austriacorum Foederatorumque ingreſſu

ingressu in Regnum Valentiae. Legit Martinus perlibenter Historiam illam, & ut amico veteri morem gereret, famaeque ejus consulere, respondit, totam Historiae dictionem castissimam esse, & plane ad Romanas aures: ad Caesarem quam propissime accedere, nisi quod interdum crispiturer, delibatis a Sallustio quibusdam veluti gemmis, excitando auditori novi ornatus miraculo: fateri se candide, saepe inter legendum orationis vi ac venustate percussum ad invidiam usque fuisse permotum. Adeo illa affabre dedolata, & exacta ad normam Romanae eloquentiae. Unum id legentibus grave admodum ac permolestum futurum dixit, quod periodos aliquando & orationis tractus adeo produxisset; insertis longis parenthesen ambagibus, ut totam illam sententiam una vocis contentione pronunciare ne Hercules quidem posset, qui sine respiratione unum stadium decurrebat, vel gurgis ille, qui uno spiritu tres vini congios siccabat. Tametsi hoc vitio alterum librum minus jam laborare animadvertit Martinus. Qui liber rerum etiam varietate, civilium negotiorum tractatione, eventuum dignitate, sententiarum copia, describendarum rerum dexteritate, aliisque in eo praeclare digestis, priorem alterum facile antecellebat: in quo inops fere narratio, & aliquando jejunior. Quo morbo afflatus erat in primis operis exordium; nulla apparatus dignitate, nullaque consiliorum inter Principes initorum notitia insigne. Quare altius a Mignana id opus repetendum censuit, monuitque; causasque majori ambitu expendendas, quibus bellum illud exarsit: quae tantarum rerum molem, animorumque tam acre dissidium contentionemque, pro dignitate sustinerent. Praeterea adjecit Notas aliquas criticas, quibus stili aliquos defectus castigavit; adnotavitque sigillatim errores aliquos, uti falsitatem manifestam in aliquibus narrationibus, silentium in factis virisque memoria dignis; denique nimiam libertatem & immoderatum partium studium, in aurem ei susurrans illud Euripideum. *Qui sibi sapiens non est, ne quicquam sapit*: itemque illud *Nescis quid serus vesper vobis*. Hoc etiam in ejus Historia desideravit, ut nempe ad politica monita, quandoque diverteretur, exemplo Livii, ac Taciti, Thucydidis, ac praesertim Polybii: sine quibus Historia arida est atque elumbis. Est enim vitae institutrix atque magistra. Sed & diligenter eum adhortatus fuit ad exactam temporum notationem.

tionem. Qua sine nihil aliud sunt rerum gestarum narrationes praeter involucria quaedam & indigesta congeries. Duplici enim base nituntur memoriae simulacra, tempore, & loco. Quamobrem serio admonuit Mignanam, ut daret operam, magnoque opere adlaboraret, ut Chronologia, & Topographia in primis elucerent.

70. Haec quae Mignanae gratissima esse debuerunt, altius animum ejus penetraverunt. Itaque in speciem gratias egit; & ut ingenium humanum sui amans est, excusationem in aliquibus erroribus nimis longe petivit, ac pertinaciter sustinere voluit: cum prudentia exigeret, ut, si qua ei displicerent, leviter indicaret dissentiendi rationem, utereturque ipse libertate sua in amplectendis monitis, aut insuper habendis. Pertinacia igitur illa displicuit Martino. Quo factum est, ut amicitia vetus, & arctissima non nihil remiserit. Quamquam Mignana homo alioqui prudens, & famae apud posteros adpiscendae cupidus, re serius perpensa, plurima postea mutavit, emendavit, addidit, ut observavit summus amicus ejus Majansius, quem penes est Historia illa.

71. Sed quoniam semel iterumque Mignanae mentio facta est; ne tanti viri res silentio praetercantur, idoneum visum est de natura, cultuque ejus paucis dicere. Igitur Josephus Emmanuel Mignana natus fuit Valentiae Edetanorum Eidib. Octobr. MDCLXXI. Pubertatem egressus, nomen apud Sanctissimae Trinitatis Sodalitium professus est. Cum esset Tirunculus libros sacros fere omnes memoriae mandavit, maxime Historicos. Hinc Anno MDCCXXVI. cum discipulus idemque amicus ejus in Praepositurae Valentinae competitione sacrum textum enarraturus esset; unus Mignana facile potuit praelectionem omnem conscribere, nullis libris consultis, eruditissimis viris in scholastico pulvere versatissimis id multum demirantibus. Adolescentulus Neapolim superiorum permisso profectus est, ubi septennium vixit. Ibi linguam Latinam diligentius didicit: pingendi etiam artem edoctus est: atque suae dexteritatis praeclara postea monumenta Sagunti reliquit, ubi apud Coenobium Trinitariorum, in altari maximo duae conspiciuntur tabulae, quas ille depinxit. Neapoli in Hispaniam reversus Latinam linguam quadriennium docuit Liriae; quadriennium alterum Sagunti: deinde Rhetoricam aliquot annos in Academia Valentina. Cumque altiora cogita-

ret,

ret, a Rhetorices professione abdicavit se. Urbs vero Valentina abdicationi noluit assentiri, ne tanto Praeceptore Academia careret. Mignana tamen ex illo tempore neque Academiam ire, neque honorarium voluit percipere. Sic ostendit Valentina Urbs quanti Mignanam faceret. Ipse vero constantissime in suo permansit proposito, & otium nactus dedit se conscribendae Historiae. Ac primo scripsit *Bellum Rusticum Valentinum*, sive Historiam de Ingressu Austriacorum Foederatorumque in Regnum Valentiae. Quam Historiam a summo viro Emmanuele Martino lectam, & peracute emendatam fuisse supra dictum est. Ea vero cum Mignana decessit, surrepta fuit, & ab ejus amicis, Majansio praefertim, conquesta diu, inveniri non potuit, furaci manu eam occultante, & falso aliquibus jactantibus se penes esse; nolle tamen eam proferre, ne exemplorum copia vilesceret. Sed cum Gregorius Majansius vidisset olim autographum aliud a Mignana ipso missum ad virum eruditum; omnes nervos eo intendit, ut amici cujusdam ope sibi exemplum pararet, idque cogitat aliquando publici juris facere. Praeterea Mignana maximi viri Joannis Marianae *Historiam De Rebus Hispaniae* continuavit, & veluti uno eodemque filo deduxit ab obitu Ferdinandi Catholici Regis usque ad initium Regni Philippi III. Quo factum est, ut duorum praeclarissimorum Regum res gestas, Caroli scilicet V. & Philippi II. posteritati mandaverit: sub quibus Principibus Hispania maxime viguit floruitque armorum literarumque gloria. Certe ejus imperium nunquam tam late patuit, neque tanto fuit terrori. Atque hanc Historiam Mignana ita feliciter contexuit, ut facile ostenderit, quam multiplici rerum cognitione instructus ornatusque ad scribendam eam accessisset. Nam, si res spectes, quas Mignana refert, omnes sunt conspicuae, quarumque cognitio maxime utilis est ad publicam vitam privatamque. Neque ut doceat, fingit, sed summo adhibito judicio, & procul ab affectibus quos propriae nationis amor excitare solet, civilia narrat prout contigerunt; religiosa sine superstitione; omnia summo veritatis amore; paribus laudibus externa, ac nostra celebrat; eadem libertate nostratum vitia, ac exterorum vituperat. Atque ita singula persequitur, ut eventuum causae progressusque, & exitus pernoscantur omnino; neque negotia cum negotiis confundantur; sed singula narrentur suo loco & ordine.

ne. Dictio videtur Juliani aevi, & ad Plauti stilum conformata. Mirifica in verbis proprietas est: oratio nervosa atque gravissima: ut agnoscas virum robustissimi judicii. Acuto utitur dicendi genere, eoque saepe velut interciso. Plura refert quam dicit: ut lectorem postulet attentum, & minime somniculosum. Orationes solet intermiscere, semper opportunas & probabiles; plerumque obliquas, C. Caesaris imitatione. Merito igitur critici Trevulsienses summis laudibus Historiam hanc extulerunt. Verum iidem eximium veritatis amatorem Joannem Marianam, sodalem suum, ut Hispanorum adulatorem, parum considerate reprehenderunt; factique res omnium oculis propositas, & a Gregorio Majansio non solum Hispane, sed Latine etiam ad litteram expositas, falsitatis arguere, nimis confidenter ausi sunt. Sed de his uberius suo loco, & tempore. Marianae Continuationem Mignana scripsit duodecim annorum spatio, absolvitque decimo sexto die ante obitum suum, qui contigit sexto Kal. Augustas Anni MDCCXXX. magno omnium dolore, amisso viro piissimo, eruditissimo, modestissimo. Decessit Valentiae tertium Cecnobiarcha. Bis praeterea fuit Provinciae Aragonum Visitator Generalis, Quae munera administravit prudentissime. Praeterea Historias laudatas reliquit *Saguntinica*, sive Poema de Sagunti excidio: quod opus aggressus est magno spiritu. Sed solo conatu contentus est. Servat Gregorius Majansius Fragmentum hoc ex autographo descriptum; & ejusdem aliquot *Epistolas* ad eruditissimos viros Janum Vincenzium Gravinam, Joannem Basilium Castelvini, Cervilionis Comitem, Joannem Baptistam Coraccianum, aliosque. Pleraque earum (sicut & Saguntineis) ipsius Mignanae manu exaratæ permanent apud Hyacinthum Joverium. Ad Emmanuelem Martinum datae nunc publicantur; quae vero ad Majansium, inter hujus Epistolas editae fuerunt. Idemque cogitat edere eruditissimum *Dialogum De Theatro Saguntino*, & Opusculum *De Circo*, si utriusque libelli exemplum ad se miserit quidam nobilissimus Vir. In omnibus Mignanae scriptis gravitas est mirifica, Latinae linguae summa proprietas: illam habebat ab ingenio suo; hausit hanc ab auctoribus optimis, praecipue a Plauto, quem memotiter recitabat: ut qui per multos annos singulis noctibus antequam iret cubitum, comoediam legerat, stili formandi gratia. Graecam linguam callebat, adeoque
maxime

maxime delectabatur Novo Testamento Graece scripto legendo. Quam linguam adeo amabat, ut morti proximus Orationem Dominicam Graece recitaret, existimantibus Monachis qui aderant, delirare illum. Itaque ad extremum usque spiritum eruditus piusque fuit. Hic igitur fuit Iosephus Emmanuel Mignana, cui inter Martini discipulos locus princeps debetur; ab hoc enim & praefens, & per literas edoctus est: & summi viri obelismi maximo ei incitamento fuere ad aggrediendam *Historiam De Rebus Hispaniae*, immortale opus, cujus singulos libros vix Mignana absolverat, cum recognoscendos tradebat Gregorio Majansio; quocum se prudentius gessit; nam ab eo in plurimis admonitus, semper egit gratias; & si qua in re dissensit, filuit; resque nonnullas sicuti ipse scripserat, reliquit; Majansio minime repugnante, cui in illo agro nec serebatur, nec metebatur. Et tamen defuncto Mignana, quicquid vellet potuisset mutare; tamen omnia reliquit intacta, misitque autographum ipsum ad Petrum Hondtium, Historiae illius editorem.

72. Sed pro instituto scribentis de Mignana satis. Et Emmanuelis Martini calamitates misericordiam excitant. Interea jacebat summus vir aerumnis oppressus. Nam diruta patriae moenia, excisum natale solum, domus everfa, familia laribus avulsa. Et quod omnium longe erat miserrimum, ac vix ferendum, nullo crimine impia: imo egregia erga Regem fide, & exantlatis pro dignitate retinenda laboribus clara. Quamobrem jacebat maximo in luctu ac squalore: tanto literarum fastidio, ut Eustathii versionem, quam ad illud usque tempus tam feliciter promoverat, quamque volebat esse ingenii studiorumque suorum immortale monumentum; pene flammis commiserit. Quod cum rescisset Exc. Princeps Gaspar Mendoza & Segovia, Marchio Mondexarenfis & Agropolitanus, ut homini calcar adderet, & exemplaris inopiae subveniret; Joanni Serresio Gallo, Congregationis Jesu Presbytero, quo Martinus jamdiu utebatur valde familiariter, tradidit alterum Eustathii *παρισχολῶν* volumen in Homeri Iliada, ut illud suo nomine Martino offerret. In qua re vir summus non tam usura beneficii commoveri se sensit (quanquam eo quoque maxime obstrictum se confessus est) quam occasione conveniendi tanti viri. Quem multos jam annos ignoratum licet singulari observantia colebat. Ex quo nempe Romae clarissi-

Tom. I.

E

mum

num illud Hispaniae lumen dignissimumque purpuratum Josephum Aguirium saepe audiverat, de illo praedicantem, buccinantemque, Dissertationesque illas ejusdem legerat, succi plenas, altissimae eruditionis, subactissimi judicii. Itaque tanto illius Principis beneficio factum est, ut Martinus maxime gauderet, parere sibi ad illum aditum, singulari famae beneficio. Quod sibi jucundissimum in illa foedissima temporum procella rerumque omnium jactatione, Qua quo minus a constantiae gradu fuisset dejectus, uni literarum subsidio referebat acceptum. Ex eo itaque tempore coepit Martinus crebro literarum commercio tanti viri frui. Marchio Hispanae, Latine Martinus scribebat, sic illo jubente.

73. Abditus erat ille Princeps in oppido suo Mondexare, nihil praeter literas curans, exteris in maximo honore, literarumque fama propter exquisitam eruditionem; Hispanis plerisque oblivioni traditus ob doctrinam supra vulgi captum. Ex eo tempore Decani judicio (quem de facie non noverat, etsi vehementer cupiebat eum videre & alloqui) opera sua coepit submittere: nec aequiore animo laudes, quam censuram accipiebat: quae profecto erat libera & severitatis plena. Adeo ut graviter Martinus castigaverit stilum ejus laciniosum, atque extra argumenti fines excurrentem. Vehementer cupiebat eruditissimus Princeps Martini frui colloquiis; item Martinus avolare ad eum, & quam arctissime complecti. Sed remorabantur anni tempestas animique sollicitudo, qua pendebat incertus obscura & caeca expectatione rerum, saevaeque illius armorum procellae, quae in omnium capita ingruerat. Quamobrem foeda contagione ita aegrescebat animus ac decumbebat, ut a moeroris morsu vix posset divelli; nedum hilaritates & oblectamenta cogitare: quorum se ex congressu illius infinita copia perfunderet. Quando igitur nihil apparebat, quo aegritudo illa leniri quiret, & dies crassina instaret semper hesternae luridior ac tetrior; rejicere constituit Martinus illam cogitationem in mitius anni tempus (hyems tunc saeviebat) decrevitque Aprili mense anni MDCCVIII. excurrere ad Mondexarenses Principem, & in sinum amplexumque ejus venire. Advenit Aprilis, non tamen facultas veniendi in illius conspectum: siquidem praecisa fuit iniquitate temporum, quae nihilo meliora. Sed & paullo post omnis spes abscessit. Nam cum Marti-

Martinus jam vellet ad eum proficisci, ecce nuncium tristissimum, Marchionem Mondexarenses funestissima febris correptum decessisse pridie Kal. Septembris An. MDCCVIII. aetatis suae octuagesimo primo. Quo certe nuncio nihil accidit Martino unquam funestius, nihil acrius animum perculit ejus. Non quod sibi haberet persuasum, fore ut id aetatis homo diu apud mortales perennaret; sed quod uno veluti agmine sibi occurrerent durissima temporis conditio, aerumnosissimi viri solitudo tristissima, quatuor filiorum transfugium, totque tantorumque scriptorum volumina ineptissimorum hominum ludibriis exposita. Respiravit tamen postquam allatum est, optime illum cordatissimeque avitis bonis reique familiari consuluisse, exheredatis filiis, ac in nepotes translato patrimonio: quae una erat acerbissimo illo tempore incolumitatis via. Nec erat quod multum doleret liberorum sortem, quando nullus casus a paterni nominis famaeque hereditate illos posset dejicere. Quae omnium splendidissimum est patrimonium. Dolendum sibi tamen dolorem suum existimabat, qui optima sui parte, amico nempe integerrimo, interierat. Cujus erga se amoris ac benevolentiae, quoquo se vertebat, vestigia. Putabat etiam moerendum Hispaniae, cui acutissimus ille Historicae veritatis oculus, erutus fuerat, lumenque illud extinctum, quo allucente tot remotissimae vetustatis perscrutatae latebrae, tot impostorum fraudes circumventae. Sed ea erant Hispanae gentis stupor atque vecordia, ut plagam illam, qua literis major vix infligi potuit, non modo tanquam levem contemnerent; sed omnino non sentirent. Quod extremum dehonestamentum esse Martinus censebat. Miserum enim reputabat, tantum virum amisisse; sed longe miserrimum, ignorationem jacturae. Quippe illud pertinet ad humanae naturae sortem; hoc autem ad hominum ignaviam & socordiam. Quamobrem saepe tanti viri conditionem miseratus fuerat, qui patriam sortitus esset, ad humaniora studia, amoenioresque literas inermem. Quo factum fuit, ut per totum fere vitae curriculum cum larvis sibi fuerit luctandum, & nugatorum umbris: quamvis alioqui nihil fuerit eo, nec moribus magis compositum, nec sermone temperatius, vel alienius ab inferenda injuria. Opera ab ipso lucubrata, quorum Catalogum ipse paullo ante mortem ad Martinum transmiserat, quamplurima sunt. Nec lectori erudito ingratum

erit hic legere illorum omnium titulos, descriptos ex Emmanuelis Martini ad Alexandrum Zondarium Matriti degentem Epistola, data in eadem Urbe Regia postridie Eidus Septembris anni MDCCVII. Ordine tamen aliquantulum immutato, ut libri excusi a manuscriptis distinguantur. Catalogus igitur operum Marchionis Mondexarenfis, hic est. *Carthago Africana. Patronatus Sancti Fructi. Dissertationum Ecclesiasticarum tomus duo. De Praedicatione Sancti Jacobi in Hispania adversus Natalem Alexandrum. De vera Epocha occupatae a Sarracenis Hispaniae. Quae omnia formis typographicis excusa sunt praeter Dissertationum Ecclesiasticarum tomum secundum. In lucem etiam prodierit Notitiae Genealogicae Familiae Segovienfis. Qui Liber ipsi Marchioni dedicatus fuit a Joanne Romero & Cardenas, sub cuius nomine ille latere voluit. Reliqua opera ipsius manu, aut Andreae Arnaldi, qui ei fuit a secretis, & postea Hispaniarum Regi a Bibliotheca, exarata supersunt, partim apud Marchionis heredes, partim in Bibliotheca Regia Matritensi, quae communicari omnibus e republica esset literaria. Neque deessent qui publicationis laborem susciperent, si eorum favor adesset, quibus literarum incrementum curae esse debet. Manuscripta Opera haec sunt. De Mose Scriptore omnium vetustissimo. De Deo Carmelo. De vera origine Ordinis Carmelitarum. Fabula de Equabus Lusitanis Zephyro gravidatis, explosa. Monumenta Genealogica propriae Familiae de Segovia. De prima Migratione gentium in Hispaniam. Gades Phoeniciae. De Aera Hispanica. De origine & praxi impedimenti Consanguinitatis & Affinitatis. Instrumenta Historica Alphonsi, cognomento Sapientis, Hispaniarum Regis. Historia Familiae Mondexarenfis. Historia Familiae Montecatenorum. Historia Familiae Pontiorum de Leon. Notae & Observationes in Homeri Batrachomyomachiam. Notae in Satyram novam Iuvenalis, cum adjuncto Opusculo de Annis, Diebus, & Horis Romanorum. Scholia in Artem Poeticam Horatii. De Phalange, seu Testudine Macedonica. Hercules Gaditanns. De Etymologia Militis, ad legem Miles Dig. de Test. Mil. De Iudiciis Arcopagi. Epilogus Ordinum Militarium. De Conceptione Virginis Matris. Historia Comitum Barcinonensium, opus affectum. Miscellanea.*

74. Tanti amici jacturam aliquo modo sarsit Martinus, novo amico sese illi insinuante. Nam Joannes Interamnenfis Ajalaues, Frater Societatis D. Mariae de Mercede, cujus ingenii amoenitatem

Excursus

Excursus ad Musas, Hispanae linguae puritatem *Orationes ad Populum Christianum*, vertendi dexteritatem *Claudio Floridi Catechismus*, sili acumen *Epistolae Latinae*, doctrinae praeslantiam *Pistor Christianus eruditus*, satis demonstrant; e Salmantica, ubi Hebraicas literas profectabatur, epistolam ad Martinum dedit, v. 11. Kal. Novembris An. reparatae salutis MDCCVIII. quibus cum ad amicitiam ineundam provocavit: in quam admissus humanissime, deinde (rude donatus) Matriri omni officiorum genere quo potuit, sanctissime eam excoluit; charissimusque vixit Martino propter egregias animi ingenique dotes. Nam moribus fuit candidissimis, memoria tenacissima, eruditione varia, Poeta eximius, sive Hispanae, sive Latinae pangeret: in carmine Phaleucio ad invidiam usque mirabilis. Etsi Martino nunquam placere potuit ingenium illud puerilia sectans, perpetua Martialem recitandi prurigo, stilus duriusculus, & ex quo disertissimum Plinii senioris acumen imitari coepit, minus Latinus, etsi acutus, & affectate disertus.

75. Arctissimam etiam amicitiam habuit cum Francisco Rivio & Cardona, Comite Ferdinandi Nunni. Vir ille egregius literarum literatorumque amantissimus fuit. Scriptis etiam inclaruit, & plura nondum edita reliquit.

76. Sed nihil Decanus tanti aestimabat, quam quod Maria Alencastria Lavarentium Ducissa plurimi eum faceret, & eju; sermonibus multum delectaretur. Et vero id inter maximas Martini laudes recenseri debet: nam heroina illa (vestitu Jesuitica) praeter linguam Hispanam, & huic confasguineam Lusitanam, callebat optime Gallicam, Germanicam, Latinam, & Graecam. Erat Philosophia Peripatetica, Theologa insignis, in profana sacraque Historia versatissima, denique omnigena eruditione instructa, & meliore saeculo dignissima.

77. Hunc vitae cursum peragebat Decanus, qui, ut erat felicissimus, durare non poterat. Annus igitur hujus saeculi agebatur octavus, cum prava flatuum hypochondriacorum affectio acris multo quam antea, cum infestare coepit: adeo ut ad extremum vitae periculum eum adegerit. Symptomata erant adeo extraordinaria, ut nullo modo posset dare operam studiis, in quibus vitae jucunditatem ipse collocabat. Contigit etiam paullo post Moecenatis sui in Pam-

pilonensem arcem conjectio, quam subsequuta fuit mors initio anni decimi. Unde novus Decano dolor accessit & aegrimonia. Amici ei suaserunt mutationem aëris, cum Matritensis adeo adversus esset illius saluti. Statuit igitur Hispalim proficisci, cujus coeli temperatio suae congruentior. Sed ante profectiorem expedire debebat omnia negotia spectantia ad Bibliothecarii Antiquariiue munus, quod ipse obtinuerat. Interfuit igitur defuncti Ludovici Cerdæ Bibliothecæ aestimationi, quam fecerunt negotiatores librarii a Ducissa vidua electi. Eorum ignorantiam Martinus egregius raritatis notorisque librorum aestimator tunc maxime demiratus fuit: nam fere ejusmodi homines in Hispania vix librorum titulos noverunt legere. Deinde ipse Decanus numismata juridice aestimavit. Mox idem factum in Antiquitatum collectione, & in sex & nonaginta voluminibus in quibus copia erat mirifica graphidis exemplarium, ex quibus possent artifices multum proficere.

78. His omnibus expeditis, extremo Julio anni undecimi, Martito, postquam in ea Urbe septennium fuerat, Hispalim profectus. Carpetanorum fines egressus nulla siti vexatus, etsi regio illa oppidorum infrequentia, ac sterilitate soli, horrida atque tristissima, maximeque laborans aqua pessima, vel potius nulla: ipse autem is esset, qui aquae potui omnia posthaberet. Superata regione ea arida ac siticulosa, terrebat Decanus Marianus saltus, grassatorum maleficiis ac frequentioribus latrociniiis infestus. Rumor etiam percrebuerat obsideri viam iis, quos *Aegyptius* vocant. Quare praetrepida omnia ac formidolosa. Cum igitur & ulterius progredi, objectoque periculo occurrere, parum videretur consultum; & consistere, nimis grave molestumque; cum inter spem metumque fluctuaretur; vicit tandem animi fiducia; jactaque alea, conjecit se in saltum, quem pacatissimum expertus, Illiturgim pervenit VIII. Eidus Septembris: postera autem die Cordubam se contulit; sequenti Astigin, non incolumis tantum; sed & alacrior propterea quod quicquid erat itineris retrum, ac periculofum, id totum feliciter consecerat. Quod autem supererat, voluptatem potius afferebat, quam vel languorem, vel aliquam animi aegritudinem. Via enim undique Naturae opes ostentans vineis & olivetis, spectaculum exhibebat, oculis

lis & animo gratissimum. Cicurata denique omnia, & mitior soli facies. Postera die Carmonem tenuit; altera Hispalim.

79. Dum iter perageret, in omnibus oppidis, in quibus vel tantillum morabatur, diligenter sciscitabatur, num aliqui essent qui haberent antiqua numismata; aut numquid alicubi reperirentur Inscriptiones aliquae, sive prisca aliqua monumenta. Praeterea ibat ad aurifices, aurichalci artifices, & fabros aerarios. numismatum quaerendorum gratia. Ad eos enim in Hispania deferri solent ejusmodi thesauri. Neque sane operam lusit.

80. Ingressus Hispalim recepit se in magnificentissimas aedes, quas ibi habet Excellentissimus vir Nicolaus Corduba, Marchio Priegi, Ludovici Cerdae Metymnensium Principis successor, filiusque lectissimae feminae Feliciae Cerdae, defuncti Principis sororis. Ibi diligentissime curavit, valetudinem multum debilitatam benignitate soli firmare. Quam ubi aliquantulum recuperavit, Antiquitatum investigationi se torum dedit.

81. Ac primum permotus fama Italicae, clarae natalibus Trajani & origine Hadriani, qui Romanum Imperium tanta cum Hispaniae gloria tenuere; eo se contulit, comitatus Francisco Laelio Laevanto, Archidiacono Iliplensi, ac Luca Valdesio celebri Delineatore, & Mathematico. Ibi, e proximo oppido, quod Sanctus Pontius vocatur, accersitis fossoribus, jussit eos fodere variis in locis, ut antiqua rudera eruerent, & si qua laterent monumenta, patefcerent. Ambulationis fructus praecipuus ut incideret in celeberrimum illud Amphitheatrum Italicense, orbi literario ignotum antea. Cujus Amphitheatri cum faciem superstitem, ab se accurate delineatam, tum Ichnographiam, misit postea Bernardo Monfalconi, per quem illa lucem viderunt publicam in *Antiquitatis illustratae* egregio Opere. Ejus autem Amphitheatri integriore sane fruerentur aspectu, siquidem Hispalenses, praeclarissimi monumenti reverentia tacti ab infligenda injuria sibi temperassent. Sed cum coemeto faxisque opus haberent ad murum struendum adversus vim fluminis, a quo Urbi exitum imminabat; publice decretum est, ut Amphitheatrum illud (quod in veteris Italicae vestigio adhuc exstabat pulcherrimum oppido atque integerrimum) funditus subrueretur, allatis eo tormentis, ac fuffosis scrobibus pyro pulveri admittendo, quo tota illa compa-

ges.

ges disjiceretur. Quod egregie factum. Nec tamen eventuseorum diritati plene respondit, obfistente veteri structura, quodam perdurandi amore.

82. Anno XII. elabentis saeculi pridie Nonas Januarias Hispali profectus ad portum Menestei. Dimidium itineris asperima pruina obrigit; reliquum coelo pluvio confecit: in Portum tamen incolumis pervenit postridie Nonas Januarias. Ibi aestatem transegit, & aestus molestiam commodissime vitavit apud amicum Flandrum. Veteres nummos, quotquot potuit, corrasit, novis insumtis. Inde Gades perrexit, ubi multo plura invenit, eaque Phoenicia, quae facile ibi reperiuntur, quoniam Phoenices Gadium conditores fuerunt. Inde gradum flexit, rediitque Hispalim salute jam confirmata, & alacriori animo; in quam Urbem reverfus, nihil antiquius habuit, quam ut Principis Alcalaei iussu executioni mandaret. Jussit ei Princeps, ut inventarium conscriberet librariae suppellectilis, quae adeo copiosa erat, ut sex mille voluminibus constaret. Invenit Martinius plus quam quingenta volumina, partim humore putrefacta, partim blattis tineisque exesa; quae, ne caeteros libros inficerent, procul abiecit. Bibliothecam illam optimis libris abundantem ex Italia advexerat Ferdinandus Afanius de Ribera Henricus Hispalensis, Dux Alcalae, Tarisae Marchio, Baeticae (ut vocant) *Adelantatus Major*, Ferdinandi filius, Ferdinandi nepos, Ferdinandi pronepos; qui Catalanos cum rexisset, praefuissetque postea Neapolitanis Siculisque, postremo in Italia Regis Vicarius fuit, & Administrator Ducatus Mediolanensis. Itaque summus ille vir, eruditus juxta ac nobilis (ut declaravit egregia Disputatione Hispanae conscripta *De titulo Crucis Jesu Christi Domini nostri*) cum in Italia bonarum Artium pareute ac nutrice esset, magnam librorum copiam acquisivit, congescitque; praesertim manuscripta quamplurima antiqua, Hebraica, Graeca, Latina, quae collocari jussit in loco separato. Ad librariam autem suppellectilem collocandam exstrui jussit coenationem: qua non facile capaciorem in Hispania reperies. Cujus praeter amplitudinem magnificentissimam, loci nitor splendidissimus, saluberrimus aeris asslatus, opportuni luminis hilaritas gratissima, thecae concinnitas eximia, pluteorum elegantia summa, insignium tabellarum ornatus egregii; ut aspicientium animos incredibili quadam voluptate recrearent.

83. Prac-

83. Praeterea idem Vir summus aedes suas magnificentissimas omni veterum monumentorum genere spectabiles fecit. Nimirum eas ornavit pretiosissimis columnis, marmoreis, jaspideis, porphyriticis, cimeliorum loco repositis (inter quas erant duae Numidicae) Item Graecorum artificum statuis ingentis pretii, protomis, anaglyphis, sigillis aeneis, vasis sacrificialibus, tabellis, urnis, inscriptionibus, itemque numismatis veteribus.

84. In principali aedium atrio sunt aliquot statuæ Colossææ, veluti Minerva frugifera, Copa Syrisca, & alia visu dignissima.

85. In horti principalis parietibus inclusa visuntur prominentis sculpturae quam plurima monumenta, propter antiquitatem historiaeque quas continent maximi faciendæ. Jussit Martinus peritissimo pictori, ut scalas admoveret, & præcipua delinearet. Erant inter ea duo prægrandes lapides navale praelium exhibentes, ubi conspiciebantur naves turritæ (ignotum antea desideratumque monumentum eruditis oculis) thesa item singularissima, & pompa triumphalis. Quæ Martino videbantur esse reliquiae fori Trajani; idque Decani judicium comprobavit postea eruditissimus Monfalconius, qui monumentum illud publicavit, notisque illustravit, & singulare esse in orbe terrarum confessus est.

86. In eodem horto erat basis quaedam statuæ Isidis. In ea erat Anubidis hinc simulacrum novo gestamine, nempe clava. Atque Ibis illa decantata. Inde vero, sive Osiris, sive Numen aliud Niloticum, cum subiecto Apide. Inscriptio præterea quam laudatus edidit Monfalconius, aegre ferentibus Martini amicis eruditis, quod sibi prius non communicasset illam, ut publicandi gloria fruerentur.

87. Haec omnia sacratione custodia dignissima, adeo ignorantia, contemptu, ac ludibrio nostratum abjecta jacebant & ingloria, ut Martino sedulo contemplanti, potius lacrymas exprimerent, quam ejus oculos oblectarent.

88. Hinc colligi potest, quot quantosque sumtus fecerit summus ille Vir Ferdinandus Henricida Dux Alcalacus, ut aedes illas adeo magnificas exstrueret, & ornamentis instrueret. Qui, si ab eo somno quem dormit, excitaretur, procul dubio indignaretur, quod ex magna numismatum collectione, quam diligentissime congregavit ipse,

Tom. I.

F

folium

solum inutilia supersint, reliquis subreptis. Idemque contigit in optimis libris. Quorum quo major raritas, eo avidior diripiendi cupiditas.

89. Superiorum omnium Martinus inventarium confecit, ex mandato excellentissimi Viri Nicolai Cordubae. Ita vero utebatur tempore, ut nec muneri suo deesset, nec genio. Nam quod sibi superebat ab injuncto onere, nummis veteribus codicibusque exquirendis impendebat, amicorum opera usus ad ea paranda. Nec irritus labor. Quippe nummorum magnam copiam congeffit, Romanorum, Graecorum, Punicorum, Hispanorum, prisca aevi. Adeo ut per quatuor annos & sex menses, quos in ea urbe moratus, mille & sexcenta numismata, diversa collegerit.

90. Nec minor fuit ejusdem felicitas in inveniendis codicibus manu exaratis. Nam vili pecunia comparavit Aristophanis Comedias manu bene vetusta & eleganti, adjectis etiam Scholiis nondum in lucem editis. Codicem praeterea qui instar esse posset penus Oratoriae. Continebat enim illustriores Demosthenis orationes, uti & Aristidis; Philostrati Vitas Sophistarum; Excerpta ex Philostrati de Vita Tyanaci; ex Himerii Sophistae Declamationibus; item ex Libanio, Hyperide, & Plutarchi Parallelis. Platonis item Gorgiam, sive de Rhetorica, & alia: qui codex fuit olim Nicephorae Gregorae, ut ostendit ejus chirographum in interiore tabella hinc inde descriptum. Quo etiam nomine permagni a Martino aestimabatur. Comparavit itidem Aretaei Cappadocis Professione Medici, Hippocratici Ionismi felicissimi imitatoris, libros *περί ὁρίων νόσων*, recentiore quidem manu, sed bene perita. Rufi Festi *Περὶ Οἰκονομίας ἢ τῆ ἀνδρῶν μολπῆς*. Quae nomenclatura humanarum partium non quidem inepta & jejuna, ut fere sunt Grammaticorum; sed laboriosa plane & erudita. Hic Festus fuit professione Medicus, floruitque sub Trajano Principe, scripsitque *De Vitu navigantium*. Nactus etiam fuit Manuelis Atramytteni librum *Θεοροφίας*, in quo vaticinationes Sybillinae ad Christi adventum, ejusque salutiferam legem pertinentes cum Divinis Oraculis componuntur *παράδειχτος*. Praeterea MSS. Sex. Pompeji Festi; sed mendis scatens. Ad Martinum etiam delatum fuit volumen manuscriptum, in quo plurimae erant antiquae Inscriptiones elegantissime descriptae; sed eas tanquam

suble-

sublesta fidei despexit, & in tam vilibus mercibus visum ei fuit non prodigere pecuniam. Debuerat autem emere, ne imperitis hominibus ansam relinqueret, obtrudendi eas tanquam alicujus momenti.

91. Ergo dives veteris metalli chartarumque, constituit Martinus repedare Mantuam, ut inde Romam profisceretur. Nam in Hispania neminem inveniebat, quocum res suas communicaret. Itaque posteaquam Hispali fuerat quatuor annos & decem menses, extremo Junii anni MDCXV. iter in Urbem Regiam suscepit. Quo in itinere variis incommodis aerumnisque vexatus est, ut erat anni tempus. Statim enim ac Marianos montes superavit, ingressus in Spartariam Provinciam alvi profluvio acriter laborare coepit, quo nihil aliud ejiciebat, nisi bilem meram. Quod cum Decanus animadvertisset, actum de se putavit, memor aphorismi Hippocratis Medicorum Principis. Profluvio tamen illo non cessante summo labore peregit susceptum iter, & postridie Kal. Julius noctu Matritum pervenit, adeo viribus dejectis, ut lecto & domi se continere coactus fuerit. Supervenit fatale quoddam cibi fastidium, stomacho omnia respuente, consequuta vigilia, continentisque merae bilis ejectiones, tandemque febricula: quae tamen duabus tantum reversionibus contenta, discessit, vi medicamenti cathartici, quod ipse (sui optimus Medicus) sibi domi praeparari jussit. Cujus beneficio, tertio die posteaquam Matritum ingressus fuerat, lectum reliquit.

92. Diem extremum paullo ante obierat Gabriel Alvarezius, Bibliothecae Regiae Praefectus, vir modestus, & eruditus, qui *Ecclesiae Mundique Historiam ad diluvium usque* conscripsit, stilo Asiatico tumidoque, disputatiunculis referto praeter Historicas leges. Ut primum igitur Martinus Regiam Urbem attingit, omnes in eum oculos conjecerunt, tanquam unum cui Musei Regii cura committi jure deberet. Et sane res eo devenit, ut ipsi Regi clam supra mensam appositi fuerint incerti Auctoris codicilli supplices, in quibus referebantur Martini merita ad illud munus exercendum apprime conducantia. Praeterea doctissimo viro Guilielmo Dubantoni, Regis conscientiam dirigente, cujus ad consultationem Rex munus illud largiturus erat, quamplurimi Hispaniae Magnates pro Martino supplicabant. Quin & Joannes Emmanuel Ferdinandi Pacciecus, Marchio Villenen-

sis, cui Dubanton mandaverat, ut perquireret virum eruditum & comem, qualis ad illud munus exigitur; locutus cum Decano coram Joanne Interamnenſi Ajalaeo qui forte aderat, quemque Marchio impenſe diligebat; aperte dixit, Decanum eſſe, qualem ipſe quaerere debebat. Cum haec in vulgus emanafſent, Martino poſtea Bibliothecam Regiam ingredienti, librorum conſpiciendorum gratia, ſtatim reliqui Bibliothecarii ei tanquam Praefecto ſuo gratulari, illo tamen renuente ac dicente, ſe plures jam annos ab Eccleſia ſua abeſſe; hanc acephalam eſſe temporibus adeo turbidis; Vicarium ſuum procul, Pariſiis degere, ſe conſcientiae ſtimulis adactum vitam agere irrequietam, adeoque cogitare Alonenſes laebras. Cauſſabatur etiam, ſe ex quo Urbem Regiam ingreſſus fuerat, iterum tentari coepiſſe antiquis morbis, adeoque in animo ſibi eſſe fixum effugere coelum ſaluti ſuae inſenſiſſimum. Fugitante igitur Decano, & Dubantone eum ſilentio praetereunte (cujus rei cauſſa minime latebat) Bibliothecae Regiae Praepoſitus fuit Joannes Ferreras, Paroeciae Matritenſis Divi Andreae Curio, Scriptor ferreus *Annalium de Rebus Hiſpaniae*, quas dum ad Chronologiam tanquam ad amuſſum tentavit adaptare; homo artis dicendique facultatis expertus, in tenuiſſima fruſtra diſrupit illas; ut ſingularum rerum interruptam ſericum, ſi cogitatione velis ordinare, fruſtra fueris. Scriptor tamen qui legendus eſt. Rudem enim eſſe in noſtris rebus, quas pauci cum judicio literis mandarunt, aut inertiffimae ſegnitiæ eſt, aut faſtidii delicatiſſimi. Deceſſit hic probus doctuſque vir Mantuae Carpetanorum ſexto Eidus Junias, Anni MDCCXXXV. ætatis ſuae LXXXIII.

93. Nesciebat Martinus in otio degere, exiſtimans illud vivi hominis ſepulturam eſſe. Itaque cum Matriti degeret Janus Interamnenſis Ajalaeus, Martialis recitator aſſiduus, quique ejus Poetae urbanitate ac facietis apprime delectabatur; Martinus menſe Decembris anni MDCCXV. triduo, animi laxandi gratia & quaſi ludibundus, Graece convertit illius acutiſſimi Poetae Epigrammata quaedam, quibus adjunxit aliqua jam dudum a ſe exarata, eaque omnia miſit amico ſuo, tum ut voluntatem illius ſponte ſua in ſe devexam illo munere arctius devinceret; tum denique ut tam luculento exemplo amicum jamdiu torpentem excitaret, & acres illos igniculos eliceret, quibus inflammatus loca petere conſuevit nullo unquam violata

lata vestigio. Ajala munus amici Epistola carminibus intertexta redonavit. Cujus facilitatem cum admiraretur Decanus, misit ei Poemation Paraphrasticum jucundissimi illius Odarii Anacreontici, quo suavissimus ille Poeta convivalem urbanitatem celebravit : jussitque ut Latine converteret; quod elegantissime praestitit Ajala.

94. Deinde cum mense Martio Anni MDCXVI. die ipso aequinoctii verni Martinus podagra primum fuisset correptus, molestissimo dolori levando Janum Ajalaicum ad se visendum invitavit dulcissimis Hendecasyllabis, quos Lectoris taedio leniendo visum est adjungere.

*Jane, deliciae, lepos, amores
Nostri, grande decus novem sororum;
Parnassi juga celsa, verticemque
Dum premis bifidum, atque amoena Pindi,
Vel vires numerosque Tullianos
Dum versas animo, vel aemularis;
Mosis volvere Cecropisve chartas
Vel magis lubet, otiove ludis;
Martinus vetus hospes & sodalis
Correptus podagra misellus haeret,
Inclususque domi, laboriosa
Vinculus compede duriter laborat.
Martinus, caput illud, impotenti
Cujus tu fueras amore captus
Ipsum illud caput usque & usque languet:
Ergo si veteris memor pudoris,
Nos Ajala cupis levare morbo;
Fac solere jocos facetiisque,
Festivissime, languidum sodalem
Martinum, veterem hospitem & sodalem.
Utemur medico aspiciatque,
Dum joci veneresque personabunt.*

95. Janus Interamnensis Ajalaicus amici dolorem dolens, adversus podagrae contumaciam, elegantissimos fudit Hendecasyllabos, qui licet inter ejus Opuscula Poetica legantur; eorum tamen exemplar hic

hic subjiçietur, ut eruditus Lector intelligat, quantum in hujusce compositionis genere Ajala valuerit.

Tristis, terribilis, furens podagra,
 Aerumnosa, gravis, procax, molesta,
 Quid tantum cupis insolens videri,
 Ut non divitibus voluptuosus,
 Ventris mancipiis, gulaque servis
 Bellas perplaceat movere pugnas?
 Nisi & saeva, viros laboriosos,
 Doctos nempe, pios, honestos,
 Frugique, & veteris tenaciore
 Castae sobrietatis (ipsa nosti)
 Quam vel Fabricii novem, vel octo
 Hispani fuerint simul Poetae,
 Turbare obstrepero dolore pergas?
 Quid Martinus, amabo, dic proterva,
 Admisit sceleris, quod expiandum
 Acerbo reputaveris dolore?
 Martinus meus ille, quem Minerva,
 Interpres Superum disertus, & quot
 Coelo numina sunt venustiora;
 Amant non secus, ac suos ocellos?
 Quem Phoebus colit, & novem Camoenae,
 Cujus dulcisonis modis Camoenam
 Germanam veluti colunt sororem.
 Tunc illum senibus comes gulosis,
 Frugalem, sobriumque, Curiumque
 Contorquere voles, & permolesto
 Noctes, atque dies tenere lecto?
 Quare protinus, Hercules, malorum
 Depulsor validus, Machaonesque,
 Litae, vos, soboles Jovis, benignae,
 Nil jam segnipedes, & ipsa quotquot
 Sueverunt hominum levare noxas,
 Huc, huc, Numina, deprecor, venite,

Et

*Et nos implacida levate cura.
 Sitque protinus integer, valensque
 Totis viribus ille; provocare
 Ut certamine possit expeditos
 Cursores in Olympicis, vel ipsos
 Quotquot Isthmiaci vetus coronis
 Victores celebravit palaestra.
 Audi, sin minus, Hercules, bonarum
 Frugum particulas tibi rependi,
 Armatus licet exigas, negabo.
 Et vos, ni facitis, Litas, Deasque
 Nemo jam merito, sed exoletas
 Deliras vetulas lubens vocabit.
 Tuque abi citius, fugam capeffe,
 Et vel Thracibus impera cruentis,
 Vel bonis nitidae cutis Batavis;
 Ni jejunia sentiens Poetae
 Et confecta fame perire malis,
 Aerumnosa, gravis, procax, molesta,
 Tristis, terribilis, furens podagra.*

96. Statim ac convaluit Martinus, cupido eum incessit, per literas compellendi Bernardum Monfalconium Benedictinum, Congreg. S. Mauri Presbyterum, virum eruditionis fama clarissimum. Inaudierat Martinus Monfalconium eo tempore summo studio viriumque contentione in vetusta incumbere monumenta, eorumque editionem parare. Cui rei colligere, & coacervare dicebatur, quicquid pristinæ majestatis reliquiarum ubicumque terrarum superesset. Quam ob rem existimavit, se Monfalconio pergratum esse facturum, si quibus Hispaniensibus antiquitatibus institutum ejus juvaret. Itaque literas ad eum dedit, plenas humanitatis & officii, quibus adjunxit Theatri Saguntini accuratissime ab se delineati exemplar una cum ejusdem descriptione. Indicavit etiam Martinus, extorsisse se a Saguntinis publicum decretum, quo gravissima poena iis indicta, qui illud cumque igni ferrove violaverint: eaque de re exstare Epistolam suam ad Decuriones Saguntinos. Quam, si ad institutum a Monfalconio opus,

vel

vel historicam narrationem, pertinere quoquo modo ille iudicaverit, missurum se perlibenter una cum Decurionum responso satis liberali, pollicitus est. Misit etiam Monfalconio Amphitheatri Italicensis cum faciem superstitem, ab se etiam accurate delineatam, tum ichnographiam. Denique promisit se missurum alia haud illépida, si forte illa placerent. Monfalconius, ut Martini literas elegantia, eruditione, & humanitate plenissimas accepit, atque perlegit; ex ungue leonem agnovit: & candide confessus est, non putare se in Hispania esse virum tantae eruditionis, tam tersae Latinitatis, in antiquitate usque adeo peritum, quam Emmanuelem Martinum videret esse; ita ut etiam inter literatissimos Europae totius accenseri mereretur. Idque καλαχίας procul a se dici, serio affirmavit. Subiunxit sibi peropportunum contingere, ut dum monumenta vetera ubique terrarum persequeretur, in Hispania, quod minime sperabat, sibi sese ultro offerret, vir omni exceptione major, qui monumenta nobilissima a tenebris ab se eruta, doctisque Notis illustrata, secum communicare veller. Summa itaque cum voluptate accepit Theatri Saguntini delineatam ichnographiam & descriptionem eruditissimam. Cujus sane Diatribae magnum sibi futurum esse usum dixit in Theatrorum descriptione. Etsi enim non totam lucubrationibus suis inserere liceret; ne jam memorata repeterentur; ejus utique partes maximas se allaturum cum honorabili & nominis & eruditionis Emmanuelis Martini mentione pollicitus est. Postea tamen consilium mutavit, nec dedignatus est vir eruditissimus Dissertationem integram in Gallicam linguam vertere, & in utraque tum Gallica, tum Latina publicare. Vidit etiam libentissime Amphitheatri Italicæ ichnographiam, simul & orthographiam: & utramque postea inter Amphitheatra locavit. Adjunxit, pergratum sibi futurum, si suam ad Saguntinos Epistolam, ipsorumque responsum ad se transmittere dignaretur, quæ si non integra posset, compendio saltem in opere suo referre in animo habebat. Denique enixe rogavit, ut quacumque ad manum haberet, secum communicaret. Perquam officiose id egit Martinus; nam literis postea datis Alonæ v. Eidus Novembr. anni MDCCXVI. adjunxit epistolæ ad Saguntinos, eorumque responsi exemplaria: sicut & basim statuae Iſidis Puerperæ, quam Hispali in Marchionis Tariphæ aedibus accurate diligenterque deli-

delineandam curavit. Unaque misit ei basi adscriptam, & a se propria manu exaratam Inscriptionem lepidissimam. Misit etiam sex lapides praegrandes Roma olim advectos a Ferdinando Henricida Duce Alcalaeo, & a Pio V. Pontifice Maximo ei donatos. Quos fori Trajani esse reliquias ipse autumabat, Certe magnifici vastique aliqujus aedificii fuisse partes, cum ex rerum in iis expressarum varietate ac dissimilitudine satis constabat, tum ex eorum extremitatibus minime invicem cohaerentibus. Erat in iis novae formae thenfa, sive currus triumphalis, cum reliqua pompa; naviumque turritarum structura, ornatusque. Misit etiam lucernas aliquot aereas exquisitioris artificii, quae diligentiam fugerunt accuratissimorum virorum Petri Joannis Bellorii, & Fortunii Liceti. Eas depromserat ex Museo Ecclesiae Principis, cui olim praefuerat. Quod Museum translatum deinde fuit ad Regiam Bibliothecam. Nonnihil etiam adnotavit de veteri Hispanorum vestitu: & nummum eo spectantem adjunxit, misitque.

97. Ingenti cum voluptate munera haec accipiebat Monfalconius, maxime turritas illas naves, quas ut saepe in veterum scriptis adhibitas a Graecis Romanisque legerat; ita nondum viderat in monumentis insculptas incisasse. Tabulae quoque illae Aegyptiorum numinum sibi gratissimae fuerunt. Quarum licet copiam penes se haberet, nullam sane ante illum diem similem, nec tam singulari inscriptione ornatam conspexerat.

98. Idem Monfalconius Diatribam illam in Saguntinum Theatrum, integrum in ea operis parte, quae ad Theatra pertinet, edidit.

99. Forte eodem anno decimo sexto contigerat Carthagine nova, dum portus jussu Regis purgaretur, ut navis antiquae carina inveniretur, cum costis, sive lignis transversariis; prora itidem & puppi, asseribusque nonnullis clavibus aereis compactis ac bitumine, sive asphalto quodam obductis; cui Severi Alexandri nummus affixus, tenacissime haerebat. Martinus amicis mandavit, ut praestantissimum illud fragmentum delineari juberent. Pervicax autem nostratum antiqua monumenta vastandi libido, compagem illam quae tot annorum pelagique insultus eluserat, ac in lucem tandem emerferat, facto adversus eam impetu dissolvit discerpitque: ea scilicet fini,

Tom. I.

G

ut

ut clavos aereos Regi mitteret. Stupefacti enim homines nihili materiae novitate, vili sibi sunt egregium munus Regi concinnaturum, si caeteris disiectis divulsisque, gomphos tantum servarent; reliqua pro meris nugis habentes, & quinquillia. Illas igitur reliquias, si ve membra divulsa, peraccurate perque concinne delineata cum singularum partium nomenclatura ac dimensionibus Monfalconio misit Martinus, ut illa operis sui immortalis luce donata, posteritati transmitteret. Sperabat enim Martinus, in iis fortasse hodiernam naupegiam inventuram quod imitaretur: sin minus, certe, quod miraretur. Misit praeterea prominentis sculpturae prostypum quoddam antiquissimum, quod Hispali delineari jusserat in aedibus Ducis Alcalaeci, referebatque trielinium, praestantissimum profecto monumentum, & auro contra erudito homini non carum. Nam licet jam olim a Petro Ciaconio Toletano, eruditissimo viro, per simile quiddam in lucem editum, quod Romae in hortis Montaltis asservabatur, ac postea recusum fuit in *Admirandis Romanorum Antiquitatum*; tamen si attente utrumque perpendere ac conferretur, erat profecto nonnihil inter ea discriminis, observante Martino.

100. Hic postea cum Romae esset, v. Eidus Januarias Anni MDCCXVIII. Parisios ad Monfalconium misit, paterae cujusdam fictilis, quae apud se erat exemplum quam accuratissime delineatum. Valde enim bella sibi visa fuit, nec minus digna quae a Monfalconio inter instrumenta sacrificalia recenseretur, uti re vera edita fuit postea in operis Supplemento. Misit praeterea fictilem quandam phialam lachrymis excipiendis, quae asservabatur apud Hieronymum Odamum Equitem Constantinianum Divi Georgii, juvenem antiquitatis omniumque elegantiarum studiosum, naturaeque pariter industriaeque artibus viro nobili dignis ornatissimum, Martinoque arcta admodum ac jucunda consuetudine conjunctissimum, qui tam pateram, quam phialam manu sua delineavit.

101. Haec minutatim pauloque diligentius connumerare visum est, ut posteritas agnoscat Emmanuelis Martini studium antiquitatis illustrandae.

102. Nunc rerum ordo postulat ut videamus, quomodo se habeat Martinus, quem Matrili reliquimus provocantem Monfalconium ad amicitiam: quorum illustris communicatio undecim annos duravit,
Mar-

Martino Monfalconium eruditis donis locupletante, & Monfalconio illa restituyente orbi literario.

103. Elabente anno MDCCXVI. in Urbe Roma degebat Joachimus Alcarazius Valentinus, homo alienae laudis captator, suaeque nimis indulgens, gloriae avidus, & aucupator sollicitus, literis potius tinctus, quam imbutus, alloqui probus & modestus. Ille juvenis cum Martini, cum officii, tum disciplinae causa, Martini domum frequentaret (ab eo enim imbuebatur linguae Graecae rudimentis) precibus ei extorsit Theatri Saguntini ab ipso Martino delineati exemplar, una cum ejusdem Martini descriptione, quam illi affixerat hortatu Cl. Viri Antonii Felicis Zondarii; tunc quidem Legati Apostolici munere fungentis in Urbe Regia; postea autem in amplissimum purpuratorum Collegium cooperti, apud quem etiam exstabat, & quidem Martini manu scripta. Ille igitur, abjecta veteris amicitiae verecundia, totque Martini erga se meritis impacto calce; opus illud, a Martino exantlatum, Romae edidit anno MDCCXVI. cum levi tantum mentione Emmanuelis Martini: rem totam industriae suae tribuens, cum re vera, nec monumentum illud unquam vidisset; ac tametsi vidisset; in alieno foro (ut dicitur) litigasset: cum nihil ad illum pertinerent ejusmodi studia. Nec ullus adhuc ante Martinum fuisset, qui Theatrum illud fuisse, vel per somnium cogitasset. Neque edidit solummodo Alcarazius, sed Martini verba corruptit, mutavit, praecidit, ac misere laceravit: ut addidisse aliquid de suo videretur. Hoc cum rescisset Emmanuel Martinus; Mantuae novae in Carpetanis, postridie Nonas Aprileis, anno MDCCXVI. literas dedit ad Janum Vincentium Gravinam, veterem fidumque amicum suum, quibus enixe ab eo flagitavit, ut causae suae patrocinium susciperet, ita ut homines intelligerent, Alcarazium esse furem & plagiarium Dissertationis illius *De Theatro Saguntino*. Captera praesentiae, quam Martinus cogitabat, reliquit. Gravina literis acceptis scelus illud apud eruditos omnes arguere Neapoli, ubi forte erat: & XVIIII. Kal. Sept. ejusdem anni ex eadem urbe rescipit, se cum calor remiseric, Romam rediturum, ibique post solemnem clarigationem, judicium status instituturum, inque agenda Martini causa, operam ab illo olim sibi egregie, atque constantissime navatam, abunde ei redditurum; injuriaque illius ultum iturum,

rum non per amicos tantum, sed per praetoriam, uti vocabant, discipulorum suorum cohortem, per quam leoninam perduelli illi pellem, detracturum pollicitus, vulgato ubique vero illius libri auctore. Et profecto fidem suam egregie liberavit.

104. In hoc rerum statu decrevit tandem Martinus Regiam Urbem relinquere, & Alonam petere; inde Romam, ubi reliquum omne suae vitae tempus jucundissime transigere sperabat. Quod consilium Hispali jam ceperat, executionemque ejus animo agitabat, Hispaniensium rerum fastidio propellente eum. Igitur liberatus a podagrae molestia, Matrilo Alonam profectus est, ineunte Majo.

105. Tunc Alonae degebat Philippus Bulipho Neapolitanus in Alonensi tractu Regii aerarii Praefectus vigilantissimus integerrimusque, Jurisconsultus gravissimus, qui in Neapolitano foro causarum fuerat Patronus egregius, eruditissimi Bernardi Monfalconii in itinere Italico individuus comes, Graecae linguae non ignarus, Latinae callentissimus, historiae tum prophanae, tum sacrae peritissimus, maximeque dogmatum Christianorum. Quarum virtutum fundamentum prudentia & modestia singularis. Cum tam egregio viro Martinus amicitiam iniit arctissimam, & in ejus consuetudine, vitae suae jucunditatem, quandiu Alonae commoratus, reposuit.

106. Quod ad res domesticas attinet, erat sibi ancilla Africana conscribillata fronte, colore subfusco, gracilens, exsucta facie, genis adductis, aetate vergente, addicta tantum culinae, & rei pulmentariae, ac praefecta cacabis patinisque. Mulier Apicianae elegantia, & digna profecto lautiore penu. Sed tamen semper delectavit Martinum valde in mediocritate mundicies. Mulier itidem alia cui commissa cura rei domesticae, nihilo liberaliore facie, sed haud indiligens, bene morata, verecunda, officique tenax. Ad hanc puella quaedam impubes, ultro citroque commeando, mandatisque perferendis. Denique adolescens quidam, qui sibi, ut Aesopus erat suo domino, solus esse poterat familia. Nam lucubrationes Martini & emendate exscribebat, & scita satis elegantique forma. Nec enim Latine nesciebat. Idem a cyathis, a veste, a pedibus, ab epistolis. Si quando moeror eum invadebat, musicis etiam modulis ac concentibus animum ejus exhilarabat deliniebatque. Nam & fidibus didicerat, & cantillabat, & versiculos pangebatur. Haec erat totius familiae

liae Emmanuelis Martini summa : praeter quam habebat catellam , cui a colore rostri *Μελανόγυχνι* nomen indidit , quasi *Nigresstram* dixeris.

107. Quod ad domum attinet , ea quidem opportunissimo sibi loco sita erat. A sacra nimirum aede muro tantum interjecto dirempta. Boreae Eurique flatibus praecipue obversa. Quo fiebat , ut ab aestu minus laboraret , blandiente utroque spiritu. Itaque Decano magnopere invidebatur ob aetivas commoditates. Univerſa domus interior summam habebat dignitatem. Pavimenta enim laterculis versicoloribus conſtrata erant mira concinnitate varietateque , tecta leniter convexa , ac nitidissimo tectorio obducta , in quorum umbilico sculpturae prominebant auro rendentes. Cubiculum a viae strepitu semotum , sepositumque , juxtaque aliud arctius servo accumbenti Libris eximius locus obtigerat ; eo nitore atque elegancia , ut sacelli potius faciem referret , quam Bibliothecae. Itaque Martini contubernales habitabant basilice. Adjacebat museum , quasi dedita opera ad id exstructum exornatumque , ut cimelia reponderet adſervaretque. Itaque numismatibus ac reliquae vetustae supelleſtili eum locum addixit. Scalae demum , atrium , podia pensilia in viam projecta , pro dignitate omnia. In summa habitabat laxae magnificeque. Illa tamen omnia nihili fecisset , ipsaque illa commoda omni interitu acerbiora duxisset , nisi prudentissimi doctissimique viri Philippi Buliphonis amicitiam conjunctionemque sibi obtulisset. Divina Providentia. Ille animum in ea librorum inopia ac literarum solitudine aegrescentem suavissimis alloquiis erexit , atque sustentavit. Quo eximio ac singulari in Decanum Alonensem studio id effecit profecto , ut minus eum vitae lucisque taederet. Una ibant deambulatorum , eruditas ferebant quaestiuunculas , plenis faucibus de rebus disſerebant ad philologiam spectantibus : imo potabant etiam. Sobrie tamen , atque ut decebat Sapientiae alumnos , qui praeter amoenas ambulatiunculas , hiberno tempore statis noctibus conveniebant , non tam laxandi , quam erudiendi animi causa.

108. Verum haec omnia Martinum a proposito Romam proficiscendi amovere non potuerunt. In hunc finem omnia sua negotia celeriter expedit , impedimenta que amovit. Primum omnium scripsit Josepho Speculo Episcopo Orcellensi , orans ut juberet Anastasio

sio Martino Parisiis degenti, ut aut in Ecclesia Alonenſi reſideret, Vicarii munere fungens; aut ab eo ſe abdicaret. Joſephus Anaſtaſius Martinus Epifcopo reſpondit, ſe imperata facturum; Decano ipſi ſcripſit, iter ſuſcepturum intra paucos dies; & paullo poſt, eundem fecit certior, ſequenti die profeſturum. Quo nuncio accepto, Decanus qui reliqua negotia jam expediverat, ſarcinulis in navim conſectis, veſte, libris, numiſmatis, ſecreto in navim conſcendit Nonis Majis anni MDCCXVII. conſtantiffimo propoſito nunquam in Hiſpaniam redeundi, quoniam in ea literis quas deperibat, colendis fruendiſque commoditatem nunquam invenerat idoneam.

109. Poſtridie. Nonas Majas circa noctis conticinium e portu Alonenſi ſolvit tranquillo immotoque mari. Sed paullo poſt Eurus coepit eum vexare: quicum viribus aucto per biduū conſictatus fuit, verberatis incaſſum undis: ut jam Martinum adverſae navigationis taceret. Hinc cibi cupidiffimum inſomnia conſciebant. Itaque noctu ſurgere, nauticam pyxidem ſcrutari, rimari ventos, nauſeae mariſque jaſtationi minime obnoxius. Obtigerat illi in puppi cubiculum ſane quam opportunum, quod clavi obſerabatur. Itaque ejus reculae pulchre adſervabantur: quod ei multum placebat: nam ſemper fuit nitoris & elegantiae cupidiffimus. Unum erat ſibi perquam moleſtum, menſa: quae ſordida profeſto atque illiberalis: ut ſibi videretur inter Scythas potius, quam inter Anglos verſari. Ergo tetro ciborum adſpectu & illuvie ad id inediae redigebatur, ut buccellarum tantum vino intinctum reſcindiſ viribus adhiberet, vel Indicam potionem. Donec ineptiffimo illo coquo Anglo procul amando, rei patinariae Ligur praefectus fuit. Cujus tanta erat artis popinariae peritia, ut Navarchus ipſe vel unctas patinas avidiffime liguriret. VI. Eidus circiter primam vigiliam ventus ad Vulturnum receſſit. Itaque ad Caſſiam prora directa aliquanto commodius navigavit. V. Eidus Ebuſum praeterveſtus fuit, ea inſula ad dextram reliſta. IV. Eidus denſiffima nebula navigantes obtexit, uſque ad horam quartam: quo tempore pelagus nuper placidum, criſpari coepit, Africo ingruente, ac diſſipata caligine. Itaque Balearibus pone reliſtis, ante ſolis occaſum Barcinonem praeter-navigaverunt, ſeneſcente jam vento. Poſtera illuſcente caligo iterum navigantibus diem abſtulit. Sed hora quarta Auſter illis auxilio

lio fuit, quo protrudente sinum Narbonensem ingressi sunt, Hispania multum valere iussa. Eidibus circa diluculum ante portum Massiliensem confluxerunt, inter scopulos qui complexu suo stationem quandam efficiunt, visu profecto jucundissimam, navibusque tutissimam. Hora fere sexta, relicto Massiliensium portu, licet infestissimo Euro pervicacius resistente, confluxi tamen sunt Angli navim in altum provehere, mirantibus Massiliensibus eorum audaciam. Adfuit tamen ausis fortuna: nam adolescente nocte, cum Eurus defecisset, praesto fuit Caurus, quo impellente, promontorium Massiliense feliciter flexerunt. xvi. Kalendas Junias in mari Ligustico diem contriverunt, inertissima tranquillitate detenti, velisque sluitantibus. Postera dies atra, & moerore plena. Incubuit enim vehementius Aquilo, quo acrius urgente, & in immensum tumente mari; foedissima tempestate correpti fuerunt. Plena omnia tumultu & exsanguis pavore. Velum decumanum medium discissum, utrinque linteis volitantibus. Circa solis autem occasum, cum ventus posuisset, periculo quidem exenti fuerunt. Restabat tamen molestissima certaminis pars, jactatio nempe a tumore fluctuum, & inertia maris: quae navigantes perpetem illam noctem, & sequentem diem saevissime exercuit; ut nec stare, nec jacere, daretur, prae maris jactatione. Ea nocte ante portum Genuensem steterunt. Quem sequenti die ingressi sunt, saevissimo Euro repellente. Cum autem portus ille Euri flatibus maxime pateat, eoque naufragiis infamis, Gubernatorque praecedentis diei crapula adhuc mailidus importuno loco ancoram jecisset, in ipso nimirum portus ostio; ea fluctuum saevitia laborare coeperunt, ut trium ancorarum funes abrupti fuerint; sola navigantes sustentante sacra ancora; in qua una salutis spes. Nec illis auxilio esse poterant reliquae naves, quae in ancoris stabant: propterea quod nondum nomina professi fuissent. Immo cum funem ad terram alligare vellent Angli, praesto fuit nonnemo ei rei praefectus, qui tributio veluti imperio intercessit. Sed inter has angustias Divinum auxilium periclitantibus affulsit. Repente enim atra nubes ac terribilis, quae urbi ac navi imminabat, eo impetu reslare coepit, ut Euri vim frerit; navigantesque in tuto locaverit. Cui certe acceptum retulerunt quod incolumes terram tetigerunt. Quam Emmanuel Martinus deosculatus est circa horam nonam, fame confectus

fectus ac madore. Nam in ea navis colluctatione puppis fenestrac, crebro undarum assultu fractis repagulis, discussisque valvis patuerunt; admissoque pelago pene submersus fuit. Ergo undecima die quam Alona solutum est, Genuam appulit, incolumis quidem valensque. Ibi Musico dramati in theatro non semel interfuit. Ac sibi profecto videbatur in alium terrarum orbem esse delatus, quem admodum ipse scripsit Buliphoni suo, literis quas Genuae dedit xxi. Kal. Junias. In ea urbe commoratus fuit undecim dies. Inde se contulit Liburnum, ubi sex dies mansit. Perraesus navigationem, pedibus iter per Etruriam continuavit. Invisit Pisas, Florentiamque. Senis biduum commoratus fuit cum Cl. viro Alexandro Zondadario, Archiepiscopo Senensi amico suo perveteri. Denique sex dies infumfit ut justis itineribus Liburno perveniret Romam. Quam Urbem ingressus fuit iiii. Nonas Junias, tanto cum gaudio, ut tum demum novam, jucundissimamque vitam incipere sibi videretur.

110. Prædie quam Martinus ingrederetur Romam, Joachimus Alcarazius qui aspectum ejus sustinere minime audebat, excessit Urbe, & Venetias profugit. Inde trajecit in Bataviam, ubi furis agitata *Mitram Martini*, famosum carmen publicavit; & paullo post ea moerore confectus decessit, pie, & Catholice, ut Christiana pietas credere jubet; nam in eo juvene nihil unquam non laudabile animadversum fuit, præter nimiam gloriæ cupiditatem, nimiumque sui amorem: quibus occoecatus, certamen adgredi ausus, infelix puer, cum Martino, Achille literario impar congressus.

111. Emmanueli Martino Urbem ingresso prælo fuerunt ad omne humanitatis genus veteres amici. Quibus minime cessit, neque in aliquo officio se vinci passus est, recentissimus amicus Caesar Laurentius Bulipho Philippi frater, qui ad primum Martini adventum, ei in domo, supellectile, veste, ac familia comparanda, multum commodi attulit.

112. Adfuit etiam Martino omni officiorum genere Janus Vincentius Gravina eruditæ Jurisprudentiæ lucidissima fax. Librum ille scripserat singularem *De Romano Imperio* ad Augustulum usque. Et jam absolutum habebat *De Romano Imperio Germanorum* opus alterum ex primi Libri principiis necessaria consequutione deductum, eaque

eaque arte atque cautione (prout sibi quidem videbatur) contextum, ut veritatis & partium offensionem (erat enim Europa sicuti nunc, partium Borboniarum Austriacarumque studiis divisa) una vitaret. Eam tamen editionem ad Martini adventum differre voluit, ejus consilio & opera, si qua esset necessaria, usus. In illo opere Gravina contendeat probare, Imperatorem Carolum VI. cui ipse erat addictissimus, habere certum Imperii genus in caeteros Europae Reges, tanquam sibi subditos, sibi obnoxios. Martinus opere perfecto admonuit Gravinam, ut sibi consuleret, nescire illum, quid fera dies veheret, crebroque ei inculcavit Euripideum illud

Qui sibi sapiens non est, ne quicquam sapit.

Quo pacto deterruit hominem ab eo libro publicando.

113. At eodem tempore Martinum cupido incessit relinquendi aliquod ingenii monumentum sui. Cujus desiderio ut amicus ejus satisfaceret, Bibliopolas ac Typographos Oxonienses consuluit de Eustathio edendo. Quo frustra tentato, Monfalconio Martinus indicavit cupiditatem suam edendi Eustathii metaphrasim, vel Epistolarum volumen: habebat enim plurimas, quas ad eruditissimos Europae viros dederat, aut ab iis acceperat. Monfalconius ut proxenetae officio melius fungeretur, ante omnia voluit ut Martinus sibi recense-
ret, cujus generis esset Metaphrasis, cujus item Epistolae: num ad Historiam illius temporis essent opportunae, quam librorum nundinatores optare solent. Scire quoque voluit, qua mole futurum esset opus: denique, ut omnia minutatim describeret: promissitque se nihil non acturum, non modo ut votis ejus faceret satis, sed etiam ut laudi & famae ejus consuleret: quam inter amicitiae conditiones maximam esse putabat. Respondit Martinus Metaphrasim suam Eustathianam universum illud opus Latine exhibere: tam scilicet quae ad rem Grammaticam pertinent, quam Mythologica, Philologica, & Historica, nullo denique vocabulo praetermisso. Habere se in promptu duo volumina justae molis elegantissime emendatissimeque transcripta: in animo sibi esse, si Bibliopolae Parisenses operi edendo animum adjicerent, interea dum illis excudendis opera navaretur, curae sibi fore reliquam Iliadam expedire, consilio de Odyssaea

Tom. I.

H

in

in aliud tempus relicto. Ad Epistolas quod attinet, rescripsit, habere se ad ducentas, ut ad varios, ita varie scriptas, commendare tamen. Haec omnia frustra tentata, nam verbis hinc inde commutatis, nihil peractum fuit.

114. Dum haec agitarentur, Martinus literarum, literatorumque amantissimus, amicitias antiquas confirmare, novas sibi conciliare, musca frequentare. Homini autem gratiosissimo & celeberrimo omnia patebant.

115. Pomeridianas horas transigebat in Bibliopolio Corvi ad Paschini statuum. Eo enim conveniebant literatissimi homines, Janus Vincentius Gravina, vir amoenissimi ingenii, Abbas Adamus Cardinalis Imperialis Bibliothecarius, adolescens eruditus, auctor *Arcadiae illustratae*; alique viri scriptorum laudibus clarissimi. Adeo autem ibi indulgebatur genio, ut saepe soleat dicere Decanus, se nusquam dulcius quam ibi vitam egisse. Cum aliquando in Corvi bibliopolio, in maximo eruditorum virorum coetu, super argumento quodam nec inepto, nec obvio Martinus accuratius disliceret; quidam ex illis, qui eum de facie non noverat (Abbas nimirum Baratta) *Peream*, inquit, *nisi tu es Alonenfis Decanus. Ingenii tui praestantia prodit te.* Quo laudis genere fatebatur se maxime delectatum.

116. Per illa tempora Carthusiani Fratres habebant Romae celeberrimam numismatum antiquorum gemmarumque sculptarum collectionem, quae quadraginta mille uncis argenteis aestimabatur, totidemque, ut fertur, vendita fuit Carolo VI. Imperatori. Vix ulli patebat aditus ad tantum thesaurum. Nam ut pretiosior haberetur, eum Monachi quantum poterant, celabant. Sed simul ac Decanus Alonenfis significavit, cupere se illum inspicere, omnia ei patefacta, praesente Coenobiarcha. Cujus indulgentiae benignitatisque statim apparuit consilium. Erat scilicet in illa collectione nummus maximi moduli circulo aereo inclusus, in cujus altera facie videbatur caput juvenis nudum: in adversa autem instrumenta sacrificalia, ut simpulum, aspergillum, praefericulum, secespita, lituus, dolabra Pontificalis, & albogalerus, sive apex. Litera nulla scripta erat. Contendebant Fratres caput illud esse M. Marcelli Augusti ex sorore filii, & ex adoptione sui: adeoque gloriabantur, numisma

misma illud singularissimum esse. Multis circuitionibus usi fuerunt, ut Decanum Alonensem pertraherent ad suam illam sententiam, operabantque ut eam confirmaret Dissertatione aliqua. Sed Decano in alia omnia eunte, pervicere nihil. Nam aperte dixit, declaravitque, caput illud non Marcelli, sed Augusti esse, cum annum ageret decimum octavum, sive viceesimum. Asseveravitque, nunquam se aliter scripturum locuturumve, atque animo sentiret suo. Cumque veritas soleat odium parere, Decani sermo aegre auditus fuit; adeoque ille nunquam eo redire voluit, fabellamque detulit ad M. Antonium Sabbatinum, Clementis XI. Pont. Max. & postea Imperatoris Caroli VI. Antiquarium, quem eruditi omnes, ut antiquariorum Principem, & antiquitatis oraculum in re nummaria venerabantur. Hic Decani constantiam laudavit, adjunxitque, se idem sentire, simul narrans, fratres jussisse numisma illud in aes incidere, & Parisios misisse eodem consilio; & inde simile responsum accepisse.

117. Cum egregio illo viro Martinus familiarissime vivebat, adeo ut illius museum, quoties vellet frequentaret. Nimirum habebat Sabbatinus locupletissimam antiquitatis penum, cui ornandae septuaginta annos actiter infudaverat, plurimaeque quae in agro Romano, vel casus obtulit, vel sedulitas invenit, gazophylacii sui ornamento paraverat. Quin & ipse Sabbatinus jam octogenarius frequenter ad Decanum ibat, ut eum consuleret de multis rebus, quas se ignorare fatebatur. Scilicet in eo praxis erat major, quam eruditio: illam longo usu paraverat. Praeterea cum animadverteret Sabbatinus, quam praeclarus artifex Latinae linguae Decanus esset, non semel usus fuit ejus opera Latinis epistolis scribendis, ac nominatim illis, quas dedit Academiae & Urbi Pemoniensi, consilium pandens, eis legandi pretiosissimam suam rei antiquariae Collectionem. Sed Sabbatinum antiquarium praestantissimum, nihil aequae admirationem rapiebat, quam exquisitissima & mirabilis dispositio numismatum Decani Alonensis. Nimirum hic anno MDCCXVII. Aprilem impendit Augustorum nummis in seriem digerendis, scrinio ad id prius elegantissime exasciato ac dedolato, laterculis quibusdam buxeis volutantibus, qui singula numismata exciperent cum eorum Inscriptionibus, adjecta Chronologia: tam novo & exquisito artificio,

ut eruditi fere omnes, qui in Urbe, & genio, & ingenio erant paullo elegantiore, seriem illam cum ingenti animi oblectatione plausuque spectaverint. Maxime Sabbatinus, qui miraculo rei attonitus, confessus fuit, se quadraginta jam annos simile inventum inquirere, neque ad illud usque tempus tale quidpiam praestare, aut videre potuisse.

118. Ex intentiore illa opera studioque in valetudinem oculorum incidit Decanus, qua gravissime vexatus, toto Majo domi se inlatabravit, & quidem in tenebris, quo luci, atque aeri, insensibilis sibi hostibus, intercluderetur aditus.

119. Ut meliuscule esse ei contigit, Praeneste cogitare coepit, mitloris puriorisque aurae usurus beneficio, unaque vetustissimi illius Fortunae templi ad insaniam usque magnificentissimi ruinas superbitus lustraturus. Cumque Kalendis Junii summo mane eo se deportasset, Philippi V. Hispaniarum Regis Edictum, horis oppido paucis a Martini discessu promulgatum fuit, in quo continebatur, Hispanos omnes Urbe facessere, nulli fas esse, supplicem libellum porrigere, ambire, prensare, uno verbo: interdici iis Romana Curia. Allata fuerunt in album omnia nomina, distributae securitatis schedulae: indictum fuit, irent quo vellent. Qui maturius obtemperasset, e re sua fore. Contra nitentibus poenae gravissimae constitutae, perpetuum exsilium, bonorum publicatio, ignominia. Emmanuel Martinus, hoc nuncio accepto, confestim Caesari Laurentio Buliphoni negotium per literas dedit, ut suum absents nomen profiteretur, ejusdem discessum, & discedendi causam exponeret: simul ac vis morbi remitteret, e vestigio se affore. Interea Regis jussum exosculari, atque amplecti.

120. Ea cura expeditus ad Praenestina monumenta rimanda se convertit. Veteres reliquias annorum injuria foedas, ac pene oblitteratas, altius contemplatus fuit. Exstat hodie pavementum Musaeo opere insigne artis miraculum, ac Sullano sceleri expiando par. Nullum superest toto terrarum orbe praestantius monumentum. Nimirum Sulla devicto & occiso Mario juniore, qui in Asylum illud confugerat, poenitentia tanti sceleris tactus, ut Fortunam sibi propitiaret, templum illud augustissimum amplitudine atque ornamentis ad stuporem usque nobilitavit. Pavementum illud erat in abditis
fimo

simo Deae penetrali; ubi fortes edebantur a loco dictae *Praenestinae*. Incredibili voluptate perfusus ibi fuit Martinus, cum ubique appictum vidit sigma illud falcatum, sive lunata forma, quod circa Antoninorum tempora in Occidentem primum invecitum critici aliqui censent; alii vero retrahunt ad Augusti aevum. Quorum opiniones jugulari sibi persuasit, illo intemeratae fidei testimonio, Plinii etiam auctoritate consecrato.

121. Deinde inspexit Antonini Augusti Villam, quae etiam hodie visitur in agro Praenestino, bona sui parte superstes, domestico Antonini luctu nobilis. Amisit enim in ea Annium Verum, quem triduo tantum luxisse, veterum monumentis proditum est.

122. Cum dies jam undecim Praeneste egisset, ac magni ad dignitatem suam interesse arbitraretur, quamprimum ad Urbem redire; collectis sarcinulis, effedo conductio denuo Romam contendit. Quo pervenit pridie idus Junias, in ipso diluculo, oculis adhuc lippientibus ob viam pulverulentam. Ut pulverem excussit, potione Indica languentem stomachum recreavit, ac modico somno artus refecit, ex nocturno itinere ac perpeti vigilia confectos. Continuo ad Aedes Regias, ut Cardinali Francisco Aquavivae, tunc Hispaniarum Regis apud Pontificem Oratori, se sisteret. Statuerat ille ea ipsa die Albam longam Romuli Remique patriam proficisci, eoque jam petasatus penulatusque. Iccirco ad colloquium non fuit admissus. Indictumque sibi, ut Albam ad illum contenderet. Illo officio functus, in Urbe mansit usque ad xii. Kal. Quintileis, cum ut ex oculorum languore confirmaret se paullulum, tum ut res domesticas in tuto locaret. Praesagiebat enim vehementer Roma se abfore usque ad autumnum. Igitur expeditis rebus domesticis, Tusculano secessu uti visum est, amoenissimo juxta ac saluberrimo. Leniendum quippe erat diurnum Urbis desiderium aliquo lenocinio. Ergo xii. Kalendas illo se contulit, vegeto quidem & valente corpore; nisi quod oculi tenelli adhuc ac delicatuli: ex crebra nimirum itatione, nocturno aere, ac pulveris injuria.

123. Est in Tusculano Monte, qui hodiernae Urbi imminet, Marchionis Sacchetti luculentissimum praedium. In eo Villa sita est, & loci amenitate, & salubritate aeris, & structurae elegantia, & suppellectilis munditia, longe praestantissima. Eam vir humanissimus

(quem jam olim omnibus amoris officiis, ac singulari observantia prosequeretur) Martini villicationi, sive secessui addixerat. Tam opportuno igitur officio usus, eo se contulit: ubi omnibus corporis animique illecebris largiter perfusus, vitam quandam nactus sibi videbatur, beatam immortalemque. Quicquid pedibus premebat, veteris Tusculi reliquiae erant ac disiecta membra. Perstat adhuc, obdurata adversus annorum insultus constantia, aedificium quoddam nobile, ac, vel semirutum, majestatem quandam prae se ferens. Fama est eam fuisse M. Tullii Villam. Vulgo appellant *Ciceronis Scholas*. Illo Martinus animi causa saepius accedebat, ac mira quadam voluptate perfusus, memoria ac recordatione tanti viri, pene exultabat gaudio, sibi que videbatur illum discentem audire, ac divinas illas Quaestiones Tusculanas recitantem. Adeo ut sibi interdum temperare nequiret (quemadmodum ipse scripsit ad Buliphonem suum ex ipsa Villa Tusculana) quin exclamaret: *Salve, Cicero, aeternum eloquentiae columen. Manes tuos invoco. Sic terram experiri levem, ades pueratus; nobisque divitis tui eloquii laticem instilla*. Eo infaniae rapiebat Martinum reverentia loci. Quem etiam nobilitant circumjacentia antiquitatis monumenta, ut templum Jovis Latialis, sepulcrum Furii Camilli, Villa M. Catonis. Si libebat spatium, vel opacum frigus captare, quocumque se vertebat, jucundissimae patebant deambulationes, in immensum fere porrectae, densissimis ac procerissimis arboribus opertae aestivali aestui arcendo: quibus nihil illecebrosius excogitari poterat, praesertim torrente sole. Accedebat philomelarum, caeterarumque avium cantus, quibus aures perpetuo demulcebantur. Denique assuebat omnibus deliciis. Verecunde tamen iis fruebatur. Neque enim idcirco librorum curam abiecit: sed ruris hilaritatem & laxamenta, cum studiorum utilitate conjunxit. Legit enim D. Joannis Chrysostomi priora duo volumina, quae Monasticonius eorum eruditissimus concinnator & Scholiastes, sibi dono miserat. Nec deerant graviorum studiorum diverticula, Bucolici Graeci & Latini, Catulli lepores, Ciceronis munditiae familiares. Scripsit etiam plus quam centum versus, quibus suae Arcae nomine peregrinationes suas elegantissime descripsit: cujus Elegiae continuationem in tempus distulit opportunius.

124. Ex oculorum interim morbo paululum recreatus, ad v. Kal. Quin-

Quintileis Albam se contulit. Quo cum pervenisset illucescente die, ac maritinus sopor Cardinalis Aquavivæ domum adhuc teneret; visum est interea donec expersiscerent, Urbem lustrare felicissimam, quæ immortalem illam Aenææ progeniem, terrarum orbem subacturam, sinu suo fovit, ac stupendo naturæ miraculo, Romulum genuit, æternæ Urbis conditorem. Urbe igitur ex sententia obita, domum revertit, Principem salutatum. Quo ille officio perhumaniter accepto, Martinoque ad colloquia admisso, omnia in eum contulit amoris singularis, honorisque testimonia; nam nec avi splendoris magnitudo, nec dignitatis fastigium, nec commissi sibi ab Rege Catholico muneris gravitas, impedimento ullatenus fuerunt, quo minus lenitate sua uteretur adversus Martinum, eumque amplexaretur ac foveret, mensæ tandem adhiberet. Statuerat Princeps ea ipsa die ad Urbem reverti. Itaque advesperascente jam sole, cum eum ad vehiculum Martinus & qui ibi aderant, adduxissent, fausta omnia precati, ad Sacchetti petorritum conversus Decanus una cum ejus domino (aderat enim Marchio prandioque interfuerat) eoque consensu Tusculum versus iter arripuit, jussu auriga, ut quam lentissime currum traheret, cum ut amoenitate viæ altius fruerentur, tum ut Sacchetto, poematia quædam Thusca disertissime recitanti, ne rotæ obscreperent, frangeretque impetum dicentis motus concitator.

125. Tusculi manere constituit aliquot dies, in utrumque paratus, aut transigere ibi periculosissimum anni tempus, coeli enim intemperies reditum in Urbem intercludebat; aut Alonam repetere, si forte res non detumescerent, ubi primum observaret idoneam navigationis tempestatem; nam navigationem suscipere mari clauso periculosum erat. Cum autem hominum cogitationes perquam fallaces sint, utriusque consilii periculum fecit: nam ubi infestus aer defervere coepit, Romam rediit, & paullo post necessitate adactus, iter in Hispaniam arripuit.

126. Illud autem est admiratione dignum, quod Romam reversus, etsi tanto curarum aestu fluctuaret, tamen literarum consuetudinem non dimiserit: dies enim integros transigebat in museo Leonis Strozii, Clementis XI. Insulari domestici. Quod museum insigne erat, meruitque ut Decanus illud describeret elegantissimo Epigrammate,

mate, quod multi viri eruditissimi transcripserunt; Dux autem Strozzius aureis literis exscriptum collocari iussit ad musei postes.

127. Nec diu in Urbe Martinus mansit, cum in ea permanere rerum publicarum status minime sineret. Tunc distraxit celebrem suam numismatum veterum collectionem, in qua vitae iucunditatem collocabat. Nimirum communicare illam cum aliis (qui praecipuus est studiosi laboris fructus) omnino desperabat; cum rediturus esset in patriam, ubi de aliis quam recentibus nummis, tractare, perinde est ac cum ratione insanire, ac ludibrio haberi. Mense igitur Octobri, post decem & octo menses quam in Urbe fuerat, valedixit Martinus Urbi terrarum dominae, ac iucunditati vitae; quam dolore oppressus finiisset, nisi Deus ei occurrisset praesentissimis auxiliis, & singularissimo favore.

128. Reditus in Hispaniam fuit improspere. Saevissimis enim tempestatibus vexatus, vix tandem litus tenuit ad Fanum Sancti Romuli. Unde piscatorio lembo denuo conscenso, ob terrestri itinere in eo tractu difficultates, Antibus appulit. Inde vero per Provinciam & Occitaniam Alonam remigravit post septem & sexaginta dies, quam Roma egressus fuerat. Impeditissimo quidem itinere, ob res jam tum ab bellum vergentes, & occupatos suspicione animos. Tamen etiam per senticeta & anfractus incolumis Alonam pervenit, Valentiae obiter salutato Mignana veteri amico, quem, ubi domi suae pedes fixit, ad se visendum invitavit suavissimis Hendecasyllabis, quos panxit IV. Eidus Decembris AN. MDCXVIII. & Lectoris delectandi gratia subiiciuntur hic.

*Mignana, o vetus integer sodalis,
Nostri deliciae, lepos, venustas;
Quem tot jam misere tuli per annos
Absentem tacita silere charta;
Si tibi igniculus vetusti amoris
Forte inter cineres adhuc superstes
Manet, nec perii omnis excidique;
Sive Turiacis aquis rigata
Prata, fertilis atque amoena campi,
Sive tu colis inclutam Saguntum,*

Et

*Et strata Annibalis furore tellus,
 Linque Turiacis aquis rigata
 Tu prata, atque fide inclutam Saguntum,
 Nosque jam propera videre saluos.
 Martinus variis freti periculis
 Functus, jam patrios tenet penates,
 Optatumque solum Illicis praealtae,
 Nec tutus rabidas timet procellas.
 Martinus vetus hospes atque ocellus,
 Quem tu plus oculis tuis amabas,
 Et dista illepidam inficitiaque
 Laudare es solitus jocosque ineptos.
 Ergo si incolumem videre amicum,
 Amplectique cupis, mora rejecta,
 Festina Jovis ocyor sagitta,
 Mignana, o vetus integer sodalis,
 Nostri deliciae, lepos, venustas.
 Adstabant Veneres, Cupidinesque,
 Et crebri sonitum dabunt caccinmi.*

129. Alonam reversus, scripsit aliquas observationes in Aristophanis Comoedias, quem Auctorem ille ut Atticae venustatis principem semper veneratus est.

130. Paulo post, e Sardinia literas accepit, quibus enixe rogabatur, ut vendere vellet seriem numismatum Consularium, quae sibi supererat. Constabat ea quingentis & septendecim argenteis nummis diversi typi. Decanus Euctionem Plautinum imitari nolens, qui divitias suas absconditas habebat; non abnuit, & Andreas Bonitus, Neapolitanus, ex perantiqua nobilissimaque familia, & apud Regem Catholicum Chiliarcha, thesaurum illum abstulit.

131. Adhuc ei supererat series numismatum Graeciae, quae *Antiqua* vocatur. Series item numismatum Siciliae, quae Graeca etiam, sicut & magnae Graeciae. Quibus accedebant Hispaniae antiquae numismata topographica; & ejusdem nationis nummi quamplurimum characteribus incognitis propter priscae linguae ignorantiam. Quae omnia numismata ad septingenta, aut octingenta, numero

Tom. I.

I

per-

perveniebant: eaque vendidit Anglo cuidam taedio gazae infructiferae in eo tractu, ubi harum rerum admirator nemo prorsus; possessoresque ipsi ludibrio sunt ac despectui.

132. Sic Martinus renunciabat voluptatibus suis, & deliciosissimis illis studiorum fructibus, quos in ante acta vita perceperat. Quo factum fuit, ut in magnum incideret moerorem; & vitam miserabiliter abruptisset, nisi praesto ei fuisset Philippus Bulpho, vir prudens, doctus, eruditus, maximisque virtutibus ornatus. Is oppressum crexit, languentem refecit, ac semianimem recreavit. Quo factum fuit, ut Decanus paullatim rediret in consuetudinem librorum, quos habebat eximios, per omnem vitam paratos, ad animi profectum, & oblectamentum.

133. Interea dum Decanus animum confirmabat suum, literas accepit a Cardinale Francisco Aquaviva & Aragonio, quibus eum urgebat, ut cujusdam operis Dedicationem Romae sibi promissam quantocyus mitteret. Nimirum Jacobus Pizeus suam Decisionum Rotae Romanae Collectionem in lucem edebat. Primum volumen dedicaverat Philippo V. Hispaniarum Regi; secundum dedicandum Cardinali Julio Alberonio ad exitum perducebatur. Tertium destinatum erat Illustrissimo Cardinali Francisco Aquavivae. Hic Emmanuelem Martinum protectionem ab Urbe Roma maturantem postulavit, ut sub Jacobi Pizei nomine Prosponefin conscriberet: & ut in ea aliquid de Aquavivarum gente diceretur; dedit ei duo volumina ad suae Familiae decus spectantia. Adjunxitque id sibi fore gratissimum. Cum Alonae igitur Decanus Urbis desiderio contabesceret, molestiaeque oppressus nec literam appingere auderet; contigit ut exacto anno, & volumine Aquavivae destinato absoluto, necesse fuerit Pizeo patrocinium quaerere in altero Moecenate, dilato Aquavivae obsequio in sequens volumen, donec Decanus mitteret Prosponefin suam. Ab eo igitur Aquaviva per epistolas postulavit, ut fidem suam liberaret: id sibi fore gratissimum. Quamvis autem multi Romae illi rei suam operam pollicerentur, respondit Eminentissimus Purpuratus, se id officium ab uno Alonensi Decano desiderare. Si id obtineret (uti credebat) votis suis esse potiturum; sin autem; nullo sibi fore in pretio Pizei obsequium. Paruit tandem Decanus, & anno MDCCXIX. scripsit epistolam Prospone-

phonicam Jacobi Pizei nomine, eamque misit illustrissimo Principi, qui cum eam accepisset, prae gaudio exiliens, e suo exitu conclavi, omnibusque iis qui officii causa convenerant, Dedicationem ostendit, & clara voce dixit: *Se aequè aestimare Prophonefiam illam, ac purpuram qua induebatur.* Tam alto immortalitatis amore tangebatur.

134. Anno hujus saeculi vigesimo, cum initio cursus literarii, qui altero die post Divi Lucae festum incipit, Salmanticam ingressus fuisset Josephus Martinus, Emmanuelis frater consanguineus, Jurisprudentiae edicendae gratia; tunc Gregorius Majansius, adolescens literarum amantissimus, cum de Emmanuelis Martini eruditione, & eloquentia plurima Valentiae accepisset ab Josepho Emmanuele Mignana, & Thoma Vincentio Tosca, viris sapientissimis; & aliquas ejusdem epistolas Salmanticae legisset sibi communicatas a doctissimo viro Josepho Borrullio Valentino, tunc Juris Civilis in Academia Salmanticensi Antecessore primario, nunc in Granatensi Curia Senatore litibus judicandis; opportunam nactus occasionem bene merendi de tam praeclaro viro, ejus fratrem Josephum adiit, liberaliterque ei pollicitus fuit omnem suam operam, diligentiam, pecuniam; denique quicquid posset, ac simul literas ei dedit ad Decanum, quibus eum ad amicitiam secum ineundam provocavit. Cumque ille accepisset, tum a Fratre suo nuncium praeclarissimorum officiorum, tum a Majansio literas benevolentia plenas; fratri suo jussit, ut Gregorii Majansii amicitiam coleret, & consuetudine ejus frueretur; a Majansio autem rogavit, ut fratrem suum, quem ultro amaret, arctius amplecteretur: quicquid doctrinae in illum conferret, se acceptum relaturum, maximamque a se initurum gratiam, si praeceptis, consiliis, monitisque suis eum adjuvaret atque promoveret. Ex eo tempore Gregorius Majansius, qui libris solum intentus, & paucissimis in ea Urbe cognitus (utpote cum Vincentio Mascarellio Societatis Jesu, Josepho Borrullio, Mathia Chafreone, Joanne Caprario, popularibus suis, cum Joanne Abarisqueta Societatis Jesu, Joanne Insula, Didaco Ferdinandezio Cordubensi, Carolo Elizondo, Simone Balneario, Alphonso Quiroso, paucisque aliis lectissimis vitis, solum communicans, umbratilem & solitariam agebat vitam) existimavit sibi non solum gloriosum, sed utilissimum fore, cum eruditionis principe consuetudinem habere literariam, ut & stilum exerceret,

ceret, & uberrimos doctrinae fructus ab eo perciperet. Nec summus vir conditionem respuit, cum consideraret adolescentem illum, qui a nullo praeclaro Magistro institutus ad haud aspernamam sermonis munditiam atque elegantiam pervenerat, posse ad aliquam eruditionis famam pervenire, cum & ingenium ei esset satis acutum, & studium erga literas ardens, & iudicium pro aetate acre. Inde igitur natum celebre illud & pervulgatum Majansii cum Martino litterarum commercium, & mutuus utriusque amor nunquam violatus.

135. Existimabat Martinus, parum se satisfacturum Majansii amoris erga se eximio, nisi amicos illi conciliaret suos. Itaque Eidibus Januariis Anni MDCCLXII. significavit Majansio, rem illum patratum sibi sane perutilem ac perhonestam, si in amicitiam suam pelliceret Philippum Buliphonem Regis vectigalibus in Alonenſi tractu Praefectum, eximium Jurisconsultum, Latini sermonis aequissimum aestimatorem, Graecaque etiam suppellectili mediocriter instructum: quique juxta secum Majansium amaret. Adjunxit expeditum esse talem hominem sibi devincire, Majansio lacescente, ac se proxeneta. Cui rei officia sua pollicitus. Opportunam occasionem avidissime arripuit Gregorius Majansius. Philippo Buliphoni scripsit eum in amicitiam provocans, quam cum illo iniiit arctissimam.

136. Post aliquot dies, Martino ac Buliphone jumentibus, literas dedit ad Gregorium Majansium Caesar Laurentius Bulipho, Philippi frater, Mantuae novae degens, vir humanissimus, & optimis artibus excultus, adjunxitque simul *Apasterosin* Martinianam recens editam in Urbe Regia. Nimirum Emmanuel Martinus volebat posteritati relinquere aliquod monumentum amoris, obsequii, observantiae erga Philippum Buliphonem, summum amicum suum. Itaque cum anno MDCCLXII. anniversario more accessisset ad Villam Popilianam sitam in Agro Alonenſi, sextili mense continuavit absolvitque Tusculi olim inchoatam Elegiam, cui titulus *Ἀπαστῆρος*, sive *In Astrum conversio*. In ea Arcam, vicennialium peregrinationum comitem, iterum attritu ac vetustate fatiscentem quadam veluti consecratione inter Astra collocavit. Quam Elegiam ubi absolvit, misit Philippo Buliphoni. Hic statim transmisit ad fratrem suum ut eam publici juris faceret, siquidem Matriti erat satis idoneus typographus.

phus, recentes characteres, nitida charta, & Janus Interamnenſis Ajalaus, diligens emendator. Prodiit illa Elegia cum aliquot Epistolis argumentum ejus aliqua ex parte declarantibus, & cum elegantissima Praefatione Caesaris Laurentii Buliphonis, recensionem accurante Jano Interamnenſi Ajalaeo, qui carmen praemisit lectu dignissimum in Auctoris laudem, ac praeterea Judicis Ecclesiastici jussu Elegiam approbavit; & ex decreto Regii Castellae Senatus, Cl. ejusdem Consiliarius Hieronymus Pardus, vir gravissimus, & eruditissimus. Irridebant infulsi nebulones consilium publicandi poemation, quod videbatur solum continere ineptam fictionem; ignari profecto Elegiam illam, nihil aliud esse quam Historiam Peregrinationum Decani Alonensis; Praefationem autem, recensum praecipuum operum ejus, ut Hispanis animus crearetur ad illius patrocinium suscipiendum, sufficiendisque necessarios sumtus ad praeclarissimum Operum publicationem. Quod cum attente considerasset Gregorius Majanus, *Apasteros* artificium, eruditionem, elegantiamque admiratus, eam Elegia quadam celebravit, quam, quia plurimi fecit Emmanuel Martinus, visum est non importunum hic adjungere

*Arca, pererratis toties terraque marique,
Arcanis Domini fida ministra tui:
Bis denas experta hiemes cum perpe tuo
Restituens Domino credita quaeque tuo.
Post varios casus, post tot discrimina lactor
Esse ministerio praemia digna tuo.
Gratulor ereptam vitam formamque caducam,
Et superi jussam fornicis esse jubar.
Salve igitur, praeclare nitor, decus addite coelis.
Nostraeque per lucem sac rata vota novam.
Invidiosa hominum jam noli mentibus esse.
Divitias tantas non aperire nefas.
Sunt tibi quae nolint Arpinis cedere chartis:
Quacque tibi invidiam, Mantua clara, parent.
Per quas Varronis facilis iactura videri:
Atque iterum Latii lingua vigere queat.*

*Sunt quibus antiqui malletur gloria saeculi,
 Aligeri reprimi possit & ira senis.
 Quicunque revelentur causae momentaque rerum:
 Nec non priscorum dogmata sancta virum.
 Sunt quae Cecropiis scriptae videantur Athenis;
 Illarum eloquium nec periisse sinant.
 Et quibus Argivi cupiant cum gente togata
 Cernere de lingua, Roma diserta, tua.
 Istae divitiae, magis & pretiosa recondis
 Siqua istis, pateant, nobilis Arca, rogo.
 Sic tu sis posthac insueta luce coruscans,
 Ipseque non tali Phosphorus igne micet.
 Sic fratres Helenae tibi lucida fides cedant,
 Et Bereniceo vertice caesa coma.
 Sic toto caelo non sit fulgentius astrum,
 Quodque magis nitidum fundat ab arce jubar.
 Sic coeli meliore plaga tibi sistere detur,
 Unde oculis hominum suspiciare nitens.
 Sic Domini semper videas ad crescere famam,
 Dum sero superos augeat Indigetes.*

137. Elabebatur annus vigesimus secundus, cum Cl. Josephus Octavius Bustanzius, vir excellentis iudicii, omnibusque bonis artibus instructissimus, nunc Reipublicae Genuensi a Secretis apud Regem Catholicum, Genua Alonam appulit, ibique aliquod tempus commoratus fuit. Cum Decano Alonensi consuetudinem iniiit familiarissimam arctissimamque, utriusque meritis validissime firmatam. Nam & Bustanzius semper suspexit illam Martini multiplicem rerum cognitionem cum eloquentia mirabili conjunctam; & vicissim Martinus semper adinavit egregiam illam Bustanzij indolem cum eximia prudentia copulatam.

138. Incunte eodem anno vigesimo secundo, Illustrissimus Marchio Scipio Maffei Veronensis, qui quam plurimis ingenii sui monumentis immortalem gloriam sibi peperit, literas dedit ad Decanum Alonensem, quibus in amicitiam illius recipi optavit. Aperuit ei consilium magnae Inscriptionum Sylloges publicandae, & Collectioni prae-

praemittendi *Criticam Lapidariam*. Opem igitur auxiliumque a Decano imploravit, plurima ab eo petens, nec vulgaria neque tralatitia. Quibus omnibus Emmanuel Martinus cumulatiflime satisfecit: usus praeterea liberalitate maxima: nam ei misit Inscriptiones quadringentas decem & octo: inter quas Valentinae, quas Decani jussu fidelissime descripsit Majansius, & ad eum misit mense Decembri ejusdem anni. Praeterea veluti mantissae loco Maffeo misit Martinus centum & sexaginta numismata ad Hispaniam pertinentia. Quorum pars erat percusa Latino charactere; reliqua, plus quam octuainta scilicet, vetere Hispano, eruditis omnibus ignoto.

139. Annus vicesimus tertius memorabilis est nova amicitia excellentissimi Viri Antonii Judicis, Juvenatii Principis, qui cum noscere vehementer cuperet Martini sententiam de Inscriptione quadam pervetusta, quam ipse inter cimelia sua asservabat; ab eo accepit epistolam eruditissimam, Auctoris exquisitam doctrinam, & primum obsequium erga tam eruditum Principem, testantem. Qui quoties Martini scriptum aliquod videbat, continuo legere, describere, diligenter custodire, & apud omnes celebrare consuevit.

140. Deinde magnum silentium consequutum est. Etenim non sibi tantum oculi caligare, sed & palpebrae ignei cujusdam humoris affluxu, molestissima quadam prurigne infestari coeperunt. Quod cum Bibliopola quidam Londinensis rescisset, anno vicesimo sexto ad eum venit; specie quidem ut libros ejus videret; re autem, ut, si fieri posset, pretio ab illo extorqueret. Igitur iis diligenter inspectis, animi sententiam aperuit. Nec furdo dictum est, nec nolenti. Itaque tribus verbis transacta res fuit. Valde enim cupiebat Martinus libros distrahere, quorum nullus sibi usus, oculorum vitio. Neque subsidium sibi ullum ab optice. Simul enim sibi tenebrae oboriebantur. Ad haec cruciabatur animo in illa bonarum artium solitudine nondum sibi licuisse personam mutam exire, quam per tot annos sustinuerat. Ut ne studiorum suorum ratio ulterius sibi fraudi esset. Denique (quod omnium caput erat) praefagebat fore, si libros reliquisset superstites, ut scombris piperique essent cuculli, thurique involucria praeberent, vilioribusve usibus deservirent. Nam saepe in Hispania quo rarior est liber, eo despectior haberi solet. Itaque angore potius animi ac desperatione, quam sponte

sponte atque ex sententia, invisam supellectilem domo abegit, & in ea etiam Dioscoridem plantis minio expressis spectabilem sibi a Gregorio Majansio dono missum: in quo Martinus singulis plantis nomen appinxerat Hispanum. Quae nomenclatura debuerat in Hispania manere, ut aliquando Dictionario Hispano-Latino valde imperfecto, suis in locis infereretur. Praeterea Martinus imprudens tradidit aliquas Homeri Rhapsodias inter libros latentes, quas ipse fecerat Latinas. Quo factum fuit, ut autographa ipsa perlata fuerint Londinum. Qua in Urbe titulo *Bibliothecae Martinianae* vendita fuit Decani Alonenfis Bibliotheca non admodum numerosa, sed in qua nullus liber erat despiciendus, plurimi vero exquisitissimi rarissimique, fere omnes nitidissimis characteribus excusi, earumque editionum, quae maxime celebrantur. Semper enim fuit amantissimus non solum librorum, sed optimorum. Adeoque eorum conservationis nitorisque amore scripsit leges ad *Bibliothecas* pertinentes, quas plurimi viri eruditi suis praefixere. Cumque eas legisset Cardinalis Alvarus Centigneus, vir maximi ingenii, ingeniorumque adeo aestimator acerrimus, non dubitavit scribere, *Gravinam si viveret, illas inserturum esse inter leges xii. Tabularum.*

141. In eo mentis aestu, cum scilicet libros domo eiecit, ac ut ipse dicebat, cum sibi manus intulit, ac viscera sua discepit, Hendecasyllabos panxit, quos, ut posteritas admiretur oestrum illud prope inimitabile, visum est adungere.

*Infauftis avibus libri exarati,
Et chartae steriles, abite in ignem.
Quin vobis male sit, probrosae, inertes.
Cassae literae; in crucemque fontes
Ite, triste mihi atque inane nomen.
Tuque invisa Minerva, diva fallax,
Gnavae perniciēs bonaeque mentis,
Futulis Dea, numen inficetum,
Lethale illicium, facesse longe.
Nostram desine fascinare mentem.
Odi teque, dolosque, abominorque
Pellaces laqueos, laboriosas*

Quis

Quis soles animas , potens nocendi ,
 In triste exitum vocare. Nolles
 Infano studio , atque pertinaci ,
 Exhaustae , male collocatae , inanes ,
 Peristis penitusque funditusque.
 Saevo numine lucubrata scripta ,
 Infansis avibus libri exarati ,
 Et chartae steriles , abite in ignem.
 Olim deliciae , quies , levamen
 Languentis domini , Et labore fessi :
 At nunc quisquiliae , meraeque nugae ;
 Et gerrae illepidae , valete multum.
 Sacrae Mulcibero flagrate chartae :
 Absumat pluteosque codicesque
 Vulcani rabies. Vorate cuncta.
 Quae me intemperiae , furorque adegit ,
 Ut lustrare adytum , sacrumque repostumque
 Anderem stolidus , sacrumque limen
 Minervae ? atque sacros movere postes ?
 Heu ! me perdidit ingens venustas.
 Huc , huc , Bibliopala nundinator ,
 Tot volumina , sarcinas inertes ,
 Aufer hinc , apinasque naeniasque.
 Evolvant quibus obsequentiore ,
 Et laetam Superi dedere sortem.
 Me Fortuna premisitque conficitque
 Atrax , lurida , tristis , invidensque.
 Utque olim Citharoedus ille , vitam
 Duxi aëxagatos , silente fama ,
 Ignotus patriaeque civibusque.
 Atque inglorius. O ! satis superque
 Vecorsque desipui. Valete prisca.
 Nugarum satis atque ineptiarum.
 Tintinnabula vana , barbarique
 Stridores , Scythicae sonus loquelae ,
 Regnate incolomes vetante nullo.

Tom I.

K

Miren-

*Mirentur stolidique stiptesque
 Rixosum crepitacula morionum,
 Inanesque sonos, nuceſque caſſas,
 Et ſqualentis agri aſpra ſenticeta.
 Nos, quis contigit auribus Batavis
 Verba ſundere, verberare ventos
 Incaſſum, & ſteriles arare campos;
 Stertamus valide, atque utramque in aurem
 Dormiamus. Iners premat ſupinum
 Somnus, obſtrepero ſonante rancho.*

142. Ex eo tempore Decanus valere juſſit Minervam, nactus ſteriles literas, & ingraram patriam. Cepit etiam conſilium mitigandi ſpiritus, celandi ſapientiam iupra caeteros, & unumquemque alloquendi pro ſingulorum captu. Tantum vero taedium ſcriptionis cepit, ut deinceps vix ad unum aut alterum literas dederit, praeterquam ad Gregorium Majanſium, quocum literarium commercium internaiſit nunquam. Itaque Majanſius habet & diligentiffime cuſtodit omnes epistoſas, quas ab eo accepit, Hiſpana lingua conſcriptas, tam vividis ſententiis, tanta gratia ac lepore, ut in eo genere nihil Hiſpana lingua habeat, neque diſertius, neque elegantius: neque quicquam reperiri poteſt, quod tanti ingenii excellentiam aequè ob oculos ponat.

143. Anno hujus ſaeculi trigefimo, cum Illuſtriſſimus Baro Jo. Theodoricus Schombergius totam Europam peragraſſet, & cum eruditiffimis viris cultiſſimae orbis partis communicaret, univerſa Hiſpania perluſtrata, redire noluit Dreſdam patriam ſuam inſalutato Martino, Hiſpanorum eruditiffimo, & Antiquariorum Principe. Extremo itaque menſis Maji Alonam adiit, v. Kal. Junias Decanum convenit; cum eo aliquot horas allocutus, tanti viri eruditionem & eloquentiam admiratus fuit, & ſummum virum magnopere amare coepit. Significavit ei Schombergius, velle ſe Valentiam videre Regni Metropolim, ſtatimque Decanus ei dedit commendatitias literas ad Gregorium Majanſium. Quibus acceptis adoleſcens officioſus omni quo potuit obſequiorum genere acerrimum illum ingeniorum aeſtimatorem, liberaliſſimumque literatorum Patronum ſibi devinxit, quan-

quantum potuit. Is Dresdam redux, de Republica literaria bene mereri cogitans, literas dedit ad Gregorium Majansium, per quas enixe petiit, ut a Decano Alonenſi manuſcripta omnia extorqueret, & ad ſe mitteret; eodemque tempore pollicitus fuit, curae ſibi fore, ut ederentur Lipſiae. Mandatum illud ſuſcepit Majanſius, & cum Decano ſtatim agere coepit. Renuebat hic manuſcripta ſua committere itineri mediterraneo periculorum pleno. Cum autem Majanſius ſemel iterumque negotium urgeret, Decanuſque jam ſolum praetexeret editiones Lipſienſes, quae licet correctae eſſe ſolcant, plerumque tamen parum ſunt nitidae cauſa chartae, ſimilis empo- reticae; pollicitus fuit Majanſius non ſolum autographum ſalvum fore, ſed editionem etiam futuram nitidiſſimam: ſicque a Decano tandem obtinuit, ut manuſcripta ſua deſcribi ſineret; autographum apud ſe retineret. Fidei ſuae ſponſorem locupletiſſimum Majanſius adhibuit Cl. Schombergium, ad quem rem omnem detulit. Quo nuncio accepto Illuſtriſſimus Baro, v. Eidus Sextiles anni m d c c x x x i i. Emmanueli Martino ſcripſit, ſe in patriam reverſum, eruditis viris perſcunctantibus, quoniam potiſſimum viri apud Hiſpanos principatum in literis tenerent, in primis indicaviſſe Emmanuelem Martinum, & quid ſcripſiſſet, quamque praeterea multa elaborata & ad editionem matura in manibus haberet, copioſe explicuiſſe. Quo factoj ajebat Schombergius, tantum omnes inceſſiſſe ardorem, etiam reliqua Martini ſcripta videndi, ut tanquam totius Germaniae literatae nomine, a ſe ſlagitaverint, provideret quantum poſſet, ne ea interciderent; poſſe enim faciliſſimo negotio apud Lipſienſes typis excuſa, vel ſic ab interitu vindicari. Idem addidit, ſe recepiſſe apud eos, omnem ſe operam impenſurum, ut illud Emmanueli Martino perſuaderet; proptereaque id obnixè rogaſſe, tum per Majanſium, tum per ſe ipſum. Denique promiſit, ſe quantum in ſe eſſet, omnem curam adhibiturum, ut non modo quam correctiſſimam, ſed etiam elegantiſſimo typorum charactere, & in charta nitidiſſima excuderentur. Poterat enim Lipſiae, modo ſumtibus non parceretur, tantae bonitatis charta, ut in ipſo Belgio inveniri. Qua de re fidem Emmanueli Martino ſuam Illuſtriſſimus Schombergius interpoſuit. Itaque rogavit, ut omnia Opera ſua deſcribi ſineret, & deſcripta ad ſe tranſmitti pateretur. Horum enim quo plura, eo futura apud

eruditos homines gratiora. Martinus Schombergii literis acceptis; rescripsit se incredibili voluptate perfusum fuisse, cum literarum fauorem, suique famaeque suae amantissimum adeo in se propensum videret; considerare tamen frui se non posse tanti viri beneficio, propterea quod exscriptor idoneus inueniebatur nullus. Adjunxit ea quae ipse elucubraverat, inter lituras jacere ac saepe inextricabiles: ad haec aliquibus in locis a bibula charta literas extuctas. Quae omnia Auctoris ope, imo & opera, maxime indigebant. Quibus difficultatibus interceptus, multa flammis se tradidisse dixit: quaeque supererant in idem fatum propendere. Quo igitur se verteret nescire, nisi quis bonus genius manum porrigeret laboranti. Se nequire tamen non mirari egregiae ejus indolis praestantiam, ac benevolentiae adversus se eximium testimonium: qui unius Majansii amori, etsi acerrimi judicii juvenis, tantum detulisset, ut eo impulsus in hominis exteri atque ignoti ornamenta & commoda, omnes amoris officiorumque copias effudisset: se omnem moturum lapidem, ut ei morem gereret. Forte adfuturum Deum aliquem ex machina.

144. In hanc sententiam scriptas literas Martinus oculorum vitio laborans Majansio misit, ab eo describendas obsignandasque. Quas cum legisset adolescens fidei suae tenacissimus cultor, dixit se non audere ejusmodi nuncium perferre ad Cl. Schombergium, cui spem prope certam manusciporum transmissionis fecerat. Et ne quam excusationem vir summus praetexeret, adjunxit Majansius, habere se amanuensem qui manuscripta illa paratus esset describere. Viſtus vir humanissimus, tum precibus amicissimi juvenis, tum desiderio obsequendi nobilissimo Baroni; rescripsit Majansio jam habere se descriptorem, viderique sibi, cum intra quadrimestre descripturum Epistolas omnes: has enim solum (caeteris Operibus suis silentio traditis) edi volebat Martinus, utpote ingenii sui praesentissimam imaginem. Quo nuncio accepto, de eo Majansius certiores fecit Schombergium, Martinique literas ad eum misit. Sed paullo post, malo quodam genio obsistente, compertum est, exscriptorem illum, quem Martini amici tantopere laudaverant, nedum scribere, sed nec exscribere, imo nec legere scire. Quare iterum editionis spes inanes redditae. Urgente tamen Majansio ad importunitatem usque, statuit tandem Decanus Epistolas autographas ei mittere, & ejusdem curae

curae committere, ut quae vix legi possent, liturarum, aut bibulae chartae causa, ipse describeret (neque enim alterius negotium erat) deinde singulas prout sibi videretur, ordinaret, ordinataeque in Libros distribueret, & postea mitteret ad Illustrissimum Baronem Joannem Theodoricum Schombergium. Quoniam vero Decanus laborabat hebetudine oculorum, & quicquid addisciebat externae opis aversebantur, ac respuebant, nec aliquid operae auxiliivae ab Optice mutuari licebat; ideo Majansio facultatem fecit urendi secandive quicquid ei videretur. Quo tamen jure adolescens ille uti noluit: sed, ut sunt scriptiones privatae, & variae, & de rebus forte publice silendis; verecunde ei proposuit, quae Lectores nonnullos nimis delicatos poterant offendere; Decanusque statuit quod e re sua visum est, relictis nonnullis, quae Majansius quadam veluti religione tactus, omittenda censebat: Epistolas illas Majansius tanta aviditate accepit, ut tribus diebus omnes perlegerit: deinde maximo labore quamplurimas descripsit; disposuit omnes ordine temporum; in duodecim libros distribuit; denique legit iterum; in adversaria referens quicquid ad Decani vitam videbatur conducere. Idem praestitit in Hispanis Epistolis, quas a viro habet eruditissimo. Quo factum est, ut ex dissipatis illis reliquiis, incorruptissimis tamen veritatis monumentis, hanc contexuerit Vitam, proprio adhibito judicio.

145. Dum haec omnia gererentur, Anno MDCCLXXI. Matrifi decessit Josephus Anastasius Martinus, Decani Alonensis Vicarius: cui Pontificia facultate obtenta, subrogavit ille ornatissimum juvenem Franciscum de Hoyos, qui dignitate illa decoratus tres menses & dimidium, in Alonensi Ecclesia solum octo dies resedit, & e vita migravit. Huic substituit Decanus Thomam Fabianum, juvenem spectatissimis moribus, prudentem, & doctum; sectatoremque Gregorii Majansii. Elegit eum mense Novembri anni MDCCLXXII. & possessionem iniit XI. Kal. Aprileis anni MDCCLXXIII.

146. Rebus ita se habentibus, cum Epistolae ordinatae essent; praetermissis multis ad Martinum datis, casus incidit improvisus, qui spem earum editionis elusit. Nam res Poloniae turbari coeperunt; deinde bellum exarsit; & literarum commercio interdicto, spes Lipsiensis editionis evanuit. Saltem eam in longum tempus differri necesse erat, donec scilicet belli saevissima tempestas detu-

mesceret. Sed Deo Optimo Maximo providente factum est, ut Epistolae in Hispania publicatae sint, earum editionem accuratam ipso Majansio, cujus diligentia multum profuit, ut possent typographi omnes Epistolas perlegere, ut variorum, ita varie, id est pessime interdum exaratas. Nimirum Majansius Matritum ut Regi esset a Bibliotheca accitus fuit; & forte contigit, ut Illustrissimus vir Josephus Octavius Bustanzius Reipublicae Genuensi a Secretis apud Regem Catholicum, duceret eum ad amplissimum virum Benjaminum Keene Regis Angliae Legatum cum plena potestate apud Hispaniarum Regem, virum omnibus Oratoris artibus instructum, & ad faciendas pactiones, foedera, & reconciliationes Principum veluti natum: qui cum sit etiam liberalium studiorum cultor elegans, & admirator egregius; cum inter Majansii Epistolas legisset aliquas Emmanuelis Martini, dixit se harum lectione valde fuisse delectatum, ac desiderio accensum videndi alias. Quem nuncium cum ex Clarissimorum Bustanzii, & Majansii literis accepisset Martinus; e vestigio suarum Epistolarum autographum misit ad Illustrissimum Keene, qui ut thesaurus ille communis esset omnibus, jussit eum publicari, adjuncto ejusdem Decani Libro *De Animi Affectionibus*, quem a Greg. Majansio dono accepit. Nobilissimus autem Bustanzius voluit etiam publicari *Emmanuelis Martini Vitam*, quam ab ipso Majansio scriptam fuisse sciebat, hoc pacto consulens utriusque amici famae & gloriae.

147. Interea Decanus vitam agit Alonae curis ac sollicitudinibus vacuam, homine sapiente dignissimam, famae despectricem, veraeque immortalitatis tantum sectatricem; amicis bonisque omnibus pro ejus incolumitate apud Deum vota suscipientibus, & ea decennialibus, imo vicennialibus, ac tricennialibus, jucunde solvere optantibus.

148. Emmanuelis Martini statura justa est. capilli subcrispi canis nigrisque conmixtis; frons ampla; supercilium canum sublatumque; oculi caesi, quales Minervae dixit esse Poetarum Princeps; nasus & os justae magnitudinis; color rubicundus; facies liberalis: incessus gravis: voluntas ad exsequutionem prompta: ut facile agnoscas, in ejus corpore regnare bilem: quod ille magnum naturae bonum existi-

existimat, quoniam ea praediti, licet irasci faciles sint; idonei tamen sunt ad studia literarum.

149. Vexavit eum saepissime capitis dolor, studiosorum comes assiduus. Praeterea morbus qui Graecis *ἰφιάλτης*, Latinis *Incubus* dicitur. Hoc tamen discrimine, quod ille solet esse nocturnus; hic pomeridianus. Quam ob causam aliquot annos coactus fuit post prandium quiescere sedentem. Quo pacto caput habens erectum, eo morbo liberatus fuit. Aliquando solet infestari podagra.

150. Nitore munditiaeque amantissimus est, & simul lautitiae. Adeo ut frequenter dicere soleat, se nullam aliam ob causam divitias appetiturum, nisi ut eruditos homines apud se haberet accumbe-ntes: ita ut ejus mensa Gymnasium esset amoenissimorum ingeniorum. Quod votum consentaneum est antiquorum moribus, testantibus Platone & Plutarcho in Symposiis, & Athenaeo in Dipnosophistis. Itaque cutem suam optime curat, mensam habens, etsi derepente accumbas, satis hospitem. Aquae potor est avidissimus, vini parvus.

151. Corpus ejus robustissimum est: sed aestus molestiam aegre pertert. Ideoque urbano aestu adigente rusticari solet, animique recreandi causa, ambulationibus utitur opacis amoenisque. Propterea illi nihil rure gratius, vel agresti simplicitate venustius.

152. Est in agro Alonenfi Villa quaedam, loci amoenitate, salubritate aeris, situs opportunitate praestantissima. *Pepiliana* dicitur: vulgo, *del Povil*. Ea est Martini anniversaria rusticatio. Cum eo se contert, quicquid serium ac triste, valere jubet; nisi quod aliquando opera rustica contemplatur, & imaginem priscae aevi. Ibi igitur abjectis urbanis tricis, sibi uni consulit, fruitorque commoditatibus omnibus, quas ad honestam voluptatem villa habet egregias.

153. Primum omnium est in ea areola quaedam ad solem occidentem obversa. Huic ab oriente aedificium imminet. Ab occasu autem procerissimae quaedam sorbi, in tabernaculi morem oppositae, umbram quidem efficiunt opacitate sua longe jucundissimam. Nec tamen sine molli aeris perslatu. Frondes enim aurae Zephyrive impulsu ac motatione leniter micantes, illecebroso quodam susurro aures demulcent: slatuque frigidiusculo cute perfricta, summa voluptate recreatur animus atque perfunditur. Praeterfluit rivulus, gravis-

mus.

mus profecto, leni murmure labentis undae. Etsi non ille perennis ac jugis. Statis enim diebus tantum adlabitur, agrorum nimirum irrigationi. Quo fit, ut eo gratior ille adfluat quo expectatior. Superne vitis expanditur, quae transversis perticis ridicisque suspensa, per easque laetissimis palmitibus flagellisque perrepens, soli torrenti intercluso aditu, universam aream obumbrat. A Meridie hortus excurrit, quem mites cicuresque plantae fructuum varietate atque praestantia adeo nobilitant, ut in eo Pomonam Vertumnumque versari, facile credideris. A Septentrionibus aperta omnia atque patentia; quo saluberrimus ille spiritus libere meet, seseque diffundat. Nec tamen oculis sua defunt illicia: procerae ac luxuriantes ficus maturefcentibus fructibus onustae, amygdali, sycamini. Denique quocumque te vertas, amoena omnia, laeta, viridantia. Adde avicularum lenocinia, philomelas, cardueles, regulos, modo cantillantes, modo procaci volatu atque petulco, quasi lascivientes ac ludibundas, se invicem petentes. Universam villae frontem vitis alia pensilis opacat: quam statuminum loco pilae quaedam sustinent, quae transversas trabes excipiunt, tanquam juga canterii. Videas illic pendentes borros, & mirabili naturae sollertia capreolis fultos serpere palmites. Qua deambulatione nihil jucundius fervente aestu: nihil opportunius amicorum congressibus. Illaepsae pilae horti frontem, quae e januae regione protenditur, tanquam pinnae quaedam coronant. Ut ne autem maceriae objectu horti prospectus adimatur, totum illud spatium quod ad villae angulos pertingit, decussatis arundinibus, quibusdam veluti clavis, sepitur & clauditur. Ad laevam est via publica, praeter ipsam villam hortique macerias. Quo fit, ut ultro citroque commeantium aspectus, animum loci amoenitate jam delinitum, nova afficiat voluptate atque oblectamento. Scater quippe via praetereuntium frequentia. Ducit enim ab oppido ad suburbiolum quoddam. Medium spatium tenet villa. Cujus horti maceria, oppidi extremas aedes contigit. Quod oppidum si percurras, in novas incidēs voluptates, animique laxamenta. Non enim illud, ut fieri solet in vicis, angiportus, latioresque vias, ac plateas, dissectum est atque expansum; sed uno tractu secundum amnem porrectum, cujus utramque ripam aedificia occupant, relicta in medio via, novo quidem ac festivissimo conditu. Itaque domus quae orientale latius occupant,

cupant, singulos habent ad janua ponticulos, rivi trajectioni. Ad haec suas arbores exadversum oppanfas, arcendo aestui. Identidem vero arboreta quaedam vitibus oblaqueata, continuum illam seriem interfecant, latiore spatio iis relicto; aedificiis aliquanto retractis. Qua structurae novitate atque illecebra nihil esse potest jucundius. Dicas in iis arboretis Napeas, Dryadas, atque Hamadryadas suas exercere choreas ac lascivire. Ita omnia laeta, hilara, amoena.

154. In hanc igitur villam excurrere solet Decanus ingruente aestu. Ibi cum sole surgit: matutinam conficit deambulationem: ut purissimo illo spiritu recreatus, si quid superest hesternae sordis, decoquat ac detergat. Domum reversus, udam interulam exiit, siccam induit. Post id locorum, vel aliquid literarum leviter attingit, vel amicorum colloquiis vacat. Frequenter enim ad eum ventitant, cum e proximo oppido, tum e villis circumjectis. Omnia illic ad simplicis naturae praescriptum. Nemo palpo eum percellit, nemo ei os sublinat, nemo sutelas struit, nemo fidem fallit. De re rustica multus sermo. Magnum fore vini proventum, eximiam olivitatem. Quando vineas fodere oporteat, quando ablaqueare, quando depampinare, quando mergos ducere. Quo tempore sit serendum, quo occandum, quo sarriendum. Quid porca, quid lira, quid incilia. Uno verbo, garritur ad audientium captum palatumque. Advesperascente die, & animi exhilarandi, & exercendi corporis, in aliquam villam divertit: quo majori voluptate perfundatur aspectus novitate. A crepusculo ore hiante auram captat, vel cum honestis collusoribus noctem eximit, vel saltantes rusticos spectat. Sic molestissimum anni tempus jucundissime transigit, innocentibus deliciis perfusus, donec commodior anni tempestas in Urbem vocat. Sicque corporis sui incolumitati prospicit, a medicorum manibus praecavens, quorum semper fuit inimicissimus, ut Ferdinandus Nonnius Pincianus, Franciscus Quevedus, aliique viri doctissimi. Unde cum Romae olim gravissimo morbo laboraret, ipse sibi potionem medicam praescripsit; & licet Georgius Baglivius, medicus celeberrimus, Decanique amicus familiarissimus, qui forte tunc aderat, praesentissimum interitum illi denunciaret, si eam attingeret; tamen

Tom. I.

L

haufit

hausit impavidus, admirante Baglivio & propositum tenax, & effectum prosperum.

155. Animi dotes, quibus Emmanuel Martinus praeditus est, praeclarissimae sunt. Ingenium acutissimum feracissimumque, memoria capacissima, unde sermonis illa amoenitas, quam tantopere praedicant, quotquot eum audiunt. Iudicium acerrimum & severissimum. Quam ob causam paucissima scripta ei placent. Maximorum scriptorum admirator egregius est, mediocrium parvus laudator, futilium insectator acerrimus. Accedit philosophica libertas; unde multorum in illum odium. Scilicet ferme evenire solet, ut aegre ferant literati alios prae se acutius cernere: & quod ipsi assequi non possunt, ingenii potius fastidio, quam alterius licet doctioris perspicaciae tribuunt. Hic tamen censor, non minus aliorum, quam sui ipsius est justissimus aestimator: ideoque adversus ea quae adoleseens scripsit, inclementissimus fuit. Siquidem fere omnia quae scripsit in illa aetate, flammis commisit, cum pleraque eorum orbis literarius cum admiratione legere posset. Ex quo tamen aliquorum odium, quos admonere voluit, expersus est, viventium scripta recensere abstinuit. Unus Gregorius Majanus meruit, dictis ab eo castigari. Etenim cum illam criticæ viam, quam nunc plurimi tenent, per quam veterum Jurisconsultorum sententias potius corrumpunt, quam sestimant, arripere tentaret, non sine ingenii speciosa aliqua ostentatione; adolescentem ad meliora natum a periculosa via deterruit, & ad prudentioris criticæ usum adhortatus est: illius scilicet criticos, quæ sine studia omnia frustra suscipiuntur. Itaque adolescentulus veræ gloriæ cupidissimus, repressâ ingenii licentia, tutiori viâ ad illustrandam jurisprudentiam sese contulit: & criticos sanioris usu eo progressus est, ut summus ille vir iudicii longe præstantissimi non solum manipulatim in eum laudes contulerit eximias; sed & candide etiam confessus fuerit, quiquies se cum voluptate (ope licet collyriorum adjuvantium visum) legisset criticam illam Praefationem, quam Epistolis suis Majanus præmisit.

156. In convictu & familiaribus colloquiis, facetiis jocisque maxime delectatur salibusque, non quidem aculeatis illis ac vernilibus, sed

sed innocens ac liberalibus, dignisque homine honesto. Sermo illi amoemus, semperque vel urbanitate, vel joco, vel eruditione aliqua conditus. In reprehendendo severus & acer, in admonendo mitis & placidus, in demerendo jucundus & conis, cum naturali quadam illecebra.

157. Ad literarum studia quod attinet, ad ea Emmanuel Martinus videtur natus. Ideo hiemis amator, propterea quod eo tempore illis plus vacare potest.

158. Hispana, Etrusca, Latina, Graecaque lingua peritissime scribit loquiturque. Plurimas alias egregie callet. Adolescentulus magnus fuit admirator Justi Lipsii, cujus vivo ingenio valde delectabatur. Deinde eum abiecit: & ut linguam Latinam sibi familiarem redderet, Plauto atque Terentio, ut dicendi vim & majestatem compararet, Ciceroni impendit egregiam operam. Unde postea e propria natum experientia consilium illud ad Gregorium Majansum de vera imitandi ratione aliquid cupientem scire. In epistolis ac familiari sermone ob oculos tibi semper versari debent Plautus atque Terentius, Latinae vnnstatis facile principes. Quos dum lego, peream nisi jocundissima quadam voluptate correptus, pene deficio. Quorum alter facetiis, ac sale, jocorumque festivitate, caeteris mortalibus plurimum praestat; alter vero purae emendataeque dictionis suavitate, & castimonia. Ille, tanquam ad certissimam Cynosuram, figendus obtutus. Indeque, tanquam e thesauris, Romani sermonis depromendae divitiae. Et paullo ante Quintilianii judicium sequens. Quemnam igitur, inquires, mihi imitandum proponam? M. Tullum. Unus enim ille omnes Graeciae opes ad se transtulit. Vim Demosthenis, copiam Platonis, jocunditatem Isocratis. Ille terendus, ille nunquam aut vix e manibus dimittendus. Tumque valde te profecisso scias, quum Cicero valde placebit. Praesertim vero Martinus assidua Plauti lectione proprium ex eo sibi stilum confecit, acutum, discretum, expeditum, fortem, incitarum, gravem, vehementem, & gratissimae elegantiae plenum. Neque minorem dicendi facultatem in Graeca lingua assequutus est; simili etiam via; lectione scilicet assidua castigatissimorum scriptorum. Itaque Aristophanem non minoris fecit, quam Terentium. Qua de re exstat ejusdem testimonium luculentissimum profecto,

fecto, in Epistola quadam ad Iosephum Joachimum Lorgam, juvenem bonis artibus instructissimum, & Latinae linguae in Valentina Academia Professore eximium. *Duos (inquit) ego in primis vetustos Scriptores oppido miror atque obstupesco, castissimae dictionis gloria uobilissimos. Aristophanem & Terentium. Utrumque fabularum scriptorem. Alterum Atticae venustatis facile principem, Romanae alterum. Tam ancipiti palma certantes, ut illum Graecum Terentium appellare soleam, hunc autem Aristophanem Latinum.*

159. Illud vero mirabilis quo paucioribus contigit. Cum in oratione soluta multum valeat Martinus, in stricta etiam validissimus ad stuporem usque. Nam & Epigrammata scribit lepidissima, Elegias tenerrimas, maximi spiritus Odas, Hendecasyllabos pares Catullianis, & carmina heroica, gravitate & majestate summa.

160. Sophismatum & nugamentorum hostis est infensissimus: adeoque Scholasticas ineptias frequentissime exagitat; quarum nomine nihil aliud intelligit, quam Dialecticorum captiones infructuosas; philosophastrorum frigidulas liticulas; Theologorum in rebus parvi momenti disputatiunculas oriosas. Nam alioqui ipse est disputator egregius, Philosophus acutissimus, & eximius Theologus.

161. Adolescens deditissimus fuit Scepticorum sectae; summoque studio legit imbibitque Sex. Empirici, celeberrimi Pyrrhonii Hipotyposes. Cujus sectae studio adeo pertinaciter inhaesit, ut se eo divelli aegre pateretur. Et certe insanabile saluti suae inflixisset vulnus, nisi sapientissimus Cardinalis Aguirrius praescripsisset ei, ne in quinque horis a prandio proximis librum in manus sumeret. Quod si quando faciebat, severissime illum objurgabat, & e manibus ei eripiebat libros.

162. Antiquitatis studio per omnem vitam se penitus dedit: cujus investigatione, & illustratione nihil habuit antiquius. Praecipue vero rei nummariae studium deperit. Quod ipse existimat esse, non solum amoenissimum jucundissimumque, sed utilitatis etiam plenissimum. Certe ipse confitetur ei studio se debere multum. Quem fructum ut percipere posset, magnis tum sumtibus, tum peregrinationibus per xx. annos

annos collegit quotquot antiqua numismata invenire poruit. Itaque habuit seriem Regiam & Consularem; a Romulo primo Romanorum Rege ad C. Caesarem primum Romani Imperii assertorem. Quae series constabat septingentis numismatis, quam An. MDCCXXI. sibi extorsit Andreas Bonitus, Eques Neapolitanus, Philippo Bulipphone annitente pro cive suo. Habuit etiam seriem Imperialem integram, tam Imperii quod *altum* dicitur, incipiens a C. Caesare, desinensque in Imperatorem Gallienum, Saloninam ejus uxorem, Saloninum ejus filium, & Licinium Valerianum Juniores, a quo tempore incipit barbaries, omissa potestate tribunitia; quae temporum fidissima custos; quam Imperii inferioris, a Gallieno scilicet ad Heraclium, sub quo, & deinceps, licet facta, quae numismatis continentur, non sunt aeque memorabilia; tamen habentur in pretio nummi, qui sunt alicujus rarioris Tyranni, aut ex illis Imperatoribus, qui paucos tantum dies, aut horas imperarunt, aut uxoris alicujus Imperatoris, cujus nulla sit mentio apud Historicos: hujusmodi enim numismata custodiri debent, ut monumenta pretiosissima. Praeterea habuit Graeca quingenta, Coloniarum quamplurima. Denique Hispana vetera ccc. Quae omnia cum assidue versaret, legendo, ac meditando, id assequutus est, ut veluti ante oculos habeat antiquitatem omnem.

163. Singularem vero operam navavit veteri Alphabeto Hispano, eruditis omnibus incognito, restituendo, cujus specimen quoddam efformavit. Quod coeptum, licet humanis viribus majus; tamen peperit Emmanueli Martino plurimas observationes minime vulgares, ejusdem ingenium & eruditionem egregie testantes, & diligentiam multo illustriorem prae illa, quam reliqui omnes ante ipsum in eadem re praestiterunt. Nam licet eruditissimus vir Antonius Augustinus multum sudaverit, ut eos characteres intelligeret; se omnem operam luisse confessus est. Abrahamus Gorlaeus & Olaus Vvormius ea in re delirarunt. Quae Vincentius Joannes Lastanosa Offensis scripsit de incognitis Hispaniae numismatis, futilissima sunt: neque quisquam eorum, quos in *Museo* suo Lastanosa laudavit, litteram ullam intelligere poruit. Characteres illi ipsissimi sunt, quibus utebantur Hispani, antequam in hanc Provinciam ingrederentur Carthaginenses

enses, Romanique, licet longo temporis spatio post eorum ingressum perseverarint etiam. Tamen Emmanuel Martinus post diuturnam obscurissimae rei meditationem, specimen quoddam Alphabeticum formare tentavit; illamque ab se excogitatam Alphabeti formam Illustrissimo Marchioni Scipioni Maffeo misit, licet ei non omnino acquiescens. Infamum est, quantum in iis erodendis sudaverit, quantum operae impenderit. Innumerabiles adhibuit collationes cum Alphabeto Phoenicio, Samaritano, Iosico. Sed omnia nequicquam. Copias quam maximas potuit abstrusissimae rei eruendae. Insignia veterum aliquot Urbium Hispaniae, Religionem, veterum oppidorum nomenclaturam, nummos bilingues, a quibus maximam sibi opem pollicebatur: omnes denique nervos, & noctes perpeti lucubratione exhaustas. Donec spe omni abjecta, animum despondit, manumque detabula. Quo illum etiam compulit praesentissimum quoddam insomnium; sive somnium illud fuerit, sive visio, quod verius ipse putat. Etha autem aliena somnia referre, iterum somnare videatur, & fortasse etiam putidiusculum; tamen, cum Hippocrates, Lucianus, Dion Cassius, alique viri doctissimi sua retulerint, eosque Emmanuel Martinus imitatus fuerit; non ingratum erit, jucundissimam ejus narratiunculam hic intertexere iisdem verbis quibus ille scripsit eam, literis ad Maffium datis Alona III. Eidus Junias, An. MDCCCXIV. in hunc modum.

164. „ Cum ex continentis nocturni laboris agitatione fessus, somno tandem me tradidissem; primo diluculo visus mihi sum per
 „ quietem, matronam quandam intueri augustiore forma, dextra librum tenentem, sinistra expansa euniculum. Quo ego symbolo
 „ facile cognovi, eam speciem quae ante oculos obversabatur, Hispaniam nostram repraesentare. Constitit illa, ac severa oris majestate ad lenitatem composita, placido ac sereno vultu, ita me
 „ alloquuta est. Martine, maxime me devinxisti beneficio pertinacis isto labore, opera, studio, diligentia, in quae ad me exornandum, resque nostras illustrandas, tantopere incumbis. Quare ad
 „ officii nostri rationem pertinere arbitrata sum, tibi me sistere: cum
 „ ut gratias tibi agam ob acre ac vegetum studium, quod rebus nostris impendis (quod certe per mihi gratum perque jocundum)
 „ tum

„ tum ut conatibus tuis adsum, tibi que manum porrigam, tot diffi-
 „ cultatum angustis circumvento. Sunt enim tantae rei expedi-
 „ dae copiae tuae impares, viresque imbecillae. En igitur hunc li-
 „ brum. Mihi que cum librum porrexit, quem dextra tenebat. Quem
 „ cum acceperissem alacriter, a vide que utraque manu explicuisssem; o-
 „ culosque in eum coniecisssem, tanquam lecturus; librum arripuit:
 „ iratoque ac torvo vultu: Insanis, inquit. Non enim legitur hoc
 „ volumen a fronte, sed a tergo. Libroque clauso indigaabunda
 „ disparuit. Somnoque ego e vestigio experrectus, mirari visionis
 „ *ὄψεως*. Videbar enim non tam dormire, quam connivere; ip-
 „ sumque illuocentis diei iubar adspicere. Erat enim jam diluculum,
 „ albescebatque cubiculum. Tum moniti ambages, & obliqua verba per-
 „ pendere; quae longe mihi videbantur obscuriora, quam ipsius ne-
 „ gotii a me suscepti extricatio. In diversa distrahebatur animus,
 „ ipsaque fluctuabat cogitatio. Num id scilicet voluerit: characteres
 „ illos sinistrorsum legendos, more Hebraeorum, Phoenicum, Poe-
 „ norum, Arabum. Nam si scriptum aliquod a tergo legeris, lite-
 „ ris in contrarium versis, a dextra in sinistram eundum est. Num
 „ autem indicare in animo habuerit, non mihi auxilium a libris pe-
 „ tendum, quod mendis scateant, & chalcographorum *σφαλμασι*;
 „ sed ab ipsis metallis. Quae incorrupta sunt antiquitatis monumenta.
 „ Tam inopinata igitur severissimi moniti acerbitate spes nostrae cor-
 „ ruerunt, ac veluti falce ancipiti praecisae sunt. Ad ulteriora in-
 „ vestiganda obtorpuerit animus, subsidit alacritas, & quaedam moe-
 „ roris umbra mentem obsedit. Itaque faciem trado. Utinam sis
 „ me fortunatior,

— & *Phyllida solus habeto.*

165. Haecenus vir maximus, qui huiusmodi studiis, profanis-
 que omnibus literis dimissis, aliquot anni sunt, ex quo omnino se
 dedit (dum oculi sinebant) lectioni Librorum Sacrorum utriusque
 Testamenti, incredibili fructu & voluptate.

166. Illud vero tam ardens & indefessum omnium literarum stu-
 dium omni vjta impensum, non solum retulit in eum finem, ut ex
 eis

cis tantum voluptatem perciperet honestam; sed etiam in Hispaniae gloriam; quam summo opere propagasset, nisi pessima temporum conditio sapientissimi viri consiliis invidisset. Nam ex quo Decani mens illustrari coepit antiquitatis cognitione, semper in animo habuit scribere *Hispaniam Antiquam*, imitari cupiens Philippum Cluverium, qui edidit *Germaniam Antiquam*, *Siciliam Antiquam*, et *Latium vetus*, eruditissima opera, quae Respublica literata aestimabit, Latinis dum manebit pretium literis. Simile consilium habuerat sub Philippo II. Hispaniarum Rege gloriosissimo, Petrus de Esquivel Complutensis, Mathematicarum Artium Professor in patria Academia, vir ingenii praestantissimi, eximiae doctrinae, singularisque industriae, qui Claudii Ptolemaei aemulus, magno conatu aggressus fuit Hispaniae Descriptionem exactissimam; atque ad eum finem invenit, & e ligno sibi confecit instrumenta, quibus praefens ipse altitudinem & latitudinem cujusque loci deprehenderet; & Rege liberalissimo sumtus faciente, diu longeque peregrinatus fuit; coeptum tamen opus absolvere non potuit, morte praereptus. Ejus tamen partis Descriptionem, quam absolverat, apud Regem reliquit, communicata prius inventione sua, ejusque explicandae modo, cum Cl. viro Didaco Guevara, quem a puero in Mathematicis instituerat, suaeque doctrinae & gloriae heredem esse volebat: prudentissimusque Rex jussit ei tradi omnia Squivelis adversaria, ut cum opus sibi videretur, de illis ad se referret. Affecta tamen omnia manserunt, & oblivioni tradita; nam Squivel velut alter Socrates, nunquam scripsit ea fini, ut scripta sua publicaret.

167. Tam praeclarum igitur consilium illustrandae Hispaniae Martinus adgredi cupiebat; & in eum finem collegit antiquas Inscriptiones, quae non essent in maxima Jani Gruteri Collectione, neque in Thomae Reinesii, Raphaelis Fabretti, aliorumque: adeo ut collegerit quadringentas & quatuordecim, quas misit eruditissimo Marchioni Scipioni Maffeo: quarum publicationem ab eo expectat orbis literarius, multum debiturus Decani Alonensis diligentiae ac liberalitati. Qui cum vota sua desperaret ad optatum exitum perducere, opes illas minime invidit literatis viris. Et profecto consilium illud Martini absque Regia auctoritate & sumtibus confici non poterat. Erat enim

enim necessarium circulare Regis mandatum, ut in singulis locis, ubi opus esset, ministraretur Martino quicquid necessarium foret ad eam rem, ut mechanici, fossores, machinarii, alique similes; peragrarer universam Hispaniam, videre & examinare vetera monumenta, vestigia antiquitatis, secum ferre delineatorem peritissimum, & hujusmodi alia; quae sine regis sumtibus fieri non poterant. Itaque Martini vota irrita fuerunt. Cujus rei ipse conqueritur in quam plurimis epistolis, ac sigillatim in iis, quas ad eruditissimum virum Bernardum Monfalconium Alonae dedit postridie Nonas Martias anni MDCXVII. Nam cum Monfalconius videret tam stupendam antiquitatis notitiam cum mirabili Latinae Graecaeque linguae pericia conjunctam, vehementer eum exhortatus fuit, ut in antiquitates Hispanicas eruendas incumberet, explanandisque iis animum manumque adhiberet, & de opere typis edendo suo & Marchionis Villadariae nomine secutum esse iussit. Cui viro eximio, egregioque antiquitatis illustratori, quid Martinus responderit, utile erit subjicere, ut intellegat posteritas Emmanuelem Martinum minime sibi defuisse; sed illustrandae Hispaniae voluntati pessima tempora obstitisse. *Quod mones (inquit) ut antiquitatibus Hispanicis eruendis explanandisque animum manumque admoveam, id ipsum est scilicet quod vel ab ipsa adolescentia in votis habui. Neque fateri detestabor, me quondam ad eam rem exsequendam & spem & animos erexisse. Sed fregit acrem illum impetum malus quidam Hispaniae genius. Facultates enim nostrae exiguae, amicorum copiae infidae, procerum opes inertes. Eaque temporum acerbitate attritae. Est autem res sumptuosa quam parabamus. Quo igitur viatico Hispaniam peragrabo? antiqua lustrabo rudera? neglectos scrutabor cineres? Nempe Regio. Id unum superest. Ac fortasse id impetraremus ab optimo Principe, si essent qui ejus auspicia sollicitarent. Sed vides nodum, in quo solvendo plus sit negotii quam in Gordiano. Ergo dormiamus in utramque, mi Monfalconi, & altum stertamus, quando ad id unum aliena ope non indigemus.*

168. Elucubravit Emmanuel Martinus Opera quamplurima, adolescens, juvenis, senex. Quorum Catalogus hic est,

169. *La Gigantomachia*. Poema Hispanicum Ogdoadibus constans, divisum in 4. libros.

Tom. I.

M

170. Co-

170. Comoediae quatuor, videlicet

*Amar i no amar a un tiempo.**Que mas inferno que amor?**Tener de si mismo celos.**Ulysses i Penelope.*

Quae omnes, postrema excepta, actae fuerunt in publicis Theatris magno audientium plausu.

171. *Soledad. En Valencia por Francisco Mestre, Anno MDCLXXXII.* in 4. In hac Sylva imitatus esse dicitur Sylvam primam nobilissimi Poetae Ludovici Gongorae exquisita eruditione, & affectata obscuritate celeberrimam.

172. *Amalthea Geographica. Sive, De rerum copia.* Opus Miscellaneum, in viginti Elegias divisum. Romae Typis Dominici Antonii Herculis, An. MDCLXXXVI. in 8. Hujus Operis argumenta indicavit ipse Auctor Epigrammate sequenti.

Conserta est variis *Elegeia prima* METALLIS:

Quo GEMMAE veniant axe, *Secunda* docet.

Tertia quas habitent profert ANIMALIA terras:

Provida percelebres *Quarta* que dicit AVES.

Quinta dedit varios diverso in litore PISCES:

Horrida SERPENTES sed tibi *Sexta* dabit.

Fertilis innumeris ornatur *Septima* PLANTIS:

Nobilis *Octavam* plurimus implet ODORE.

Nona peregrinis legitur spectabilis HERBIS:

Diversus *Decimam* FRUCTUS adimplet opus.

Undecima pingues *Elegia* carpite FRUCTUS:

Biffena

*Bis*ena electo confita FLORE viget.

Utilis ARMORUM varios tulit altera ritus.

Fert INSECTORUM Proxima Charta genus.

Fert Quinta & decima pretioso munere VESTES:

*Bis*que octava suas ordine monstrat OPES.

Septima post decimam FLAMMAE & FRIGORA dicit:

Bis nona & POTUS concinit, atque CIBOS.

Quae Nona & decima utilibus dat munera SAXIS:

Ordine non ullo Postera finit Opus.

173. *Sylva de Tyberis alluvione*. Romae, apud Joann. Jacob. Komarech, MDCLXXXVIII. in 4. Cum hanc Sylvam carminibus heroicis conscriptam Cardinali Josepho Saenzio Aguirrio obtulisset Auctor, tanti viri patrocinium sibi conciliavit; meruitque ejus & Bibliothecae praefici, & studia adjuvare.

174. *Ammonii Hermetis Versio De Similibus & differentibus Vocabulis, Notis & Commentariis illustrata*, MSS.

175. *Phlegontis Tralliani, Imperatoris Hadriani Liberti Historia Olympiadum*, Latinitate donata ab Emmanuele Martino. MSS. Hanc versionem Romae olim vidit, Matritique postea laudavit Caesar Laurentius Bulipho in elegantissima Praefatione ad *Ἀκασίπασιν* Martinianam. Ipse flammis commisit An. MDCCXXVIII. magno famae suae detrimento, maximo eruditorum desiderio, atque dolore.

176. *Traſſatus de Veterum Peculis*, ubi universa, quae ad veterum Pocola & Symposia spectant, discutiuntur, atque illustrantur. MSS.

177. *Etymologicon Magnum Latinae Linguae*, in quo non origines modo ac vera Romani sermonis initia, quasi e tenebris educuntur; sed quam plurima mysteria ad eam rem pertinentia.

178. Opera omnia superiora recensuit laudavitque Josephus Rodriguezius in *Bibliotheca Valentina*. E qua excerpſit sua Monumenta

Historica Academiae Valentinae ornatissimus vir Franciscus Ortinus nuper vita functus, inter caetera culpandus, quod silentio praetermiserit Emmanuelem Martinum, aliosque viros egregios adhuc superstites, cum tamen nonnullos amicos suos summis laudibus prosequutus sit, suorum affectuum potius, quam aliorum meritum, susceptique argumenti memor: licet debiti aliquibus officii admonitus fuerit a Gregorio Majansio in schediasmatis pertinentibus ad Academiae Valentinae defensionem.

179. Sed & plura alia Martini opera recensenda sunt, quae in Rodriguezii notitiam non pervenerunt. Quorum aliqua stricta oratione, caetera soluta sunt. Stricta haec.

189. *Elegiarum Decas ad Camillam*, MSS. Gabriel Joannes Regineus vir ingeniosissimus scripsit Epistolas *ἑστὸς* Lycoridi cuidam, quas recitavit in congressu amicorum praesente Martino. Qui mutuo illi tradidit librum suum *Elegiarum ad Camillam*, quem Regineus laudibus ad coelum extulit ingeniosa epistola, & bene longa.

181. *Fastii Romani veteres* Elegiacis carminibus, MSS. Opus eruditissimum.

182. *Odarum Liber* mirabili oestro conscriptus, MSS.

183. *Heudecasyllabi* Catullianis simillimi, MSS.

184. *Versio plurimorum Anthologiae Epigrammatum*, MSS. Paucula habet Gregorius Majansius, quae cum ipsis exemplatibus procul dubio contendunt.

185. *Martialis Disticha, & Epigrammata aliquot Graece expressa*. Ea impense laudavit Janus Interamnenis Ajalaeus, Poeta egregius.

186. *Ἀπὸς ἴσου*, sive in Astrum Conversio. Elegia Emmanuele Martino, Decano Alonenſi, Auctore. In qua Arcam, itinerum attritu ac vetustate fatiscentem, quadam veluti consecratione inter Astra collocat, Clarissimo viro J. U. D. Philippo Buliphoni, olim in Neapolitano foro caussarum Patrono, ac postmodum in Alonenſi tractu Regii Aetarii Praefecto vigilantissimo atque integerrimo (nuper vita functo) inscripta. Accesserunt nonnullae eorundem Epistolae ad idem argumentum spectantes. Mantuae Carpetanorum, ex Typog. Nicolai Rodriguez Francos, An. MDCCLXII.

in

in 4. Praefationem praemisit Caesar Laurentius Bulipho oppido elegantissimam, & in ea recensuit praecipua scripta Enimmanuelis Martini: cujus Elegia eruditissima est, & decies repetita, placebit. Eiusdem Epistolae, amoenissimae; Philippi Buliphonis, dignae ejus judicio; duae Jani Interamnenfis Ajalaci, sicuti ejusdem Centoria, disertae. Hic editionem accuravit, praemisitque Carmen Phaleucium ab se olim conscriptum in Epistolarum laudem, in quo vir ingeniosissimus, quantum esset in eo carminis genere, planissime ostendit.

187. Scripta oratione soluta sunt sequentia.

188. *Notae in Theocriti Idyllia.* MSS. Has Martinus vocat delicias suas.

189. *Observationes in Aristophanis Comoedias.* MSS. Quae quanti fieri debeant, Auctoris erga Aristophanem amor satis indicat.

190. *Satyromastix.* Sive Notae Criticae in Q. Sectani decem prioribus Satyras. Legit relegitque hoc Opus Gregorius Majansius: & in eo admiratus est ingenium acutissimum, summamque Latinae linguae peritiam. Diligentissime illud apud se custodit, atque edere cogitat.

191. *Περὶ Πάθων Liber*, sive *De Animi Affectionibus ad Stoicorum sententiam*, MSS. Quo etiam titulo libros suos donarunt Zenon Cittaeus, Hecaton, Chrysippus, & Andronicus junior. Martini hoc opus affectum. Tamen illud Majansius Epistolarum editioni adjunxit. Alexander Zondadarius, Archiepiscopus Senensis, cum Martini esset una cum fratre suo Antonio Felice Zondadario, tunc Legato Pontificio, nunc S. R. E. Cardinale dignissimo, Martino hanc Dissertationem legente, exultabat prae gaudio: urgebatque eum, ut illam absolveret: nam cupiebat ipse sumibus suis eam edere. Sed cum anno octavo evenisset dissensio aliqua de rebus ad Monarchiae jus pertinentibus inter Regem Catholicum & Summum Pontificem, illis ab Hispania excedere jussis, publicationis spes omnino evanuit.

192. *Observationes Politicae in Homerum.* Magnae prudentiae, & sapientiae opus.

193. *Volumen praegrande Variantium Lectionum*, quas ex collatione vetustiorum codicum eruit.

194. *Eustathii Patriarchae Thessalonicensis, egregii illius Homeri Scholastae,*

liaſtae, *Commentariorum in Homerum duo priora volumina in Latinam linguam converſa ab Emmanuele Martino*, cui Laurentius Zaccagna Bibliothecae Vaticanae Praefectus, & Graece peritiſſimus, opus illud vertendum commiſit, idem ſuadentibus & adhortantibus erudiſſimis viris Raphaelae Fabretto, & Philippo Bonarrota. Hoc opus ipſe Martinus exiſtimavit immane, & pene ſupra humanas vires. Et tamen ad exitum feliciter perduxifſet, niſi admonitus fuiſſet ab erudiſſimo Monſalconio, opus illud jam ab alio viro docto abſolutum fuiſſe, ac brevi edendum.

195. *Epistoliarum Libri xii.* quae nunc prodeunt in lucem, eaſque tantum quiſque laudabit, quantum ſperabit ſe poſſe imitari.

196. Haec ſunt, mi Lector, quae ex ipſius Emmanuelis Martini, Decani Alonenſis Epistolae, tam ad me, quam ad alios datis, & ad me quidem lingua Latina, & Hiſpana, colligere potui. Quae poſtea quam diligenter excerptae ſi, uno veluti filo contexui, iudicium tantum, ordinemque, ſtilique texturam convenientem addens, quo major fides hiftoriae huic habeatur, utpote ab Auctore ipſo profectae, & a me conſectae. Plura profecto ſcires, ſi modeſtiſſimus vir hac in parte, prout aequum erat, non recuſaſſet ſatiſfacere voluntati meae. Ab eo primum per amicitiam rogavi, ut exemplo C. Caſaris, & M. Tullii Commentarios ſcriberet de rebus ſuis. Quorum ille tales conſcripſit, ut nihil Latina lingua habeat, neque cordatius, neque elegantius. Hic poſtea quam ambitioſius a multis poſtulaſſet, ut rerum ab ſe geſtarum actarumque Hiftoriam conſcriberent; eorum moras pertaeſus, denique ſcripſit ipſe ſuum Conſularium Graece, ea elegantia, ut conturbaverit univerſam Graeciam. Quo factum, ut multi ex ea Natione, qui ei operi manus admovent; ejus Syntagmatis praefantia deterriti, animum deſponderint, earumque cogitationem abjecerint. Adjiciebam exemplum L. Cornelii Sullae Dictatoris, qui Commentaria, ſive Ephemeridas reliquit, quibus univerſus vitae ſuae curſus continebatur. Item M. Aurelii Antonini cognomento Philoſophi, qui libros ſcripſit de rebus ſuis, qui omnium manibus feruntur. Denique noviffimum exemplum ſapientiſſimi erudiſſimique viri Petri Danielis Huetii, qui eorum qui de rebus ad ſe pertinentibus ſcripſerunt, & exemplum ſaeto imitatus eſt, & conſecit

fecit etiam longum catalogum; multoque longiorem potuisset facere. Quorum plerique suam ipsi vitam narrare, fiduciam potius morum, quam arrogantiam arbitrari sunt: nec id iis, qui bonae tantum conscientiae pretio ducti, citra fidem, aut obrectarioni fuit. Et sane ego nihil aliud cupiebam, contendebarque, quam ut simpliciss me exponeret res ipse suas, profectusque suos in literis, ac maxime, ut proficiendi modum posteritati patefaceret, ut vero Mercurio, studiorum ostendente viam ab se feliciter confectam, certius ea deinceps, commodius, utiliusque ab aliis iniri posset. Quod cum impetrare ab eo non potuissim ipsius modestia reluctante, neque, ut par erat, adjuvare vellet meam voluntatem propositumque de rebus suis scribendi; ego pro meo jure, quod ipse poteram, suscepi. Quamquam ne mihi odium, illique invidiam conflarem, de laudibus ejus non tam ca scripsi, quae debentur ei, quam quae & Lector fastidiosus, & modestissimi viri aures ferre possint. Hoc tamen a viro amicissimo impetrare potui, ut *Vitam* hanc editioni (vel si ipse noller) paratam, ne gravaretur legere, ut si quid forte occurreret minus verum, aut ineliganter dictum, deleteret. Quam cum ipse legisset, officium nostrum impense laudavit, sili ruditatem pro sua humanitate condonavit. Sufficiat igitur pauca haec delibasse, ut & virtutibus ejus debitus honor reddatur, & pius Lector occasionem habeat ab immortali Deo deprecandi, uti vitae cursum longiorem ei praestet, ut eo superstiti, viva sit apud nos literarum gloria: quo & literarum vindicem exteris opponere possimus; & nostratibus exemplar imitandum proponere. Ego certe in meo musco habeo magni sapientissimique Jo. Ludovici Vivis, & Emmanuelis Martini, viri undequeque eruditissimi praestantissimique effigies; quas quoties inruor, vehementissime mihi animus accenditur ad sapientiam. Scilicet memoria tantorum virorum haec flamma mihi in pectore crescit, per quam ardeo cupiditate proxime accendendi quantum in me sit, ad eorum tamam & gloriam nunquam inrermorituram. At Emanuel Martinus vivit adhuc. Ideo ergo invidemus ejus meritis ac felicitati? Ego nunquam invidebo: laudabo semper. pedibusque alacer ibo in C. Plinii sententiam, qua finem imponam Historiae meae. *An si inter eos* (inquit Plinius Epistola ad Euticium de Pompejo Saturnino loquens) *An si inter eos quos*
nunquam

nunquam vidimus, floruisse, non solum libros ejus, verum etiam imagine, conquireremus: ejusdem nunc honor præsens & gratia quasi satietate languescet? At hoc pravum malignumque est, non admirari hominem admiratione dignissimum, quia videre, alloqui, audire, complecti; nec laudare tantum, verum etiam amare contingit.

T. LUCRETIUS LIB. VI.

Inde videre licet, qualis jam vita sequatur.





EMMANUELIS
MARTINI
ECCLESIAE ALONENSIS DECANI
EPISTOLARUM
LIBER PRIMUS.



I. SATYRO-MASTIX PHILODEMO

S. Et amorem nuncio.

Romam.



Alve mi oculissime. Ad te advolant Notulae in Sectani Satyram una cum Poematio Thusco, veluti e plauistro in me jacto. Quid? times ne me ista deterreant? nugae. bono animo es. Haud aliter ea despicio, quam aquila thripas. Nihil enim aliud esse censeo praeter naenias, quibus jam morituri cantillant. Tu interim vale, & nos ama. Kullo nostro a me salutem. E Bibliotheca nostra XVI. Kal. Aprileis anno MDCXCIV.

Tom. I.

A

II. J. VIN-



II. J. VINCENTIUS GRAVINA

EMMANUELI MARTINO *Hispano*

S. P. D.

Romam.

Dum legerem Notas a te ad pessimos nebulonis illius nostri versus appositas, non solum, vir eruditissime, doctrina delectabar, quam coarguendis erroribus adhibuisti; sed & tua cavillandi urbanitate, ac facietiarum acumine rapiebar, & benevolentiam erga rōs, atque honestatis tuendae, audaciaeque coercendae studium oppido quam admirabar. Nec enim impudentissimi scurrae deliria tanti fuissent, ut mererentur doctorum hominum iram, & stylum tuum nitidissimum ab illustranda vetustate, ac exponendis Originibus linguae Latinae ad pueriles ineptias exagitandas convertere deberent. Verum unde hostium ignobilitate pridem abducebaris, eo te tandem evocavit semidoctorum hominum plausus, quibus ea pestis in bonorum injuriam nutriebatur: ut non prius putaveris furores illos, quibus Urbs fere tota conflagrabat, repressum iri, quam perditos sycophantas, & insulos poetastrois suis telis confodisses, ac inauditam temeritatem, quae simpliciorum animis fraudem ferebat, & juventutem a recto cum vitae, tum orationis instituto detorquebat, patefacta jam stolidissimi Thraſonis ignorantia perdomuisses. Illud modo, vir clarissime, doctissime, tua te doctrina nequisse uti tam parce, quin plus interdum susceperis, quam tibi esset a bonorum desiderio tributum ac denuntiatum, & dum barbarae dictionis vitia palam faceres, egisse tam serio, ut illinc oratione continuata, non raro ad abstrusiores eruditionis locos excurreris, & in mendis paulo nimium ponderandis, adducendisque bonorum scriptorum exemplis operam tam male locaveris, quam qui vilissimis centonibus pretiosissimam purpuram attexuerit. Age porro nunc, quando fatis eos tuis aculeis confixisti; & quod intenderas, vulgares animos in fraudem inductos, & ad admirationem inquinatissimae dictionis erectos magnam partem ab errore liberasti; refer te tandem ad graviora studia, & invidos dimitte consumendos, atque obligariendos livori suo. Te namque monitum velim haec belluas a nobis inferiores non fore, quam sua sponte sunt: quippe proprio livore confecti, & alienis meritis exulcerati poenas dant injuriarum, antequam laeserint. Qui namque tam furiose ruunt, ut in optimos quosque immodica licentia verborum incurrant: hi cum summae libertatis compotes vigeantur, servi tamen sunt, & administri perturbationum, quarum turbine correpti eo tandem adhaerescunt, quo impotentis animi fluctibus ejiciantur. Enimvero quos in nos liberiores vides, hos praedam, & nexos

& nexos esse nostros puta : quoniam animos eorum pro arbitrio versamus, atque torquemus, & cum libet, in aegritudinem, tristitiamque conjicimus, simulac ingenii robur, si quod habemus, aliquo patefaciamus exemplo : ut liqueat invidos alieni potius juris esse, quam sui; & quo magis eorum te misereat, bonorum meritis velut adpectu tortorum urgeri. Nimirum livor, & malevolentia tum procreatur maxime, cum in angustis animis, atque jejunis species alienae virtutis expanditur : contrahitur vero, & assiguitur opinio sui. Etenim id genus homines eo usque praestantioribus plaudunt, & praecurrentibus favent quoad consequi posse confidunt; ubi vero spe ceciderint, eos quibuscum frustra contenderent, quo discrimen minus emineat, maledicentia premunt. Levis autem est, quae ab opibus, & novis honoribus constat invidia, prae illa quae a praestantiori doctrina fuscitur. Cum enim a caeteris animantibus mente, ac intelligentia distinguamur; quisquis in ingenii contentione cesserit, is e suo videtur humanitatis jure decedere, ac propriam quodammodo extenuare naturam. Scilicet animi tantum bona mortales jure mancipi, jureque optimo possidemus : externorum usus tantum apud nos est; proprietates, & arbitrium penes fortunam : unde cum ingenii vires in judicium veniunt, qui causa ceciderit, capite potius, quam bonis multatum putaveris, nec tam superatum dixeris quam extinctum. Tenibus enim opulenti, opinione tantum antecellunt : sapientes vero stultis reapse praestant & natura. Sane, si mea fuerit optio, bonam mentem cum Croesi fortunis minime commutaverim. Stulti enim opibus, & copiis, quibus aliis arroganter, & superbe dominantur, ipsi miserrime serviunt : sapientes vero qui causarum nexum intelligentia, & intelligentiam voluntate sequuntur, cupiditates extra naturae finem effusas ad rationem revocantes, fortunam subigunt, & cum justitia per se convenientes, leges non dominas habent vitae, sed comites; neque magistras, sed consortes & socias consiliorum. Ita ut nullis praeterquam sapientibus liceat in libertatem vindicare sese : quandoquidem fortunam contentu rerum humanarum eludunt, versisque virtutibus in morem congruunt legibus, non obtemperant. Convitiis autem & maledictis minime perturbantur, sed animo praesenti atque acri resistunt : tum quia quod attribuere improbi nequeunt calumniis frustra tentaverint : tum quia quod altiorum praemium non in judicio imperitorum, sed in ipsa sapientia situm est : tum denique quod aegre quis invidiam declinarit, nisi vel alios retexuerit, vel prorsus a virtute deflexerit, quorum alterum absurdum foret, alterum plane stultum. Quisquis autem pro rebus maximis, qualis gloria literarum est, invidiam subit, hunc optimum sane putes inisse consilium. Aciem enim invidiae dies obtundit, & vestigia livoris aevum obliterat : laudem vero doctrinae posteritas alit, atque adeo ipsa conservat, & tuetur aeternitas. An autem hac tempestate, his moribus, in hac denique patientissima civitate, qua maledicentiae furor tam impune discurret, tam

insolenter exultat, ut ne magistratibus quidem, & principibus temperet: homuncio sperasset nomen nostrum fore sacrosanctum: cum praesertim eos omnes habuerim infensos, qui laudem suam duxerant e vitiosa doctrina, cujus palmites luxuriantes recidimus, radices tenacius haerentes tentavimus: quod cum nobis esset apud indoctos, & improbos invidiosum, eo confidentius scelestissimi quique petitiones suas in nos conjecerunt, quo sperarunt aliquid in nobis oppugnandis habere popolare. Hinc ut in Urbe discrimen bonorum & malorum antea celatum, deinceps extaret: statim ut rumor hujus dissensionis increpuit, nequam homines, & rudes bonarum litterarum communicata fraude ad obsecutores laudis nostrae, sive ad virtutis hostes transferunt: callidiores se integros servarunt: doctiores vero, & honestiores hoc omnes una fecerunt, ita ut dum pessimorum poetarum latratibus officinae, cauponae, atque gurgustia resonarent; ignorantia cum doctrina, impudentia cum verecundia, pravitas cum innocentia, & turpitudine cum honestate contenderet. Ad hoc enim facinus non iniqui tantum nostri, sed omnes honestatis, & religionis hostes invitati novitate sceleris exarserunt, cumque semidoctorum gregibus confusus vidimus reliquias superioris impietatis, cujus incendium in urbe semel atque iterum exortum prudentissimorum magistratuum oppressit auctoritas. Utinam sapientissimi Patres ne clementia in perniciem redundaret, scintillis quae supersunt extinctis, vitiorum faecem, & sentinam urbis exhausissent! Cum enim id genus homines nulla neque honestate, neque religione coerceantur; a scelere nunquam abhorrent, nec flagitium ullum, si se junctum a periculo fuerit, abominantur: ac satis honestati datum arbitrantur, si fugiant in sceleribus nomen profiteri suum. Malorum enim sententia, honestum est quodcumque latet. Quapropter homines despectos, & proletarios, abjectissimosque mortalium, & Myforum ultimos, antehac vel locatis operibus, vel juventutis illecebra, vel quaestu judiciario passos: nunc videmus opibus, atque pecuniis abundare, ac in conviviis, in ludis, in nocturnis flagitiis tantum uno die profunderi, quantum officinae parentum atque tabernae vix tota vita suppeditaverint. Quas copias undenam iis redundare crediderimus, nisi ex improbitatis patrimonio, & vectigalibus vitiorum, in quibus assidue cum lucro versantur, ac ex fraudibus, lenociniis, rapinis, & furtis. Quae tamdiu latere non possunt, ut non se tandem prodant, & suos auctores. Quod nuper in nefario illo latrone compertum est, qui cum a nobis divexandis, exasperandisque fodaliis meorum animis, & concitandis in me scurris & poetastris, ad corrumpendas tabulas, & fraudandos haereditates expilandas sese convertisset; dum praedam contraheret, focisque rapinae partes describeret, ac in argentum signatum & factum pectore atque oculis & milvinis unguibus immineret: fuit in eo flagitio publice deprehensus. Nomen reticebo libens: flagrationis enim hujus crimina sunt nomine notiora, cum nisi sceleri

sceleribus innotuisset, adhuc, ut natus est, esset obscurus. Di illum perdant furem manifestarium, concordiae pestem, flabellum dissensionum, labem & flammam honestatis, qui mendacis suis impudentissimis tot hominum carissimorum voluntatem a me abalienavit, & quod a nobis impune non tulerit, hominem cum genere, tum literis clarum, studiosissimum olim nostri praestigiis suis abduxit, ac veterem familiaritatem mutuis officiis constitutam & confirmatam turpi inachinatione dissolvit: ut scurrarum somnia, & obscenam atque impiam parasitorum dicacitatem viro sane integerrimo, ac innocentissimo per summum facinus attribueret, atque in hanc fraudem non me modo, sed Urbem totam fere conjiceret. Et tamen ut rapacissimi veteratoris singularem impudentiam admirari, cum eo crimine palam teneatur, etiam num in conspectum hominum se committit, honestos coetus frequentat, agglutinat sese veteribus amicis, prendit dexteram, immo tanquam alicujus egregii facinoris sibi conficius propudiosam faciem promit, miscet sales infulsissimos, ac asinini labii diductis facit delicias, & risum captat: cumque ora videat averfa, minime tamen veretur hominum fastidium, sed honestatem & pudorem proculcans adhuc in publica luce versatur, nec videt miser quae sit omnium nostrum indignatio frontis suae. Rectius igitur contemneris quam insecteris eos, quorum scelerata consilia publica multavit infamia, quorumque mentes adeo furor obtufofecit, ut nec alienam honestatem, nec propriam turpitudinem animadvertant. Utinam nobis in angustum orbem coactis idoneus aliquando campus aperiatur! Di faxint ut gravis aliquis adversarius mihi contingat. Nae ille nos, quisquis mortalium sit, inauspicato tentaverit! Sentiet ille an lentum spiret praecordiis nostris inclusus Tullius. Sentiet mehercule, sentiet, quantuscumque fuerit, cujus in se stilum hominis inflammaverit. Vale. Romae Non. Majis MDCLXXXIV.



III. EMMANUEL MARTINUS

J. VINCENTIO GRAVINAE *suo*

S. D.

Romae.

NOn dubito, quin harum literarum novitate perculsus, e contumaci me ac veteroso illo silentio tandem excitum, sane quam admirare. Quod profecto minus tibi facere licebit, ubi intelligas, me hoc sexennium incredibili moerore atque animi aegritudine pene contabuisse. Angebat enim me, cum doctissimi elegantissimique illius coetus nostri memoria, quae mihi omnibus in locis occurubat; tum etiam, haec sordidissimorum

ingeniorum colluvies, despectissimo inertium literarum studio quam æstissime inhaerentium, ac altissima barbariei caligine obvolutorum. Prorsus, ut sol excidisse mihi e mundo videretur. Has ego inter pestes dum ingrederer, & inania obversacula, in alium plane terrarum orbem videbar detrusus. Nec aliud erat hujus calamitatis levamen, praeter libros, quo me liberrissime conferebam, quasi ad tutissimum portum; in hac animi nostri jactatione. Unle oriebarur, ut harum rerum taedio affectus, non modo a scribendo abhorreret animus; sed & memet haberem exosum. Excitavit tandem me pulcherrimum tuum *εὐκταγμα de Ortu & Progressu Juris Civilis*, quo, ita salvus sim, excogitari nihil potest elegantius, pressius, doctius. Sane cum id legerem, visus mihi sum in Romanam commigrasse Rempublicam. Ita me totum assatim Romanis undique saturasti deliciis. Ita concinnam illam augustamque Imperii faciem, temporum injuria pene oblitteratam, sub aspectum nostrum reduxisti. Quam venuste, quam subtiliter in hos inveheris nostri saeculi, non dicam jurisconsultos, sed verborum nundinatores; patrimoniorum teredines, crumenimulgas, ac mera fori tintinnabula! Vereor tamen ne nihil profeceris in hac tristissima jurisprudentiae clade. Nec ideo tamen dicam, te operam & studium male locasse. Quandoquidem non dubito fore, ut saltem apud doctos & sanæ mentis viros, hic liber tuus absolutissimus & Romani sanguinis plenus, in coelo meritissimo collocetur. Hoc profecto scias velim, in hac urbe nostra maximum tibi virum hoc opere devinxisse, Petrum Borrullium, VIII. virum litibus judicandis; qui nomen tuum (quando ei aliud non licet) incredibili prosequitur studio & observantia. Quid? obtundere aures tuas? atqui, ut te mihi facilem praebeas, per fortunas, mi Gravina, oro atque obsecro. Nequeo verbis temperare. *ἵ ψι σου δίδωμι*. Jam pridem haveo scire, quid Arcades nostri, quid horti Farnesiani, quid fistula illa tonsilis, quid nostra illa platanus literata, quid denique *εὐκταγμα*. Num illis Eumeli nomen exciderit, ac funditus obsoleverit; an vero aliquis adhuc amoris igniculus, & charitas mei. Tota res quo loco sit, velim ad me scribas. Malegonellium nostrum decessisse, per mihi fuit acerbum. Scis quam illum impendio amaverim. De Januario Capellaro, olim nobis omnibus officii conjunctissimo, quid dicam? Nae ille vecors & stultus, cui illud non altissime insedit: servire temporis. imo, qui in animum induxit, fore aliquando, ut opera & consiliis suis inconsultissimis, Hispaniarum fortunam everteret. Hominis stuporem, & *αὐτοχρησία*! De ejus tamen scriptis (quæ mediis-fidius elegantissima) velim ad me non nihil. Ecquid in lucem emiserit: librorum praefertim Philosophicorum, oratione versa, quorum unum mihi *οὐρανοφάνης*. Nos in hac literariae exercitationis inopia toti sumus in Eustathio, tametsi deterremur (quidni fatear!) immensa operis vastitate: apud nostrates praefertim, homines praeposteros, apud quos nullus honos honestissimo huic studio. Tibi cum Fa-

bretto

bretio nostro eam intercedere necessitudinem, quam ex libro tuo facile perspexi, tam mihi gratum est, quam quod gratissimum. Quem ego hominem singulari semper studio ac benevolentia prosequutus sum, cum ob ejus suavissimos mores, & ingenium come; tum etiam ob insignem eruditionem, ac mirabilem totius antiquitatis notitiam Vidi nuperas Inscriptiones suas, & in iis luculentissimum sui in me amoris testimonium. Alexandro Guidio, & Philino a me salutem. Da operam ut valeas. Valentiae Hedetanorum XV. Kal. Octobris MDCCII.



IV. J. VINCENTIUS GRAVINA

EMMANUELI MARTINO suo

S. P. D.

Valentiam Hedetanorum.

Eugepae! tandem de quercu aliquid exsculpimus! Sex post annos a te literas! Scilicet hac longa expectatione indigebant, ut nobis essent gratiores! Legi eas coram Arcadum primoribus: quos illarum humanitas, & elegantia ita commovit, ut memoria desiderioque tui pene desiperent. Alphefibaeus vero noster ita exultabat, ut nisi describendas, atque in scrinio asservandas dedissem, discidisset mihi penulam potius quam dimitteret. Quod de Arcadicarum rerum statu quaeris; scito nunc vere nos ad originem rediisse nostram, veteresque illos esse Pelasgos ab Arcadibus oriundos incertis regionibus & vagos. Ab hinc enim triennium nostris diffensionibus reliquimus Palatinam sedem: necdum alibi constitimus, ne spe repetendae illius excideremus. Quas libro meo tribuis laudes, crediderim fortasse veras, tua si mihi lima uti licuisset. Haud prorsus tamen operam perdidisse putavero, si eo labore aliquem tui similem, & praecipue Borullum jurisconsultum eximium demervero. Dum tales faveant, latrent ad ravum usque, ac per me rumpantur licet Vulturii togati, & Curculiones forenses; in quos reliquis libellis jam irruissemus, nisi ad tuum quem sperabam adventum editionem distulissem. Sed videlicet isthic tibi permanendum est invito; quasi Pontificiam veniam quadriennio jam nobis etiam adnitentibus non impetrassem; aut Eustathio tuo vertendo locus in Urbe non esset. Atque utinam te adeo, ut scribis, vestratium studiorum pigeret, aut non tibi ubique locorum occurrat oblectatio literarum dum te circumferas. De communis amici calamitate satis tu quidem tuis in literis humaniter, & sapienter. Consulatus exstrebant miser & Dictaturas. Et tamen cui non monstri simile videatur Ciceronianus inter conjuratos? Philosophiam nimirum quam tantopere jacebat summis tantum labijs attigerat;

gerat; quippe qui Scholarum ineptiis nuper emerſus, nec bene dum excuſſus, non Graecis parum ſibi gratis, ſed Latinis tantum ſtuderet craſſae Minervae philoſophis; Socraticos vero noſtros proſus valere juberet, ut non mirum ſi ſuis e ſtudiis *καὶ τῶν οὐκ ἰδιαιτέρως* didiciſſet; neque illud eum pene penetraſſet non alio diſtare ſapientem a caeteris, niſi quod vulgus vi, & auctoritate, ſapiens vero ſuaſpte ſponte ac ratione legibus obſequatur. Scis ergo quoties dictis talibus hominem ſatis opinione ſua ſapientem exaſperarim. erat enim, ſi bene memineris, natura & morbo *ἀπειθής*, & ad iram ſimul ac manſuetudinem aequè verſatilis. Scripta illius ne per-eant multi curabimus. Et jam idem ipſe, tamquam in ſummo illo diſcrimine majores curae deeſſent; familiariffimo ſuo ea de re per literas accuratiſſime, atque ut in tanta ſua tempeſtate tranquilliſſime conſcriptas multa mandavit extremo ante mortem die. Binas odarum ejus, & epiſtolam inter meos reperi falſiculos, quas diligens ſervo. Sed heu! quid his fuſius memorandis vulnus retractamus?

Tuae ut oſtendunt literae, nihil adhuc videris accepiſſe de Fabretti noſtri morte, viri optimi, ſaneque digniſſimi qui nunquam conſenſiſſet, neque enim abſque acerba ſignificatione lacrymarum commemorariſſes hominem, cujus cum vita lumen etiam omne Romanae antiquitatis, & quod miſerius, priſci candoris, ac fidei ſimulacrum videmus exſtinctum. Ex poſtremo ejus Inſcriptionum volumine forſan intellexti quantopere me amaret, quantoque odio proſequeretur Latialem illam carminum peſtilentiam, quae illaeſis aliis auctorem unice putrefecit ſuum. Guidus noſter novem ante menſes Ticinum conceſſit rediturus proximo vere. Philinus tibi ſalutem plurimam, gaudetque te ſui memorem. Ad me vero ne tu poſthac literas abſque certa ſpe reditus tui. Et quo te des libentius in viam, ſcito' tranquillis rebus non modo rem literariam in hoc Archigymnaſio, ſed in Vaticano etiam typographiam a Summo Pontifice magnificentiſſime inſtauratum iri. Vale. Romae Nonis Dec. MDCCII.



V. EMMANUEL MARTINUS

J. VINCENTIO GRAVINAE ſuo

S. D.

Romae.

Du eſt quum ad te ſcripturio, ſuadente illa veteri inter nos neceſſitudine, imo vero impellente. At neſcio qua vel ceſſationis illecebra captus, vel ſtudia tua interpellandi retractus reverentia, in ignaviſſimum illud ſilentium ſenſim devolvor, eo libentius, quod compertum proſecto habeam,

habeam, nunquam me a te iri lacessitum. Quod fastune eveniat, an oblivione & incuria nostri, an vero animi remissione (quod certe mallem) non audeo dicere. Quod si tamen verum est, o socordiam, nisi mea major esset, singularem! Me autem plumbeum, qui hominem eximie ac naviter fastidiosum tam impotenter demereor atque depereo! Hacenus amoris nostro φιλατιῶν. Nunc ad ea quae tibi non dubito fore jocundissima. Quenam isthaec? dices. Josephum Regnoldum, Gallum, quicum magna mihi intercedit necessitudo, Syntagma tuum De Veterum Fabulis in Gallicum sermonem transferre. Quam rem tibi volo bene ac feliciter evenire. Arrisit nempe homini eleganti ac subactissimi iudicii opusculum, quo nihil elucubrari potest nec doctius, nec politius. Tua igitur interest, mi Gravina, grati animi iudicium promere adversus hominem, qui famae, gloriae, existimationi tuae consulit. Nullo enim officio devinci homines magis decet, quam eo, quo nobis ad immortalitatem via profernitur. Nam si vitae incolumitas, & corpusculo huic allata salus inter maxima numerantur beneficia; quanto illud praeclarior, ubi quis serae nos posteritati ostendere conatur, fluidamque ac praetervolantem aetatis nostrae memoriam scriptorum perennitate non solum sistere, sed consecrare? Ergo ei te totum trade, & amplexare virum, quem ego novi prudentem, gravem, modestum, munditiarum Romani sermonis studiosum, antiquitatis callentem, &, quod caput est, tibi addictissimum, qui quae ad amicitiam tuam gradum facit quadam studiorum affinitate & confortione. Id si mihi induleris, sic erit gratum, ut nulla res gratior esse possit. Quod ad me attinet, Hirsalim cogito. Puta me petasatum. Non quidem illic manendi causa, sed ad Bibliothecam, antiqua signa, & numismata illinc exportanda, quibus Museum nostrum fiat locupletius. Nisi tam procul abesses, scriberem tria illa verba: *Num quid vis?* Quandoquidem autem nunc tam longum id intervallum non patitur, spero saltem fore, ut aliquando te amplectar, meae deliciae. Quidni?

Ἐλπιδὴν ἔχῃ πάντ' ἐπὶ αὐτῷ οὐδὲν ἀλλοτρίον.

Ut scite ac vere Linus. Vale, & nos ama. Mantuae novae in Carpetanis, tertio Nonas Maji MDCCLVI.



VI. J. VINCENTIUS GRAVINA

EMMANUELI MARTINO suo

S. P. D.

Mantuum Carpetanorum.

Q Uæris cur ad te rarius? Possem excusationem petere abs te mutuum: num enim tu ad me crebrius? Vincere te scribendo tamen, ac sæpe literis provocarem, si quid aliud negotii tecum haberem, quam amandi tui: qui amor sicuti coram erat perjucundus; ita procul est sane permolestus: ac tum acerbus magis, cum arripio calamum. Dum enim scribo, impleor majori desiderio tui: impensius enim cogito te absentem, immo & diu absuturum; a qua cogitatione mihi sane injucunda, ut quantum possum abstrahar, aegre me confero ad scribendum: ita fit, ut propter nimiam benevolentiam sim tibi minus officiosus. Cum haec accipies, puto te Hispali jam reversum, antiquis monumentis locupletatum, auctumque suppellectili doctrinae, atque virtutis tuae. Ingenium, ac mores Regnoldi nostri, cujus pari tecum amore teneor, satis mihi patent ex ipsius humanissime, atque elegantissime ad me scriptis literis. Ex ejus meritis, de me tu meruisti plurimum, qui non ingenium tantum & doctrinam mihi praebuiisti tuam; sed & tales amicos meam in laudem, & praesidium confers; nec quidquam habes in bonis tuis, nisi postquam illud mihi communicaveris. Quo magis excrucior te habere absentem. Ex iis, quae ad eum rescribo, cognosces, quanti faciam hoc a te munus, quantoque mihi honori ducam illius amicitiam, mihi perquam gloriosam, & propter hominis merita, & propter versionem, quam suscepit operis mei de antiquis fabulis. Te itaque per amicitiam nostram obsecro, & obtestor, ut ad ea, quae in illius obsequium meis in literis scripsi, addas auctoritatem, ac testimonium tuum, eique significes me longe plus quam verbis profiteor, gratum erga se animum exhibiturum. Dum haec scribo languore stomachi pene deficio. Qui morbus mihi est anniversarius: nam annis ab hinc sex nunquam non memor mei fuit in solstitio. Vale: ac mihi hac in ciborum nausea famem a Diis roga. Romae XIII. Kal. Jul. MDCCVI.

VII. EMMA:



VII. EMMANUEL MARTINUS

JANO VINCENTIO GRAVINAE *Jurisconsulto*

S. D.

Romae.

Q UO minus te meis epistolis quam frequentissime ad scribendum lace-
sam, cum locorum intervallo accidit, quo disjuncti sumus; tum in-
certis vitae, institutisque nostri rationibus, foedique ac luctuosi hu-
jus temporis miseris aerumnisque, quibus de jocunda coelestique illa animi
tranquillitate vel prorsus sumus dejecti, vel saltem quassati. Adde seces-
sum meum Hispanensem, & negotia illa *res gestae*, quae me ab aliis re-
bus omnibus avocant. Nunc autem, quoniam juvenis ejusdam insolentia
animique pravitas isthic in famam atque exultationem nostram inva-
sit, quam non dubito tibi & adhuc fuisse, & fore postmodum pro tuo erga
me studio ac benevolentia, salute tua pene dixi, cariorem; iccirco visum
mihi est, insititae mihi injuriae te certiores facere; ut qua nos olim ala-
critate & constantia pro te, pro tua gloria, proque ornamentis virtutis
 tuae propugnāvimus, ea tu pariter nobis consulas, nosque tueare. Degit
in ista urbe Joachimus Alcarazius, Valentinus, homo invidus, alienae
laudis obrectator, plurimum sibi arrogans, suorum studiorum doctrinae-
que ventosus buccinator: quodque iis omnibus gravius, alienis scriptis in-
hians, quaeque aliunde expilavit pro suis venditans: inquinatus potius li-
teris, quam imbutus. In aliquo tamen forsitan doctorum hominum pretio fu-
turus, si hanc scabiem detergeret. Nam pudoris modestiaeque simulatam quan-
dam speciem prae se fert: quae larva ad inescandos animos praefertim incau-
tos plurimum valet. Hic igitur juvenis, cum in hac urbe, cum officii, tum
disciplinae causa, domum meam ventitaret; precibus mihi extorsit Thea-
tri ejusdem Saguntini, superioribus annis a me ex oblivionis tenebris eru-
ti ac delineati, exemplar, una cum Descriptione nostra, quam illi affixi-
mus hortatu clarissimi viri Antonii Felicis Zondadarii, tunc quidem Le-
gati Apostolici munere fungentis in hac urbe, nunc autem in amplissimum
purpuratorum collegium cooptati: apud quem etiam extat, & quidem
mea manu scriptum. Is igitur ipse, abjecta veteris amicitiae verecundia,
totque meis erga se meritis impacto calce; opus illud a me uno exancla-
tum, Romae edidit, cum levi tantum mentione nostri: rem totam indu-
striae suae tribuens. Cum re vera nec monumentum illud unquam vide-
rit, ac tamen vidisset, in alieno foro (ut dicitur) litigasset; cum nihil
ad se pertineant ejusmodi studia: nec ullus adhuc ante me fuerit, qui

Theatrum illud fuisse, vel per somnium cogitasset. Neque edidit solummodo, sed verba nostra corrupit, mutavit, praecidit, ac misere laceravit, ut addidisse aliquid de suo videretur. Huic ego te causae patronum constituo. Tu fac, ut spei de te, de tuoque erga nos studio ac voluntate conceptae quam diligentissime respondeas; si ulla enim res est, quam a te faciendam petente me existimes, haec ea sit. Et quando ingrato homini benefaciendo, benefacta male locavimus, ac in pertusum dolium projecimus; sentiat profecto veterator iste, minime sibi profuisse Romanas latebras, quo minus & sur & plagiarius deprehenderetur: donec ego coram (ut spero) tibi cumulatissime satisficiam. Vidi Arcadum nostrorum vitas. Di benefaciant Creseinbenio, quem salvere a me jubebis, valebisque. Mantuae novae in Carpetanis, postridie Non. Aprileis MDCCXVI.

Cum Saturnino Langladio, Reginae medico, ac nostri temporis Podalirio, tibi aliquando necessitudinem intercessisse, ipse mihi saepius narravit. Hunc ego hominem cum doctrinae & amoeniorum literarum, tum modestiae morumque suavitatis, animi candoris, probitatis, fideique erga nos singularis causa unice diligo, ab eoque mutuo amplector. Is igitur, extremam jam mihi epistolam tenenti superveniens dilerte mandavit, ut verbis suis tibi salutem appingerem. Ab illo igitur etiam *malis vixit*.

VIII. J. VINCENTIUS GRAVINA *Jurisconsultus.*

EMMANUELI MARTINO.

S. P. D.

Mantuum novam in Carpetanis.

Nepolim venturus, cum prope curram conscenderem, inter amici manus forte occurrit mihi tuus, quem memoras de Theatro Saguntino liber, cujus tractationis eram cupidissimus, quod paucis ante mensibus meum edideram vernacule scriptum de Tragoedia opusculum, ubi non indiligenter neque parum curiose de veteri Theatro scripseram plurima, quorum ad investigationem ipsum me argumentum traxerat. Cum autem eum librum leviter ac celeriter ob festinationem meam evolverem, & in Hispania natum acciperem, mirabar alium ibi auctorem latere potuisse, quam te, cujus vix alium, alibi gentium, nedum in una natione, similem inventum iri autumem. Et quamquam ab acerrimo examine rerum antiquarum, & sermone, utcumque interpolato, acuto tamen ac satis culto tuum ingenium sub aliena persona latens, olfacerem, animo.

animoque praefagirem pene fraudem; omnem tamen suspicandi facultatem eripuit hominis frons, qui publica nominis sui professione, soctum tibi, per amicitiam subtrahit, ut ais, publicis sibi typis asserere non dubitaverat: praecipue, quia eum hominem intellexeram tuum fuisse familiarem, & in disciplina versatum tua: ut si non pater, avus saltem, propter doctrinam, quam a te adhibitam suspicabar, ejus tu mihi operis viderere. Nunc cum postremae mihi vehementer expectatae, temporumque calamitate a me diu procul abactae, literae tuae facinus tam immane nunciaverint, me honoris tui studio, ac nimia indignatione flagrantem vix Neapoli canicula retinet. Quam ob rem, dum hic erimus, arrepta undecumque occasione scelus hoc apud eruditos omnes arguamus; & cum calor remiserit, Romam redeunt, post solemnem clarigationem judicium status instituamus, inque agenda causa tua, operam a te olim nobis egregie atque constantissime navatam, abunde tibi reddemus; injuriasque tuas ultum ibimus, non per amicos tantum, sed per praetoriam, quam vocant, discipulorum meorum cohortem. Qui juvenes sunt doctrinae tam selectae, tantique roboris, immo & acerbatis, ut ab Arcadia vulgaris eruditionis, puerilisque poeseos fastidio secedentes, & in Quirinorum nomen, aliasque leges transeunt, adversarios omnes nostros, & Arcadium ipsam in parentem suum denuo recalcitrantem obtriverint, omni-que prorsus honore literario spoliaverint: Crescenbenio nostro, cujus hominis candidi nunquam amicitiam abjecimus, frustra ingemente, frustra-que tendente male fartas illas Arcadium vitas, & olentes poeticarum nugarum fasciculos. Per has igitur turmas Leoninam perduelli tuo pellem detrahemus, & vulgato ubique vero ejus libri auctore, quantum fide gratiae valemus apud bonos, quantum auctoritate apud studiosos, id omne profecto convertemus ad causam tuam. Tu, si Romam redieris, non amicum modo qualibet humana re cariorem, sed & animum mihi reddideris, & lucem libris meis, qui tua unice opera per novam impressionem typographicas labes exuerint. Vale. Neapoli XVIII. Kal. Septemb. MDCCXVI.



IX. EMMANUEL MARTINUS

VINCENTIO GRAVINAE *Juris consultissimo*

S. D.

Romae.

Cum postridie Nonas Aprileis Mantua Carpetanorum ad te dedissem, e vestigio Alonam sum profectus, urbis regiae officii trisique valere jussu. Vix Alonam sum ingressus, en tibi Philippus Bulpho, qui

B 3.

de:

de adventu nostro gratulatum ad me venerat. Quo hominis officio nihil accidere mihi potuit jucundius. Jam enim rumores me pupugérant de singulari ejus studiorum elegantia, doctrina, ingenio, humanitate, virtute, caeterisque animi ornamentis. Quare amplexatus sum hominem arctius, eique me totum tradidi. Praesertim ubi nunciavit, veterem inter vos intercedere usum ac mutua officia. Ab eo didici te Neapolim discessisse; solemneque tibi esse & anniversarium eo per aetatem excurrere, excutiendi pulveris scholastici, levandique animi causa. Vidi apud eum scripta tua immortalia. Quorum ego *idi ti è te* quicquam audiveram. Id ego merui scilicet, qui te amavi perdit, qui summa te observantia colui; etsi nunquam tibi, nisi lacessito, literas extorsit. O fidem, fidem! In ea tamen vel oblivione, vel fastidio nostri, nunquam te imitabor. Sed nominis tui gloriam, famam, dignitatem, ubique praedicabo, & accessione laudum mearum (si cujus sunt momenti) ornare atque amplificare non desinam. Caesar Bulipho has tibi literas reddet. Nos interum inter cyathos & *convivialia à te* non tam obsoniorum voluptate perfundimur, & patellaris *id est*, quam suavisima oblectatione memoriae tui. Fac nos mutuo diligas, & vale. Eidib. Septembribus an. MDCCXVI. Alonae.

Superiorum literarum exemplum ad te mitto. Tu exultationi nostrae quam diligentissime consule.



X. J. VINCENTIUS GRAVINA

EMMANUELI MARTINO *Viro eruditissimo*

S. P. D.

Alonae.

Q UOD aulae repudium miseris, e sapientia & dignitate factum est tua, & ex honore studiorum: praesertim vero ex animi mei sententia, qui Romana in Curia tam diu, tamquam in secessu versor. Morte enim miseriorem vitam duco, quae in servitute, quantumvis honorifica, traducatur. Hoc autem turpius est regium famulitium, quam captivitas, quod haec injuria fortunae incurritur; illud ambitione fuscipitur, & errore mentis ab admiratione illorum, qui se in magna potentia praestare aliis putant: cum nihil prae aliis & tantis tumultibus auferant, quam perpetuum desideriorum exordium, & poenitentiam praeteritorum, nec raro capitis periculum, & vitae jacturam, qualem passus est miserrimus ille Princeps, cujus tu in comitatu eras: qui tamquam Africanus, aut Flaminius

nus alter, movendis reponendisque regnis natum se autumabat, quique proprio supplicio manes est ultus alienos. Ego vero suspiciosus illis temporibus, quibus Hispanam consilii maturitatem peregrinus impetus praecurrebat, & noxios juxta atque innoxios iisdem judiciis involvebat, a familiaritate mea tibi metuens, non sum ausus homo alienarum partium, vel literas ad te mittere, vel libros meos: quos tibi singulos jam diu sepositos habeo, daturus ad te statim cui mandaveris: ne mihi censeas longinquitatem temporis aut regionum ademisse memoriam tuorum in me meritorum, aut quicquam de amore in te meo summo detraxisse, teque jure induxisse ad implorandam in postremis tuis lepidissimis literis hominum fidem: quam rectius implorare perges in scelere plagiarum illius tui, de quo fusius in literis Neapoli ad te datis, quem post sermones a me dissipatos audio suppressisse opusculum illud, quod tuum erit iustis vindictis asserere auctori suo, per integrioris editionis lucem.

Amicitiam tibi cum Bulfonio meo isthuc junctam esse vestra utriusque causa gaudeo: quamvis discrucior absens, quando animo praecipio sermones vestros, ac vix mecum habitare queam: praesertim cum in memoriam mihi redegeritis Langladdii suavissimi doctrinam, & humanitatem in colloquiis versatam vestris, pro quibus vel Athenas Atticas mutaverim, nedum horum temporum Romam.

Ex Bulfonii autem Latinis, a fratre suo, mihi perfectis literis, cognovi satis, quantum illius stylo familiaritas tua contulerit. Eum, si meo etiam nomine amaveris, majoris egomet precii mihi videbor. Libri nostri tributam abs te fortasse laudem mereantur, si ad praelum isseint, rediissentque ab emendatione tua, cujus etiam nunc utilitatem acciperem a transalpinis, qui novam impressionem urgent, si quam primum hujus impressionis emendationem abs te acciperem.

A Bulfonio minore mecum communicandam curabo animadversionem, quam memoravit, nec sat verbis explicavit, tuam in meo *de Romano Imperio* Tractatu: quo opere nihil scripsi, quod ad publicas horum temporum controversias referat pluris, postquam alterum edidero, jam absolutum *de Romano Imperio Germanorum*, ex primi libri principii necessaria consecutione deductum, eaque arte, atque cautione contextum, ut veritatis, & partium offensionem una vitemus. Quam editionem, nisi vana spe nos eluseris, ad adventum tuum differemus, nodosque omnes, quos forte proposueris, ex ejusdem operis, aut expressis, aut abditis sententiis soluturos confidimus. Vix enim quicquam in mentem, vel tuam acutissimam ceciderit, quod non aliqua particula, vel clausula occupatum inveniat.

Tuum de Tragoediis meis judicium exspecto cupidissime: neque enim arbitror ad earum examen te Scholam consulturum Lopensem, & Calderonicam, aut inde scitentem Cornelianam Gallorum; sed Atticam, & Sophocleam

phocleam, qualem te decet eruditissimum Hispanorum: praestaret enim nullas attigisse literas, quam has peperisse nostratum Theatrorum pestes. Quem horum temporum furorem vehementer castigavimus, & rationibus atque exemplis veterum profligavimus in vernaculo tractatu de Tragœdia recentem edito, qui simul cum aliis ad te veniet. Tragœdiis autem illis, si aliquam tibi attulimus voluptatem absenti, longe majorem caperes praesens, dum vivos sub mortuorum persona in scenam prodeuntes, & res praesentes sub veteribus latitantes videres, ut mos est hujusmodi poematum allegoricorum: quae mores aetatis suae nominibus carpunt alienis. Quo sine sapore, atque humanae vitae documento, quorum poeseos artis alioqui laboriosissimae studium? Vale tu, & Bulifonius noster plurimum. Romae Kal. Decemb. MDCCXVI.

XI. EMMANUEL MARTINUS JANO
VINCENTIO GRAVINAE amico suavissimo

S. D.

Romam.

Quod felix, faustum, fortunatumque sit, mihi certum est proximo vere Romam repedare: quo nempe tempore ciconiae ad vos adventare solent. Gniphoni igitur nostro negotium dedimus, ut domum aliquam mihi accuret; sin autem, utar sua. Quam vellem ut in tua vicinia! Neque enim fas esse duco ab eo vel paullulum disjungi, cui me literarum amor arctissime conjunxit. Quid si nos idem tectum reciperet! Sed haec coram videbimus. Animus est quam expeditissime navim conscendere. Summa sarcinularum nostrarum, vestis, libri, numismata. Alona solvemur ineunte Aprile. Tu, si nos amas, pro secunda navigatione Fortunae *ἱεραγύγῃ*, Neptunoque *ἑσπερίῃ* vota nuncupato. Et vale. III. Eidus Januariæ MDCCXVII. Alonae.

XII. J. VINCENTIUS GRAVINA
EMMANUELI MARTINO Amico jucundissimo

S. P. D.

Alonam.

O Mihi nuncii beati! o bene bonoque alite navim, non Hispano mihi, sed Colchico potius de littore solutam, quae te ad nos referet quolibet aureo vellere cariorem! Gnifonem, quamvis diu a me suarum partium

partium metu diremtum, fatagam tandem convenire clanculum, ut secum quod tibi voluptati compendioque sit consulamus, tibi que de domo aliqua mea in vicinia commodemus. Utinam per Regum odia sicut animum, ita & mensam, aedesque communicare, salvis capitibus nobis liceret, hominibus alioqui utroversum eamus, nullius certe discriminis. Quae Saturnalia! Quae Atticae noctes! Sed ista coram, & brevi, quamvis desiderio meo longum satis. Libri nostri, qui isthuc properabant, nunc hic te consultius expectabunt: ac spero has ad te hoc anno literas dare postremas. Advola igitur ad nos confidenter, ac secundis Diis. Aeolo quippe, ac Neptuno bene litavi, maestavique

Nigram Hyemi pecudem, Zephyris felicibus albam.

Vale. Romae Kal. Martiis MDCCXVII.



XIII. MARTINUS GRAVINAE *suo*

S. D.

Romam.

ET si de illa rusticatione nostra Mariana transactum fuerat, re postea consideratius perpensa, visum mihi est & rationibus nostris & temporum conditioni longe congruentius eam rem in aliud tempus rejicere. Qui enim exhilarari animus possit, ubi omnia suspicionis plena & infida? Quare id mihi consultius visum est. Scis autem *avriusque operibus esse* *avriusque*. Ego certe, Gravina mi, tot actionumstrarum *inimicis* valde expavescō, qui bonorum exitio imminet: quorum insidias cavere nostra interest maxime. Interea id intelligas velim, nihil esse mihi carius te ac Millino, quem a me salvere jubebis, valebisque. Ex Museo nostro. An. MDCCXVII.



XIV. GABRIEL JOANNES REGINERUS

Doctissimo viro, Jucundissimo amico,

EMMANUELI MARTINO

S. P. D.

Romam.

SAeviat nunc Domina mea, me ingeniumque meum, ingenique mei labores, quicumque tandem illi sint, fastidiosa respuat. Ego leviter feram, tu enim probasti. Amavi equidem, atque ut verum ingenue plane-

Tom. I.

C

plane-

planeque fatear, sic amavi, ut nihil unquam in amore fuerit ardentius; quodque amantibus familiare, id etiam mihi usu contigit. Desideravi, timui, dolore modo, modo gaudio, saepe etiam simul affectus sum. Verum siue dolerem, siue laetarer; tacitus nunquam, nec laetatus sum, nec dolui. Erumpebat in verba dolor, vocesque ad querelas sponte inveniebat. E diverso, exultans, gestiensque laetitia, vel invito me, lascivienti se probebat effundebatque sermone. Omnes igitur amoris sollicitudines, omnem, quae in illo inest, vim angorum, omnes molestiarum varietates expertus sum: & quidquid expertus sum, id scriptis mandavi: sperabamque (ah miser! ah demens!) his scriptis, ut formosa Lycoris aliquando flecteretur, futurum esse. At illa flecti se nunquam passa est, nunquam obstinatum obduratumque posuit rigorem, nunquam, si non mollem atque facilem, saltem minus duram difficilemque se praebuit. Quid igitur? si illa crudelis, nonne sum ego hominum plane miserrimus? Essem sane nisi tu obstitisses. Tu irruenti in me fortunae opposuisti benevolentiam tuam. Tu rigorem fortis meae indulgentia in me tua correxisti. Tu vulnera calamitatis meae amoris in me tui suavitatis sanasti. Mihi impertivisti quod Lycoride ipsa sit proprior potiorque voluptas. Impertivisti enim amoris atque iudicii tui testimonia. Ah! non dissimulabo, non enim possum. Is ipsis, quae forent mihi jucundissima, jucundius accidit iudicium tuum. Nihil gratius accidere mihi unquam posse arbitrabar, quam ut Lycoridi grata acciderent quae scripseram. Fallebar. multo mihi gratius fuit, fuisse tibi. Ipsi nunc doloribus meis laetor: ipsis angoribus meis gratias ago, gratulorque: ipsa miseria factus sum felix, quod ad illa scribenda me impulerit, quae tibi arrisere. Verum quantis laudibus (quae tua est humanitas) in his quae ad me dedisti literis, haec scripta ornas! Quam ipse potius laudandus es, qui laudare tam diserte scis; immo dum ejusmodi laudibus scripta mea prosequeris, effecisti ut de hoc jure nunc laudari possint! Dum enim quasdam dicendi virtutes, si quae tamen in illis sunt, extollis; innumeras tu ex tuo deprompsisti, atque illis contulisti, inferuisti, affinxisti. Mihi jam ipse placeo: & quum a te probatus sim, nunc ipse mihi tandem probor. O magnam amoris industriam! non amplissimis modo laudibus me cumulasti; sed etiam ut illas meruisse viderer, omnibus laborasti modis, ac prope effecisti. Tanta contendisti facundia, ut facundum esse me legentibus quasi persuadeas. Fraudem profecto tibi tulit tuus in me amor. Sed istud ipsum mihi gratissimum in illo tantam esse vim, ut tuum post homines natos acerrimum iudicium, perspicacissimumque acumen, impedire corrumpereque mea causa valuerit. Illas laudes tuo in me amori debere malo, quam ingenio meo: atque in damno meae gloriae tua indulgentia maxime laetor. Quanquam quid ad gloriam magis valeat, quam a te qui tantus sis in omni genere laudis, amari, non equidem intelligo. Verum jam nimis multa de me, atque de meis scriptis, id est

est de nugis; cur non ad illa potius orationem omnem converto, quorum laudes completi nulla orationis ubertas unquam possit. De tuis Elegiis loquor, quas tu dono mihi dedisti. O donum quod ingenium meum locupletavit! O donum, quod ut Reges dare possint, nimium vel cum gazis suis sunt inopes! O donum uno donatore mihi minus carum! Sed quum tam ingens donum hoc incommodo conjunxeris, ut nunquam gratiam tibi quantam debeo, quantam habeo, referre possim; saltem quodammodo referre conabor, referre me non posse testando. Saltem tuum donum a me intelligi ostendam: atque ut id assequar, pauca quaedam de Poefi leviter attingenda, atque parce delibanda, mihi videntur.

Poesis est genus quoddam orationis, sed quod plurimo discrimine a communi oratione diversum est atque disjunctum. Est alter sermo, sed nobilis, sed Regius, sed prope divinus; unde etiam Deorum sermo vocari meruit. Hinc sequitur eam esse Poeseos indolem, quae ab omni tum rerum, tum verborum humilitate atque vilitate, tanquam a labe ac sordibus, refugiat atque abhorreat; sed splendorem amet, magnificentiam affectet, ad maiestatem adspiret.

Nam quemadmodum vestis Regia male induitur homini plebejo, & quemadmodum arenulae gemmarum loco aureis annulis inepte illigantur; ita res humiles vilesque pessime Poesi induuntur. Nec profecto eam figurarum amoenitatem atque varietatem tot orationis lumina, tot verborum flores, tot tantaque omnis generis ornamenta, quibus gaudet Poesis, ad id fuisse inventa existimandum est, ut illis res humiles, plebejas, tritas, viles, circumdaremus atque illigaremus. Quibus id agitur, illi insolentem abjectionis Poesim, semper circumfluentem decore, in summa rerum dignitate atque altissimo fastigio versantem, e patrimonio splendoris in fordes deiciunt, contaminant, deformant, vitiant, prosternunt, atque prostituunt: immo ipsi longissime a Poesi absunt: ita ejumbes, ut humi semper repant; ita humiles, ut in luto demergantur; ita tenues, ut pulveri immixti remaneant. Haud nego tamen esse quando rebus humilibus in Poesi locus esse possit, scilicet quum exquisito ita modo dicuntur, ut amplius humiles non videantur. Verum si maximum in splendore maiestatisque consequenda studium, maximaque contentio ponenda; non minor etiam cura adhibenda est, ut tumoris species omnis atque suspicio quam longissime removeatur. Absit, inquam, illa non tam oratio, quam orationis spuma. Licet enim inania futiliaque ingenia falso simulacro, & umbra quadam maiestatis mentita, occupet atque impleat; re vera tamen tam vanum nihil, ideoque nihil tam humile, tam exile pusillumque, quam tumor: atque ut rectissime medici nihil tam aridum, quam Hydropem asserunt; ita profecto nihil ventosa ac turgida oratione jejuniis esse eadem ratio confirmat. Nec lateat, imo nec simuletur tenebris verborum, caligineque orationis maiestas atque amplitudo; neque enim larvis

majestatis, sed majestate; nec illa quae occulta & divinanda sit; sed quae cernatur, immo effulgeat, in oculos incurrat, aciem perstringat, opus est. Oh! quam foedus error multorum mentes pravitate sua imbuat, ut ab obscuritate ipsa splendorem petant. Nesciunt videlicet illi, quemadmodum ea quae ad siderum vicinitatem magis attolluntur, eo clariora illustriusque evadunt; ita etiam altissima quaeque sensa summa perspicuitate esse perfundenda sed profecto, ut rectissime Quintilianus, dum stultis videri volunt eruditi, eruditus stulti videntur.

Quantum ad caetera attinet, Poesis integra plenaque magis libertate partim frui; partim arctioribus legibus astringi, quam soluta oratio mihi videtur. Libertas maxima ad audendum, cum in rebus, tum in verbis. Quin etiam ut in adolescentibus quaedam vitia juvenili impetu atque nimio ardoris aestu crumpentia placent ac jucunde blandiuntur, quae in viris, cum ille aetsum maturitate aetatis temperatus deservit, maxime improbarentur; ita in Poesi, vel ipsa quaedam vitia arident, quae in soluta oratione vix essent ferenda. Imitetur itaque Poesis juventutem, exultet, lasciviat, luxuriet liberior; immo aliquantulum audacius proterviusque: id ipsum erit lepidi-
us atque festivius: ascribatur vero illa est, & numerorum ratione, & quod illi (ut jam dixi) omni rerum verborumque humilitate interdictum est; maxime vero quod in mediocritate illi consistere non licet; sed ut altissimi bonitatis cacumen obtineat, ut perfecta sit, necessitas illi impossita est.

Haec de Poesi univerſe. In Elegis vero adamanda est praecipue venustas, qua totum carmen affatum est imbuendum. Elaborandum in perspicuitate & munditie, & puro quasi quodam atque candido genere dictionis, illigandi plurimi exquisitique lepores. Ita sit mollis, tenera, flexibilis; immo, ut ita dicam, liquida oratio, ut fluere videatur; cultus non infucatus, non ambitiosus, non immodicus; sed ingenuus; sed naturalis, sed pudicus addit; integris sententiis, ut Tullii verbis loquar, veris, novis, sine pigmentis fucoque puerili, quasi quibusdam ingenii luminibus respergatur, decoretur eloquentiae figuris, depingatur verborum floribus, nectarea quadam suavitate conditur, & sit quasi delibuta. Tota floreat, tota niteat, tota pruriat, lasciviat, demulceat, deliniet, atque titillet: intempestiva gravitate nunquam rigescat, absit illa austeritas, duritas, & quasi moestitia; illa solitudo strigosa, gracilis, jejuna, aridae orationis veneribus leporibusque desertae atque relictae. Festiva verba, urbana, concinna sint, leniter leviterque conjuncta atque commentata. Non per salebras atque anfractus detorqueantur invitae coactaeque sententiae: sed mollissimo orationis tractu faciles deducantur, & quasi sponte oriantur inter verborum flores, atque in hac quasi sermonis amoenitate. Tota denique effluat oratio in blanditias, lascivia atque deliciis quasi liquefacta.

Quod vero summum est in eloquentia, ac idem maxime arduum, quod illam

illam rerum omnium Reginam constituit, animosque hominum illius servos; quod vi ipsa vehementius est, affectuum pertractatio multa variaque est adhibenda.

Tunc sane concutiendus est totus, inflammandus, commovendusque noster animus, ut illos ingentes affectuum motus ciere possimus; qui modo sint pari oratione redditi, sustineri non possunt; sed transverfos rapiunt auditores atque lectores, & sibi eripiunt. Vehemens, acris, incitata, ardens, & ut ita dicam, rapida tunc ruit oratio. Cursu atque impetu suo quidquid ipsi resistit, impellat, frangat, dissipet, comminuat; quidquid cedit, abripiat, secumque vehat, ac ferat. In animos auditorum flammam vibret, inferat illis nostros affectus, infigat cogitationes, nihil in illa sit otiosum, tota sit actiosa, crescat in singula verba; nec mora sit, nec requies, donec se dent penitus auditores; inilet, urgeat, premat, percutiat, proturbet, atque prosternat. Languidis & frigidis animis admoveat quasi quasdam faces verborum, & quasi stimulis fodiat. Animi nostri illos comburamus incendio. Dicam equidem, & quoniam haec jam dixi, reliqua non tacebo, ut impositis ponderibus lanx deprimitur, ita evidentia domatur animus: ac quemadmodum quae ad ignem concipiendum sunt apta, si ignem admoveris, inflammantur: sic animi hominum, qui ad affectus suscipiendos sunt facti, si vocibus quasi conclusa affectuum semina illis inferas, affectu statim exardescunt. Intercedit enim humanos inter animos quaedam non modo arcta necessitudo, sed etiam naturae cognatio atque similitudo: qua sit ut quemadmodum inter corpora morborum, ita inter animos fiat quaedam affectuum contagio. Hinc est nempe quod dolenti condolemus, quod alterius hilaritate exilaramur, & quod ad amantem amandum proclivitatem quandam experimur. Itaque quum lacrymatur, ut ita dicam ipsa oratio, quum verba gemunt, quum omnes voces, doloris ejulatus videntur, quum denique non tam nos, quam dolor ipse loquitur; alterutrum profecto necesse est, aut ad miserationem tandem evincatur puellae mens, aut mente omnino illa careat. Quum vero tota imbuta est amore oratio, quum tota amore flagrat, tota amorem spirat: quum omnem amoris vim, omnes amoris sensus, omnes dulcedines, desideria omnia, omnia denique, ut ita dicam, lineamenta expressa efficitque prae se fert; aut se ipsam non amet puella, aut etiam amet, qui illam tam bene amat, necesse est.

Se iam brevius, atque plenius tamen, & quidquid dixi, & quidquid omisi, complectar; ut omni venustate ornata, omnibus virtutibus instructa, omnibus numeris absoluta sit elegia, nihil aliud opus est, nisi ut tuis sit similis.

Ita profecto, nam (proh Jupiter!) quam egregie omnes Poeseos virtutes complexus es non modo, sed etiam ampliasti. Quantus sententiarum splendor! quae novitas! quae suavitas! quae verba! quam electa! quam rivi-

dâ! quam apta! qui concentus numerorum! quam plenus! quam dulcis! quam sonans! quae totius orationis dignitas, venustas, lepos, concinnitas, facilitas, atque felicitas! Qui denique, & quam varii, & quam acres, vehementesque affectuum motus! Ah! te alloqui Virgilianis verbis jam licet: *Nunc scis quid sit amor*: nunc enim in tuis elegis expressum illum, illiusque omnia lineamenta ad summam usque similitudinem praecisa; immo illum ipsum vivum, spirantem, ardentemque vidi. Sed quid dico vidi? immo expertus sum. Nescio quid elegis tuis in poenam comprocer, ita legentem me atque relegendem incendio impleverunt. O ingeniosorum verborum vim atque efficacitatem! O disertae orationis prope fascinationem! Non legebam modo, sed legendo aestuabam, tecum arsi, tecum dolui, penetrabat se in animum meum verbis tuis indutus amor: timui timores tuos, sollicitudinibus tuis vexatus sum: spes tua etiam sublevabat me, desideria tua animo comitavi, vix ipsas tenui lacrymas, vix suspiria. Ita sunt actiosa verba tua, ita rebus ipsis proxima; ut in omnes sensus tuos traherent me atque traderent. At omnes tui sensus quam illi amatorii, vel quum iram prae te fers, ira tua prae se fert amorem; in medio irae impetu amorem offendis, amorem tibi concilas: illa exardescit amore, illa amorem demeretur. Quum vero ad miserationem desectis orationis impetum atque inclinas; tantam dulcedinem tanta vi conjungis; ut animum duplici simul modo labefacies, domes, atque expugnes, illum solvis, illum liquefacis, illum cogis quasi ad deliquia. Ita ad vivum ostendis dolorem tuum; ut doloris tui sensum auditorum animis infligas atque inuras; illos angoris cruciatuque tui eloquenti effigie sic angis atque torques; ut non modo tui misereri cogantur, sed quodammodo miserandi ipsi fiant, pari eodemque dolore cruciati: ut inquam illi, ut desistas, ut ipsis parcas, ut ipsorum miserearis, ultro efflagitent. Quum videris vero precibus uti, tunc maxime vi agis atque cogis. Quando enim tam disertis precibus negare aliquid licet, nisi tunc solum quum illae non audiuntur? Postremo, quum abis ad jocos & ludibunda, atque prurienti exultas oratione; quum amoris describis suavitates; ipsum mehercule lectorem facis beatum: ita intimis ejus sensibus voluptates illas omnes instillas, infundis, atque ingeris blandorum verborum quodam quasi canali. Interea quam facilis fluit oratio, quam apto verborum ambitu circumscriptioneque sententias amplecteris atque concludis, ut saepe illae, sed semper festive, in sua verba redeunt atque se retorquentes iisdem definant a quibus coeperunt. Verum non ab omnibus intelligitur, quam difficilis sit haec facilitas, atque quanto artificio artificum occultetur: experiantur, & intelligent. Mirum etiam quanta laevitate vinculas commissurasque sententiarum elaborasti, expolivisti, atque complanasti. Ita sunt annexae inter se, ut una ex altera pendeat, surgatque, ut altera alteram generet, ut antecedens sensim sine sensu animum lectoris in subsequenter effundat. Haec res potissimum

tiffimum in arte dicendi perfectam consummatamque industriam arguit. Hoc in primis magni tum Oratores, tum Poetae secernuntur a mediocribus: in quo denique existit id artificii, ardore animi splendoreque orationis conjunctum; in illo profecto elucet omnis summae eloquentiae magnitudo. Magnum enim esse ingenium oportet, atque ipsa quam tractat materies majus, ut hanc omnem contentiarum copiam atque varietatem, quasi unum quid, & una vi, atque una consensione constrictum, cogitatione amplectatur, oratione diffundat. Si caeteras, quae sunt innumerae, Elegiarum tuarum virtutes persequi velim; jam exclamationibus uti necesse fiet; necesse dicere. O dulcedinem orationis! O mollitudinem! O delicias! O incendiaria carmina! O carmina demulcentia! O gratiis ipsis gratiora! O quae illecebris omnibus suis, blanditiis, deliciis irrorasse, condidisse, perfudisse Venerem; immo in quae Venerem ipsam se resolvisse, atque transfudisse totam existimes. O carmina ipsa, quae fruuntur immortalitate dignissima! Nec enim illa subducat unquam fugitiva oblivio. Dum erunt formosae, dum amabunt, dum amabuntur, tu celebraberis, aderit ingenium tuum ultimae remotissimaeque posteritati. Te leget illa, te colet, te mirabitur. Te unum doctissimum, te ingeniosissimum, te suavissimum praedicabit. Nos quibus ingenio tuo, tua eruditione, tua suavitate frui datum fuerit; dicet beatos: beatissimam vero Camillam quam amaveris. O puella omnium felicissima, modo felicitatem tuam intelligas, modo sis ingeniosa, modo suavissimi Emmanuelis carminum suavitatem percipias. Tibine illud tam elegans ingenium cogitationes suas impendit? Tene eximius ille animus, quam unam coleret, praecipue elegit? Tene dilexit magnus ille Emmanuel? Tibi suspiria, tibi vota, tibi lacrymas fudit? Ah! procumbant aliis reges, sceptris, diademata illarum pedibus supponant, atque substernant, purpuram, gemmas, aurum, regna, se ipsos in munus illis congerant: nunquam illis tantum dabunt quantum Emmanuel tibi. Tibi ingenium suum, Tibi se, Tibi famam aeternam dedit. Quam multi extitere Heroes? Quam multi Principes? Quam multi Duces fortissimi, qui nunquam tam celebres erunt, quam genae, quam oculi, quam labella tua? Sciet posteritas, quam ingeniose micabant Camillae ocelli, quam suaviter illa irascebatur; suavius tamen iram deponebat. Sciet, ah! sciet, qualis fuerit illius risus, quae blanditiae. Sciet, inquam, & laudabit.

Verum futurae illius gloriae anticipatam quandam dulcedinem jam delibare potes, o Vir doctissime, laudibus quibus te cumulant illi qui laudibus maxime sunt digni, quod similitudo ingenii, studiorum, atque virtutis, jucundissima tecum amicitia conjunxit. Tacebo illos, quos alibi nominavi, ut aliorum mentionem nunc faciam.

Illum dico Malagonellum, cujus animus supra minas, & supra promissa fortunae elatus, supra humana positus est, ingenium animo par, orationes

nes ingenio dignae. Equidem tanto splendore illae fulgent, tanta magnificentia affurgunt, tanta opulentia funduntur; ut a plebe vulgoque orationum omnium longe summotae, grandius aliquid ac generosius, ac prope divinum spirent. Tot & tanta lumina, atque tam improvisa, undique vibrant; ut non minus quam fulgura, quae subito rumpunt tenebras, aciem perstringant; sententiae tam crebrae, & tam densae, quam clarae atque nobiles. Vel minima demum quaeque exquisitissima. O dignum hominem, cui quod summum in rebus humanis est, indulgissent superi! Plus dicam: O dignum, cui ejusmodi ingenium indulserint!

Illum etiam dico τὸν μακροτέραν Myronem, acerrimo exquisitissimoque ejus judicio nihil aliud par fortasse invenire possis; praeter ejusdem eruditionem, quae non modo tanta in Latinis, sed etiam in Graecis existit, ut Athenae ipsae (cum Cicerone loquar) non fuerint illo magis Atticae. Ita in intima optimorum auctorum sensa animo penitus se immittit; ut sibi ipsi non fuerint magis consilii, quam ipsis ille. Sed quid mirum, si illos ita intelligit, ut se ipsi, quum ille scribat quoque ut ipsi. Illius vero judicium hujusmodi est, ut idem profecto ac unum sit in bonis literis illi probari, ac esse probandum; illi improbari, atque improbandum esse.

Illos quoque adjungo, duo Hetruscae Poeseos clarissima lumina, Alexandrum Guidium, atque Joannem Antonium Magnanum, quorum alter grande quiddam atque sublime sonans, Pindaricorum spirituum plenus, splendidissimis sententiis versibusque maxime numerosis, ad summum Poeseos fastigium generose feliciterque contendit.

Alter vero totus elegans, totus venustus, pressum magis dicendi genus amat atque persequitur; verum ita egregie, ut non facilius sit rerum naturae res gignere, quam illi describere; immo ut non tam describat, quam ostendat; ut naturam in illius scriptis non minus videre nobis videamur, quam quum ipsam intuemur. Ut denique quum illum audimus, si ita loqui fas est, auribus videamus.

Favebunt certe laudibus tuis omnes, qui laudibus sunt digni; sed qui, & quorum scripta pariter despectui fastidioque obnoxia sunt, illi ad carmina tua soli fastidient. Exstat enim, atque semper exstitit, sed effusissima copia nunc extat genus quoddam hominum, generis humani dedecus, alienis meritis anxium atque dolens, propriis carens; quorum perversissima indoles omnium vitiorum feminibus nata; quorumque parvum ingenium pravo animo conjunctum est. Hi quum ne ad minimam quidem laudem proropere ipsi valeant; alienas carpere atterereque, & aliorum gloriae detrahendo vanam cujusdam gloriolae effigiem comparare sibi conantur; ita demum famae inferere posse nomina sua existimantes aliisque succrescere; si justissimam aliorum famam injustissime petulantissimeque laecerint. Illi in scriptis nostris reprehendendis, exagutandis, insectandis, sunt assidui. Quam merito, posteritas viderit: tam merito certe quam nos istorum scripta

pta laudibus prosequemur. Itane igitur scripta nostra ferri non posse, ubique in triviis, id est in castris suis, vociferabunt; nos vero patientissime illorum scripta feremus? ex ineptiarum congerie, portentosorum troporum acervo, fatuitatum colluvione, unice collecta, compacta, concreta, atque confata. Scripta, inquam, quae sic a^grasante infania tota occupantur, ut in eis saniori sententiae nullus relinquatur locus; ut ipsa quantacumque sunt, nihil aliud sint quam deliria frigidis epithetis disfluentia, ridiculis horrentia antithetis, impudentibus metaphoris tumentia. Adeone faxei aut plumbei sumus? Adeone omnes veteris Reipublicae spiritus cum ipsa perdidimus? Adeone Asiaticae factae sunt aures nostrae; ut tam pestiferum, tam corruptum, tam ignavum, tam infucatum, tam meretricium, tam lutulentum dicendi genus, protinus non refugiant, non abhorreant, non execrentur? Poemata ut plurimum isti lucubrant; sed, pro hominum fidem! Quodnam est illorum poematum, non dicam elegans, non dicam non invenustum, non dicam, quod ferri possit; sed non ultra fidem insanum? Quanam est in illis inventio? Nonne eum apud Poesim locum obtinet, quem in rerum natura monstra? Dispositio vero atque elocutio nonne (quod turpissimum est, quo nihil pejus fingi potest) inventioni similis? Nonne in illis Poematibus exultabunde efferentis se, atque arrogantissime jactantis dementiae excussa ratione, immo rationi petulanti loquacitate insultantis, excursus longissimos ubique cernere licet. In omnem materiam furibunda debacchatur, omnia, atque omni amisso delectu, attingit atque invadit, & quidquid attigerit, foedat atque corrumpit. Sive facies alicujus regionis describenda est, sive affectus in voces solvendus, sive enthymema quoddam stringendum; sient quidem omnia, sed praepostere, sed insane. Descriptionem non rerum naturae, sed febricitantium somniis accommodatam audies; audies voces non affectus indices, sed dementiae; audies enthymemata digna ratiocinio furioforum; audies denique nugae, ineptias, somnia, deliramenta, in putidissima oratione, quasi in foetidissimo luto demersa. Equidem quum id cum animo meo magis ac magis revolvam, ad tam incogitanter perverseque scribendum ea, quae ipsis a natura suppetit summa stultitia fatis esse mihi non videtur; accessio quaedam fieri debet ebrietatis; atque non vulgaris quidem illius, sed longissimis intemperantissimisque perpotationibus collectae. Nisi enim vaporibus aestuantis vini furiosa intus mens fuerit, & quasi praereps e rationis sede dejecta; sic in immensum insanire illi non licet. Itaque, ut opinor, cum immania pocula, immaniori aviditate helleuones isti atque gurgites siccarunt; tunc animo pariter corporeque profligati atque jacentes; sensibus, memoria, mente destituti, cum vino turpissimos illos versus evomunt simul, foetidissimaeque coaerant orationes nauseae plenissimas; quas postea inter patinas immundaeque ciborum reliquias oscitantes exarant. Inde scilicet, ex hac, inquam, foeda impu-
Tom. I.
rum

vinum crapula, vinolentis ebriorum vomitibus, lutulentissimis pecudum for-
 dibus atque coeno, existunt praeclara illa scripta, originis suae caligine at-
 que turpitudine squalentia; & non minus, quam auctores ipsi amentiae,
 vini, somni, stupri plena. At ipsi tamen (o lepidissimos facetissimosque
 asinos!) se solos esse iactant, qui amatorie sciant scribere: quod quidem
 ego illis non negarem, si amatorie scribere esset idem ac insanē. Verum
 non ita se res habet. Et qui ita se posset habere, qui, inquam, illa ama-
 toria essent? quae adeo sunt insana, ut humana amplius haberi non pos-
 sint. Non modo illos amatorie scribere nego; sed nego amore omnino
 affici: aestu quodam perditae libidinis inflammari, pruritu lasciviae incita-
 ri, amentiae oestro corripī posse non nego. Res est paucorum hominum
 amare. Verus enim germanusque amor ex certo animi sensu constat, con-
 junctio quodam spirituum animalium motu, qui nisi a generosis, fervidis,
 praestantibusque viris suscipi nunquam potest. Quapropter cum illo ho-
 munculorum genere, in illis vaecordibus, illud nescio quid, illud, in-
 quam, foetidissimum coenum, quod loco animi inest, vim amoris com-
 plecti nequeat; haec qua affici cernuntur perturbatio, hic quo illorum
 animus subvertitur convelliturque tumultus; non tam amor, quam amo-
 ris species quaedam deformis, degener, imperfecta, corrupta, spuria,
 abortiva haberi debet. Unde licet maxime stupendus sit illorum stupor,
 minime tamen stupendum est, si pessime de amore scribunt, quum pes-
 sime sentiant. Si conceptum penitus praecordis amoris aestum inflamma-
 tis, pariterque flagrantibus verbis, in lucem emittere, & ut ita dicam,
 parturire opus est; illi effutunt metaphoras. Si saevientis doloris vim at-
 que acerbiter in verba transfundere, si varietatem sollicitudinum, at-
 que molestiarum tristi, afflicta, & prope dolenti oratione effingere atque
 reddere; illi effutunt metaphoras. Si crudelis Dominae obstinatem rigi-
 ditatem mollibus, blandis, suavibus adhibitis precibus, quasi admotis fo-
 mentis liquefacere; illi effutunt metaphoras. O putiditatem fatuam! O
 fatuitatem stupendam! O stuporem incredibilem! Tunc se magnifice lo-
 quutos putant, quum insane; tunc acute, quum inepte; tunc venuste,
 quum putide. Tumore cujusdam translationis sublimati ex hoc quasi quo-
 dam majestatis fastigio caeteros prae se despiciunt. Tunc demum scripsis-
 se juvat, quum qui intelligat neminem reperiunt; quum ne ipsi quidem.
 Verum nolo sibi tam valde placeant vilissimi atque inquinatissimi animi,
 non pecudibus modo, sed faxis ipsis magis indocti, atque solum ad insa-
 niendum acres: nolo sibi magni videantur suis tumefacti sordibus. Fran-
 gere feroces illorum spiritus, illorum deprimere superbiam, stultam illo-
 rum loquacitatem comprimere, stolidissimos illos hominum, vel potius
 non homines demonstrare nunc volo. Sordet illis Terentius, sordet Vir-
 gilius; sordet Ovidius; praeclara omnia sordent ingenia. Ah! quem fe-
 lices nos ipsoe quoque, qui illis sordcamus; multo enim laudabilis existi-
 mus.

mo

mo inter eos esse, qui ab illis vituperantur, quam qui laudantur: qui enim ab illis laudantur, nisi illorum similes, id est, omnibus ineptis ineptientes, omni fatuitate obtupefacti, omni stupore percussi. Attamen scire vellem, quae illos tantae incitant intemperiae, quae tanta tenet vecordia, qui exagitat furor; ut de ejusmodi scriptis judicium ferre audeant homines ipsi nullius judicii. Si enim vel aliquantula judicandi facultate vigerent: non modo qui de aliis existimarent judicarentque ineptos, sed maximo malo se dignos judicarent. Ingeniosa scripta ad ingeniosos dumtaxat, vel saltem ad homines tantum pertinent: ideoque minime ad istos, ab istis non probantur. Quid mirum! Mirum contra si probarentur. Illis nihil aliud probatur, nisi quod improbandum est, nisi quod pravissimum, stolidissimum, pessimum est: nisi sibi ipsi. Atque sane ita sit. Aequum enim est quum nullae aliae poenae illorum flagitio pares inveniri possint, illa quae maxima est placeantur: relinquuntur sibi, in poenam sibi ipsi placeant. Nihil turpius, nihil pejus, nihil detestabilius illis placere unquam potest. Voluntur semper in foetidissimo coeno, id est, in suis quasi cogitationibus; sordibus, veneno, pure delectentur, id est, animo suo. Quid illis cum literis? cum doctrinis? cum eloquentia? Stupore obductus illorum animus ad sensum verae eloquentiae obduruit & obtorpuit, atque quasi callum duxit. Quid juvant obcaecatas mentes, vel clarissima eloquentiae lumina? Nullo modo afficere possunt rusticos, stupidos, & ut ita dicam, quadrupedes animos, venustae ac tersae orationis lepores, atque veneres: sed praeterlabuntur celeriter atque effugiunt. Ingenio acuto, subtili, acri, vivido, celeri, atque agili, opus est, quod fugientes & quasi fulgura tantum perstringentes intercipiat. Non illis qui toti adsunt abdomini suo, toti in ventre demersi, sepulti jacent, cogitare nesciunt; tanquam mens illorum omnis, atque omnis sensus his partibus contineatur atque definiatur, in quas natura sordes omnes compulit atque conjecit. At heu! quam male illis comparatum est, quorum vel minima peccata sunt ipsa turpissima? Istis Reipublicae literariae latronibus, sicariis, furciferis, seu, o! quo potius nomine illos appellem ut digne? illis, inquam, non solum sordent, quos modo dixi antiquitatis, seu potius naturae ipsius lumina; verum etiam illorum scripta, ac sanctissimam perpetuoque omnium saeculorum cultu consecratam famam, caeco quodam atque efferrato rabiei impetu, effusissimaeque petulantia invadunt. Quid aliud, obsecro, est omnem funditis antiquitatis venerationem, commune doctorum, saeculorumque judicium, rationem denique ipsam violare, excutere, projicere? Nonne id est malevolos omnes malevolentia vincere? Nonne omnes indoctos, hebetes, stolidos, stoliditate superare? Omnium denique errorum turpitudinem, unius erroris immanitate complecti. O tenebrae! o labes! o sordes! o nefaria capita! o importuna prodigia! o execranda averruncandaeque portenta, ex omnium ineptiarum colluvie, ex omni insanie

genere, ex malevolentiae, livoris, obreftationis, immanitate omni, atque importunitate, concreta atque conflata! Siccine ipsi quum non errores modo, sed erroribus contexta opera edant, quum omnes illorum sententiae, lordes purgamentaue ingenii merito vocari possint; audent de aliis loqui? immo audent omnino loqui? Audent palam, in luceque versari? Audent vivere? quum solum ad calumnias vocem emittant, ad horrorem doctorum importunissimum ostendant vultum, ad infamiam denique saeculi aetatisque nostrae vitam agant? Illos eloquentia, quacum acerrimum bellum latratibus suis gerunt; illos doctrina, quam extinguere incitua sua conantur; illos ingenia quibus infestissimus est immanis illorum stupor; illos, inquam, solos suos corruptores, vexatores, carnifices declarant, atque testantur. Ipsa, ipsa mediusfidius, quae plurima in hac Urbe superiunt antiquitatis monumenta, insurgere in illos indignata quodammodo mihi videntur. At ipsi tamen (o portentum inauditae impudentiae atque immensi furoris!) Poetas se confidenter admodum profitentur, & Poetas eximios; quum ne quidem sint homines. Quae enim pecudes, si homines illi? Quae belluae, quae monstra, qui stipites nominabuntur? Magnus sit oportet Poetae animus, magnum ingenium, magna vis, magnus impetus, magnus ardor, magna eruditio, magnaue doctrina. Non humilitas istorum ingenii, non languor, atque debilitas animi, non angustiae eruditionis, non tenuitas virium, non egestas doctrinae, tanto, tam excellenti, tam difficili munere fungi potest. Quae cum ita sint, non aliter nobis audiendae sunt insanae istorum voces, quam ventorum murmura, quam canum latratus; & ut aliquid illis affinius dicam, quam ventris crepitus. Immo, quid loquor? summa cum voluptate nobis sunt audiendae. Neque enim ex marmore, vel aere, aut pretiosa magis si placet materia fictae erectaeque statuae, non triumphales licet, marcescentes tamen laureae amplissima clarissimaque sunt monumenta virtutis, sed invidiae gemitus, improborum calumniae, stultorum convicia, certissima illius longeque maxima testimonia existant. Verum jam reprime me. Intelligo enim istorum improbitatis odio longius me abductum, quam illorum abjectio concedere debuit. Tu, Vir clarissimo, feras, quaeso, si elatus indignatione, non meo sed bonarum artium, sed eloquentiae, sed Poeseos nomine plura dixi in furiosissimos ineptissimosque nebulones. Nam jure hujus culpae, si modo culpa est, partem aliquam in te transfundere possem. Olim vel vitia orationis, modo portenta non essent, facilitate mea ferebantur: nunc elegi tui leporum copia ita affatim me expelevire, ita delicatum me fecerunt, tantum nunc est stomachi mei fastidium, ut nisi omnibus coloribus depicta, omnibus numeris expolita, omni elaborata artis industria, ex intimo artificio deprompta; uno verbo, nisi tuae similis accidat ad aures meas oratio, protinus exclamem: ferri non potest. Quamquam multo acrius urget me alter metus, ne scilicet pauca dixerim.

dixerim. Quae enim tanta potest existere vis ardorque animi? Quae tanta gravitas copiaeque verborum? Qui tam acer atque vehemens orationis impetus; ut atrocitatem indignitatemque tanti flagitii assequi; ut, inquam, pro bonis literis, quantum in istis fuit, nefarie, impie, sacrilege contrucidatis, extinctis, deletis satis dolere, satis queri, satis contendere possit? Multam igitur, ut opinor, mihi dabis veniam, si id non praestiti quod praestari omnino non potest; sed non id solum, aliud multo majus atque multo magis te rogo: quod si impetravero, tam gratum erit mihi, quam quod gratissimum. Te rogo nempe, & etiam atque etiam rogo, ut si me vis beatum, tanta benevolentia me complectaris, plus dicere non possim, quanto amore ego observantiaque te prosequor. Vale. Romae Kal. Sextilibus MDCXCIV.

XV. E M M A N U E L M A R T I N U S

JOANNI GABRIELI REGINERIO *suaevissimo*

S. D.

Romae.

Ubi sunt qui dicunt, amorem absentia de viribus suis remittere, & languescere? Sane id ego multo secus expertus sum. Non modo enim illud ipsum vestigium pressi, in quo me discedentem conspexisti; sed gradum etiam feci ad studium & benevolentiam erga te nostri. Quippe observabatur ante oculos gratissima illa humanitatis, officii, doctrinae tuae facies. Unde fiebat, ut non modo impotentissimo tui desiderio flagrarem, verum etiam quam immanissime torquerer. Ubi vero gentis nostrae subibat imago, quae humaniores has literas, quarum nos studio honestissime ducimur, contemptui habet atque ludibrio; ita animi angore, atque aegritudine contabescbam, ut mirum profecto videatur, me ex tanta malorum colluvie emergere incolumem potuisse. Quo rerum taedio, obstinatoque moerore effectum est, ut non solum a scribendo abhorreret animus, verum etiam (jurato mihi crede) pigeret me mei. Cujus rei certe gravissimum erit illud testimonium, quod te per literas conveniendi tandiu nulla me cura tetigerit. Quod eo videtur incredibilis, quo te arctiore amoris & necessitudinis vinculo amplexus sum. Cave enim putes, quicquam mihi te vel charius unquam fuisse, vel jocundius. Immo fore. Nunc igitur, senescentis hujus aegritudinis remissione aliquantisper animo relaxato; visum tandem mihi est; non solum ad te scribere; sed ea scribere, quae tibi jucunda perfore, non solum spero, sed etiam perscriptum habeo. Scito ergo, me in hac Urbe, cum versarer in Bibliotheca satis instructa illustrissimi, simulque eruditissimi viri Josephi Castelvini, hu-

D 3.

jus.

jus Urbis quondam Praetoris, nunc vero Regi a Consiliis in supremo Atagoniae Dicasterio, incidisse in volumen quoddam manu exaratum, in quo erant Poemata cujusdam Ferdinandi Ruizii Villegatis, Burgenfis, qui sesquifaeculo abhinc vixit, audivitque Ludovicum Vivem nostrum, quem sine peculiari laude nunquam dimittam. Continet id volumen Eclogas quinque, quarum inscriptiones: *Marianna, Cretale, Pan, Civice, & Viver*: in qua scilicet erepti sibi magistri manibus, argutissimisque singultibus, elegantissimisque ejulatibus parentat. Praeterea, de Nuptiis *Pbilippi II. & Isabellae* libros III. quorum postremus est de *usu Taurorum & Canarum*. Item *Exultationem* in celeberrima Victoria Navali Joannis Austriaci ad Naupactum. *Sphaeram Mundi. Aesopi Fabellas*. Omnia hexametris expressa. Continet praeterea *Cibdelomastigem* elegiaco versu: in quo Poemate auctor, Cibdelum quemdam, qui eum maledictis lacebsebat, falsisque criminationibus in invidiam atque odium vocabat; diris, & execrationibus devovet: exemplo Callimachi, & Ovidii. Denique *Farraginem variorum*. De quo opere equidem univse ita sentio. Nihil esse prorsus quod magis referat divinum illud Maronis *aequivocum*. Ita enim exprimit imaginem priscaevi, ut, nisi auctoris nomen prohiberet, aetatis aureae prolem quam meritissimo judicarem. Dicitio in eo tersa, pura, elegans, castigata. Numeri sonori, teretes. Sententiae perspicuae, novae, vividae, torosae. Inventio mirabilis. Fluit sane Poeta magnificus sine tumore; elatus sine fastu, sine abiectione verecundus, diligens sine morosa *inertitia*. Denique (nisi ego insanio) a Virgilio secundus; propior tamen primo, quam caeteris, ut verbis utar Afri Domitii. Cum haec tamen ita sint, quis credat, nusquam gentium horum scriptorum extare memoriam? Altissimum de hoc auctore silentium apud omnes. Quin etiam civibus suis Ferdinandi ingenium penitus ignotum. Fati contumeliam! Quando autem in hominem incidit non invidum suae gloriae; curae mihi erit, ut sentiat se de nobis optime meruisse, atque opera & studio nostro gratiam sibi relatum. Utinam tam expedita, & accurata apud nos typographia, quam apud vos Gallos! Iterum utinam! Melius profecto redvivi nostri Poetae *avarsu* consuleretur. Verumtamen. Complectere me, Regine-ri jucundissime. Cedo osculum. Jam enim licet sine parricidii suspitione. Illuxit tandem post hominum memoriam auspiciatissimum tempus, quo duo illi populi, orbis terrarum victores, qui intensissimis odiis in mutuum perniciem conjuraverant, arctissimo tandem sempiterni foederis vinculo cohaeruerunt. Publicae igitur, & privatae fidei causa, ut me ames, per fidem oro atque obsecro. Amabo te. Epistolam bene longam. Graviniae nostro XV. Kal. literas dedi. Da operam, ut valeas. Valentiae Hedetano-rum XI. Kal. Octobris MDCCII.

EMMA-



EMMANUELIS
 MARTINI
 ECCLESIAE ALONENSIS DECANI
 EPISTOLARUM
 LIBER II.



I. EMMANUEL MIGNANA
 EMMANUELI MARTINO
 S. D.

Alonm.



Culpfit a me tandem Latinas pervicacia tua. Est amplius nihil merito quod mihi succenseas, cum ita me sistam obnoxium tibi. Jam voti compos es. Ero quoque, si valetudinem tuam quam diligenter curabis. Ave. Tam paucis? inquis. Satis me tibi fecisse puto, vel si paucioribus. Ave iterum. Idibus Novembris An. MDCXCIX.

H. E M.



II. EMMANUEL MARTINUS

EMMANUELI MIGNANAE ὡς διδάγην.

CAlamum arripuisti? Jam vir es. Maeste igitur studio : ac socordiam illam, animique torporem, quo nostratia ingenia, pestilenti otio afflata, vel hebescunt, vel siderantur, Dis bene juvantibus, procul amove. Cave sis, amabo, ut ne ex istarum pecudum vel consuetudine vel contagione sordidum aliquid contrahas, neve eorum rubigine confricatus, scaber fias. Di me perduint, si eorum ingenia pluris facio, quam ancillam meam quae latrinam lavat, ut cum Comico loquat. Credis me iratum esse? gerrae, gerrae. Si haec mihi bilem in nasum consciscerent, jam olim essem τῶν μαυροῦντων μαυροῦντατος. Quod ad nostra attinet castra, conclamata sunt vasa, ac sarcinulae nostrae non tantum collectae, verum etiam bona ex parte ad Urbem transmissae. caeterae quae superfunt (quod felix faustumque fiet) propediem mittentur, atque ego quantocys iter arripiam. Tu interea quo me amore prosequeris, amare pergit, atque esto φίλαλλον. Vale salute mea salus salubrior. Data Alone, XVII. Kalendas Decembreis, An. θ'απ'εμπνίας MDCXCIX.



III. EMMANUEL MARTINUS

EMMANUELI MIGNANAE salutem & amorem.

Saguntum.

DI te pessime maectent manum constupatricem. Quid hoc? frons tibi caperat? erige sis supercilium, & audi nebulonis nequissimi atque impudentissimi immane facinus. Scito penum nostram librariam examini Praepositi cujusdam (melius dicerem, togati cantherii) esse commissam. Quid deinde? prae furore insanio. Jussit quorundam auctorum opera sibi adferri, quae (ut ipse aiebat) expurgatione indigerent. Qui non facerem? Exposui hostiam. At tricarnifex ille jugulo tenus calamum immisit. Credin' res esse ponderis quas delevit? apage: scrupi, quisquillae, ac merae nugae: excellentium nempe virorum encomia. Vix a lacrymis tempero. Quid plura? Pulcherrima honestissimaque illa Virgo Amstelædamentis stuprum passa est, conspurcata est, ac denique maculosior facta, quam

quam sit nutricis pallium, ut est vetus verbum. In qua urbe vivimus, Di immortales? Ubinam gentium sumus? Aeterna illustrium virorum monumenta arbitrio larvæ bonarum literarum rudis? Di literarum vindices, abolete hoc facinus. Zavalio nostro a me salutem. Vale, & me deperi. Valentiae Hedetanorum, XIV. Kalend. Januarias, Anno MDCXCIX.



IV. EMMANUEL MARTINUS

EMMANUELI MIGNANAE amico integerrimo

S. D.

Saguntum.

TUne ille? Per Deum Fidium ut vix te novi. O venustam Epistolam! o lepidam! o falsam! bis falsam! Per ego te Deos oro, & nostram amicitiam, uti hanc viam teneas: & heus tu! cave sis ne ab illa exorbites. Novi equidem inertes fucos qui te circum bombilant, quibus si aurem commodaveris, actum de te est. Spero tamen fore, ni me fallit, ut hæc monita nostra quam artissime teneas. Novi indolem suoapte ingenio ad sapientiae irritamenta proclivem & pronam, ingenium liberale, mentem defaecatam & sudam, animum a tabida hac contagione immunem, atque ab hocce coeno, in quo haerent nostrates, exentum & liberum. Et tu corium nobis macerandum? jocone, an serio? Si nos ludis, immerito meo id facis. Equidem de te nihil tale verebor. Sin autem veritatis indagandæ studio interrogas, e re nostra est rei propositæ satisfacere.

Primum omnium miraris *vi equidem* a Sestano positum (ut tibi videtur) haud bene morato more. Falsus es grammaticorum praeceptiunculis, quibus si adhaeferis, nihilo plus proficias, quam si des operam, ut cum ratione insanias. Quid enim illæ sunt nisi affaniae, ac tricae puræ putæ? Igitur scito, non principi tantummodo personæ istuc verbi adhaerescere, verum & alteri, verum & tertiæ. Nec in versâ tantum oratione, sed etiam in prosa. Ad tuumne palatum Tullius? sane credo. En ipse ad Attic. *Sic ages igitur: equidem id erit proximum Clodiae.* Porcius Cato apud Sallustium in Catilinario: *Quare vanum equidem hoc consilium est.* Vin' testem utroque antiquiorem? en Plautum *Menaech.* Act. 2. Sc. 3. ME. *Quicum hæc mulier loquitur?* ER. *equidem tecum.* Recentiori remne? habeto Persium Sat. 1.

Per me equidem sint omnia protinus a lb.

Apud eundem in media persona, Sat. 5.

Tom. I.

E

Non

*Non equidem hoc dubites, amborum fodere certo
Consentire dies.*

Illud haud nescio, ab *ego* & *quidem* conflatum esse *equidem*, arrisisse non nemi-
mini. Servius ad illud 1. Aeneid.

*equidem per litora certos
Dimittam.*

Equidem, inquit, in *Virgilio*, *ego* *quidem* ubique significat. Sed in aliis *Et* pro *quidem* tantum ponitur. Favent Glossae veteres, nam interpretantur: *equidem* *etiam*. At nullus dubito dici *equidem*, quasi *Et quidem*. Sic etenim, *Et* enim: *etiam*, *Et jam*: *et si*, *Et si* rejicitur autem altera litera *evd* *etiam* *Et*, cum euphoniae, tum syllabae corripiendae gratia, ut metro consulta-
tur. Quod si producta prima usquam indigent Poetae, tum integre scri-
bunt. Terentius in *Hcautontimorumeno*, omnium quae sub coelo sunt La-
tinissima Fabula. Act. 3. Sc. 2.

Et quidem hercle forma luculenta.

Et Act. 4. Sc. 5.

Et quidem jubebit posci.

Viden⁹ *et equidem*? Audi Priscianum sexto decimo exeunte: *Sciendum quod
quidam equidem conjunctionem compositam esse existimant ab ego Et quidem:
sed errant. Simplex enim est. Et hoc maxime ex ipsa quoque constructione ora-
tionis possumus intelligere. Nam, equidem facio, equidem facis, equidem
facit, dicimus. Porro si *et equidem* valet *ego quidem*; ineptissime Caesar
ἐκαστολεγει apud Sallustium in Catilinario, ibi: *Equidem ego sic existimo,
P. C. omnis cruciatus, Et*. Et ipse Sallustius in 1. de Ordin. Republica.
Equidem ego cuncta imperia, Et p. 541. & p. 559. & 564. Cave, fodes, ut
ne id cogites. Terentius quoque in illa omnium mundissima, ut ipse pro-
fitetur in Prologo: *Id equidem ego, si tu neges, certo scio.**

In tuam sententiam traxit grammaticorum agmen obstatum illud di-
cendi genus apud divinum vatem, apud quem oeties & vices ita positum
reperitur.

Principem syllabam verbi *pono* producendam adferis. quidni? Dummodo
tamen illa transactum tempus non attingat. Si enim attigerit, confestum
corripitur. Eclog. 3.

Orpheo-

Orpheaque in medio posuit, Sylvasque sequentes.

Existimo te oculos collimasse ad illud Sestani,

Ergo age, testiculis positis, &c.

Recte hercle ille, & ritu probo. Divinus vates 2. Agriculturae:

Arboribus positis scilicet via limite quadret.

Alibi toto opere. Nam quid ego te obruam testimoniorum plaustris? Egommet in Fastis, mense Julio:

*Quintilis primum, positus quod in ordine quintus,
Dicitur erat, numerum significante seno.*

Imo si penitissimam hujus verbi naturam scrutari velimus, ubique foret corripendum. Est enim *πίρος*: quod & *facere*, & *laborare* significat. Praecipuus sane labor in rebus loco suo statuendis; ut in exstruendis aedibus. Id Latini cum animadvertissent, *ποντι ἀπὸ τῆ πίρου* nomen indiderunt. a *πίρος*, altera vocali rejecta, *pons*: sic a *πίρος*, *mons*: a *πίρος*, *mons*: a *γίρος*, *gens*: a *γάλας*, *glans*.

Scribere quae seros placeat legisse nepotes.

probum est, & c mediis Romanae Urbis praecordiis. Afinius in Amphitruone, Act. 1. Sc. 1.

Apaga, non placet me hoc noctis esse: coenavi modo.

Placet me esse, ut *placet nepotes legisse*. Dormitas Emmanuel? Erige sis mentem, atque in antiquorum te confer penetralia. Excute grammaticorum bojas, perfringe repagula. Ego vero in Eustathio totus sum. Immane est, quam me delectet ille omnigenae eruditionis promus condus. Di faxint, ut prospera valetudo vires suppetat. labor enim improbus. Heus tu, de Tulliano lexico ne hilum? Quanam segnis haec taciturnitas, & vecors silentium? Pigetne te promissi? Ego vero non tacebo, qui sciam Amyclas hoc morbo periisse. Vel librum transmittito, vel ad Fidei Candidae te deferam. Vilarius ille βελιουρητής (ride si sapias) verba dat, libros retinet. Quam aram teneam nescio. Di illum eradicent, bonarum

E 2

lite-

literarum labem. Barferius noster jubet te. Ego vero Zevalium, & quidem plenis faucibus: nam illum, ita me Deus, medullitus ardeo. Vale pugilice. Valentiae Hedetanorum, VII. Id. Majas MDCC.



V. EMMANUEL MARTINUS

EMMANUELI MIGNANAE *salutem mittit.*

Saguntum.

Uam ipse vix habet. Equidem a nonnullis diebus, nescio quo maligno fidere, incommoda valde utor valetudine. Nam & ad omnia fastidio, & molesta afficior corporis lassitudine, & *νεφελalgία* saepe infestor. Denique nescio quam aegritudinem aegresco: namque & taedet me mei, & molem hanc animo nostro circumjectam aegerrime traho. Dicamne hanc animi contractionem, an vero corporis languorem? fortasseam utrumque. Ergo si me amas, si me salvum cupis, ad me quantocyus advola; ut tuis saltem colloquiis recreatus, animus denuo revirescat atque repullet. Nam caetera mihi gaudia, ita me Di, *καυνοῦς χροεῖς*. Tuas literas nuperrime ad me datas, quibus efferam verbis? nae illae Venere ipsa venustiores. quo sciamus? quo papavere! papae. Coelo me beasti tam grato mihi munere. Iterum atque iterum rogo te, ut animum deficientem hac aquula erigas, atque confirmes. Libri nostri adhuc sub Carnifice. Lascivit ille in aliena studia, discerpit, exenterat, deturpat, dilaniat. Proh Deum atque hominum! Saevit ille impune in mea viscera: nec fas gemitum emittere. Salve a Barferio tuo. Zavalius noster fac ut me redamet. Vale. Valentiae Hedetanorum, VII. Kalend. Junias, An. MDCC.



VI. EMMANUEL MIGNANA

EMMANUELEM MARTINUM *salvare jubet.*

Valentiam Hedetanorum.

Ad te meum advolat epistolum, unaque amoris in te monumentum ac pignus: pirorum scilicet quasillum. Te etiam atque etiam rogo pro tua in me benevolentia singulari, meaque item in te summa, ut non tam

tam munusculum hoc levissimum, quam mittentis animum perficias. Vale
mi Rex. IIV. Kalend. Sextileis, An. MDCC. Sagunti.



VII. EMMANUEL MARTINUS
EMMANUELI MIGNANAE

S. D.

Saguntum.

DEosculatus sum tuas literas sane mellitulas, lepidulas, facetulas, Venerere ipsa venustiores. merum mel. Sed heus tu, vin' profecionem meam totis habenis jam praecipitem, Hippomenis more, pirorum jactu intercipere, ac remorari? At fallam benevolentiae atque amoris tui artes, quando ita mei oblitus es, ut Saguntinis delinitus ac inescatus deliciis, Emanuelis tui nomen fastidio jam tibi fuerit & ludibrio. Feram hanc adversae fortunae calamitatem animo obdurato & forti, atque hoc amoris nostri naufragium libens subibo. Interea me studiorum ac virtutis tuae cultorem intelligas velim. & fore nominis tui buccinatorem. Perendie abitus meus. Vale gratissimum mihi caput. Valentiae Hedetanorum, XIII. Kal. Augusti, An. MDCC.



VIII. EMMANUEL MARTINUS
EMMANUELI MIGNANAE

S. D.

Saguntum.

DEreditu nostro ad Edetanos bene est ut gratulêris: sed habeo quod doleas: squallorem nempe & mentis illuviem, quae ex patriae rusticitate atque hebetudine in animum, licet obstantem, irrepsit. Et tu a me literas, quem tam alta obsedit caligo? quique plus habet fuliginis, quam Vulcani barba? Excutiendus mihi prius est stupor iste, ac sordes detergendae. Quandoquidem autem ineptiarum mearum non te piget, illud scito, tam vocem *parvitas*, quam *mediocritas*, & Romanas esse & Tullianas. Quum enim Valerium & Paterculum naso suspendimus, non verba ipsa explodimus atque accusamus, sed usum, quo perperam a nativa significatione detorquentur. Viden' ut *to parvitas mea* oleat cucullos?

E 3

Fin-

Vincula quae cerni non possent propter parvitatem, dixit Tullius in de Univerſ. mediocritatem ingenii in 2. Philippica & alibi ſaepe uſus eſt hoc verbo.

Bis a me per literas petiſti, quidnam ſit apud Hirtium Lib. 3. de Bell. Civ. X. *Sacraſti viri.* At ego mehercule Hirtium nihil de Bello Civili ſcripſiſſe, tam habeo perſpectum, quam me eſſe marem. Tres circumferuntur libelli Hirtii nomine inſigniti, nempe: *De Bello Alexandrino, de Bello Africano, ac de Bello Hiſpanienſi.* Verum enim vero horum ipſorum incertus eſt auctor; nam, ut ait Suetonius, *alii Oppium putant, alii Hirtium.* Ego certe quolibet pignore contendam non eſſe unius parentis prolem. Hiſpanienſis quidem belli dictio a reliquis *de diâ parvū* diſtat; nam ejus ſtylus & horridus eſt, & hirtus, & (ut verbo abſolvam) barbarus. Africi vero non inter illos tantum eminet, ſed inter pleraque Romana ſcripta: ita terſa in eo, & ad Comicum morem pura dictio: ſimplex, cohaerens, & candida narratio: nihil in eo quaſiti coloris aut ſuci: ſed totus ad imaginem priſci aevi. Alexandrini ſtylus inter utrumque, Hiſpanienſis melior, deterior Africi. Sed de hoc jam diu eſt quum longam diſſertationem ſcribere inſitui: nam, ut verum fatear, ira ſubit, quoties bellum Hiſpanienſe priſco illi aevo, deliciarum parenti, tributum audio. Sed haec *de de parvū*. Nullus dubito te pro Caefare Hirtium advocaſſe: quod mentis peregrinatione evenire aſſolet. At ubinam gentium ſunt verba illa abs te adducta: a *Capua X. ſacraſti viri*? Nam in loco illo, ad quem tu digitum intendiſti, haud ita legitur, ſed: *M. Sacraſtivirus Capua.* integrum locum tranſcribam: *Duobus his unius diei praeliis Caefar deſideravit milites MCCCC LX. & notos equites R. Felginatem Tutiſcanum Gallum, Senatoris filium, C. Felginatem Placentia, A. Gravium Puteolis, M. Sacraſtivirus Capua, Tribunos militum & Centuriones XXX.* Habes igitur M. Sacraſtivirus ita dictum, ut Cornelius Afina, Tremellius Scrophia. Quid? nunquamne audiſti Bellum illud Sacrovirianum a Cornelio traditum lib. 3. *Annalium*, Julio Sacroviro ſautore & principe? Atqui Paterculus tuus etiam meminit lib. 2. *Rom. Hiſt.* Quid ergo dicam? te veteres illos ſupine atque oſcitanter legere? apage has nugas.

Nonnulla ſunt quae abs te ſcire aveo. At, heus tu! cave ſis ne animo inſenſo me id ſacere, in animum inducas; ſed ita me Di, ut doctior ſiam. Primum eſt, cur in epistoſarum *de parvū* ejus ad quem ſcribis nomen nomen tuo praeponis, reſragante totius antiquitatis conſenſu, cum apud Graecos, tum apud Latinos. & quidem optimo conſilio. Simulac enim literae nobis traditae ſunt, nihil animum aequè exſtimulat, quam mittentis notitia. Iccirco mature ac prudenter conſultum eſt, ut quod in oculis primum legentis incurrat, nomen ſit illius, a quo datae ſunt literae. Porro quid illud eſt in fine Epistoſae XVI. Kal. Sextilis ad me datae: *Barſerio ſalve?* *Salve a me Barſeri*, vel, *ſalveat a me Barſerius*, dixiſſent Cornici, & quidem Latiniſſime. aliter ſi oſtenderis erue mihi hunc oculum.

Tua

Tua responsa, quae quasi e tripode reddita, a me venerantur, verba sunt ex eadem Epistola. At quo auctore? Videris mihi Appulejum sistere Metamorph. XI. *Phoebe soror, quae praeclaris nunc veneraris delubris Ephefi*. Sed ab homine extero linguae Latinae auctoritatem quaerere, insanire est: praesertim vero a scurra in verbis procaciter luxuriante. Quod si Horatius dixit Sat. 2. lib. 2.

Ac venerata Ceres ut culmo surgeret alto.

Et Maro 3. *Aeneid.*

cursusque dabit venerata secundos.

Id rectum est in participiis tantum, juxta mentem Budaei, Jul. Scaligeri, & I. ud. Cerdæ: quo modo intelligendus est A. Gellius lib. 15. cap. 13. quod ideo fit, quia veteribus in usu fuerunt activa quoque, ut est apud Plautum Truculento Act. 2. Sc. 5.

*Date mihi huc Staßam atque ignem in aram,
Ut venerem Lucinam meam.*

Quod ad novissimam adinet epistolam, nonnulla in ea sunt quae immane est quantum me torqueant. Illud in primis est quod scribis: *Deinde te Valentiam saluum pervenisse, librosque e Batavia accepisse; iccirco meae partes esse existimavi tibi iterum atque iterum gratulari*. Videtur mihi inconcinna oratio. Dixissem ego: *Deinde quod Valentiam saluum perveneris, quodque libros e Batavia acceperis; iccirco mearum partium esse existimavi, &c.* Sed forsitan illa ipsa recta erunt, nisi quod ego obtuso sum animo ac plumbeo.

Illam porro inferius scripta: *Hunc nostrum (triste quidem) ad plures, in ore est omni populo, illum cum haeredem instituisset, quid sibi velint, nondum ariolatus sum. Salebrosa mehercule sunt, & hispida. Verbum mihi perquam molestum in aures impegisti, circa finem ejusdem Epistolae. Illud scilicet nullibi, quod nusquam gentium reperitur.*

Habes igitur, mi Emmanuel, ingenui amoris testimonium ac pignus, quod identidem abs te exspecto.

Quod de Austriaci nominis interitu subjungis, nec novum est, nec mirandum, siquidem, ut sapienter Simonides:

Οὐδὲν ἐν ἀνθρώποις μέν χρεῖν ἔμπεδον ἀνί.

omnia fatorum vertigine rotantur, & in fumis ludit petulanter fortuna. Sed

Sed in hac malorum strue atque congerie, inasperatum nobis emerisit solatium. Quis enim in tanta Hispaniarum caligine tantum sidus nobis affulsurum speraret? Verum tandem ex animi penetralibus vocem emittere liceat. Nos beatos! optata fungimur salute. Spero fore ut fruamur principis domi militiaeque inclyto, quique literas jam diu exulantes & profugas, veluti restituat postliminio.

Theresiae nostrae a me salutem, non quidem chartaceam illam Plautinam. Verum ex cordis adyto, ac intimo recessu. Vale, & ad me quantocyus veni, nam Batavi nostri jam pridem te exspectant. Valentiae Hedetanorum, XI. Kal. Decemb. MDCC.



IX. EMMANUEL JOSEPH MIGNANA EMMANUELI MARTINO

S. P. D.

Valentiam Hedetanorum.

EAm animi aegritudinem, a te postquam abcessi miser contraxi, ut omnem voluptatem, quam apud te diversatus ceperam, tui desiderium omnino interverterit. Idcirco satis explicare non possum, an majori sit mihi oblectamento tuis suavissimis frui colloquiis, facietisque, quam molestiae ac dolori iisdem esse frustratum. Namque adeo me mei taedet, ut vel ad nostra studia, quae in rebus adversis perfugii loco habeo, non me recipere, sed aegre trahi videar. At quam aberrationem ab hisce molestiis inveniam in tanto squallore bonorum studiorum, aut quomodo hunc ego possum abstergere dolorem haud teneo. Nam qui dudum tot Musarum deliciis affuebam, modo in hisce latens Sagunti ruinis; licet egregius ille Cimbrorum, Teutonumque debellator mihi homunculo esse posset exemplo in Karthaginensibus qui aliquando delituit; nullum tamen praeter communem mihi cum hac Urbe calamitatem occurrit levamentum. Enimvero Saguntum ego aspiciens, haec me etiam intuens alter alteri certe possumus esse solatio. Tu igitur si me saluum cupis, sedulam dabis operam, ut tecum vivere possum. Id perface, mi Emmanuel, in te enim omnis spes est, qua ut potero me sustentabo. Si vero res procedit parum; indubie, nisi quid Dii respiciunt, emoriar. Nihil est quod te pluribus, tua enim iussa me valde urgent. Ill. Joannem Castelviniū salvere jubeo, illum profecto multum merito suo amo. Tum Petro Borrullio meis verbis salutem plurimam. Turrelius noster ut valeat fac sciam, etsi nullus dubito, ni Fulicae valeant, ipsum nequaquam valere saltem posse animo. Nobis denique, qui te amamus, erit gratum, & amabo te, si das ope-
ram

ram ut valeas. Sagunti. ἐν αὐτῇ μενεῖντες μὲν οὖς μαρμακτῆριον ἐστὶ αὐτῷ φ' χ' αὐτῷ ψ' β'.



X. EMMANUEL MARTINUS

EMMANUELI JOSEPHO MIGNANAE suo

S. D.

Saguntum.

VIden^s te in rebus Graeciae incerta adhuc librare vestigia, ac veluti caligine circumfusa, huc illuc impingere? Relege, sis, literarum tuarum proxime ad me scriptarum *πρωτότυπον*, ac in temporis notatione tot fere lapsus reperiēs, quot verba. Incumbe igitur in id studium velis (ut dicitur) & remis, si tibi literarum amor cordi est. Nos aequo vultu respicit Dea Salus. Eustathius vehementer nos exercet. Res tuas curabo diligenter. Castelvinius & Borrullius te salvere jubent. Turresius abiit *εἰς πύρκας*. Vale. Valentiae Hedetanorum. *δουτῆρα φθίνοντες μὲν οὖς μαρμακτῆριον ἐστὶ τῷ ἱεὶ φ' ψ' β'.*



XI. EMMANUEL MIGNANA

EMMANUELI MARTINO

S. P. D.

Valentiam Hedetanorum.

TUas literas & libenter legi, & ex illis intellexi, & didici nostra studia permagnae tibi curae fuisse, & quod omnium est mihi gratissimum, te nactus esse censorem sine fuco, sine ambagibus, & ut uno bolo dicam, ipso Catone severiorem: quae quidem, ita me Di, immane est quam sint mihi cordi, atque delectent. Sed hoc unum me male habet, te minus recte quam se res habet, de me cogitasse: nempe ut caverem in animum inducere tua in me officia animo infenso proficisci. Quid? arbitraris me aliquid *ἀλαζονείας* Hispanae contraxisse? tota erras via, mi Emmanuel; immo aliud videre videor, scilicet, ingenui amoris, ut ais, testimonium, ac pignus, & quādam tui amoris in me superabundantiam, cui nunquam me posse satisfacere puto. Satis enim doleo nullam mihi facultatem dari tibi obsequendi. Sed quid te pluribus pergam obtundere? jam nolle indo-

Tom. I.

F

leam.

lem. Quod reliquum est, ut quam primum memet ex his emergam tricis, quibus nunc plus satis impediō, & otiosus totum me serio optimis lectionibus dedam. Idcirco Saguntum, ubi proprii juris ero, reverti cogito, ibique, si Dis placet, ab hac scabie convalescam. Sed ut caetera, quae meae partes videntur, attingam: sic habeto, me non ire inficias, forte alias res agentem pro Caesare Hirtium posuisse. Verum enim vero quod subsequitur ita, ut dixi, esse in nostro Codice nihil est quod dubites. Quapropter totum locum, ut est, in medium proferam: *Dnobis unius diei praefectis Caesaris desiderati sunt milites nongenti, & sexaginta, & noti equites Ro. quadringenti, & Tucidamus Gallus Senatoris filius, & a Placentia centum, & a Puteolis centum, & a Capua decem Sacri viri, & decem Tribuni militum, & Centuriones triginta duo.* Quid ergo cum haec legeret, qui minus quam ego esset stupidus, intelligeret, praefertim cum tot parasangas a vera lectione distent, ut etiam Glauco hebetior cognoscere posset. Viden' me injuria a te vapulare? Cave iterum hoc facias inconsulto, ne te iniquum appellem judicem. In epistolae *avarapū* Tironem suum risit Tullius, & tu me tyronem. Gaudco (cave sis me in stomacho ridere existimes) dicam tamen, quamvis non te praeterit, Sulpitium Verulanum virum in hac arte peritissimum modestiae gratia solitum fuisse ejus ad quem scribebat nomen suo nomini praepone, ut videre est apud Ascensium: *Clarissimo viro Falconi Sinibaldo Patricio Romano, &c.* item Erasmus Rot. & alios. Fateor tamen nullum veterum, quod sciam, ita fecisse. Quapropter ut tibi morcm geram, libenter secus faciam, ac feci; maximum enim mihi est quod a te audierim, quam quod alii omnes dixerint. Orationem illam mutilam, tua pace dicam, me apud Tullium legisse: vereor tamen ne locus sit corruptus, sed si quid, ne quid tuae sententiae tutius adhaereo. *Barferio salve*, facinus est animadvertendum, & ita me, puero trimo indignum. Haud secus *te nullibi*, quae quidem vel apud alterum me legi, vel ut ne mentiar, e proprio cerebro, veluti Minerva e Jovis, prodire. *Illum nostrum, &c.* quod duriusculum tibi videtur, scito me Tullianum moreni imitari voluisse, qui labentem & prope extinctum Reip. statum multis calamitatibus oppressum deslens, ad familiares minus quam assuēt aperte scribit, subjungens: *Nostri caetera: difficile est loqui, &c.* quae quidem vix percipi possunt. Nunc restat illud Appulejanum *reuerari desuntum παδυνωρε*. Heus tu nimium mihi videris *σπερδαυω*; nam proh Deum, atque hominum! credin' me esse Oedipum? vel nescis cellae, & cuculli, quid praesent? & qua rubigine nostri ordinis homines hebetentur? Spero tamen fore, ut has sordes, Dis bene iuvantibus, abstergere, uti institui, & expurgare valeam, praefertim si in hocce Herculeo labore suppetias mihi tuleris. Interea pro tua singulari prudentia velim perpendas me esse hominem, & illud vulgatissimum Philip. 12. *Cujusvis est hominis*

minis errare, & quod Erasmus Rot. in Epistola ad Guilielmum, & alia sexcenta tibi notissima loca. Haecenus; nam caetera belle.

Denique si animus est Romam mittere, ut libri, quorum jam diu mirro desiderio exaestuo, ad me perveniant: a te peto pro tua summa in me benevolentia ocyter facias. Novum Testamentum scilicet Graece. Cur, inquires, hoc expetis? primum propter sermonis facilitatem, ut monuit Gretzerus: deinde non te latet illum Traiani institutorem scriptum reliquisse, libros Latinos legere, quorum jam in Graecis historias, & argumenta noverat, sibi magno fuisse adjumento ad genuinam, & naturalem verborum linguae Latinae significationem ediscendam. His omnibus tamen tuum judicium praeponam. Dari mihi etiam obviam exopto Titum Livium, & Polybium, & Lucretium, necnon Plauti Comoedias cum Notis Variorum: & si aliquis tibi Graecus libellus videtur mihi usui fore, illum etiam adjunges. Facies igitur, mi Emmanuel, si me amas: atque hoc unum sic habeto, si hanc rem a te impetraro, Deorum me vitam adeptum esse. Scis profecto illud Ἀπὸ τοῦ θεοῦ καὶ τῆς ἀντιθέσεως βέλους μάχης ἐστίν.

Quum dabitur facultas, te visam. Satis est mehercule, quod doleo caruisse fructu jucundissimae consuetudinis tuae, qui tandiu ab illa absui: haec tamen molestia, quantum potest, sententiarum Graecarum, quibus omnia primitiva comprehenduntur, ut ait Schrevelius, lectione, thematicumque investigatione haud aegre fertur: atque in dies plus plusque hac dulcedine captus, falebrosam hanc viam, quam libenter arripui libentissime insisto. Ille amicus noster suavissimus Βελλοκρινίδης quid egerit sciam. Tibi a Theresia tua salutem, non quidem illam chartaceam, quam inquis, nec ex cordis adyto tantum, ac intimo recessu, verum ex hepatis: probe enim nosti quanti semper te fecerit. Barferio salutem meis verbis plurimam, & tu, dulcissimum decus meum, vale, & me deperi. Ex Edetano, VII. Kalendas Decembreis, MDCC.



XII. EMMANUEL JOSEPH MIGNANA

EMMANUELI MARTINO amicissimo *ἀνεγέτιμω*.

Valentiam Hedetanorum.

ET si nihil pene quod ad te scriberem praeter mei in te amoris significationem habebam; tamen ad utriusque nostrum benivolentiam veluti renovandam meas ad te literas mittere operae pretium esse duxi: quod profecto saepius facerem, ni vereretur multitudo literarum tibi obstrepere, molestioremque esse. Nunc vero quoniam meus ἀντιθέτης Valentiam

proficiscitur, non potui nihil ei literarum dare: & praesertim quod secundum meum abitum, ut valeas, atque quid agas ignorem. Scis nimirum quo te amore prosequar, tum propter egregias animi tui dotes, tum etiam quod multis de me nominibus sis bene meritus, & maxime quod immanes mihi & honoris, & doctrinae accessiones attulerit tua erga me voluntas: quod quidem supervacaneum est commemorare, quandoquidem tuum est dubio procul quod aliquo esse numero videar. Nostrum jam nostri animum apertum plane, ac simplicem: iccirco haud verebor me assentatoris parteis suscepisse existimes. Quod ad nostra attinet studia, scito *Saguntim* illam putidam in spongia haerere, neque totum esse in Livio, apud quem Scriptorem quam plura, quae in medio cursu me remorantur, invenio: illud in primis in l. Dec. Lib. VIII. *Signum septem pedes altum, &c.* Hic etiam Henrico Glareano viro aliqui erudito, ac diligenti aqua haeret; ait enim se id avere scire. Apud eundem Scriptorem, nec non apud Silium hoc verbum *gacsa* in numero multitudinis saepe legi: nullus ambigo tell esse genus, sed cuiusnam magnitudinis, vel in quem usum parabatur, haudum assequutus sum. Quocirca a te peto, quaeoque, ut, si animi ingenui est cui multum debeam, plus ei velle debere, tuam de his sententiam feras. Denique, si nos amas, ad me ut libeat. Cura interim ut valeas, hoc mihi gratius facere nihil potes. Sagunti, VII. Id. Apr. MDCCII.

XIII. EMMANUEL MARTINUS

EMMANUELI MIGNANAE *suavissimo Cyreni.**Saguntum.*

Quod aquila solet animo defecit, hoc mihi tuae literae. Exhilarasti me tam luculento tui in me amoris testimonio. immo beasti. Dicam ingenue, nihil mihi in hac luce contingere gratius potuit, quam tuae erga me benevolentiae significatio. Equidem me jam diu hariolebar e tui amoris fastigio deturbatum deiectionumque. Torquebat animum inconsulta illa ac male tuta libertas, qua Poematis tui momenta pensavi, discussi, exhausti. Ac tamen humanissimae indolis tuae subibat imago, verebar nihilo minus ne ingenii tui subolem pluris fecisses, quam mei censuram & monita. Saepe enim recentis prolis amor transverbera egit ingenia, ac illos ipsos recti monitores, quibus se devinctos fateri magnopere debuissent, plus quam Variniano odio prosequuntur. At tu quam integre! quam pro tua dignitate! Ego quidem stylum exerceo; & tu mihi gratias. Spongiam adhibeo; & tu mihi gratias. Quas ego tibi pro singulari hac tua humanitate?

tate? Unum id intelligas velim, me, quicquid fecero, augendae ac propagandae famae tuae id facere.

Rem mihi nuncias omnium gratissimam, dum te Livio totum incumbere scribis. Laudo institutum: &, si modo impulsores indiges, talem me cogita. Viget enim in eo scriptore natus quidam Latinae venustatis flos, ac sermonis castimonia. Spirat in eo quaedam eloquentiae anima. Dictionis tersa, fluens, sine strepitu, sine verborum furore, aut lenocinio. Lactea quadam ubertate dicendi lectores perfundens. Rerum togae, rerum sagi egregie peritus. Historica in eo verecundia mirabilis, & veritatis amor sempiternus. De quo merito dixerim, Populum Romanum hujus unius ingenium par imperio suo habuisse. Pereat Caligatus ille morio, qui sacrosancto huic capiti verborum ac negligentiae crimen impegit. Macre igitur animo, nostratum corculum, conser te in abdita haec penetralia animo obstinato atque immoto adversus haec gentis nostrae obversacula, & garrientes umbras, saeculi hujus propudia. adversus quos si lacertos exferas, aut bellum indicas, perinde est ac si cum larvis lucteris.

Aves scire quid sibi velint apud hunc auctorem verba illa ex VIII. *Si is domo qui devotus est, moritur, probe factum videri: ni moritur, tum signum septem pedes altum, aut majus, in terram defodi, & piaculum hostiae caedi.* Quorum verborum sententia mihi certe obvia. Ait Livius licere Consuli, Dictatori, & Praetori, cum legiones hostium devoverent, non utique se, sed quem vellent ex legione Romana scripta civem devovere. Subjungit deinde verbis ipsis prisco sacrorum ritu traditis nuncupatisque, si forte evenisset uti miles ille, qui pro suorum clade averruncanda mortem oppetisset, proelio superesset; tum quidem signum vel effigiem ejus, qui devotus fuerat, in terram defodiendam & hostiam caedendam, ut mortem ejus defensione imaginis & hostiae caede repraesentarent, atque umbratili illa & simulata morte sibi Deos propitiarent. Signum autem illud ideo septem pedes altum confici prisca religione jubebatur, quoniam ea perfectissima humani corporis statura censeretur. Et hic est (ni me fallit) horum verborum genuinus sensus. Salebrosius mihi videtur quod ibidem subjungitur: *& piaculum hostiae caedi.* pro quo in libris manu exaratis: *piaculum hostiam caedi.* propius veritati. Lego: *piaculo hostiam caedi.* id est, ad piaculum.

Gaesum, vel *Gesum*, telum est re ac nomine peregrinum. Athenaeus Lib. VI. ab Hispanis Romanos accepisse tradit: *αὐτὸ δ' αὐτοῖς ὀνόματι.* Celtis forsitan crepta primo bello Punico, quos in Poenorum castris stipendia fecisse, auctor est Appianus *Libycis*. Sed magis arriter a Gallis petuisse. forte in obsidione Capitolii. Nonius: *Gesa, tela Galliarum.* Servius ad VII. Aeneid. *Pilum proprie est hasta Romana, ut Gaesa Gallorum, Sarissae Macedonum.* Virgilius in 8. divini operis, de Gallis:

duo quisque Alpina coruscant

Gaesae manu.

Conditor Belli Punici in I.

*parmaeque relatae
Hispana de gente rudes, Alpinaeque gaesae.*

Claudianus in II. de Laud. Stiliconis.

*Gallia crine ferox, evinctaque torque decoro,
Binaque gaesa tenens.*

Viden? triplicem Galliam? Comatam, Torquatam, Gacfatam? Propertius de Virdomaro Rege Gallo, Lib. 4. Eleg. XI.

Nobilis e rectis fundere gaesa rotis.

Ergo telum. Statius Papinius Macedonibus quoque tribuit II. Achilleidos:

*didici quo Paeones arma rotatu,
Quo Macetae sua gaesa citent.*

Probat vox ipsa: nam apud Gallos (teste Servio ad VIII. Aeneid.) viri fortes *gaesi* dicti. Quin & ab eadem origine esse puto quod Galli milites conductitios *gaefatas* appellarunt, ut est apud Polybium lib. 2. cap. 21. At quale hoc telum, vel in quos usus? Suidas: Γαῖροι, ὅτι λον, ἡ ὀντὸς μακροῦς κοτύν, ἡ Κότυς Κεῖται ὑπομένει ἐν τοῖς Γαίταις. Vides telum esse *eminus feriens*. Contum vertit Bibliorum interpres Judith c. 9. ἡ λαιαν ἐν ἀκροῖς, ἡ γαιον, ἡ τῆς. Totum fuisse ferreum Hefychius tradit γαιόν, ἰμμάδιον ἐλασίδην missile soliferreum. Ideo forsitan grave dictum Festo: *Gaesum, grave jaculum*. An legendum apud Gellium L. 10. c. 25. *Soliferrea gaesa*? Non credo. Nam tela quaedam *soliferrea* quoque dicta, teste Festo, quod essent tota ferrea. Nam lingua Osca *sollum* totum denotabat. ὅλον. Legendum igitur ibi interpunctione media: *Haesta, pilum, phalarica, semiphalarica, soliferrea, gaesa, lancea, spari, rumices, trifaces, tragule, &c.* Moderatius Pollux δῖον πικνελιδην *haesta* longe ferrata. Accinit Diomedes, ubi de armatura Gallorum: *Gladii eorum non sunt minores aliorum haestis, haestae ferrum habent majus aliorum gladiis*. Si tamen de gaesis haec intelligenda, ut arbitror. Vides telum non quidem *elastidum*, sed *πικνελιδης*, quicquid obblaterent Grammatici: quod tale fuisse oportebat, ut expeditus in hostem torqueretur. praesertim cum bina gaesa singulis tribuantur. Varro apud Festum: *Qui gladiis cincti, sine scuto, cum binis gaesis essent*. Itemque Pausanias in Attic. γαιός (lege γαιός) ἐλασίδην δῖον. Profecto soliferreae haestae, quae Oppiani sunt εἰρηνοὶ εἰρηκάμηναι, graviores erant, quam ut missilium instar haberentur. Quod de gaesis nefas esset dubitare, ut ex Propertio patet:

Nobilis e rectis fundere gaesa rotis.

Itemque

Itemque ex Caesare 3. de Bello Gall. *Lapides gaesaeque in vallum conficere.*
Seneca Hippol.

gaesa jaculari manu.

Eustathius in Iliad. β. γαῖον ἔ γαῖον pro jaculo agnoscit ex solido ferro. Corrigendum γαῖον ἔ γαῖον. Simile mendum apud Pausaniam in Attic. ubi pro γαῖον legitur γαῖον. Gaesorum usus promiscuus tum in bello, tum in venatione. Livius Lib. 8. in hastatorum manipulo leves vicanos milites locat, & addit: *Leves autem, qui hastam tantum gaesaeque gererent, vocabantur.* Seneca in Hippolyto ita de Phaedra venationem affectante:

*Juvat excitatas consequi cursu feras
Et rigida molli gesa jaculari manu.*

Gaesum enim reddit quod est apud Euripidem ἰχθυόων βλάθ. divine. Est enim *gaesum* nescio quid medium inter jaculum & hastam. quasi dicas, βλάθ. λαχόνδης. Eleganter Suidas: Γαῖον δ. γαῖον, ὁρτίκ. ἄδθ. ἀνυρτίκ, οἷον δῖον. genus jaculi, insiar hastas. Silius ita ornat Pastorem Afrum:

*Omnia Poenum
Armenti vigilem, patrio de more, sequuntur,
Gaesaeque, Latratorque Cydon.*

En, Vir ornatissime, quae e promptuario nostro depromere licuit. quae quidem ut desaeatissimi acerrimique judicii tui trutina perpendas, omnibus votis opto atque obsecro. Nudius quintus cum essem apud Illustrissimum Castellvinium, nescio quo fato in sermone nostrum irrepsit *Saguntineis* tua. Cumque ego de necessitate legendi Homerici Poematis multa deblaterassem, ac subjunxissem tibi ejus operis copiam non esse; statim ille: quid igitur? Bibliothecam nostram non adiit? ingenia sovere animo nostro haeret. Mittatur illo quantocyus. Voto igitur tuo potitus es. Id unum deest, ut indices cui tuto ad te deferendum tradam. Unaque doctissimo humanissimoque viro, literarum propagatori ac vindici, *Ιωαννίς* scribas. Quem si semel conveneris, arcana quadam illecebra te devinctum senties. Ego hercle illum depereo, cum ob egregias animi dotes ac morum elegantiam, humanitatem, comitatemque; tum etiam ob ingenii robur & praestantiam, quibus germanam philosophiam & Mathefin penitissime rinatus est. Judicium in eo acre, nec sordibus ac saeculenta saeculi nostri illuvie pollutum, vel cucullorum contagione afflatum. Historiarum notitia sane quam admirabilis. Quid si ad venustissima ejus carmina styllum convertam? In Musarum gremio illum educatum credas. adeo nihil sapit praeter

praeter lac Mufarum. Ubi illum adieris, tum demum me vera dixisse fatebere. Mense proximo εν δωριέταις θύει Saguntum cogito. Si tibi adulescit, una erimus. Vale athleticce. Valentiae Hedetanorum, III. Idus Aprileis MDCCIL.



XIV. EMMANUEL JOSEPH MIGNANA
EMMANUELI MARTINO

Patrōno optimo suo χαίρει.

Valentiam Hedetanorum.

Tuae literae heri mihi ex patris aedibus redeunti fuere obviam, quas quum saepe legissem, saepissime deosculatus sum. Tanta equidem earum lectione afficiebar voluptate, ut legendi etiam assiduitate haudquam animum explere potuerim. E Deorum penu, nedum Mufarum, Emmanuel suavissime, illas merces mihi videris depromisisse. Qua venustate honestantur! quo sale Attico asperguntur! quanta doctrina exornantur! papae! Valeant, immo pereant, qui hoc mel Hyblaeum non depereunt: nostri infeliciissimi aevi portenta, ac nullius coloris homines, si modo homines; propius certe veritati larvae speciosae, quos si persona exueris, nihil praeter utres inflatissimos, dignos equidem calcibus adpeti, reperi. Sed quid fatuos hosce moror? aut quid gravius in eos dici potest, quod tu probe non calleas? Eminent quidem certe inter illos cucullorum mera fatuitas, totis etiam Anticyris insanabilia capita. Sed de diverticulo ad viam. Quanquam mea sponte satis mihi videbar incitatus ad haec mea oblectamenta Patavina; tamen nonnihil irritamenti ad meum studium tanti impulsoris auctoritas adjunxit, praesertim quum te tam propensum in nostrum emolumentum fenserim, quippe nullo negotio arcana hujus auctoris quaedam, summaque dexteritate exponis, atque enucleas, re, ac verbo factus hortator mirificus. Scito igitur me nunquam commissurum, ut tanti beneficii memoria feneſcat. Denique te oro, atque obsecro, ut meo nomine Illustrissimo Joanni Castelvino immortales gratias agas, meque unum infimae fortunae literariae, si quis locus apud illum vacat, in clientium album annumeret. Tuum adventum anxie expecto. Jam enim Thracia pellex in nostro hortulo dulci circumsonat modulamine, veluti querelis tuam moram prosequatur. Vale pugilice, nosque illo tuo amore singulari redama. Sagunti, X. Kal. Majas, MDCCIL.

XV. EM-

XV. EMMANUEL JOSEPH MIGNANA
EMMANUELI MARTINO

Suavissimo salutem mittit.

Valentiam Hedetanorum.

ABS te literas jam diu est quum expectabam, quibus de hisce monumentis Saguntinis quid consilii ceperis me certiore faceres: sed vel oblivione mei, vel, quod Dii prohibeant, nonnulla mea culpa id acciderit, ut tuas literas frustra expectaverim, nescio. Illud primum, ut tua semper in me fuit voluntas, vix ausim credere, nedum affirmare: alterum vero, quanquam conscientia factorum meorum, quae maxima est consolatio rerum incommodarum, me vehementer consolatur, ut tandem aliquando, si quid a me culpa sit admissum, respiciam, scire aveo. Verum enim vero utcunque affectus sis, velim sic habeas, me tui memoriam summa cum benevolentia tenere; nec non animo forti, atque obfirmato ferre, ac perferre me esse paratum, modo de nostra amicitia nihil acerbum statueris, quamcunque a me exegeris conditionem. Meus in te animus, mi Emanuel, semper erit, quem tu esse vis, & qui esse debet. Sed haec hactenus. Homeri Iliada & legi, & nunc denuo accuratius lego, cujus haud immerito Democritus Deum immortalem auctorem facit. Vere Poetarum maximus parens, ac *μύησις* divinus, qui non tam res gestas in bello Trojano mihi videtur scripsisse, quam bellissimis depinxisse pigmentis. De quo ut aliquid dicendum sit, ab illo certe exordium assumi debet:

Ἐοπίετ' ἢ μὴ μῦσαι ὀλέμνια, &c.

Sed vela contraham, ne videar Γάδρι' εἰς Ἀθήνας, qui ad te haec. Illustrissimum Joannem Castellvinium salvere multum jube, & tuum suavissimum sodalem Vincentium. Valetudinem tuam fac cures diligenter, meque diligas. Kal. Sextilis, An. MDCCII.



XVI. EMMANUEL MARTINUS

EMMANUELI JOSEPHO MIGNANAE suo

S. D.

Saguntum.

IN ruborem me dedisti proximis literis tuis, quibus tui oblivione factam existimas, quo minus ad te scripserim per tot dierum intercapedinem. Merito infectaris inertiam nostram. sed inertiam tantum. Per amicitiam nostram, & meam erga te fidem juro, nullum me in te crimen admisisse. Quin immo sancte dehero, me tibi summo officio, summaque observantia in perpetuum fore devinctum. Quo igitur utar patrocinio quaeris? socordia. Vetus est verbum, mi Emmanuel, *Liber non est, qui non aliquando nihil agit.* Praefertim per hunc aestum, quo mentis vigor velut pestilenti aliquo sidere afflatus, tabescit & marcet. Quocirca tanquam ovis meridianis, otio tantum & *assipia* dissolvor. Usus sum verbo nimis invidioso. Indulgeo quidem otio; non tamen illi inerti & languido, ac solutissima desidia infani. Nam & Plinii Caecili Epistolas per hos dies legi, totamque Augustorum Historiam a Caesare Dictatore ad Diocletianum Augustum. Quin etiam Florianam Epitomen. Haec fuere, ut ita dicam, otii mei crepundia; donec animum vegetiorem, vividiorisque interioribus studiis obtrudere valeam. Homeri Iliada & legisse, & probasse te, vehementer gaudeo. Denuo autem eam tibi legendam proposuisse, etiam laudo. Scio enim te ab illa non discessurum nisi doctiorem. De Odyssea ad te transmittenda, jam dudum cogito. ubi nactus fueris idoneum aliquem, cui tuto credi possit, nunciatum mihi velim. Neque enim satis est Iliados notitia ad opus illud perficiendum quod animo verfas: sed ex utroque poemate confundendus tibi est veluti cinnus quidam, interperandus perpetuus ille sanguis ac caedium horror. In quo quidem, exemplo tibi praeibit divinus ille Aeneidos conditor, qui immortale suum opus mirabili quodam artificio condidit. nam primi sex libri ad imaginem Odysseae ficti sunt: quos personarum & allocutionum varietate constat esse graviore. Reliqui vero sex ad imaginem Iliados, qui negotiis validiores sunt, & re vera tragici. Quod ipse indicat, dicens: *Majus opus moveo.* Equidem censeo te Iliada majore cum admiratione, Odysseam vero majore cum delectatione lecturum. Theatri Saguntini curam visum abjicere, donec circumjecti montis umbrae a fugiente sole reducantur. Cum primum per tempus licuerit, clarissimum id vetustatis monumentum revivam, una cum Turrelio nostro, ac Illustrissimo juxtaque eruditissimo Joanne Castelvino, qui

qui ejus Descriptionem una cum Diatriba nostra, orbi literario proprio sunt palam facere constituit. O pulchre collocatam pecuniam!

De re literaria non nihil habet. Raphael Fabrettus Urbinas, arcissima mihi olim necessitudine conjunctus, dum essem Romae, *Collectionem* quandam *Inscriptionum antiquarum* nuper edidit; opus, ita vivam, lectissima eruditione refertum, ac omnibus numeris absolutum. In eo, vereor dicere; dicam tamen: nomen meum (quantulumcumque id fiet) cum honoris adjectione, posteritati commendat. Fateor me hinc gloriolae illecebris corripere ac deliniri. Quid enim jucundius quam ab iis ornari laudibus, qui nihil proferre solent, quod non sit maxime laudandum? Janus Vincencius Gravina, deliciae nostrae, ille Romani sermonis assertor & vindex, ac veteris eloquentiae amussis, proxime edidit opus quoddam *de Origine Juris Civilis*. Nondum legi, spero tamen fore ut quam primum ad me deferatur. Nam & ille Nipho nostro tradidit ut quam citissime ad me transmitteret, & hic injuncto sibi munere functus est. Cura, si me diligis, ut valeas; nos ad summum. Valentiae Hedetanorum, V. Idus Augustas, MDCCII.



XVII EMMANUEL MARTINUS

EMMANUELI MIGNANAE suae

S. D.

Saguntum.

Ride si sapis oscitantiam meam, & stupidam vecordiam. Promisi tibi ultimis literis meis Homeri *Odysseam* ex Bibliophylacio Castelvini nostri. Nam in eo asservari certe noveram. At cum codicem extraxissem, Graece tantum loquentem animadverti. Quam ob rem, cum maximam tibi molestiam allaturum censerem exemplar e media Graecia desumptum; satius duxi stuporem meum coram profiteri, quam librum mittere, cujus nulla futura tibi esset usura, nisi maximo cum studio ac labore, seu potius taedio. Curae mihi erit quam maxima poterò diligentia opus id exquirere; tametsi non sum nesciens id esse *εκαπύδαυ Ἰλίου*. Quo enim me veritam in hac librorum inopia, & aevaniorum studiorum squallore & illuvie? Te tamen ut animo sis constanti & erecto iterum atque iterum precor. Ego namque nullam non operam impendam, nullum non movebo lapidem, ut id opus aliquando ad te perveniat. Vale, & nos ama. Valentiae Hedetanorum, Idibus Sextil. MDCCII.



XVIII. EMMANUEL JOSEPH MIGNANA
EMMANUELI MARTINO

S. P. D.

Valentiam Hesletanorum.

Proximis tuis literis in errorem te lapsum deprehendi. At perspectum fatis habeo errorem esse tantum, teque procul ab omni esse culpa. Itaque quum nihil novum, neque mirum accidit, dum in hac luce versamur, indigentiae tuae, si vel hoc nomine suspectus es, facile ignoscam. Deinde haud quaquam hoc contentus officio, ab omni ego te cura ut liberem, sedulam pro virili dabo operam. Scito igitur Turregium nostrum mihi fuisse pollicitum Homericam Odysseam Latine tantum loquentem, quam ego pudore quodam subrustico praepeditus e manibus ipsis amisi, ejusque in me tantum beneficium, benignitatemque comiter repudiavi. O, si fas est dicere, stultum pudorem! Iccirco te vehementer oro, atque obsecro mihi sis adjumento, ut illius poematis nunc denique compos fiam; praefertim quum rem tam expeditam tibi, atque probe exasiciatum opus praebeam. Facile equidem hominem tibi familiarissimum commovebis, sanctum in primis, & doctum, plenum officii, studiosum etiam meae laudis, ac plane virum bonum. Ignosce, mi Emmanuel, nostrae festinationis impudentiae: immo haec nostra studia boni consule; trahor enim hujus eximii poetae deliciis, quibus, ita me Dius-Fidius, nihil est mihi antiquius, nihil suavius. Postremo hoc unum velim sic habeas, quasi me abs te monendum divinarem, ab re nautica, illud Maronis clarissimum opus imitatus, exordium desumisse. Quapropter omnibus votis Ulyssis errationes exoptabam, quo opere si brevi fuerim potitus *μὴ καταπλεω*. Vale optime literarum vindex, nosque redama. Sagunti, XVIII. Kal. Septemb. MDXCII.



XIX. EMMANUEL MARTINUS
EMMANUELI JOSEPHO MIGNANAE

S. D.

Saguntum.

Estne hoc fidem liberare? Odyssea ad te ire gestit. Sed, heus tu! Romana Urbe donata. Si Graecam una optas, mittam utramque. Indica.

dica. Vincentio Turreffio nostro abs te gratiae: nam ille mihi commodavit. Nosti juvenis indolem, comitatem, verecundiam: addo, magnam illi esse erga tuum nomen observantiam ac studium, famaeque tuae esse quam addictissimum: quod ego hercle beneficii loco habeo. Quicquid ad studia tua propaganda conferre judicabis, ex nobis petito; modo ne praepropere festinatione laboris tui fructum corrumpas. nam, ut vetus est verbum, *Canis festinans caecos parit catulos*. Ac ne epistola ἀνέλλητος minus tibi ardeat, en versiculum hunc, quem cupio quam arctissime teneas:

Προτίττω πολλοῖς ἐστὶν αἰτία κακῶν.

Vale, & a Turreffio nostro salve. Valentiae Hedetanorum, XVII. Kal. Septembris MDCCII.



XX. EMMANUEL MARTINUS

EMMANUELI MIGNANAE *saluti suae ἐνπράξιον.*

LIteras cum a te avide expectarem, quibus superioribus nostris faceres satis, delusum me esse sensi. Qua rei novitate adeo sum perculsus, ut verbis contumeliosis vix, atque egre quidem, temperare potuerim. Ne vivam, si quid mihi unquam molestius accidit. Abs te hoc tempore nihil literarum? Heus tu, nosti qui siem? nisi abigis a te hanc focordiam, tibi nuncium remittam: modo per amorem in te nostrum liceat: tantus enim est, ut exhauriri nulla possit injuria. Sed haec paullo commotius. Scire ex te velim quid egeris in praedio paterno: recte ne omnia? fatin' ex sententia? quod equidem prorsus existimo. Nescio enim quo naturae lenocinio solo patrio adhaerescimus. Ego quoque circiter Kalendas Decembris, in montes etiam patrios, & ad incunabula nostra cogito. Etsi id non adhuc stat. Si iter fecero, scito me fore apud te. Quod ad nostra attinet, ita sum complexus otium, ut ab eo divelli non queam. Cave tamen putes, me lacertas captare. Vetera tantum relego: quod ab otio parum distat. A scribendo autem prorsus abhorret animus. Tu, mi Emmanuel suavissime, si vis homo esse, per fortunas incumbe ad illud praeclarum opus, quod animo versas; totas ingenii facultates in eo profunde. Lento tamen gradu tibi ingrediendum. Etenim dudum circumrodendum est, quod devorandum. Turreffius, nostri amores, pleno modo te amat. Ego illum, me hercule, plus plusque in dies. Nemo enim in terris est mihi tam consentientibus sensibus. Quam ob rem toti sumus in illius potestate. Ille, Di boni! quam voluptatem cepit ex tuis literis!

Fac igitur, amabo te, ut quam saepissime ad nos aliquid. Si nihil erit quod scribas, id ipsum scribito. Per nobis, per, inquam, gratum nobis feceris. Hui! paene praeterii quod maxime tibi fore jucundum puto. Gerardi Vossii Etymologicon linguae Latinae venire scito; tametsi quanti veneat nondum habeo exploratum. Nosti operis splendorem ac dignitatem. Adde contactum esse litteris Gallicis, & ornatu illo *ιστορίας*. Igitur ut ne illud abire permittas, iterum atque iterum moneo. Turretius noster ideo illud non emit, quod tibi usui fore animadvertit. Si tibi arriperit, fac me certior. Confestim ad te mittam. Cura ut valeas. Valentiae Hedetanorum, III. Nonas Septembris MDCCII.



XXI. EMMANUEL JOSEPH MIGNANA

EMMANUELI MARTINO

amicissimo εὖ ζῆς, καὶ εὖ περὶ τὸν.

Valentiam Hedetanorum.

Subiratus tuis ultimis literis negligentiae me nomine multasti; sed immerito id quidem meo fecisti. Scin' tu quantum me pudor, & ut ne mentiar, formido ab scribendo revocet, ac deterreat? Quotiescunque ad te epistolam misi, multa Deos immortales veneratus sum, ne tibi meis illepidis literis aliquam asserrem molestiam; tuas praesertim epistolas cum legissem (quas saepe etiam lego) tanto lepore, ac venustate affluentes; labascit profecto animus, & stylum refugit nimio veluti obcaecatus splendore tuarum literarum. Tantumne, mi suavissime, in te irato melis inest? quantum igitur in te faceto, lepido, festivo! Papae! ita me Di bene ament, lubens tibi malum dabo, ut te quam saepissime iratum ad hunc modum sentiam; & si meae socordiae stimulis non videris fatis concitatus, iram petas licet ab irato Achille mutuo, ut tui desiderium saltem crebris & longis literis leniatur. Equidem de tuis innumerabilibus in me officiis hoc erit certe gratissimum. Sed jam redeo ad epistolam, cui belissime, atque amicissime scriptae, nihil est quod multa respondeam.

In nostro amoeno praediolo, etsi non lavimus, laute tamen diversati sumus una cum nostro integerrimo Vilario, Romanae sacundiae sane quam studioso, ac veteri necessitudine mihi conjunctissimo. Apud nostros omnia recte habent. Cum tu in patriam concesseris, per nos iter facito, ut aliquot dies hic oblectemur. Otium tuum laudo: sed heus tu otium appellas tam pulchre locatum tempus? Cave sis pastores Latii id resciant: ipse licet summus Jupiter tibi advocatus adset, numquam fugies infortunium.

De

De nostris studiis nihil pene est quod scribam: ut tibi morem geram, scribam tamen: meum nempe huc & illuc rapi animum, trahi, atque innumeris jactationibus fluctuare. Totus, mi Emmanuel, tremo, horreoque postquam Homerum legi, ac plane viribus nostris distido, illo etiam Horatiano versu perterritus: *Sumite materiam vestris, &c.* Iccirco quam viam teneam non video. Turrezii nostri literas quo animo acceperim, tu ipse perpendas velim, qui haud necis, quam mihi sint ejusmodi literae in amore, ac deliciis. Igitur si me amas, humanem hortare (nullo negotio illum commovebis) ne gravetur ad me crebro literas mittere. Ego vero nimis averem scire quid sentiat de usu linguae Latinae apud Romanos, qui probe memoria teneo ipsum addubitare, an labore, ac industria linguam Latinam compararint; nam mihi etiam quaedam fuere obvia, quibus per motus parum abest, ut eam pedibus in ejus sententiam. Gerardi Vossii Etymologicon linguae Latinae, tam pulchre ornatum, ut narras, fac brevi sciam quanti veneat; & cui ego pretii pecunias crediderim, ipsi etiam librum tuto credi posse arbitraberis: hoc saltem solabor desiderium tui nondum editi Etymologiarum libri, saepe aurei. Di faxint ne diutius hac luce, ac tanto reip. literariae commodo careamus. Cornelii Taciti opera cum Lipsii Commentariis, & Notis, nec non Josiae Merceri Parisiis edita: tum etiam Dionis Cassii cum Notis Leunclavii, & aliorum Hanoviae: tum denique Persii, & Juvenalis Satyras cum Notis, & Commentariis Variorum Lugduni, ex nostratibus cucullatus ad me misit, sperans fortasse me auri montibus eos libros praestinatum ire: sed frustra homo est, nam ei rescripti tales libros haud magni facere. Quandoquidem autem ad nos jam misisset argenti numum triginta jacturam facere in animum induxisse: si autem spe uberius quaeustus duceretur, libros remissurum, ut cui voluerit obtruderet. At dum epistolam scribebam, ille vir egregius ad me rescripsit illis numulis contentum fore. pecuniam dedi, transacta res est, pax, nihil amplius. Vale mi Rex, ac Turrezio nostro P. S. dicito. Vale, & salve. Kal. Sept. MDCCII.

XXII. EMMANUEL MARTINUS
EMMANUELI JOSEPHO MIGNANAE

παιδά χαίρειν.

Saguntum.

Percussus sum epistolae tuae novissimis verbis, plane *δυσωπύς*: quibus me, quasi non amplius visurus, dimittis. VALE, inquis, & SALVE. Mene bustuaria hac salutatione? Di averrantcent. Num tacet

det te mei? Veteres non aliter hac salutandi formula usi sunt, nisi quum ab iis recederent, quibuscum non essent amplius congregiuri. Itaque vita fructus, postquam essent compositi, geminatis his vocibus extremum salutabant. Notat Varro in Logistoricis. *Ideo mortuis SALVE & VALE dici: non quod aut valere, aut salvi esse possint, sed quod ab his recedimus, eos nusquam visuri.* Virg. XI.

*Salve aeternum mihi, maxime Palla,
Aeternumque vale.*

Catullus Epig. CII.

In perpetuum frater ave atque vale.

Papinius 3. Sylv. in Sacr. Hetrusci.

*Salve supremum, senior mitissime patrum,
Supremumque vale.*

Charinus Plautinus in Mercat. Act. V. Sc. I. extremum discedens:

*Limen superum inferumque salve, simul autem vale.
Hunc hodie postremum extollo mea domo patria pedem.*

Tyndarus etiam cum in lapidinas truderetur, herum Hegionem, quasi eum non amplius esset visurus, ita salutat in Capteiv. Act. 3. Sc. V.

Vale atque salve.

Item Curcul.

Ego abeo, vale atque salve.

Inscriptio vetus Romae:

D. M.

VIRIAE PRIMITIVAE.

VIX. ANN. XVIII. MENS. I. D. XXIV.

L. VIRIUS HELIUS CONIUGI DULCIS.

HAVE. DOMINA. VALE. DOMINA.

Hinc ortum, ut etiam maledicti vim obtineret, ut est apud Terentium:

Valeant, qui inter nos dissidium volunt.

Hoc est, ita a nobis recedant, ut numquam ad nostrum revertantur aspectum.

ctum. Ea re mali ominis ac *Neurum* habentur haec verba ab Artemidoro Lib. 1. *Ὀνειρομαντεῖς*. Quid igitur cogitem? te amoris nostri supponi-
tuisse? tibi officium studiumque in te nostrum exosum? Atqui opponam
eas ipsas literas, quas legi libentissime, plenissimas amoris, humanitatis,
officii, diligentiae. Appinge igitur aliquid, quo hanc maculam abstergas.
Nam ego, ita vivam, aestuo. Nunc ad epistolam. *πρώτη περίφημη*. Scito te
vel maxime a veritate aberrare in ea sententia de Latino fennone. Quem
enim potius Latio tribuimus, quam *τὴν ἀντιόχεια*? Suum habuerunt Vol-
sci, Ofci, Hetrusci, Sabini, Samnites, Brutii, Appuli. Suum denique
Latini. Quomodo suum, si aliunde comparatum & accersitum? Hoc ve-
ro perinde mihi videtur ac si dubites, utrum in Graecia usi fuerint Grae-
ca lingua. At inquires, Praeceptores habebant, quibus & Graecis & La-
tinis literis instituerentur. Esto. Illos tamen non ad sermonem compa-
randum accersebant, sed ad nitorem & cultum; ut ad eloquentiae fasti-
gium (nostri quam arduum) studio illo contenderent. Haud aliter etque
in Graecia. Sed in re tam perspicua immorari, otio est abuti. Vossii E-
tymologicon curae mihi erit ut ad te quam prius. De Tacito, Dione,
& Satyris, quae scribis, mihi valde grata. Gravinae Librum *de Ortu &*
Progressu Juris Civilis heri accepimus. De Turrelio sic habeas velim, ni-
hil mehercule illo mihi nec charius esse, nec suavius. Facio pluris omnium
hominum neminem. Quid plura? in amoribus est. Ab illo salvebis. Da
operam ut valeas. Valentiae Hedetanorum, XIII. Id. Sept. MDCCII.



XXIII. EMMANUEL MARTINUS

EMMANUELI JOSEPHO MIGNANAE

ἐνυχάλῳ

S. D.

Saguntum.

A Ccepi tuas III. Id. ad me datas, ex quibus facile perspicio te moni-
tum illud nostrum, amoris & humanitatis plenum haud eo animo
quo par erat auscultasse; sed averſo a meis ineptiis, ne dicam, inſenſo:
meque apud te gravem offenſionem ſubiſſe. Sed quoniam ego is ſum, qui
non ſtatim animo concidam; quando pereundum eſt, erecto & infracto illo
id calamitatis ſubire conſtitui. Valedictionem illam duplicem Tyronia-
nam, quam aſſers, imo quam aſſerre unice potes; nae ego inſulſiſſimus
omnium mortalium eſſem, niſi jam pridem non vididiſſem modo, verum
etiam cum admiratione vididiſſem; imo cum ſtomacho. Quo enim pertinet

Tom. I.

H

ἀκαι-

ἀλλὰ ἢ illa & Libitinarum salutatio? Dixerit Cicero, nihil moror. Id ego certo scio, bis certo: ea formula usus non nisi cum longius discederent, vel non amplius redituri, vel ita ut de eorum reditu jure ambigeretur. Sed Tullius in ad Tyronem lascivit atque luxuriat. Dumque nihil rerum non fatagit, ut amorem suum Tyroni quam scitissime appingat, in id impiegit flagitii. Heu scelus! inquires. Itane in Ciceronem? Ita profecto. habeat. Quando totius antiquitatis consensus aliud me docet scilicet. Alteram plagam. Objicis mihi epistolae tuae verba: *Cum incendisses*, &c. Quid mihi insultas? do manus.

Homo sum. humani nihil a me alienum puto.

Quin etiam, e medio coelo Latino desumptam esse eam locutionem, tute es testis id me haud nescire, qui in epistola data III. Id. Aprileis item scripsim: *Unum id intelligas velim, me, quicquid fecero, augendae ac propagandae famae tuae id facere.* Quae quidem verba tam sunt tuis similia, quam lac lacti. Quid ergo damnaſti? mente peregrinabar. Per fidem igitur te obtestor, ut maleſanam illam *ἡσπεν* funditus deleas; ne hoc etiam habeat posteritas infcitiae nostrae monumentum. Quid si habeat? an humanitatis meae me pudet? praesertim cum mihi exemplo praeierit venustissimus ille Atticus (& fortasse Varro) qui cum verbum *sustinere* e quodam Ciceronis libro delendum censuisset, substituendumque *inhibere*, idque Cicero ipse comprobasset; opinionem tamen suam rejectum iri postea animadvertit, prius verbum denuo accersere jussus. Quod Cicero ille, ille Cicero, veram hujus verbi significationem a nautis & remigibus postea didicisset, dum ad Villam suam navis appelleretur. *Inhibere* nempe *remos*, non esse quidem *remos sustinere*, (quod ipse arbitrabatur) sed contraria remigatione navem convertere ad puppim. O (si testimonio res indigeret) factum lepidissimum, ad adstruendum linguae Latinae usum promiscuum! En tibi Ciceronem a remigibus & nautis edoctum. Mitto illud: in PIRAEAE, quod etiam Atticus veru notaverat. Cicero autem purgat Terentii auctoritate. Vellem equidem, qui meus est in te amor, de scrupulo quodam, qui me in epistola tua valde angit, ad te nonnihil. Sed deterreor cum ἀρχολα tua, tum etiam ne id facere videar laceſſitus. Igitur posthac ero taciturnior rana Rhegina. Gerardi Vossii Ἑτυμολογικῆ pretium constituimus denarios XXXV. Si tibi & res & conditio placet, facies me certiozem. Mihi sane videtur, nusquam gentium minoris emi potuisse. Da operam ut valeas. Valentiae Hedetanorum, Idib. Septemb. MDCCII.



XXIV. EMMANUEL JOSEPH MIGNANA

EMMANUELI MARTINO

*salutem & amorem.**Valentiam Hedetanorum.*

Peccatum a me largiter nunc demum lectis tuis literis animadverti; nam quod ego lascivibundus veluti per jocum appinxi, id tu nescio quo meo singulari fato, qui meum animum satis perispectum habeas, ἀμυχολίᾳ cuidam tribuis; ac subjungis te posthac fore rana Seriphia taciturniorem. Ain' serio? vel nos ludis? Sed modo mihi venit in mentem, haud recte illud factum, me vel joco tantopere te commovisse. Haudquaquam ita volebam. Di me perduint, si unquam hoc animo meas abs te literas acceptum iri putaverim: sed ut scires etiam mihi aliquas doctrinae accessiones tuis admonitionibus optimis fieri, qui te, quod fortasse praeterierat admonerem. Nam pro Deum atque hominum post tot tam acris animadversoris castigationes fas non est gemitum emittere? At si id tibi molestum est, joca illa, quae tibi faciunt aegre, abjiciam vel quo Cervi cornua. Scin' ut se habent res nostrae? In luto sum totus, & ut inde emergam, non satis teneo. Reliquum est, ut vel mihi ignoscas, vel tibi objiciam tuas literas amoris plenas, studii, officii. Ego vero posthac, quandoquidem tu quod per jocum dixi, in serium convertis, nonnullam dabo operam, ut te hilaris hilariorem faciam. Nolle enim meum Jovem tantopere mihi iratum. Enim vero literas vix ad oculos admoveram, cum jam excutienda in me tela sensi portendier. Ὁξυχάλῳ me appellas in ipso epistolae ἀνταρμῇ. Di omen avertant. Quoniam abiit illa humanitas, quam in me esse plenis faucibus praedicabas? Censen' me immutatum? Maxumas nugas agis. Ipse aedepol ego sum modo, qui olim, cum mei nominis te buccinatorum esse confirmabas, & qui prae te omnes illos, quibuscum a teneris unguiculis familiarissime consuevi, nihili pendo. Eja mitte nunc jam supercilium quantum potest, & quod adversus animi tui sententiam dixerim, id uti ignoscas, quaeso. Cedo sis dexteram, mi Emmanuel, mi patrone. Apage iras plumbeas. Usque adhuc amicissime tu me admonuisti, habeo gratiam. Perge igitur nunc etiam operam mihi dare de scrupulo, praesertim quod ais: facies certe mihi gratissimum. Scis nimirum me esse, praeter ea, quae a te accepi ἀντιδιδάσκων. Quod dele-ri jubes, fiet sedulo. At scito tuam famam nostra esse cariorem. Id sci-

H 2

res

res profecto, si aliquis, quos ubique gentium de te sermones habuerim, ad te detulisset. De tuo Jano Vincentio Gravina tibi ut par est gratulor; mihi etiam vehementer gaudeo, quod libro illo maxima cum voluptate potitus es. *Ἡ εἰς τὸ Ἑτυμολογικόν*, quod abs te vel actum, vel transactum est, ratum nimis habeo, quin etiam gratiam. Argentum mitto, librum tu. Valetudinem tuam cura diligenter, & Turresius ut nos multum amet dabis operam. Sagunti, XVII. Kalendas Octobris, MDCCII.

XXV. EMMANUEL MARTINUS

EMMANUELI JOSEPHO MIGNANAE

S. D.

Saguntum.

NE sim salvus, si quicquam legi tuis literis venustius. Quid dicam te in iis Tulliatuire & Plautuire? imo eorum factam in te *μεγαλίστην*, parum abest ut credam. Cupio te dissuaviari. Egone tibi succentiam, deliciae & amores nostri? Vides quam blande, qui nobis inclusus es medullis? sine cura esto. Sua cuique sponsa, mihi mea. Haec scripsi citatim. Nam tabellarius tuus valde urgebat. *Ἑτυμολογικόν* nummo aureo curavimus, quod superest, a tabellario. De scrupulo nostro alias. Turresius neminem habet te chariorem: nec me etiam. Illi tuas reddidi. Vale. Valentiae Hedetanorum, XV. Kal. Octobris, MDCCII.

XXVI. EMMANUEL JOSEPH MIGNANA;

EMMANUELI MARTINO

S. D.

Valentiam Hedetanorum.

Mirificam tui in me amoris significationem tribus verbis graphice depinxisti: quapropter non possum tuam non admirari mei benivolentiam. Immo quam sancte dejerare ausim nihil esse admiratione dignum; quandoquidem te tam facilem mihi, exorabilemque praebes. Nihil mehercule vidi unquam agi mitius, nihil blandius. Hoc certe uno testimonio, ni alia pene innumera extarent, te mihi solide amicum profectus es. Cave igitur dubites, quin mutuum faciam. Equidem ego me potius

non

non amabo, quam tibi meus desit amor: praesertim cum tu tam publice ad rem verba conferre noveris. Meum profecto pectus, mi Emmanuel, laetitia, lubentiaque concinnasti, qui hoc ad me opus misisti *ἰνυαλαγίζοντας* Vossii, ex quo me voluptati parem doctrinae fructum esse capturum confido. Eadem ad me nocte illa pervenit per dispositos excubitores. Caeteros actutum libros in theca condidi: amicos omnes, qui a coena honoris gratia ad me, ex aedibus deturbavi, ac me totum illum in Scriptorem, quem nunquam oculis usurpaveram, noctem fere perpetem avidè immerisi. Di vos tram fidem! quanto me gaudio delibutum sensi, modo *ἰνυαλαγίας* legens sua sponte fluentes, modo alias, quibus tanti ingenii argutia cluit! papae! Tibi igitur, perinde ac meritis es, summas habeo gratias. Turretio nostro meis verbis salutem plurimam, atque adjicies, neminem (te uno excepto) mihi esse chariorem. Salutem tuam cura diligenter, facies mihi certe gratissimum. Vale. Sagunti, VII. Kalendas Octobris, MDCCII.



XXVII. EMMANUEL MARTINUS

EMMANUELI JOSEPHO MIGNANAE

S. D.

Saguntum.

SI bene vales, bene est. Nudius quartus ego & Turrelius fuimus una. Nam apud me prandit. Non quidem laute & opipare; nec tamen sordide: pro consuetudine & facultatibus nostris. Inter Salios & Cynicos. Id tamen certo affirmare ausim, me nunquam elegantius esse pransum. Musas omnes accubuisse dixeris: ita leporibus ac facetiis ailluebat mensa. Quid plura? ego apposui obsonia, ille condivit. Allata est primo loco lanx mali Poenici dulcacidi, acinatim discerpti, & saccharo alpersi. Quo ego fructu ob eam causam libentissime vescor, quod *χελὶς ἀπαρίας* et insultus, quibus ego sum obnoxius, mirabiliter dissipat atque coerces. Atqui, ad me Turrelius: ego bile non infestor. Remove has nugas. Cui ego: Heus tu, si nescis, Venerem etiam frangit. Di boni! quam multis verbis super hoc fructu *ἰνυαλαγίζοντες*! Quam jucunde garrivimus! Adductum est etiam illud Epaminondae. Nosti caetera. Congruens sane videbatur, ut malum granatum Turdis praeluderet. Eorum enim adventui praecurrunt. Itaque appositi sunt Turdi assi, succidia & liquamine suillo probe adipati ac delibuti, & panis tosti ramentis confersi: integri quidem, nec intestinis exentis. Contraxit frontem Turrelius ad hoc spectaculum, & altero manu sublato, ac propiore intuitu circumlustrato quam diligentissime; lau-

H 3

tissimas

tiffimas profecto mihi dapes apparasti hodie, inquit. Ecquidnam est hoc sordium? Ut ego perspicio, propositum tibi est me fame conficere. Tum ego: Abi sis, inquam, inepte. Quid suavius Turdi excremento? Immo quid in eo suave praeter illud?

Cactera redde coquo.

An te fugit, Scolopacis & Turdi merdam summis fuisse olim in deliciis? Quid olim? immo nunc etiam apud omnes fere Europaeos, ac praesertim elegantioris palati catillones. Ergo mitte has delicias, si me audis, & id mecum devora, quod Turdus ipse in suam perniciem erat cacaturus. Non equidem id committam, inquit, ut tam luxuriose prandeam. Has munditias mensa nostra non capit. Quando igitur, inquam, certum tibi est ab hac sententia digitum nunquam; quod mearum partium erit, diligentissime absolvam. Tu interim (quod jam diu facis) nos observa. Dura illi vita est haec sententia. Itaque recitato illo versiculo:

*Quid non mortalia peffora cogis
... Sacra famet?*

Turdum arripuit: cumque probe exossasset; Hem, inquam, *καταβόησι!* Cui ille: Pupugit me proverbium illud: *Gladiator in arena*. Cum officio nostro naviter functi essemus; ecce tibi, affertur patina quaedam cum cerebellis vervecinis, ovorum (ut ita dicam) glutine colligatis. Confestim ad me Turrefius. Ne Di firint, ut ego id admittam facinoris. Apage hoc scelus. Oppallui ad haec verba. Cumque ego quidnam id esset flagitii interrogassem. An, inquit, te praeterit Pythagoricum illud scitum: *μη ἰδὲν ἑκείνων*? Cui ego subridens. Cassae, inquam glandes, & gerdae Siculae. An tu nunquam adversus solem minxisti? Scio equidem non Pythagorae tantum iussu, sed totius antiquitatis religione ab hoc ferculo fuisse olim deterritos; propterea quod sensuum omnium esset veluti fons atque sedes. Nec ab esu tantum abstinuisse; sed ejus quoque nomen fuisse averfatos. Iccirco a Sophocle, aliisque tragicis, dictum esse volunt *μυαλὸν λιγνόν*. Tametsi de hoc. Interpellavit hic Turrefius, & aliquantocommotus. Quid igitur mensam funestas, inquit, dapibus hisce pollutis ac vitandis? An quod totius antiquitatis consensus damnavit, praesertim vero Athenae illae Atticae, usurpare tu haud vereare, Graecarum elegantiarum cultor & encomiastes? Surdo loqueris, subiunxi ego. utpote qui sciam vetres, quum scitissimum aliquem cibum laudare vellent, *Jovis cerebellum* appellare consuevisse. Et cum dicto, manum ad patinam injicio. Extorsisti mihi errorem tam luculento testimonio, subdit Turrefius: meque imitari occoeperit. Sublato hoc ferculo, apposita est Oryza jure fulcino

licino cocta: cuius ille nidore tactus, salve, inquit, Deorum ambrosia. Cum sciam (subjunxi ego) hujus te avis aucupio in primis delectari; visum mihi est fore ut tibi morem gererem, si eam non tantum ad glandis jactum, verum etiam ad dentis ictum sisterem. Habes profecto prandium exoticum, & e longinquis orbis regionibus petitum: Turdos & Fulicas. Sustulit ille ad hanc vocem cachinnum. Et: Hui! inquit: etiam tu in hoc luto? Conturbatus sum tam inopinatae objurgationis novitate: ac paullisper addubitans. Quid? inquam. Nonne *Fulicae* appellantur? ille. Ita persuasum est plerisque omnibus. Quin ego ipse ita olim existimavi. Nunc autem pene ivi in alia omnia. Vel saltem vehementer sum implicitus. Gravissimae enim mihi oboriuntur tenebrae, quotiescunque auctorum inconstantia subit. Cicero enim in Arati versione Fulicem *canam* appellat, ac vocalem statuit ingruente tempestate. Candidum etiam colorem adscribere illi videntur Plinius & Solinus. τὸ φθγγίζοντες Plinius quoque cirrosque in capite plumeos. Virgilius autem *marinam* vocat. Quae omnia quam sint aliena ab alite nostra, nemo non videt. Nam haec & furva est, & semper muta, & palustris, & αἰθέριος. Quin ipsum nomen Graecum nondum expeditum habemus. Cicero enim ἰνδιός vertit *Fulicem* in Arataeis: quem sequutus est Plinius. Nam verba illa Theophrasti: ἡ ἰνδιός ἰσθμίων φθγγίζοντες, transfert: & *Fulicae matutino clangore*. At Virgilio ἰνδιός est *Ardea*, ut vertit ex Arato. Avienus modo *Fulicem*, modo *Ardeam*, vocat τὸν ἰνδιόν Arati, quasi Fulix & Ardea idem sint. Cujus discrimen vel ex ipso Virgilio facile deprehendes. Suidas interpretatur *Ciconiam*: Symmachus *Milvum*. Igitur Maroni nostro non ἰνδιός, sed αἰθνας, sunt *Fulicae*. Nam illa Arati verba:

ἡ εἰς ἀλὶ θύνας
Αἰθνας χερσαῖα πτάσσονται περιόρσσαι

Vertit:

*Cumque marinae
In sicco ludunt Fulicae.*

Lucanus *Mergum* transtulit

Aut siccum quod Mergus amat.

Fortasse in hoc melius quam Virgilius. αἰθνας enim *Mergus* est. Sed illi *Mergi* sunt αἰθνας. ibi:

Revolant ex aequore Mergi.

Quod

Quod expressum est ex illo Arati:

κίπφοι ἐπὶ τ' ὄδιον ποτένται,

Igitur Virgilio κίπφοι *Mergi* sunt: αἰθυῖαι: *Fulicae*: ἰσθίαι *Ardeae*. Ludovicus Cerdā αἰθυῖαι quoque esse *Fulicam*, ob eam rem existimat, quod tam αἰθυῖαι quam *Fulica* dicuntur a *saligine*. Alii *Fulicam* λάγην interpretantur: ut Sospater & Glossae. Sed λάγην est quam *Gaviam* Latini vocant. Theodorus Gaza κίπφον *Fulicam* vertit *Hist. Animal. Lib. 9. cap. 18.* Qua autem ratione ductus, non assequor. Praesertim cum Aristoteles eo loco asserat κίπφον carnem esse ἰσθίην, quod huic avi minime competit. Imo nescio quid grave & palustre olet. Theodoro subscribit Bellonius. At Suidas κίπφον *Larum* interpretatur. Avienus *Sturnum* transfert. Interpres Galeni pro Νίσσᾳ φῶν *Fulicam* vertit ineptissime. φῶν enim *Ossifraga* est. Ergo aliis est *φουδία*, aliis αἰθυῖαι, aliis κίπφοι, aliis λάγην, alius φῶν. Aldrovandus Graeco nomine carere asserit. Ad haec ego: O avem sane peregrinam! cuius ne nomen quidem in aperto est. Et ad illum conversus: Quo igitur illam nomine appellem? Cui Turresius: Si vocabulorum similitudini ulla esse debet auctoritas, videtur esse quae Graecis, & Aristoteli praesertim, φῶν. A φῶν namque *Fuix*, & inserta liquida *Fulix*. A quarto itidem casu φῶν, *Fulica*, ut ab ἰσθίᾳ, *Urupa*: & aliis sexcentis. Sed Aristotelis φῶν, scribi debet φῶν, auctore Hesychio, & Suida. Quod tamen eodem recidit. Nam a φῶν recte *Fulix*. Saep̄ enim Π Graecorum in F Latinum migrat. Sic a πῖς, *fidō*: a πῖς, *figo*: a πλῆς, *flata*: a πῖς, *frio*: a πῶγος, *fungus*: ab Aeolico ἰππῖ, *ossa*: ab ἰσθίον, *sulfur*. Sed magnum Etymologicon πῶν interpretatur αἰθυῖαι, *Mergum*. dictumque censet quasi βῆρυς παρὰ τὸν βοῦν ἢ τὸν κυνόν, a clamore stridoreque. Quod huic aliti minime congruit. Quare juxta scire mihi videor, ac illi qui nesciunt. Nam quae scribunt Turnebus, Ivo Villiomarus, Vossius, Salmasius, Aldrovandus, Bellonius, alique, nescio an magis nos implicent, quam expediant. Tum ego: O prandium! quod ipse mehercules Jupiter invidet! quod longe superet omnes Apicii delicias! Non enim gulam tantum voluptate afficit; sed ipsum animum oblectamento quodam irrigat atque perfundit. Nae tu mihi turpissimum deteris errorē, ac in posterum cautiorem fecisti. Inter haec jam conviva noster totam oryzam devoraverat. Nam ita rem gerebat, ut non facile perspicere posset, utrum elegantius disereret, an manderet. Igitur allatum est serculum Hispanicum, sive olla nostra vernacula, in qua erat par *Fulicam* (utar hoc nomine donec in melius incidam) carnis vervecinae quantum opus erat, & quidem pinguisssimae; venter *Faliscus*, botuli, laridum, napique, quos haec tellus educat Amiterninis longe praestantiores. Quos simulac vidit

Tur-

Turreſius, ſalvete, inquit, Manii Curii deliciae : & fulcinula argentea napum ſigít. Maſte animo, inquam, Turreſi : demolienda nobis eſt haec congeries. Per genium tuum, ne me deſeras atque deſtituas. Ad quae ille : Fer opem, inquit, ſacra Orexis. Et in lancem ſtudioſe devexus, quaſi rimabundus. Ubinam gentium eſtis, ait, palati noſtri illecebrae? Cumque ego ſuſpenſus haererem. Teneo te, inquit : ac ventriculum fulcinum eruit fulcinula trajectum. Manum ego conſeſtim ad alterum, quem cum deguſtaſſem, ingrato quodam ſapore tactus (ut mihi viſum eſt) Tibi habeto, inquam, tuas delicias : & ventriculum projeci. Allatae ſunt denique ſecundae menſae, in quibus erant uvae duracinae, & olivae conſuſae muriaticae. Nam dulciaria cupedia nihil morati ſumus. Tametſi haud ignoras, domus mea quam iis rebus ſit inſtructa. Vinum (ut verum fatear) e caupona petitum. Ante paucos enim dies dolia noſtra exaruerunt. Heus tu, ſcis quanto ſint in honore lagenae Saguntinae : adventare *Θεός*. Etiam atque etiam vale, & nos ama. Quod niſi diligenter facis, ferreus es. Valentiae Hedetanorum, Kalendis Novembribus, MDCCII.



XXVIII EMMANUEL JOSEPH MIGNANA

EMMANUELI MARTINO

S. P. D.

Valentiam Hedetanorum.

GRatulus tibi, mi Emmanuel, vereque gratulus, vehementer mihi etiam gaudeo : namque adeo te me eſſe alterum perſuaſum habeo, ut tuas voluptates omnes mecum eſſe communes duxerim. De tuo etiam in me amore nihil ſane eſt quod dubitem : tuas enim facetiſſimas per literas, juxtaque expectatiſſimas, Muſarum lacte, ac bellariis Atticis exuberantes me tua menſa benigne, ac liberaliter communicavi, quod ego ſummis in deliciis habeo. Nunquam mehercule quicquam jam diu me magis voluptate affecit : nec unquam acceptus fui melius, ac prolixius. Scis nimirum haec ſercula quam minimam aſſerre delectationem bonarum artium ſtudioſis, quibus animus mirum in modum veluti illiqueſcens voluptatibus perfunditur, ac irrigatur. Nam tuum malum Poenicum nihil moror : bili non inſeſtor, ſed *Φλυαγία* *Δυσχερδία* maxime hoc autumnī tempore. Turdi etiam quotidie fere mihi apponuntur liquamine ſuillo probe adipati : nec non cum illis ſordibus, a quibus Turreſius noſter tantopere abhorrebat. Et quidem, quanquam ſumtus noſtri non ſunt dapſiles ; non magis Deo-

Tem. I.

I

runi

rum immortalium dapes opiparas fuisse arbitror. Libenter enim, immo maxima cum delectatione Turdorum excrementis saporis quam scitissimi meum palatum stercorare soleo. Enim vero quotiescunque apud Varro- nem lego Turdorum tot millia in aviariis asservata, adeo mihi salivam movent: sed vereor dicere; dicam tamen: illum etiam auctorem quem, ut par est, plurimi facio, Turdos contra cederem. Sic enim suadet Ve- nulinus vates: sic etiam Celtiberius: sic denique meum palatum. Sed convivam nimis vellem vidisse tuum, quas delicias faceret, quos tu illi ludos; cujus operam non prorsum te vocasse suspicor, sed spectatum. Illum autem, dum strenue tuo fungeris munere, nullus ambigo Turdum arripuisse, ac ne plane Artotrogus Plautinus esse videretur, te imitari occoepisse. Iccirco hominem nullo negotio ad cerebella, etsi religione ta- ctum impulisti, qui ad ea integram famem afferebat. Deinde, quod na- viter oryzae operam dederit haud miror, quando nostratibus est in deli- ciis. Ego vero Neapolitanos imitatus raro illo exotico pulmento, quod Graecia sero gustavit vescor. Olla Hispanica, ipsis etiam Italibus inter ob- ssonia in honore habita, elegantissimis palatis certe digna est. Sed cur Fu- licae, seu *φουλκας* convivae amicissimo apposuisti? Profecto hominem exige- re voluisti ex aedibus illo extremae latrinae lutulento foetore. Ea de causa non tam inimica est Harpae Fulix, quam ego illi. Querquedulae, aut Anates, etsi non totas Martialis probat, mallem, quam malis, ac fuscis avibus obsaevum, atque ominosum mihi apparari convivium. Napis Ami- terninis, quos haec educat tellus praeponis: quapropter cum notas aliquas ad Plinium subjeceris, id monumenti appingere memento, ut hoc excel- lens patriae nostrae ornamentum ad externos transferatur. Quoniam au- tem napis Turrensium delectatur, suspicio subit non multum abesse illum a cucullo, ac resti Franciscana. Si me amas, id fac brevi sciam. Nae ego stultus, ni hominem ab hoc cibo deterrerem. Sed nbinam est caseus Ba- learicus? ubinam mentae nostrae *καλοφάν*? profecto nullus est. Ecquidnam est hoc monstri? haberes saltem caseolos illos Virgilianos, quos juncea sic- cat fiscina. Sed quid verbis opus est? totum prandium tibi habeto. Non equidem invideo, dummodo tuum iudicium de Fulica sane integrum ha- beam. Non enim sunt nugae, sed doctrinae solidae arcana sanctissima. At quod inquis, te magis implicare Vossium, quam expedire, non satis te- neo. Nam dicit: *Omnino vox est α πούξ*. Hoc quantum ad Etymon. Ni- gram, seu survam esse non it inficias, neque avem esse aquaticam; quae quidem, si conjectura vocem licet exponere, cum Fulica satis conveniunt. Sed fortasse haud tecum juxta rem expendi. In Turnebo certe nihil loci est, ne conjecturae quidem. At vero *πυλ τῷ ἰπιδιῷ*, quem allegasti, ne- mo meo iudicio expeditius quam Bibliorum interpret negotium tractavit, qui ipsum nomen Graecum reliquit, ac propterea aspirationem addidit. Ita Psalm. CII. *Herodii domus*, &c. Schrevelio, ac Vossio *Ardea* est, & utris- que

que παρὰ τῆς ἡμέρας. Sed ego infulsus, qui haec ad te, cujus domus parietes plura, ac multo meliora sapiunt. De lagenis Saguntinis mihi curae erit: & si quicquam aliud curatum velis fac sciam. Nisi tu ad montes patrios, ego ad te cogito, ut te, tuumque convivam oculissimum, eximios Musarum cultores complectar, ac dissuaviter. Interim his lancibus si nos invitare pergis, faciam te ut plurimum amem. Si autem non ita otiosabundas, ut id praestare possis, hoc oneris Turretio imponas velim. Valete charissima mihi capita, ac multum vos oblectamini. Di faxint ut aliquando me vestro lepore frui liceat. Iterum valete. Sagunti, VIII. Idus Novembris, MDCCII.



XXIX. EMMANUEL MARTINUS

EMMANUELI JOSEPHO MIGNANAE

S. D.

Saguntum.

SOror mea unica germana, quam ante me diligebam, vel, ut ἐμπαρὶς λέγοιμι dicam, amabam; elata est. Qua quidem plaga nihil accidere mihi potuit acerbius, nihil calamitosius. Itaque, Mignana mi, si me amas, ut certe amas, & me cupis incolumem; dolori nostro, quo vehementissime discrucior atque discerpor, fer suppetias & subveni. Unum enim potest esse solamen in altissima hac animi aegritudine: officium tuum, quod nisi in me consolando diligentissime adhibueris, animus certe moerore fractus deficiet atque labascet. Amisi sororem mei amantissimam, optimam, ἀντοκαλεστέραν. Accedit patris dolor, omnium mortalium aerumnosissimi. Undique doloris aculeis circumventus sum; quibus miserrime intercludor, quo ad te pluribus scribam. Infinita enim vi lacrymarum obruor. Circa Nonas Decembris ad latibulum patrium volo: iter habebō iſthac, & te dissuaviabor. Ad VI. Idus Novembris, MDCCII. Vale.



XXX. EMMANUEL JOSEPH MIGNANA
EMMANUELI MARTINO

S. P. D.

Valentiam Hedetanorum.

Quanta observantia te semper coluerim, & quam sancte tua monita, a quibus certe vel transversum unguem discedere religio est, habuerim; tute es optimus testis. Verum, qui in te meus est amor, etiam me hortatus fuas, ut auctoribus Graecis tantum meam locarem operam: teque facile, ut nostris consuleres institutis, ferre ajebas meis literis care-re; tamen a nonnullis diebus tuarum desiderio tam diu teneri aegerime sustinebam. Quapropter vel amoris nostro in te singulari, vel temporis, quo studiorum molestiam ac laborem quasi respuere debemus (Lupercalia enim sunt) condonatum abs te velim praeter id nos facere ac moniti sumus. Est etiam operae pretium de nostris studiis quod ad te scribam. Nam cum apud Illustrissimum Joannem Castelvini una essemus, & quae sua est comitas, ingeniique amoenitas, jucundissimis nos exceperet quaestiu-culis ex assidua bonorum scriptorum lectione excerptis, inter alia quadri-garum certamen olim factitatum in sermonem intulit: deque ratione curendi quaedam non satis sibi explorata esse dicebat; subjungens, eum, qui locum ad laevam nactus esset, uti metae proximior, jam tum victorem censei posse, antequam elusi equi cursum inirent, quippe mi-nori ambitu cursum conficiebat. Contra, is, qui remotiorem locum ob-tinebant, nisi quis Deus adesset, vix praecurrentis pulverem colligere, cum majus spatium esset dimetiendum, nedum aequata fronte ferri posse. Proinde hi jure tanquam in distributione locorum injuria affecti conquere-rentur. Sic probe memoria teneo illum disertissimum, juxtaque nobilissi-mum virum rem expendisse. Sed cum ad alia quam plura tunc temporis sermo converteretur, saepe me hujus eruditionis subiit cogitatio, ac vehe-mens exulpendi verum incessit cupido. Igitur quoniam nunc jam rem ipsam mihi videor tetigisse, tanti viri pace illius argumenti vim diluam, atque, ut potero, in verba paucissima quicquid id est negotioli conferam. Quantae fuerit existimationis ac dignitatis in hoc certamine primas ferre, vel ex eo facile animadvertere est, quod inter ea, quae Philippo Macedoniae Regi uno die gratissima nunciata sunt, quadrigas suas Olympia vicisse accepit. Ideo diligentissime, atque accuratissime tales ludos curari nemo est qui dubitet. Cum autem in locis distribuendis aequabilitas servari nequaquam posset, & rei difficultas commoda, & incommoda aequa parti-

ri.

ri non permetteret, ad fortes recurrendum erat, ne quis in re tanti momenti jure quereretur. Quod Homerus ἱλιάδ. ψ. aperte expressit, dicens:

— — — — — οὐδὲ κλέρος ἐβάλλοντο.
 Πάλλ' Ἀχιλῆος, ἐκ δὲ κλέρος Θῆρι Νηστορίδης
 Ἀντιλόχῳ, μετὰ τίνδ' ἔλαχε ἀρίστῳ Εὐμήλος.

Deinde ἐ τῇ αὐτῇ idem legitur his verbis:

Κλέρος δ' οὐ κύνῃ χαλκήρι πάλλον ἐλόττε.
 Τῷλεος δὲ πρῶτος, ὅς.

Sortitionemque duobus tantum certaminibus adhibuit, in quibus primum tenentibus locum multum compendii ad victoriam obtinendam accedebat. Pulchre Virgilius hocce versus Libro V. Aeneidos de ludis agens, quos Aeneas parentandi gratia edidit, affuit, dicens in Navali Certamine:

Tum loca sorte legunt.

Et in Sagittarum ἀγῶνι.

*Convenerunt viri: dejectamque aerea sortem
 Accepit galea.*

Ergo cum loca sorte unicuique attribuerentur, nullus profecto jure queri poterat, quin Plautinum Chalinum vellet agere. Qui autem deteriorem locum sortiti erant, labore ac industria, quod minus ex sententia fors cessisset, si quis aditus ad victoriam occupandam pateret, eo diligenter utebantur. Nam cum illi grave immineret periculum, qui metam radere audebat, ut in eam currus illideretur impingens; ut est illud Nestoris apud Homerum:

— — — — — λίθῳ δ' ἀλίσσεται ἱππαυρῶν.

Et Horatius Ode i. indicavit, cum dixit:

— — — — — *metaque servidis
 Evitata rotis.* . .

Etiam curae erat aliquantum ad dexteram flectere, quod de Menoete Virgilius commentus est. Tunc vel cum discrimine, sine quo nullum sit facinus.

cinus magna ac memorabile, ab eo, qui secundus cursum tenebat inter praecedentis cursum metamque locus occupatus, jam in primo gyro victoria anceps reddi poterat. In rem nostram divinus Vates, qui navium certamen ad quadrigarum imaginem effinxit:

*Ille inter navemque Lyas, scopulosque sonantis
Radit iter laevum interior: subitoque priorem
Præterit.*

Porro cum septies circum metam quadrigae flecterentur, ut inquit Propertius Eleg. 11. 25. (& vulgare est)

*Aut prius infecto deposcit præmia cursu,
Septima quam metam triverat ante rota.*

Non semel aurigis id facinoris erat incoeptandi locus, ut equorum pernicitas, aurigantiumque dexteritas magis conspicua foret: & qui modo alium cursum praevertebat, modo ab alio pari sollertia ac periculo superabatur. Tum etiam plura intercedere, quibus alii impediti expeditoris cursum nequaquam aequare valerent, nullus dubito. Phoenicem autem in specula, ut cursum consideraret, ac veritatem referret, ab Achille constitutum cum Homerus docuit, moris esse plane ostendit Iudices designari, qui uniuscujusque virtutem, dexteritatemque aequa lance pensarent, ac victoribus præmia decernerent. Nam astu ac dolo palmam meruisse victorem nequaquam credere est: quod Homerus significare voluit cum Menelaum Antilocho inducit iratum. Hoc ipsum Virgilius (ut pene omnia hujus poetæ) etiam usurpavit, Salium Nisi astutia delusum producens, ac spectaculum omne questibus implentem ob præceptum honorem, qui a frequenti confesso Euryalo deferebatur. At vero quantum populi favor effusissimo studio ad ludos concurrentis, cum ex Graecia translati Romam, ubi eximie culti celebratique fuerunt, valeret: immo temporis cursu procedente ipsius principis gratia, qui illi factioni, cui plurimum erat addictus, victoriam plerumque tribuebat, abunde proditum est. Atque adeo partium studiis Romani exarsere, ut nonnunquam res ad tumultum procederet, ad pugnam, ad caedem: contentionis dux non raro levissimus quisque e plebe factus. Ideo quoque ignavissimo cuique, ac male instructo spes erat reliqua palmae obtinendae non omnino incerta. Haec sunt, mi Martine, quae te consultum volebam: nam etsi mihi tam liquida videntur, quam tempestas esse solet; me tamen non hercle *φιλανθρία* transversum agi patiar, sed ad Pyrrhonios plane deficiam. Has denique ineptias ad te scribere non sum veritus, cum non sim nesciens esse tuae humanitatis, quidquid hoc est quod facimus, boni consulere. Ego quidem certe

te

te omni sésamo, & papavere aspersa, immo sale condita ex illo mare collecto, in quo Venus exorta est, quaecunque ad te mitto vellem, cum non me fugiat, ejusmodi te deliciis apprime delectari. De his tamen hæcenus. Turreti literas nondum accepi, quanquam mihi eas sæpe pollicitus fuit. Vereo, ne, ut sum plumbeus, nostri joci graves, molestique illi videantur. Ego vero, qualis qualis sim, humanitate vinci turpissimum existimarem. Tu interea dum hyems desævit, camino luculento utere, & da operam ut valeas. Sagunti, XV. Kalendas Martias, MDCCIII.



XXXI. EMMANUEL MARTINUS

EMMANUELI JOSEPHO MIGNANAE suo

S. D.

Saguntum.

FErreus es, nisi risu disrumperis. Proxima nocte Panfano tuo desponsa est Florentiana puella, ut mihi pol visâ est, nec invenusta, nec illepida. Impositum mihi est munus assidendi sponso, ut eum officii sui admonerem, nutuque nostro, opera, arbitrio cuncta moderarer. Bovi clitellas. Quod ego, ita me Dii, miserius esse duxi, quam in crucem tolli. Ut in has rerum angustias deductus sum, æstare protinus, inquieto animo ferri, sponsaliorum ritus perpendere. Circumspiciebam omnia, ut si quod forte pateret effugium, gravissimo oneri me subducerem. Retrahebant autem vetus commendatio tua, & charitas erga te nostri. Abjecta igitur omni cunctatione, ac pudore illo subrustico deterso, statui difficilem eam provinciam pugilice aggredi. Quid multa? Amico tuo nullo loco desui, adeo ut perquam sperem fore, ut satis tibi nunc cumulativissime fecerim. Sin aliter, alium tibi quaere *παράνθρωπον*. De autographo nostro exscribendo tibi antiquissimum esse non ambigo. Ne chartarum defectus operæ tuæ cursum intercipiat, Panfanus medicus alterum ad te lapsum. Tuis unis & alteris alias rescribam. Vale mea dextella. Valentiae Hedetanorum, VII. Idus Julias, MDCCIII.

XXXII.



XXXII EMMANUEL JOSEPH MIGNANA
EMMANUELI MARTINO

S. D.

Valentiam Hedetanorum.

EGo vero, mi Martine, tuis ultimis ad me robore sum plane suffectus, atque animo vehementer perculsus. Siquidem me inquis fuisse in causa cur tu facinus, ut mihi visum est, non nimis ex tua dignitate, novum sane ac inusitatum incoepaveris. Cui enim non monstri ac prodigii simile videatur immanis supercilii Philosophum, animique atrocis παρὰ φύσιν facere? Scilicet, quasi parum fecisse viderere, quod τὸ ἀποθέσθαι miram dexteritatem cum explicasses, illud primum, ne quid nugarum desideraretur, mantissae loco adderes. Heu scelus! inquires: Itane in amicum, perque officiosum? Nihilne ingrati animi veritus es notam? Cassae glandes. Non enim tu nescis de qua tibi nota hominem commendaverim. Tum etiam non adeo de nostro pudore esse actum, ut rem & instituto & existimatione tua tam alienam tibi committerem. Nec est quod te mei benivolentia tueare, quod facis, ac tuo in nos amore id muneris mihi expensum referas; nihil ages profecto. Tuum enim mei ornandi studium facpe alias perspectum habui. Nihil isthaec moror officia. Quam ergo nunc excusationem afferas plane non video. Id unum tibi certe defuit, stibellum nempe arripere ac sponsae dum caperet somnum quam placide ventulum facere. Cave tamen sis me quicquam de stibello Saguntino dicere, nec dictum velle. Nosti caetera. Pluribus ego te verbis onerarem, si nostrae erga te charitati, unde haec sunt profecta, faciendum esset satis. Piris iccirco te potius onerare statui, quod haud gravate feres, quandoquidem ille Cicero ob cujus ora Graji obvertebant sua, Malis etiam onerari quam facile tulit. Eustathius nos exercet tuus, & adeo bene valemus, ac nostrae sumus spontis, ut labori vel improbiore vires etiam suppetant. Da operam ut valeas. XVII. Kalendas Sextileis, MDCCIII. Sagunti.

XXXIII.

XX

XXXIII EMMANUEL MARTINUS

EMMANUELI JOSEPHO MIGNANAE

suo dulcissimo

S. D.

Saguntum.

N^Udius sextus honestissimi ad me hospites: Tranquillus, Nepos, Papinius: qui ex confluentibus Araris & Rhodani haec litora adnavigarunt. Supercilium extollis? Nescis quocum homine tibi negotium sit. Jufferis: vel ipsum Lugdunum Celtarum tibi sistam. Ajunt se Saguntum destinato petere, & gurgustiolum tuum. O te venustum, qui tam elegantes habebis sodales! Id unum vereor, ne meo jumento mihi malum accersiverim, & dum nimio in eos studio incumbis vel ab Eustathio nostro penitus retraharis, vel ad eum oscitantior accedas. Si quem, cui recte committam, indicaveris, curabo ad te actutum. De apographo nobis transmissio multum te amo. Reliqua quo loco sint, scribe syllabatim. Pyrgaeus instar plumae aut folii: modo huc, modo illuc. Nosti juvenem, iponte sua devexum ad otium, & nocturna conventicula. Itaque eo progressus est inertiae, quo non audeo dicere. Priore mense habuimus eum vehementer *επιληψία*: sed ope *καθάριαι*, & opera Perezii medici, ei meliuscule est. Ama nos, & vale. Huil prope oblitus sum, quod maxime fuit scribendum. Excellentissimi Principis Antonii Mendozii admiratione & benivolentia in coelo es. Supra modum te cupit. Itaque ubi primum extricare te possis ad ejus amplexum. Quotiescumque ad futilissimi *ἀνταγωνιστοῦ* deliramenta sermo excurrit, ingens cachinnandi materia. Ajunt *τὸν δῖον* mira ineptiarum portenta effutiisse. Haveo scire quid hominis sit. Dum haec scribebam, eram crapidatus & tunicatus prae gravissimo aestu. Cura ut valeas etiam atque etiam. Valentiae Hedetanorum, VIII. Kal. Sextileis, MDCCIII.



XXXIV. EMMANUEL MARTINUS
EMMANUELI JOSEPHO MIGNANAE

S. D.

Saguntum.

ITane? Literas ad nos petasatus, & e media via? Adeone molestum fuit tria illa verba exarare: NUM QUID VELLE? Bellam fidem scilicet, nobis insalutato iter arripere. Id si ego fecissem, quem tu me hominem diceres? Hem scelus, & amoris, & fidei nostrae ludibria! I nunc, & deperi erroneos istos, quos illud in deliciis: amantem conficere. Haud tamen adeo misera est conditio nostra, ut non habeam quo te retaliem. Quandoquidem sunt apud me expectatissimae tuae deliciae Tranquillus, Nepos, Papinius. Faciam scilicet ut eorum desiderio contabescas. Quod nemo vitio vertet; qui sciat amorem esse *philantropum* & *humanitatem*. Vale. Kalendis Sextilibus, An. MDCCIII.



XXXV. EMMANUEL JOSEPH MIGNANA
EMMANUELI MARTINO

S. D.

Valentiam.

BInas abs te epistolas accepi, quarum altera, ut visum est, nihil non rerum satagebat, ut ad eam voluptatem, quam apud veterem hospitum nempe Vilarium nostrum diversatus habebam, quam maximae fierent accessiones. Siquidem per varias itinerum ambages ad nos tandem anhelanti similis pervenit. Maturius autem quam sperabam illos quos raras hospites curasti ut animo jam nunc amplexarer, ac brevi, quod bonum felix saustumque fiet, hospitio liberali exciperem. Nae tu nihil agis, quod tuae in nos mutuae charitatis opera, cum lepore quodam non sit peractum. Id unum abs te vehementer exoratum vellem, illos interea comiter, dum apud te erunt, atque, ut tui moris est, lepide ac festive tractes. Omnia enim illorum causa discupio. Quod Excellentissimi Principis in nos amorem ac benivolentiam nimis vere, ut arbitror, extollis, bonam tibi est quod habeam gratiam, quandoquidem nullum non moves lapidem,

pidem, ut me in tanti Principis gratiam infinues. Non enim sum nefciens haud jure id voluntatis mihi adscribi, cum non tam nostro ingenio, quam tuis optimis in me officiis demeruerim. Venio jam ad alteram, in qua sunt nonnulla, quae mihi non parum negotii exhibent. Adeo enim tribus verbis me male accipis, ut homini inimico quid reliquum facias, plane non videam. Criminaris siquidem quae recte fecerim, vel quia ita fert tui ingenii pronitas, ut vel minutulas etiam invenias causas, quibus tuum in nos imperium, cui te meus praefecit amor, exerceas; aut certe ut cum tuis nos increpationibus in ruborem conjicias, amoris nostri impetus, tanquam si essent sopiti, commoveas, atque ad omnia obsequii munia obeunda reddas alacriores; vel denique me cum otiosus esses, plane ludos facere animam induxeris tuum. Quod si ita, ut subit suspicio, res habet; necesse est fateare te praeter facere quam aequum est; si autem ut nostrae in te benivolentiae, seu pietati potius stimulum addas, operam ludis profecto, cum meo ingenio atque animo, ut ipse saepissime expertus es, grato tibi sim deditissimus; si vero nos pro ludibrio habes, nescio hercle ex ea re quidnam tibi instet commodi. Bellam tu meam fidem, quod nostris ex literis verbum excidit sane levissimum: bellam ego tuam gratiam, bene quod merentem amicum ac tibi obsequentissimum male carpis, & amicitiae, immo multo potius humanitatis oblitus enecas prorsus ac dilanias. Poeniteret te nimirum tui facti, si scires quam me animi excrucia-verim, ut quem invenirem, cui & literas qualescumque subito exaravi, & apographum tuto committere possem: quandoquidem tu me scientem fecisti pergratum tibi fore si ad te illum quantocyus mittere curarem, quod certe nisi e media via, ut inquis, praestare haud poteram. Perit omnino nostra opera ac diligentia, quam adhibui maximam ut solidam abs te in-rem gratiam: nam cum haec vix appareat, nae ego infelix homo sum nimis, cujus in te beneficia pro nihilo existimantur. Sed eum mihi animum comparavi quem abs te nulla abalienabit contumelia. Saguntum ego, ut puto, perendie. Vale, ac nos, si aequum existimas, ama. Pridie Iudis Sextileis, MDCCIII. Ex genii nostri hospitio.



XXXVI EMMANUEL MARTINUS
EMMANUELI JOSEPHO MIGNANAE

S. D.

Valentiam Hedetanorum.

Jam diu est quum nullas ad te literas, quum a te nullas. En tria verba duabus ἐκλήψεν exsecta, ac decurtata. Riden? plures hodie tibi figuras impingam, quam habet saltatio staticulos, & neurospastum gestus. Subit enim versiculus ille Virgilianus:

Vela dabant laeti, & spumas salis aere ruebant.

In quo tredecim reperio figuras. Nam primum omnium in genere est ἡνέριον, quam Cicero Academic. Quaest. Lib. 4. vocat *evidentiam*. Quae ita luculenter rem oculis subjicit, ut geri potius videatur, quam describi. Item περιφορῆς: pro *navigabant*. Deinde ὑπερλαγία. sive υπερβύσιον, nam secundae navigationi praecedat laetitia, praepostero rerum ordine. In specie vero posuit *spumas salis*, pro mari spumante: per ἀντιπίπτειαν, quae tunc fit, quum unum pro alio ponitur, servata congruentia. In eodem est *ευρυρμία*. Item ταπεινότης, qua rei magnitudo, vel dignitas minuitur: ut quum dicimus *sal*, pro *mare*. Quod etiam fecit Ennius Annal. 14.

Caeruleum spumat sale, conferta rate pulsum.

Aes pro aeratis rostris μετεωρύει: est: quia materia ponitur pro re ex ea confecta. Rostrum pro navi, pars pro toto: συνδεδυγῖ. Rostrum non nominatur, sed subauditur: ἡλασιψυγῖ. Sunt in eo porro quatuor ἐκκαταγῖ: numeri videlicet, qualitatis, generis, figurae. Numeri ἐκκαταγῖ, in *aere*. Singularis pro plurali. Nam multae erant naves. Qualitatis, quia substantivum ponitur pro adjectivo: *aes* videlicet pro instrumento aereo. Generis, quia verbum neutrum ponitur pro activo: *ruebant*. Figurae, quia verbum simplex pro composito: *ruebant*, pro *eruebant*, vel *perruebant*. Videtis porro, num sit ἐκκαταγῖ in verbo *ruebant*, ubi syllaba *ru* spumae sonitum representat. Cura nihil aliud, nisi ut valeas. Ex Museo nostro X. Kal. Junii, An. MDCCIV.

XXXVII.

XXXVII. EMMANUEL JOSEPH MIGNANA

EMMANUELI MARTINO

S. P. D.

Mantuum Carpentanorum.

Literis abs te nuperis puella Gaditana agilioribus diem mihi sane luculentum dedisti: obversanturque etiamnum ante oculos gestus illi lepidissimi, quibus tuæ epistolæ singula quæque verba *αἰματισμένη* micare videntur, teque produnt ad eam artem magistrum esse unicum; cui vel Atheniensis ille Pothinus primas cedat. Miratus sum tamē hominem summae gravitatis artem ludricam facere instituisse. At qui non faceres, me præsertim instruendi gratia? Non enim illa sunt tanti, ut tuum in me amorem, cuius sæpe ego expertus sum *ἐλεγγος*, possint remorari. Placent tua illa *αἰματα*, quod & tua, & quod venustissima. De illo autem quod mihi postmodum significasti, exemplum reperi, quod Eustathius affert ex Homero, *ἄλλ' ἰδὲ*, scilicet; nomenque ab Scholiaste inditum *ἐπ' ἀνὰ σφοδρῶς*. Impropria tamen figura in illis verbis: *Spumas salis*. Auditum enim nescio quid titillat concursus ille similium literarum, quod facile sono deprehendere est. Nihil ego te pluribus, tot per hosce dies tantisque negotiis districum. Hoc unum abs te vehementer velim, me tui amantem semper redames; in cuius rei pignus dexteram en tibi meam, cedo tuam. Ex cellu a

XXXVIII. EMMANUEL JOSEPH MIGNANA

EMMANUELI MARTINO

S. P. D.

Mantuum Carpentanorum.

Si vales, bene est: ego quidem valeo. Ex literis amicorum, & ex multorum sermone cognovi quam recte apud te omnia gerantur, & quantum nobilissimi juxtaque sapientissimi Principis studium extiterit augenda dignitatis tuæ. Non enim fuit aut mediocre, aut obscurum, aut ejusmodi, quo familiaribus tantum, vel istic degentibus notum, esset ac manifestum;

stum; sed usquequaque excellentissimi viri in te amoris ac benivolentiae ramos fatis constantes perferuntur. Quo factum est, ut omnes uno ore, qui haec non repentina aliqua voluntate, aut fortuito accidisse cognorant, & fortem tuam laudarent, & tanti Principis benignitatem liberalitatemque utraque manu in coelum ferrent. Quae omnia ornamenta, pro nostra in te veteri consuetudine, meis (si quae sunt) multo mihi esse gratiora existimes, vehementer velim. Scis bene qui meus in te sit amor, quae nostrae voluntatis memoria, quae denique amicitiae fides. Quapropter tibi etiam atque etiam gratulor, cui talem ac tantum Mecenatem, florentem ingenio, aetate, ac bonis omnibus fortuna reservavit, ut studia literarum nostra in Hispania jam diu collabentia ejus praesidio firmentur, ac tua opera in pristinum nitorem restituantur. In tot igitur bellorum temporumque motibus, in tanta conversione rerum ac perturbatione, nullus est profecto qui non admiretur clarissimi patroni tui ingenium, atque in rem literariam quam devexum animum, qui te, quasi nulla alia cura distractus, hujus militiae Achillem ultro arcessens, imo sollicitans, sibi affixum esse velit, ac demum in studiis literarum proponat auctorem. Ego vero sic existimo, eam esse istius optimi Principis virtutem, eaque animi bona, ut Musarum cultum adjungere animum induxerit, ne quid deesset tibi, quod nomini ac nobilitati familiae esse posset ornamento: atque omnia simul una domus contineret, quae singula aliorum amplissimas nobilitare consueverunt. Idcirco non tam ego excellentissimi Principis magnitudinem animi atque praestantiam in sedandis Neapolitani Regni tumultibus ac seditionibus, atque inimicis augustissimi nominis Borbonii profligandis (quamvis rem illam ales plenam strenue administraverit, in qua avitum ac regium specimen praebuit) praedicandam censeo, quam illam praeclaram indolem in capefendis studiis literarum, teque unicuique nostratium completi ac fovere eorum assertorem ac vindicem. Quin etiam, licet nulla unquam antea egregia facinora edidisset, hoc uno certe pulcherrimo tantum tibi nomen faceret nunquam intermoriturum, ut reliqua facta, quae ab ejusmodi principibus requiruntur, ab isto tuo omnium maximo minime desiderarentur. Haec, mi Martine, (quod inter nos dictum sit velim) me bona spe complent, ut putem tua commoda maxime illi fore curae: teque per hanc gradum ad summum dignitatis fastigium breviter esse perventurum. Tu interim cura ut valeas, meque mutuo diligas. Valentiae Hedetanorum, IV. Noni. Septemb. An. MDCCIV.

XXXIX. EMMANUEL MARTINUS
EMMANUELI JOSEPHO MIGNANAE

Professori Valentino

S. D.

Valentiam,

Quod stirpibus evenire solet, si ex nativa usigine translatae alio fuerint, deficere nempe aliquandiu ac marcescere; id ego per hos menses expertus sum. Ut hanc Urbem adii, cum novitate gentis morumque, ac videndi cupidine, tum domesticarum rerum tricis, quae migrationem consequuntur, distractus distractisque; ita mihi videor obtorpuisse, ut in viam officii redire mihi esset perquam molestum. Quoniam vero humanissimis tuis, comitate ac benivolentia plenis, ad intermissa literarum officia ultro me provocas atque laceسس; faciam scilicet quod sagittarii solent: post intersectam remissionem intentius jaculabor. Pupugine te verbum? apage hunc metum. Alio oculi nostri collimant. Ad hanc nempe Urbem, omni vitiorum labe inquinatissimam corruptissimamque. At vereor ut satis possim, in tam infesto eorum agmine, quod me undique circumstat; imo obruit. Enitar tamen. Primum itaque, tota regionis facies Urbi subiecta & circumfusa, tetra, arida: denique tam glabra quam haec est manus. uno verbo: mera vastities, mera solitudo. aestate soles affi & torrentes, quibus viarum filices candefacti, maligno quodam afflatu ingredientibus afficiunt, eorumque vestigia in morem suppositi ignis comburant ac vexant. Aestus porro genus molestissimum & noxium. Nam deficiente anima, & anhelitum aegre trahente; corpus tamen aet, sudoris experts. Hyeme major coeli inclementia; nam & aer rigidissimus, & Plautinus ille Vulturius rabidissimus: qui insita quadam raritate tenuitateque corpus non tantum pungit ac verberat, sed transverberat. Imbres item effusissimi & contumaces. Nebulae statae & solennes, discussaque disciessiles. Et tamen incommoda haecce inter delicias computabis, si cum viarum immunditia ac sordibus conferas. Quicquid calcas, quicquid vides, quocunque te vertis, omnia obscœna, omnia polluta, omnia demerdata. Nihilque praeter Aristophanem illud: *Βέρβερος πεδός, ὃ οὐκ ἔστιν ὕμνος*. Imo mera illuvies, & hesterni cibi reliquiae quae cum coeno mistae & confusae, colluviem illam fermentant, quae vias & compita replet, qualibet peste tetriorem, cujus fumos indigenae avidissimis neribus hauriunt: monstra, non homines! Quo fit, ut si Urbem hanc *παρα-
τυλά-*

ut quare penetrare pedibus velis, frustra fueris. Quod me hercules aerumnosissimum, & laboris ac miseriorum plenum. Valeant Mantuanorum istae munditiae Civium naturam & indolem quaeris? Genus quoddam hominum ex hoc eodem luto. Furax, alieni appetens, ad pocula devexum, loquacissimum, arrogans, jactabundum. Patres familias castina nihil curantes, bonorum profligatores, ad liberorum fortunas parum attententi. Quid foeminae? (de plebe loquor) illoto ore; quam tamen (si Dis placet) dicendi libertatem, & impudentiam, rigidissimi hi Censores urbanitates appellant ac facetias. Phy! Nec corpus lingua pudicius. Venus ubique obvia, in vestibulorum latebris, in angiportis. Scorta passim diobolaria sui copiam lificantia. Denique:

— *Scortorum plus est fere,
Quam olim muscarum est, quum caletur maxime!*

Frontem contrahis? O, quas ego te res, nisi pudor & verecundia prohiberent! Sed haec coram potius, quam per epistolas. Quid dicam de justitiae trutina? Eo vergunt ancipites illae lances, quo plus aeris. Sanctum aequitatis nomen contemptui ac ludibrio. In summa, omnia susque deque. Ex qua praepostera ac perturbata Reip. constitutione, extrema illa oritur rerum omnium caritas. Si mendicos excipias, & pecuniarum corrafores. Obvia quippe mendicabula, hominesque proletarii & capite censi. Et haec quidem graviora hoc tempore, quo nobis Gallicus hic Phoebus illuxit. Sed quid ille in tam alta caligine? Dissipet, discutiatur, dispellatur: & in haec Reip. ulcera quae occalluere, ferrum & ignes. At haec ille viderit, cuius interest. Nos interea anili more garrimus, ac deblateramus. Sed hac super re nimis. Jano Basilio Castelvino, amico nostro, ante paucos dies decem numismata misi ad Valentiam pertinentia, ex numatione nostra. Haveo scire num illi grata, & quid de notulis ad ea nostris. Di immortales! quodnam illud palatum! quam sagax, & non publici saporis! Rosa Castelvina, ejus soror, venustissima puella, aqua intercute laborat, vel potius spiritu. Nam *τομακιστή* esse inter medicos convenit. Unus Anselmus *εμφύσημα* esse contendit. Sed quid inter ista discriminis? Utrovis nomine hunc morbum appelles, a spiritu dissentio. Ab Isidoro Costa recentibus ad me literae, plenae benivolentiae & pristini candoris. Scribit se admirabiliter exhilaratum novissimis patriae nostrae laudibus. O, in corruptissimo hoc saeculo, virum gravitate, fide, probitate, insignem! Borulio nostro velim gratus, quod librorum transmissionem adornat. & charissima ejus pignora dissuavia. Coraccianus in visceribus mihi haeret. Eumque:

— Dum

— *Dum spiritus hos reget artus,*

absentem memoria colam. Orationem tuam avide exspecto. Habes epistolam bene longam. Salve ab eo qui meritissimo te amat Martino tuo, & mutuiter me redama. Mantuae novae in Carpetanis, III. Non. Decembris, MDCCIV.

Sed hui! Fugit me ad te antea scribere de Eustathio nostro. Quem si una cum caeteris libris ad me perferendis accepero, scito, omnibus in rebus me fore in tua potestate.



XL. EMMANUEL JOSEPH MIGNANA

EMMANUELI MARTINO

S. P. D.

Mantuum Carpetanorum.

Epistolam ad me tu, vir optime mihique charissime, bene longam. Fortasse ut longi temporis usuram, qua caruimus, uberrimo literarum fructu sarciamus. Nam & ego ad te vicissim pluribus statui, ut & haberi a me gratiam, & ut opis est nostrae, longiori epistola referri, facile cognoscas, cum non maxime sim nesciens, putare aliquid solere te, esse meas nugas: atque ita fore, ut longis literis utriusque nostrum absentis desiderium leniatur. Quam igitur ex ea mihi voluptatem ac jucundissimum oblectamentum! in coelum abire visus sum. Nunquam enim epistolam legi tam venuste Latinam. Stat semper robusta oratio sanique coloris, cadit nunquam. & tuus ille nativus dicendi ardor, quanquam Attico sale siccatus; tamen naturali quadam pulchritudine exsurgit, majestatis suae pondus habens citra tumorem. Videre mihi sane videor praeae illius Latinitatis imaginem ad amissum expressam, & simplicitatem Romanam nullo fuco meretricio affectam, ad vivum repraesentatam. Quapropter piaculari mihi videbar admittere, ni statim illam ad Excellentissimum Principem juxtaque sapientissimum Pyrgopalaenum nostrum. Qui haud multo post mihi gratias agens verbis dejeravit conceptissimis, id sibi accidere, tuis lectis, quod iis, qui symphoniam aliquando audierunt, evenire solet, quorum animis illa manet fixa modulatio, atque ex intervallo maxima cum voluptate recurrit. In summa extorsisset in scrinis aservandam, nisi fidem dedissem exscriptam me ad ipsum postredie esse remissurum. Quid Borullius pater? inquis. Justi ut ad me. Ille vero bene mane geminam attulit, alteram charta exaratam, alteram memoriae altissime fixam. Prae-

Tom. I.

L

terea

terea suavissimus pater Josepho F. per publicos tabellarios communem fecit. Isidorus Costa, vir ad unguem, ac praeter vulgus eruditus, qui te summa observantia semper coluit, mirifice gaudet, te sui nominis famaeque buccinatorem. Dolet te tamen ex clementissimo hoc coelo, quasi in alium orbem terrarum esse delatum. Hic enim (ait) aestivi soles citra molestiam; hyberni ita horridi Boreae rigorem, si quando exsurgit, demulcent, ut Zephyrum placidissimum potius credas: atque ita regio haec florum omnique amoenitatis ornamento nunquam exspoliata, merum viridarium, ac solidae voluptatis locus aeterni veris beneficio videatur. Ita enim sub ipsam brumam luave spirant arva, virent arborum oomae, prae omnia rident, ut hospites, cum primum ad nos veniunt, facile sibi persuadeant, anni tempora celerius quam alias cursum confecisse suum. Liquidum coelum defaecatum & sudum nebularum obversaculis minime obnoxium. Tota regio a septemtrionibus & solis occasu venienti in modum vastissimi maris panditur, ut tractum hoc ad oram maritimum immensa sit planities, quam terminare oculis haud queas. Ferax & mite solum, imbris aquarumque diverticulis veluti ad numerum foecundatum. Solertes agricolae, & maxime industrii, laborumque patientes. Quo fit, ut ea omnium rerum copia inde proveniat, ut non modo nos libenter vitam toleremus, verum etiam ea ad epulas utamur ad invidiam lautas & opipatas: & quod maximum est, exiguo aere. Maris praeterea deliciae, & aspectus gratissimus: tum etiam impetus illi media aestate ab ortu solis frigiduli & salubres. Quid illud? jange currum sub vesperam, puer, mare spectatum fac deducamur: naves ad litus appulisse audio, nescio quid mercium atque elegantiarum. Extra Urbis pomoerium quot aedificia arboribus circum clausa atque oblecta, perque ramos sese ostendentia, ac mira quadam varietate distincta? Turia omnium amoenitatum deliciarumque parens, qui muros abluit, quibus pontibus ornatus opere quadrato positus, quibus moenibus inclusus, per intervalla quaedam pilis dispositis, gradibusque hinc inde defensum facile praebentibus. Quid plures logos? Quicquid in aliis regionibus vel arte vel natura, haec una simul omnia. Oppidum ipsum munditiarum plenum. In foro immanis rerum venalium frequentia. Quocumque oculos defleximus, omnia purgata, ornata omnia, ac mirum in modum venusta. Civium ingenia cum Atheniensibus Atticis conferenda: mulierum vero, qui bene noverit, mediam Spartam tenere facile crediderit. Iusti & aequi quos tangit cura nihil est quod pluribus. In Areopago, illo orbis terrarum sanctissimo *diacoply* adscriptos olim Graecia voluisset, summa viros gravitate, integritate, ac doctrina, nullisque illecebris a recti & boni semita devios: quibus nostra tempestate otium patriae, olim tantum in optimorum civium votis, praecipue debetur. Ac denique, instauratis nunc demum bonarum artium studiis, nihil erit profecto quod aliis Urbibus invidemus. Haec ille coram primoribus ami-

amicorum in aedibus Pyrgopalaeci, ubi tuam iterato avide convenerant audituri. Quos inter Pyrgaeus. Rogas quid ille?

Τὸν Ἐρωτα μεταλάμψον ἀμφεδόκουν.

Coraccianus epistolam toto pectore, toto ore laudavit, denique te dignam. Ex penitissima quoque Mathesi quaestiunculis nos aspersit lepidissimis, quibus mirifica voluptate affectit. Quam bona mens hominis, quam bonus animus! Invidet tamen iis qui tuis sermonibus fruuntur omnigenae eruditio- nis. Qui non invidet? Injuriam nimirum tibi faceret, nisi quam aperte invideret. Ad bonam autem noctis partem in Bibliotheca, ubi de te multa verba fecimus. Inde domum advecti, statim calamus arripui, ut salivam, quantum queo, tibi moverem: quanquam video nostra omnium vota in casum itura. Siquidem tibi istic permanendum est vel invito: & mihi, quidquid speculae in te situm habebam, pereundum. Proculejo egi gratias tuo nomine, quod librorum transmissionem egregie curavit, cui rei mea usus est opera. Si quid recte curatum velis, ad illum literas; ha- ver enim se tibi approbare. Vale etiam atque etiam, vir humanissime, & quoniam abs te fata me sejunxere, animum animo complectar licet: me- que tui proprium fore confirmo hac dextera, qua sanctae amicitiae fidem consigno, XVIII. Kalendas Decembris, An. MDCCIV.



XII. EMMANUEL MARTINUS
EMMANUELI JOSEPHO MIGNANAE

Rhetorices Professori

S. D.

Valentiam.

Binas abs te uno tempore? euepae! Laudo diligentiam tuam: & plau- do. Eo magis quod in earum unis orationem illam mittis pro revo- canda eloquentia. O seculum, quod vel ipsi nobis invident *alii dicunt*. Percam, si vidi quicquam, quod magis redoleat ambrosiam illam Tullia- nam. Postea quam igitur hanc provinciam ingressus es, perge, per Deos atque homines; & falsum hunc Latini sermonis splendorem, qui nostra- tium mentes hebetat atque perstringit, veri nativique candoris radiis ob- tunde. Detrahe personam insolenti huic larvae; quae Romanae loquen- tiae sonum induit: caetera stridor & Geticus strepitus. In te uno repocita est patriae nostrae salus. Si te oneri huic subtrahis, quae nobis reliqua est specula,

pecula, securi Tenedia praecidetur. In alteris, quae tua est humanitas, superiorem epistolam laudibus effers. Quam ego commendationem duplici de causa eximiam habeo: quod a laudato viro, & quod a candido. Quod sane vel ex ipsa admiratione perspicio. Tunc in rebus nostris timide & per ambages? ure, seca. Nonne tibi calamus ad manum? Cur non emendasti, delesti, discerpsi? Indignarer verecundiae tuae, si possem. De Eustathii verbis quod mones, non ea a nobis praetermissa, sed omissa. Quam apte, ipse te locus docebit. Quod ad naves attinet *puppicarvas*, Camarinam ne inoveto. Eae quippe sunt quas Homerus vocat *καρβιδας*: ab incurva, seu inflexa puppi. Nudius tertius Regis dapibus interfui, admotus ipsi mensae. Zevalius vestras here fuit ad me. Quid hic vulpio apud nos? Ait se venisse videndi tantum. gerrae, gerrae. Peream ni hic trico aliquid molitur in bonorum perniciem. Salveat a me Pyrgopalacus: & det operam liberis. Jubeo Borrullium patrem. Filium cupio dissuavari. Quam velim Costae persuadeas ut me amet! Proximis diebus dedi ad Coraccianum. Nostrae res per bono loco. Valemus recte, & quo melius valeamus, operam dabimus. De Eustathio nostro maneo in sententia. Fac valeas, meque ames. Pridie Saturnalia, MDCCIV. Mantuae novae in Carpetanis.



XLII. EMMANUEL JOSEPH MIGNANA

EMMANUELI MARTINO

S. P. D.

Mantuum Carpetanorum.

Dolere tu mihi videris, quod oratiunculam, quam saepissime per literas petisti, non statim miserim. Nihil est, mi Martine, amplius quod doleas, jam mitto. Cur ego ad te pluribus non erat, nisi me tibi purgatum vellem. Non nisi quum efflagitare occoeptisti, hoc primum: quia non ita *φιλαντίας* aestu despereram, ut munusculum hoc levidense te satis dignum putarem. Deinde, quia quidquid illi e schodis eruendae exscribendaque locarem, tuo Eustathio subtrahi egre ferebam. Vale. tam cito, inquis. Ni ita facerem, illud de Eustathio mendacium videretur purum putum. Iterum vale. Antonium Castelviniū salvere jubeo, mei quem gaudeo memorem. Valentiae Hedetanorum, VII. Id. Decembr. An. MDCCIV.

XLIII.

XLIII. EMMANUEL EMMANUELI.

Valentiam.

Borrullius Pater literas, quas ad Graviū miseras, mihi tradidit. Inde ego curriculo ad hominem contendi : quem cum domi non offendissem, non multo post ad ipsum redii. Legit : audiebam ego, quasi non antea. Frigidule subinde stylum laudare coepit, nescio quid submurmurans de Comicis (nostri ejus ingenium). Stomachari ego. Haud me potui continere, quin tuam legerem, quam ad me ultimam dederas : nihil ille mihi misero bilis in nasum : mutire tamen non audebam. Caedere verba postea, & inter alia, premi sese multitudine negotiorum aiebat; immo obrui : id ipsum ego lamentarier. Ad me domi cupere, ut de communibus studiis colloqueremur. Subrisi ego, qui sciam quanto celerius Elephantum pariant. De literis ad te scribendis sermonem injecit. Laudavi animum. Postremo multa de numatione tua & Eustathio. Discessi tandem subiratus, ac coepi statim ego mecum : Operae erit profecto, hujus legere epistolam, quem ita luculentissimae Emmanuels nostri parum commovent. Idcirco statui orare te, ut exscriptam ad me mittas : aveo enim in re hujusmodi quid possit ejus ingenium experi. De his tamen haecenus. Supellectilis bibliothecae tuae quod erat reliquum penes nos. Sic enim Borrullius & mihi & tibi se gratum facere putavit : pluribus ad te illum hac super re existimo. De nostris nuperis vellem scire, num ad tuum palatum. Costa noster te deperit. Pyrgopalaeus orare non destitit, quas a nonnullis diebus ad nos dederas, ad se mitterem. Capitur mirum in modum tuis facetiis. Denique, ut de me aliquid dicam, scito, me tuum esse *χρηστόν & ἀγαθόν*, semperque futurum. Vale multum, meque, ut facis, amare perge. Valentiae Hedetanorum, Non. Jan. MDCCV.



XLIV. VIRIS AMPLISSIMIS

Spectatissimisque, Ignatio Valerio, Justitiae afferendae Praefecto, Felici Andegavensi, Jacobo Puxio, Vincentio Fraga, Ignatio Perisio, Quatuorviris Saguntinis, caeterisque Decurionibus,

EMMANUEL MARTINUS

Alonensis Decanus

S. P. D.

Saguntum.

SI vos, uxores, liberique vestri valetis, bene est, ego quidem valeo. Ea est rerum humanarum conditio (viri amplissimi, viri prudentissimi) ac praeter labentis saeculi fluxus, ut nisi literarum subsidio illis eamus subventum, earumque luce aspergamus, perpeti sua rotatione ac volumine in immensam oblivionis caliginem devolvantur. Unum est adversus annorum incurfus praesidium: Literae. Quibus nihil a Diis immortalibus humano generi concessum est vel utilius, vel praestantius. Absque iis esset aetas populabunda humana omnia everteret atque diriperet. Scircò a supremo illo bonorum omnium largitore indultae sunt illae rerum memoriae fluctuanti atque abiturienti, veluti quoddam asyllum, a quo pedem referret tempus, quod nulla aevi injuria violaret. Literarum monumentis in abditissimos remotissimosque retro saeculorum recessus penetramus, nosque serae posteritati ostendimus, fluidamque ac praetervolantem aetatis nostrae memoriam Scriptorum perennitate non solum sistimus, sed consecramus. Iis universum pervagamur orbem, nec ulla est natio a caeterorum hominum commercio adeo secreta atque retracta, cujus leges, instituta, inores, perbelle perque naviter non callecamus. Cum igitur easit literarum virtus atque praestantia; nullum par illi referre possumus beneficium, qui memoriae nostrae literarum veluti salem aspergit, ne saeculorum afflatu corrumpatur atque putrescat. Id ego in Theatro vestro exsequutus sum, monumento me-dius-fidius ad miraculum usque clarissimo ac celeberrimo: etsi adeo deformi, & in ruinarum ludibrium dejecto, ut ex veteri illa mole, majestate ac magnificentia mirabili, vix quaedam superfint vetustate confumta & exaltesa, non tam lustranda oculis, quam diligentissima indagatione perscrutanda. In quibus eruendis operam perdas, nisi summam industriam, subactumque judicium, cum summa anti-

quiritatis

quitatis gnaritate conjunxeris. Quo factum est, ut aliqui ex nostratibus, qui res patrias literis consignaverunt, ad vetera indaganda minus callidi, in Amphitheatrum (si Dis placet) monumentum hocce transformaverint, reclamantibus Plauti manibus, totiusque aedificii structura. Quam opinionem, ut adstruant, nescio quas serarum caveas comminiscuntur, aliasque populi officias, quibus ignarae plebeculae tenebras offundunt. Quorum ego ineptius posthabitis, despiciat potius atque derisu, quam seria confutatione dignus; ne posterum in eundem errorem impingerent, universam Theatri structuram, ejusque partium modulationem, quarum vestigia in lacero hoc monumento, vel supersunt adhuc, vel deprehenduntur; aperire decrevi: eo libentius quod a me id saepe in familiaribus colloquiis flagitaverat vir Illustrissimus juxta ac antiquitatis callentissimus, Antonius Zondarius, Archiepiscopus Damascenus, & Pontificis Legatus apud Regem Catholicum. Igitur injuncto hoc mihi munere defunctus, nihil duxi antiquius, quam ut vos per literas facerem scitiores, quorum interest vel maxime, ea quae laribus vestris addere dignitatem possunt, patriamque aeternare, cum gratulatione excipere atque amplecti. Etenim haec pristinae molis reliquias, cum nihil aliud eae sint nisi quaedam ex temporum naufragio ad aevum hoc nostrum ejectamenta; quis dubitet olim eadem annorum tempestate esse obvolvendas? quarum si ad posteros aliqua transmittatur notitia, eam oportet ut literis acceptam referatis. Praeferim cum tanti sint haec rudera, ut per eorum vestigia ad nobilissimam gentis vestrae originem deveniatur. Ea veteris opulentiae majestatisque vos admonent, & majores vestros ob oculos ponunt, progeniem illam, fide ac virtute nobilem, aerumnis inclytam, sanctissimamque, sed triste, illibati socialis foederis in aevum omne documentum. Quae quidem majorum gloria & claritudo, quo vobis illustrior est atque splendidior, eo impenitus incumbere debetis in lacera haec & discerpta genitricis vestrae membra fovenda atque asservanda. Dum ea vetustatis contemptu diruitis, excinditis, evertitis, gloriam vestram demolimini, vobismet ipsis manum infertis, in propria viscera ferrum adigitis. Lucemque illam extinguitis, qua in omnem aevi memoriam inclaruistis; obscuri deinceps ignobilesque futuri. Quemadmodum enim ab oris lineamentis & indole hominem dignoscimus; ita Saguntum a parte ejus superfluit. Haec est matris vestrae facies, qua detrita ac deleta, densissima rerum caligo posteros involvet. Quumque nihil supererit quo caeteris antecellatis, circumjacentia oppida, conjuratione animorum facta, in id totò nisu contendent, ut vos ab avita majestate deturbent. Quocirca (Viri nobilissimi per ego salutem, liberorumque fortunas, vos oro atque obsecro, ut quando ita in fatis est, ut clarissimae patriae vestrae monumenta augere non liceat, ea saltem illibata ad posteros transmittatis. Quandoque vobis rei cura commissae est publica, gravissimas poenas iis infligite, qui illa cumque igne ferro violaverint.

verint. Quod ad me attinet, si quando dabitur facultas Urbis vestrae monumenta denuo lustrandi, omnes intendam nervulos, ut ea qua luce potero aspergam, & ad exterorum notitiam traducam, exemplo Theatri, quod jam trans Alpes volitavit. Deo fidem, quam si sefellero, me vestra clientela indignum judicate. Salvete Saguntini Patres, ad Urbis vestrae tutelam & ornamentum. Iterum Salvete. Mantuae novae in Carpetanis, IX. Kal. Aprileis, MDCCV.



NLV. IGNATIUS VALERIUS JUSTITIAE

*Afferendae Praefectus, Felix Andegavensis, Jacobus Puxius,
Vincentius Fraga, Ignatius Perifus, Qua-
tuorviri Saguntini,*

EMMANUELI MARTINO

Alonensi Decano meritissimo

S. P. D.

Mantuum Carpetanorum.

REm nostram publicam (Vir clarissime) iniquo fortunae judicio jam olim damnatam, postquam fata illa adversa e summo gloriae atque opulentiae fastigio deturbatam dejectamque voluerunt, adeo in dies percrebuerunt aeruminae, ac magis magisque res afflictæ retro abiere delapsæ, ut, cum alterius mali finis gradus sit saepe futuri, exigua, immo nulla fuerit unquam spes antiqui splendoris partem aliquam posse nos retinere fugientis. Siquidem post imperii nominisque Romani gravissimum casum, ea (ut scis probe, Vir eruditissime) consequuta sunt tempora: ac tot barbarorum teterrimæ colluviones in nostram Hispaniam confluxere, ut facile conjectura assequamur, non majorem vim Punicam vetustissimis Saguntinis intulisse cladem, quam immane illud hominum genus eorum reliquis facillime convulsis ac dissipatis. Hinc densissimæ ignorantiae rerum tenebrae, altissimaque caligo. Hinc monumenta amplissima quam aperte testantia veterem hanc Urbem esse Saguntum, in oblivionem omnino data, foede jacebant. Haec tu primus scriptis omni alio monumento perennioribus e ruderibus ac deformi situ antiquitatis vindicare, eisque facem praeferre instituisti. Fortasse ille rerum optimus rector, jam patriam nostram aequis oculis aspiciens, sortem hujusmodi in fatorum urna delitescentem, ad hanc usque tempestatem differre voluit, qua Hispaniam, tot cala imitati-

imitatibus exhaustis, extremum ad usque exitium perductam clarissimi Phoebo Gallici jubare asperfit, ut depulsis penitus tenebrarum oberfuculis pristino splendori restitutam quantocytus videamus: atque ita fore ut dum ille Hispaniam tropaeis illustrat, tu veterem ejus gloriam in lucem proferas. Unde nihil est ultra quod timeamus, in vastissimo illo humanae fragilitatis acervo Urbis nostrae decora alta posse latere, quae ab homine doctissimo aeternitatis memoriae, literarum monumentis nunquam intermorituris sunt consecrata. Cui igitur non praeclare cum nostra patria actum videatur, cui talis praeco contigerit? Nihil equidem ipsi Achilli invidemus, quod Homerum suarum laudum praeconem habuerit, quandoquidem te nobis fata meliora dedere veteris nostrae gloriae egregium buccinatorem. Plus ergo tibi debere nos in confesso habemus, quam P. Romano, qui Urbem nostram restituere, tot exantlatis bellorum casibus, eamque exornare, nulla gravissimi emolumenti habita cura, impense curavit: iis scilicet rebus tandem edaci temporis se tacite volentis dente consumendis. Id enim ille Poptus famae suae consulens fecit, cujus nomini exitiabilis Saguntina clades referebatur expensa: tu vero (Vir humanissime) nullis beneficiis lacescitus, nullis praemiis provocatus, iis nos cumulat ornamentis, quibus ab invidis oblivionibus & interitu facile vindicamur. Idcirco est merito quod per literas in praesentia nostrum tibi testemur animum, voluntatem significemus, gratias quam maximas habeamus, quas dum tempus & res exegerit, multo referemus cumulatiores. Vivunt adhuc ac vigent aviti illi spiritus gloriae avidi intus in nostris pectoribus: & si majores nostri labentis patriae honori omnia impenderunt; tibi itidem nos, qui tam pulchre ejus immortalitati is provifum, omnia tua causa facturos recipimus ac confirmamus. Ea certe a S. P. Q. S. quem eximio demeruisti beneficio, speres licet, quae majora nulli mortalium debentur. Semidiruta haec ac deformata aedificiorum facies, ruinarumque congeries quanam fuerit Saguntinorum fides, & quam fuerint in ejus cultu perseverantissimi, abunde testantur; & quam damus nos fidem illibatam conservaturos, eaque, gratissima veluti victima, eorum manibus fore ut parentemur. Utinam tu Vir singulari doctrina praeditus Urbem nostram opibus florentissimam, viris armisque potentissimam esses nactus, ut haberes in quo & stylym gloriosius intenderes; & nos contra beneficium melius compensare possemus; ac ita uterque nostrum muneri suo cumulatius satisfaceret. Reliquum est ut te hortari haud desinamus, velis, pro tua in nos benivolentia, alia quae supersunt Urbis ornamenta, pene colubentia posteritatis memoriae stabilire literis atque aeternare: quando te novimus tuopte ingenio ad res nostras abunde devexum. Id certum est atque statutum, ea omnia in nos quae abs te proficiantur ornamenta, eadem cum voluptate excepturos, qua Theatri nostri summa cum gratulatione amplectimur illustrationem. Atque in tui gratiam, cui haec rudera sunt

Tom. I.

M

gra-

gratissima, proindeque in pretio habita, hoc amplius pollicemur, non aliter, ac charissima pignora, super quae sunt, majorum amplitudinis memorias, fartas testasque quoniam tenuitas nostra reddere non potest, saltem intactas, atque ab omni maleficio ac injuria immunes ac liberas conservare nos in posterum curaturos. Interim absentes tui memoriam colimus, nomen tuum sanctum habemus, ac omnibus officiis *εὐχαριστίας* prosequimur. Vale patriae nostrae columen, nosque, ut coepisti, posteritati commendare pergit. Iterum vale. Sagunti, Eidibus Aprilis, An. MDCCV.



XLVI Θ Ε Ο Φ Υ Λ Α Κ Τ Ο Σ Θ Ε Ο Φ Υ Λ Α Κ Τ Ω
χαίρει.

Mantium Carpetanorum.

Quam multo post abs te literas! tute tecum. papae! Tamen vel sero gratiae: imo gratiores quo magis expectatae. Sed quid ego cessationis causas? doctumne ut doceam? apage. Primum omnium abs te nullae redditae, quas ad me misisti: non quod interceptae. Sed infesta itinera veritus, cui haec tradita provincia, post irritos conatus resolvit, mihiq; verbis, quid a me curatum velles maxime. In eadem navi Proculeji nostri Latinae. Doleo sane utramque jacturam chartaceam. Heu quam! Sed exaruerunt τα δάμνα jam pridem. Quid istas vos *μαχαίρας* gestatis feriatas? gestiuntne fratres facere ex hostibus? vix credo. illud potius *δολού* alienatas hominum istorum mentes. Siquidem, si conjectari fas est,

Hesperiae gelidum cois in praecordia virus.

Θεοφύλακτος hic tuus post Ulyssaeos errores latet in media Urbe, nulli pene cognitus ob amicorum penuriam; eoque rana Seriphia taciturnior. Scis illum perpaucorum esse hominum, & hac tempestate nullorum. Tenet eum una sui cura, *ὃ τοῦ πατρὸς* bojas terentis *Ἀρχιδιερμοφύλακος* sub imperio, Bojus licet non sit, ingens sollicitudo. Cur id? rogas. miror sane, qui noris hominem. Quin & Theresia, ut omittam reliquos, cum Michaele suo ac reliqua familia Urbem colit, aedesque habet conductas: & tamen Urfulm, quod in alia omnia, male odit. Te vero in oculis. Haud immerito amas foeminam tui amantissimam, & quae fatorum instar viam invenit te per literas conveniendi. Sororem tuam Narcissam audio, quod felix faustumque sit, nubere cuidam a Castulone legulejo *διγύμν* nihil amplius. Fidicinam tuam subito interiisse acri morbo correptam, non novum est

est apud nos, qui puellam aetate, venustate, & ingenio florentem, tibi-
que propinquam lugere non desistimus vel alieni. Tu vero, quae tua est
sapientia, animique fortitudo in calamitatibus perferendis, altissimae disci-
plinæ documenta in doloris solatium evocabis.

De Eustathio otiosum te esse jubeo; ni frustra vis esse sollicitus. Quod
autem ad te ferri emixte oras, idem est ac si

*Jubeas una opera me piscari in aëre,
Venari autem jaculo apros in medio mari.*

Nescis tu pol ut res sese habeant. conclamata sunt vasa, & si vera quae in
vulgus efferuntur, citius fortasse signa tute oculis, quam meas literas.
Quid? rides me *προμαντεύμενος*, fac semper ut liceat. At cis pauca: tem-
pestates, hinc Pyrgopolynices, si eorum conspectum sustinent isti Stratio-
tici, tanquam ventus folia, spiritu eos dissolunt. Pluribus ego te, si ni-
lid subiret Tullianum, *manum de tabula*. Nosti caetera. Nunc vero ad
alia. *Διδασκν* me numum quidem dubium aut subaeratum mihi persolutum,
nec spero fore ut accipiam in posterum. Iccirco *ἀγρίων* ego tantum onus
sustinere non queo. Minervae vale dicam brevi, & in otii castra me con-
jiciam: vivo praeterea infernus *ἡδέσθω ποιεῖν*, ex quo mihi consulens,
Urbe excessi. Abdicabo igitur me, & hoc fortasse modo invidiam erit ut
declinem. Probant hanc sententiam domestici. ii nempe à quibus muta
consilia petimus, quod blattis semesos se lamentantur. Si autem annonam
classarii legionariiue magis incendunt in ipsa penuria, consilium mutabo,
atque aliquo me conferam, ubi unum saltem epityrum edam esuriens in sa-
ne (ut cum Comico loquar) & consiliarios prodam. Ego enim mihi met
Θεοφύλακ sum proximus. At revocat me *ἡ πατρίς*: pietas, moeror prae-
terea, & squallor. Desertum se nato ac proditum queri patiar? Quid ego
miser faciam qui *ἡ πόλις καὶ οὐκ* cornucopiae potitus sum? Aestuo plane,
nec quam insitam viam satis teneo. Incoeperam primo *ἰτεῖν* subcissivis ho-
ris *τὰ περὶ γυμνάσια*; sed odio rerum, ac summis molestiis male affectus, ta-
bellas graphiumque, quantum potuit, abjeci. Et ut tu etiam dignum tua
virtute facinus edas, epistolam illam, quam ad te, ubi Isidorum induxi
loquentem, quoniam ea omnia falsa nunc demum apparent, abjice in ma-
ximam malam crucem; nollem enim tale quid a me dictum: imoejus
me rei piget pudetque. Habes epistolam, mi *Θεοφύλακ*, bene longam,
& magis fortasse quam pro temporum opportunitate, in qua multa, & ut
sese nobis offerebant temere congesti, Scotinum imitari cupiens. Si id af-
sequutus sum, propositum tenui. *Πυργονόμο* nostrum, cujus desiderium
vix ferre possum, in multum tempus salutatum velim. ab hisce tricus haud
ita facile ut puto, sese expediat. Laudo consilium, sed vicem doleo. Isi-
dorum optimum mihi sodalem salvere jubeo. ejus fratrem nudius tertius

habui obviam. Vale etiam atque etiam, tuique amantem redama. IIX. Kal.
Junii, An. S^{ar}th^ugnias, MDCCVI. Valentiae.



XLVII. EMMANUEL MARTINUS.

EMMANUELI JOSEPHO MIGNANAE

ocello & amoenitati suae, S. & hilaritatem nuncias.

Valentiam.

Quam te deseruisse, vehementer doleo. Bono fac sis animo & forti. Quod facile assequeris, si rerum humanarum conditionem altius fueris contemplatus. Inhiamus honoribus, & in dignitatum culmina infano quodam animi tumultu connitimur. Quae simul assequuti sumus, adeptae felicitatis taedio afficimur. Cujus ego rei causam esse comperio, quod dum honorem in alio cernimus, inani illo splendore percussi, mentis acie praestricta, gloriae quadam obtrectatione tangimur, qua inflammatus animus, ruit sui impotens. Ubi vero dignitatis onus subimus, cui nos imprudentes subjecimus; inusitato pondere pressi, vel impares illi, vel nimis molles delicatique, animo fatigantes, fractique viribus, adeptum jam honorem pertaesi, grave ducimus id ipsum, quod tantopere concupivimus. Naturae scilicet vitio, cui insitum est, quorum caremus, desiderio flagrare, odisse eadem posse. Quanto te acrius injuncti tibi muneris & satietas, & fastidium conficient, quem invitum & reluctantem bonorum consensus evexit? Non semel id ego cum animo meo reputans; cum caetero qui genium tuum habeam probe perspectum, conditionem tuam quam sum miseratus! Sed heus tu, memento te esse virum. Exere & corporis & prudentiae nervos. Erige te atque confirma, & servi quam diligentissime, tum tempori, tum existimationi tuae. Spesque illas, quas de te concepimus, fac prodeant expectatione ipsa splendidiore. Excute importunam istam moestitiam, & putida lamenta.

*Nunc haec ad minuenda mala non magis valent,
Quam naenia praeficae ad excitandos mortuos.
Res turbidae consilium, non fletum expetunt.*

Quin tuae istae expostulationes

*Potius cumulum miseriis adjiciunt mali,
Est indecoram mentis mollitiam arguunt.*

Duro

Duro nodo durus cuneus. Sed tibi, & viro bono & sapienti monitorum fatis. Dissertationem de auctore Collectionis Epigrammatum Graecorum, quae *Anthologiae* nomine circumfertur, tibi mittimus, quam proximis diebus elucubravimus. Num ad Cleanthis lucernam, tu videris. De pluma ad me tam scite transmissa, immortaleis tibi ago gratias. Est profecto illa Amyclea mollior. Facessat leuconicum hoc tomentum. Quod capiti meo bene vortat. Consule tuo quam diligentissime, & vale. XII. Kal. Januarii, An. MDCCVII. In Urbe Hispaniarum domina. Arnatio nostro a me salutem.



XLVIII. EMMANUEL MARTINUS

EMMANUELI JOSEPHO MIGNANAE suo

S. D.

Valentiam.

Pereant, qui me perditum eunt, nebulones impurissimi: qui ut animi sui ulcera tegant, & improba consilia. ea vitia in alios rejiciunt, quibus ipsi maxime laborant. Mene a Regis partibus alienum? Me illac facere, qua tot perditorum hominum colluvies? Profecto, inquiunt, quando de rei publicae statu pessime, & quidem liberius quam temporum conditio ferat, & sentis, & loqueris. Hoc est acerrimum telum quod in me torquent. Prava eorum consilia qui rei publicae cervicibus graves sunt, vel saltem *perniciosa*, & male initas rationes, damnas. Ergo Regem odisti. Chrysippeum enthymema! Imo contra. Paucorum ego impotentiam, vel, ut levissime dicam, regendi incitiam, non probo: Ergo Regem unice diligo. Qui enim regis cominodis sunt infesti, qui rebus secundis tabescunt, qui regiam dignitatem pessumdatam cupiunt; ii profecto absurdissima quaeque consilia, & minus salutaria, veluti ex composito summis laudibus extollunt. Nihil enim tam sua interest, quam quod in regni comoda peccatur. Cui vero optimi ac mitissimi Principis, ornatissimi adolescentis, fama, gentisque dignitas cordi est; illum profecto, si quid horum accidat, & animo aegrescere, & ad singulos ictus gemitum emittere, necesse est. Qua propter recte auguratus es de me, nihil a me abesse longius hoc scelere. Nec dubites unquam, quin quod honestius, id mihi futurum sit antiquius. Is etenim sum, qui officii nostri rationem perbellè perque nariter calleam. Quam ob rem, ut meritissimo Principi optata omnia contingant, multa Deos veneratus sum, multa quotidie veneror. Tametsi ea est temporum inclinatio & acerbitas, ut pene vivere. Ista vero tintinnabula quid? Illud magnis buccis jactant, se

M 3

lares,

fares, fortunas, liberos, conjuges, fidei erga Regem poſthabuiffe. Cum hæc audio, riſu pene diſrumpor. Bellos homines & facetos! Credunt Larvæ iſtæ nos eſſe fungos? Ecquis ignorat illorum rationes quorum ſuant? Plerosque illorum animum meum aperiam: ſoli enim ſumus) patria extruſit in rebus adeo turbidis ſævitia tumultus & trepidatio. Nonnullos, metus amittendæ dignitatis a Rege acceptæ. Non paucos, qui cum duriore fortuna conſiſtabantur, taedium præſentis, ſpes hilarioris. Alios denique inclinatio fortunæ, cujus nutum & quadam veluti ſpecula intenti obſervabant, ut eo ſe reciperent, quo armorum pondus vergeret. Hæc ſunt fidiffima illa capita, quæ nobis inſultant. En Regis Achates. Homines terenci! Quorum fidem venalem, & ſubdolam, technasque, Regi ſuboluiffe; cum ex eorum contemptu facile compertum eſt, tum ex rumoribus, quibus in hac Urbe eorum fama & exiſtimatio proſcindebatur. Et tamen quaſi pactæ mercedis prurigne, tanquam conductæ mæcipia, magiſtratus ambire, potentes colere, Regis aures obtundere. Suam quique fidem prædicare, aliorum deprimere. In ſe mutuo ſævire, æmulatione præmii, obtreſtatione invidiæ. Graviſſima omnibus obverſacula, & importuniſſima mendicabula. Hi ſunt a quibus de infidelitatis crimine poſtulo. (Quod illorum capiti ſit.) Sordidæ mercedis affectæ. Nec tamen inſiciabor aliquos fuiſſe viros probos, honeſtos, liberales, dignitatisque ſuæ retinentes; quos officii ratio tantum, & amor honeſti, patria avulſerit. Sed iis certo ſcio me fore ſacroſanctum, nec ullam mihi a ſe injuriam illatum iri. Reliquis autem, quando viſum eſt illis de corio meo ludere,

*Hic reſpondere volui, non laceſſere.
Benediſſis ſi certaveſſent, audiſſent bene.*

Quod ſcribis de Saguntinis monumentis ſervatis, per mihi gratum eſt perque jucundum. Dialogorum abs te intermiſſum opus, moleſtiſſime ſero. Compensabit tamen eam jacturam Hiſtoria Valentini latrocinii (ſic enim appellare malo, quam bellum) quam a te concinnatam ſcribis. Cætera dies præſtabit, dummodo liceat nobis eſſe ſalvis. Interim, ut ne animum deſpondeas, per ego te fortunas parentis, per utriusque genium, oro atque obſecro. Quid audio? itera dum iſta mihi. Tunc tam peritus fallendi artiſex, ut modo Galli perſonam induas, modo Germani? Quid ſi tibi illud: Duos parietes de eadem dealbare fidelia? De Euſtathio noſtro, quem propediem expecſto, immortales tibi ago gratias. Utinam tu quoque in huic locum te compingeres, ut conſuetudinis & ſtudioſum ſocietate, animum a calamitoſiſſimi temporis abſtraheremus moleſtiis. Igitur ſi vir eſſe voles, eripe te ab iſtis tricis, & ad nos perrumpe. Nihil accidere mihi poterit optatius. Illis Dii male faciant, qui nos diſjuncturunt.

runt. Quae de Dianio, Saetabi, ejusque ~~Saetabici~~, Saetabacula, notissima nobis. Isidorus Costa Urbis Valentinae Syndicus, belle se habet: quem tuis verbis salutavi. Salve mutuo ab illo. Pyrgopalaeo nostro indicta est profectio. Sed eum remorantur quaedam expeditu haud facilia, ad munus suum pertinentia. Quamprimum iis se extricabit, hinc protinus. Ex Urfula de patre meo saepe ac frequenter percontare. Haec me cura unice sollicitat, angitque vehementer. De reliqua familia ne ~~pro~~ quidem. Id ego curo scilicet. Janus Baptista Borrullius, idem tuus, idem noster, cras bene mane ad vos. Mantuae novae in Carpetanis, ad VI. Eidus Junias, MDCCVII. Vale.

XLIX. EMMANUEL MIGNANA
EMMANUELI MARTINO

suavissimo

S. D.

Mantuum Carpetanorum.

Quod in votis mihi jam diu, Latinae tuae nuper ad me. Gaudeo accepisse, & quo magis, prisci candoris & fidei plenas. Adde veteris libertatis imaginem cum officii rationibus conjunctam. Nec aliter animatum te esse potui adduci ut crederem, qui sciam non nisi ab honesto te semper stetisse. Sed non possum vehementer non angustiano, te adeo insolenter allatrari, qui tuam existimationem habeo propria cariorem. Nostratum haud leve hoc vitium, alienae famae insidiari, & quantum inde detrahunt, tantum propriae utilitati volunt cumulatam. Ego vero, ut verbo absolvam, eos omnes qui ex imperii rationibus suas metiuntur, propriis potius commodis, quam Regis fidei suspicor inservire: cum illis vero quos aequi & boni amor in officio retinuit, nullis cupiditatibus obnoxios, vel in tenebris digitis micare auserim. non fallent profecto. Adjiciam tantum quod mihi rerum discrimen in hac temporum iniquitate licuit animadvertere: Philippo nempe spectatae probitatis viros ex nostratibus bene velle ex animo & amare: Archiducis affectas, praeter imperitum vulgus & vanis opinionibus deceptum, vel homines inopis flagrantibus & cupiditatibus, vel qui rem male vivendo cum confregissent suam, publicam quoque pessundatam facile ferebant. Viden' ut tecum sentiam? Demum scito negotiis per hosce dies & quidem molestissimis me vehementer implicatum. Pyrgopalaeum nostrum anxie expecto, unaque Isidorum. Si tu

tu me amares, isthinc utrumque extruderet. Borrulli adventum fore perendie nullus dubito. Mea negotia velim tibi esse curae. Valentiae Hædetanorum, ipsis Idibus Junii, MDCCVII. Vale.



L. EMMANUEL MIGNANA

EMMANUELI MARTINO

S. P. D.

Mantuum Carpetanorum.

HÆc erat scilicet altera nostrae necessitudinis jactura subeunda, misera temporum conditio, in quam incidimus, quæ vel commercia interciperet literarum: reliquum quod erat, postquam a me sejunctus es, acerbissimi doloris solatium. Ad hæc, quot aerumnæ non mihi exantlandæ! Quas non vidi miseras! Quæ non adii pericula in hoc sævissimo latrocinio! Tamen innumeris anxietatibus circumventum nihil me magis animo angebat, quam moeror patris amantissimi & squalor, quem, tametsi ætate confectum, in vincula conjecerant, ob tenacissimam in Regem fidem. Quodque acerbius, nihil in me esse praesidii, cui, penes quos rerum summa, insensibilis. Et quidem libratum diu telum longe acerrimum jam jam excutendum in me videbam. quod non absque divino numine vitari posse, unquam mihi persuasi. Evasi denique tot malevolorum conatus, tot rebellium insidias, qui ut me perditum irent, conjurasse videbantur. Patri etiam post diurnam illam molestiam, tandem, accurrante Thoma Rato, ornatissimo juvene, mihiq; summe conjunctissimo, ad penates gratulatum redire licuit. & mihi nunc demum, quod perpetuum velim, jucundissimis tuis literis recreari. Quæ equidem eo certe jucundiores, quo diutius fuerant inexpectatione. Interim autem ubi otium ab ejusmodi anxietudinibus illuxerat, communis patriæ motum, seu magis latrocinium literis consignandum putavi, ut esset quod ad te aliquando munusculum levidense, qui sciam solere te putare esse aliquid meas nugas. En primum librum, unaque spongiam. Nisi æquissima illa judicii tui lance singula quæque verba pensitas, & quod non probaveris deles confidentissime, alterum & tertium frustra expectabis. Velim tamen subeat cogitatio, cujus sit momenti res quam scribendam susceperim. Hoc tantum. Sed heus tu latrocinium hocce recta petit tua scriniola. quod ego mandavi accuratissime. Nec equidem nescit in eis thesaurum latere Musarum. Petet sibi modeste primum fieri copiam. Si senserit tuam benignitatem in se claudier, clames licet, ibit ad ingenium. De Eustathio nostro tibi placuisse, nihil supra votum. Utinam aliquando una, ut mea
tibi

tibi opera uti liceat liberius, immo abuti. Communes epistolas exscripsi diligenter. nonnullas expunxi, quod non te fugit cur fecerim. Mea negotia tibi esse curae nullus dubito. Pyrgopalaeo nostro salutem a me plurimam. Si me amas, fac, amabo te, quantocyus ille ad nos, cujus desiderio contabescimus. Vale amores nostri. Iterum vale. Valentiae Hedetanorum, III. Non. Quinctilis, An. MDCCVII.

LI. EMMANUEL MARTINUS

EMMANUELI JOSEPHO MIGNANAE

S. D.

Valentiam.

Ojocundum tuarum literarum fasciculum, in quem omnes conjectae sunt gratiae, lepores, elegantiae! Dispeream, ni Venus ipsa prae illo ilepida atque inuenta. Collabella mihi osculum, meae deliciae, & apprime hanc dextram. Ubi sunt quos hae voluptatis unguiculae non scalpunt? Circumgestatur a me epistola tua, & omnium oculis impingitur. Nec laetandi modus adhuc, nec gestiendi. Di te fortunent, Mignana mi, cui datum est uni, inter acerbissimas difficillimi hujus temporis aerumnas, animi nostri moerorem, si minus abstergere, mulcere saltem ac delinire. Quo nullum in publico hoc latrocinio, rerumque omnium perturbatione, parari mihi potuit a Diis immortalibus praesidium, vel tutius, vel optatius. Quo enim me verterem, quodnam amplecterer simulacrum, post everfam domum, post familiam laribus avulsam, post fortunas partim interceptas, partim pessumdatas, & (quod omnium est longe miserrimum) post patriam deletam. Adde: & amicorum manibus absumtam. Quam e quidem cladem funestissimam multo ac luctuosissimam censeo. Nec accidere quicquam hominibus posse calamitosius, quam superesse patriae. Odi hanc armorum licentiam atque detestor. Quam propter. Sed excubemus animo, & rationis clavo constanter haereamus, ne in hac faedissima tempestate transversis impingamur ad aliquem scopulum. Accepi Historiae abs te elegantissime conscriptae Librum primum, quem una cum spongia (sic enim scribis) ad nos misisti. Qua ego spongia non tam utar ad sordes detergendas, quae profecto nullae sunt in opere mundissimum; quam ad os mihi abluendum: ne videlicet illud audeam iterum attingere, ore, (ut dicitur) illoto. Quandoquidem autem visum tibi est, id etiam ad amicitiae nostrae officium pertinere; nihil in eo acrius examinando, vel studii vel diligentiae praetermittam, meamque ea de re sententiam (quod mihi

Tom. I.

N

solent.

tolenne) libere proferam. Nunc ad alia. Molinerius tuus in officio est. Non ita pridem a me conventus, & acerbè increpitus, promissit se datum ad te. Sed ab eo nullas adhuc. De Turesio nunciant meliusculè esse, sed meliusculè tantum. Costa proximis diebus nescio quas subiit febris incur-suaculas, leves admodum, ne dicam inanes atque umbratiles. Sed nocti hominis *incur-suaculas*. Credebat se jam rebus humanis decedere, & ad orcum detrudi. Nunc viaticum instruit, & brevi erit ad vos. Mihi autem ne tria quidem illa dixit abeuntium verba. Ignoro causam. valeat. De Belmontio, in utramque dormi. Faciam eum consosiores foricina naenia. Nudius tertius Procurator domum venit, dixitque sibi opus esse pecuniam in causae sum-tus. Elargitus sum duos nummos aureos. Quam ob rem, quid reliquum sit ex pecunia quam abstuli ex tua syngrapha, velim tute cogites. Ubi congressus mihi erit cum Borrullio, salutabo eum tuo nomine. Pyrgop-laci lectissimae conjugì, unaque *τῇ κυρίῃ*, in oculis es. Ab utraque valebis. Quarum altera, elegantissimi juxta ingenii ac formae puella tuis literis maxime delectatur. Altera, a filiae studiis ne latum unguem: lenissimo ingenio foemina, qua nec Terentii *Eunys* vel purior, vel candidior. Vale, & me tuarum epistolarum solatio erige atque confirma, discrucior enim earum desiderio, vel inanum. Si id abs te impetro, figam hoc benefi-cium clavo trabali. Iterum vale. Ad III. Eid. Quinctileis, MDCCVII.

Cum hujus epistolae diem adscribere, allatum est Costam esse pro-fectum.



LII. EMMANUEL MARTINUS

EMMANUELI JOSEPHO MIGNANAE

Rhetorices Professori

S. D.

Valentiam

SI bene vales, bene est. Ego hercle calamum jam in manum: nihil ta-men venit in mentem quod scribendum putem. Non quidem inopia rerum novarum; quarum uberrima seges: sed difficillimi temporis neces-sitate. In quo nec animi sententiam aperire fas est, nec alte recondere. In utroque enim spinæ sentesque. Nec tutum est libere loqui, nec obsti-nate tacere. Igitur, quod reliquum est, ad studia nostra & nugas. Te Sa-gun. o incolumem revertisse, triumpho & gaudeo. Heus tu, deoscula-tusne

tusne es meo nomine verenda illa antiquitatis vestigia? Debebas quidem profecto, si me novisti. Dionysii Arnavi infortunium vehementer doleo. istam calamitatem jam pridem ego animo praesenseram. Noveram enim hominis rimas, qua facillime perfluebat, orisque licentiam. Tametsi hoc tempore

Malefacere qui vult, nusquam non causam invenit.

Etiam Ortini vicem facile fuit praesagire, tintinnabuli, non hominis. Illum stultum, qui non vidit majore folle opus esse ad extinctam libertatem demum fuscitandam! Blancherius superbiae insolentiaeque poenas merito luit. Carceres enim & vincula quae aliis meditabatur, in eum transiit Nemesis. Pulchre retaliatum est. De Pyrgopalaei reditu ad vos, nihil dum. Quum haec tam vehementer efflagitas, videris mihi profecto insanire. Non vides istius Civitatis faciem? Ferant eam qui cor non habent, vel quibus patriae interitum oculis haurire fatale est. Nobis autem singulari Dei beneficio tot miserorum lacrymis gemitibusque exemptis, satis sunt aurium irritamenta. Ut quid oculi consocierandi? Sed abducor vi tempestatis: repetamus portum. Eustathius noster, vel potius tuus, triumphalem hodie induit vestem: togam scilicet pictam. Non tamen sine suspitione mollitiei. Nam scito esse punicatum. Quatuor Rhapsodiis manu tua scriptis adjecti quintam, quo volumen ad justam magnitudinem cresceret. Reliquum opus mihi commodavit excellentissimus Marchio Mondexarensis & Agropolitanus, Hispaniae nostrae singulare decus atque ornamentum. Cujus pervicaci studio, cultisque lubricationibus, acceptum referre debemus, quo minus apud nos literarum lumen penitus fuerit extinctum. Utinam frui coram liceret tanti viri doctrina, jucundissimaeque consuetudinis fructu. Sed temporum saevitia id etiam nobis invidit. quod unum esse mihi poterat in hac Urbe publici moeroris solatium. Illum praenobis beatum! qui tutissimumactus recessum, tot malorum fluctibus se subtraxit. Borullius pater heri domum venit, nunciatum familiae suae adventum. Miratus sum hominis maciem, & fragilitudinem, ut cum Accio loquar. Narro tibi: non nosset hominem. adeo *negligentissimus*. De Proculeji numismatis, spe sum valde imbecilla. Si promissis steterit, praeter spem erit vir bonus. Sin autem, ero taciturnior Hipparchione: nec committam, ut illis insanire videar. Tu interim oblecta te quam bellissime, & vale. Data ad XIII. Kal. Octobris, An. MDCCVII.



LIII. EMMANUEL MARTINUS

EMMANUELI JOSEPHO MIGNANAE

Rhetorices Professori

S. D.

Valentiam.

LEgi perlibenter Historiam motus Valentini, a te concinne eleganter-
que conscriptam. Quam tamen dum accuratius perlustro (cum ut ti-
bi morem geram, tum propterea quod

— ἀγαθὴ δὲ ὁμιλία ἐστὶν ἱταίῳ.)

accidit profecto mihi quod leviter prurientibus solet. Qui dum se perfun-
ctorio ungue identidem scabunt, adeo attritu illo cutem exasperant, ut
illa saepe rupta saniem eliciant. Non quidem vitio partis, sed unguis petu-
lantia, scalpendi libidine prurientis. Igitur meum iudicium habeto. Tota
Historiae tuae dictio castissima est, & plane ad Romanas aures. Ad Caesa-
rem quam propissime accedit, nisi quod interdum Crispiturit, delibatis
inde quibusdam veluti gemmis, excitando auditori novi ornatus miraculo.
Fateor me saepe, inter legendum, orationis vi ac venustate percussum,
ad invidiam usque fuisse permotum. Adeo illa afflabre dedolata, & exacta
ad normam Romanae loquentiae. Unum id legentibus grave admodum ac
permolestum, quod periodos aliquando & orationis tractus, adeo producis,
interferis longis περιβόλαις ambagibus, ut totam illam sententiam una vo-
cis contentione pronunciare, nec Hercules quidem posset, qui sine respi-
ratione unum stadium decurrebat, vel gurgis ille, qui uno spiritu tres vini con-
gios siccabat. Tametsi hoc vitio alterum Librum minus jam laborare animad-
verto. Qui rerum etiam varietate, civilium negotiorum tractatione, even-
tuum dignitate, sententiarum copia, describendarum rerum dexteritate, aliis-
que in eo praeclare digestis, priorem alterum facile antecellit. In quo inops se-
re narratio, & aliquando jejunior. Quo morbo afflatum inprimis animadverto
operis exordium; nulla apparatus dignitate, nullaque consiliorum inter prin-
cipes initorum notitia, insigne. Quare altius a te id opus repetendum censeo,
causasque majori ambitu exponendas, quibus hoc bellum exarsit, quae tan-
tarum rerum molem, animorumque tam acre dissidium contentionemque,
pro dignitate sustineant. Ισαρίας δὲ, ἰσὺς ἀφ' ἑλπίης ἢ τὸ δῖόν τι, καὶ πῶς, καὶ τίς
χάρις ἐπ' αὐτοῦ, καὶ τὸ πρῶτον πότερον εὐλογεῖ ἢ τὸ τέλος τὸ καὶ ἀποτέλεσμα αὐ-
τοῦ.

πῆς, ἀγώνισμα γὰρ, μάθημα δὲ ὃ γίγνεται ἐν ἀγωνίᾳ μὴ τίποτε, πρὸς δὲ τὸ μίλλαν εἶδεν ὠφελῆν τὸ παροῦσαν. Ut nos monet consultiſſimus Historiae pangenda Magister Polybius Lib. 3. Cui accinit Lucianus in Libello *Quomodo conscribenda sit Historia*, hisce verbis: *ὁματῇ δὲ, ἐν καθῷ, τα ὕστερα ποιῇ, ταῖς αἰτίας συνεκτιθέμενος*. Haec in universum. De reliquis pro loci opportunitate monitum te faciam. Tu in iis quae dixero, aequi bonique consule. Non enim vereor, ne mihi vel livori vel malignitati vertatur, quando ego mihi conscius sum, a me culpam hanc esse procul.

AD LIB. I,

Quaenam sunt ista *Artificia militaria*? ego potius intelligerem τὰ στρατηγέματα, sive artes circumveniendi hostem. Sed alia tibi mens. Reponito, si vis, ad *artificia poliorcetica*. Nempe animum adjunxerat Bazetus eis τὰ πολιορκητικά μηχανήματα ἢ δόγματα.

Ab illis verbis: *Quippe per*, ad illa: *fovedas suscepisset*, non capio. Et tamen nihil est in Historia conscribenda, obscuritate turpius. ὡς γὰρ τῇ γνώμῃ δὲ συγγραφεύς σκοπεῖ ὑπερίμνησιν, παρηγορίαν καὶ ἀλάθειαν, ὅταν δὲ καὶ τῇ φύσιν αὐτῷ, οἷς σκοπεῖ ὁ πρῶτος, καθὼς δηλῶσαι, ἢ φανέντα ἐμφανίσαι τὸ πρῶτον. ait Lucianus.

Regulos appellas optimates summosque proceres. Non ferendo verbo. Quomodo enim *Reguli*, si in aliena regia? Scio te in hunc errorem induxisse Bembum, qui hoc nomine donavit Italiae Dynastas, reclamantibus Latini sermonis mystis Tametsi ille minus absurde; cum de Principibus ageret, liberam dominationem exercentibus; sed tamen infra fastigium regium. Dele igitur invidiosum hoc nomen.

Legatus, Imperatoris dicto erat obaudiens. Itaque semper ad illum refertur: ut, *Legatus Caesaris*, Antonii, Pompeii. Quod eo factum, ut de militari munere intelligeretur. Non autem οὐκ ἔστι περιεχόμενον. Itaque Castelviniū, vitandae ἱμνουρίας causa, appellabo *Tribunum Militum*. ἢ πολιμαρχον.

Consules extra Romam non erant. Uti nec Senatus, nec Senatores. Nam in Provinciis Decuriones loco Senatorum erant. Ita dicti propterea quod essent de Curia, quae erat instar Senatus. Magistratus autem, qui ex Decurionum numero creabantur, dicebantur *Duumviri*. Qui modo annui erant, modo triennales, aliquando etiam quinquennales. Pleni hujus rei libri, lapides, metalla. Itaque Valentinus Magistratus, qui rem administrant publicam, appellabo proprie: *Valentinae Urbis Seviros*.

Immodicae fortitudinis. In virtute nihil extra modum. Immodicam libidinem, avaritiam, severitatem, recte dixerim; quia vel vitia sunt, vel propensiones ad vitia. Fortitudinem autem appellabo *eximiam*, *egregiam*, vel alia talia.

Togati. Neminem, praeter Romanos, *Togatam* appellabo. Eminatuciem hunc scio fuisse *O Jovirum litibus judicandis*.

Inque Consules Senatumque. Longe melius : *inque Seviros Decurionesque.* Observa in posterum sis.

Nec aequi Scriptoris, nec boni patricii est, tot praeclarae fidei juxta ac nobilitatis viros oblivione involvere. Nihil tam diligenter in tota hac narratione posteritati commendandum, quam eorum nomina, qui hac infidelitatis tabe minime afflati, fidem suam illibatam ad posteros transmiserunt. Quid enim indignius homine ingenuo, & bono cive, quam in patriae peccata, seu fatum potius, tanta verborum acerbitate invehi, tam infenso animi impetu saevire; ubi autem ad res a civibus praeclare gestas ventum est, impetum remittere, atque languescere? Idque sceleris committere, ut bonorum civium catalogus ab exteris Scriptoribus sit petendus: abs te autem patriae tantum dedecus atque monstra?

Expugnationem. Immo *oppugnationem*. Oppugnari oppidum sine aggeribus, vineis, turribus, testudinibus, arietibus, scalis, aliisque id genus machinis atque tormentis, non potest. Expugnari autem potest, incuria obsessorum, fraude, pecunia.

Imperatoris exemplo. Imperator is tantum dicebatur, qui iusto exercitui praeerat. Quocirca planum hunc, *Ducem* potius appellabo. Ut qui latronum inconditam multitudinem duceret, nullaque militari disciplina subactam.

Metu hortati. Dara translatio. Hortamur, verbis, clamore, precibus, blanditiis. Profecto sermone opus est. Quamobrem ad res mutas transferri non potest. ne dum ad τὰ ἀσάμαξα. Mitto, a te παθητικῶς positum.

Proregis milites custodes. Non placet. *Praetoriani.*

Expeditione. Illane expeditio? Ubi apparatus bellicus? ubi exercitus? Porro non illi invasum ibant, quod expeditionis proprium est, sed opitulatum.

Scloppis emissis. Emissisne, an dispolosis? Non enim scloppi emissi sunt, sed glandes.

Altioris aetatis vir. Estne idem ac, *vir magno natu*? Doce me hanc rem. Namque, vel nusquam legi, vel legisse me usquam non memini.

Alonensis obsidio non Corvini, sed Marchionis Raphaelis adventu soluta est. Allaborante etiam Episcopo Orcellensi, qui postridie Alonem, πολιορκία jam liberatam, ingressus est. At, heus tu, talem tantamque rem tam perfunctoria manu? Tribusne versiculis Alonae oppugnationem? Vix, post Valentiae motum, quicquam in provincia accidit illustrius ea tempestate, quodque majore cum diligentia, cura, studio, literis sit consignandum. Quod tu contra facis. Tam levi enim manu illa tractas, ut ad posteros (quod dicitur) nec vola, nec vestigium.

Canibe-

Cantheria. Immo *equos cantherios*. Ego tamen *caballos* dicerem. Quae vox non nisi per deridiculum usurpatur. Sed optimum est : *equos sarcinarios*. Quomodo appellantur a tuo Caesare. Vel *equos dossarios*. Quos vocant Historici Graeci : τὰ ποσώνια & ἀχαιφάρια.

Viae pariter & pugnae. Scribe : *Itineri pariter & pugnae*.

Civis sui. Etiam si Anglus esset *Mohonijs*, civis tamen non esset, sed gentilis.

Quae necessaria erant hibernaculis. Ego vero *hymationi* dixissem. Ratio in aperto.

Vel quia matura, &c. O bene ! o si frequentius ! Hoc etiam in Historia tua desidero *Emmanuel* : ut neimpe ad politica monita quandoque divertaris. Sine quibus Historia arida est atque clumbis. Est enim vitae institutrix atque magistra. Διὰ τὸ μαθηματικὸν τοῦ πολιτικοῦ οὐκ ἔστιν ἀνθρώπου διόρθωσις, & ἡ περὶ τὴν ἀρετὴν ἐκείνην ἐκείνην. ut est apud Polybium statim in limine Historiarum.

Pecuniam per vim eruere. Tamen ab illis religione tactis multum pecuniae fuit relictum, quod a regijs postea corralum est. Intercepto etiam aerario publico, & creditoribus jure suo dejectis. Veritati litandum. Est enim Historia, ex Diodori Siculi sententia, πνεύματος & ἀληθείας, Deae Veritatis Sacerdos & Prophetia.

Togatorum principatus. Nimis ample. Congruentius : *XIV. virorum praefectura*.

Pars urbe cesserunt. Et hic recensendi aerumnosi isti patrisugae.

Sociennes. Apud Plautum Amphitruone, Aulularia, Casina, Socieni.

Murgi habito. Tu Murgin appellas quam indigenae *Murciam*. Atqui eam esse veterum Murgin, non est compertum. Propterea quod illa sita fuerit in Turdulis, Murcia autem sit in Baeticanis. Sunt qui credant eam fuisse quam nunc vocant *Muxacra*, in regione Granatensi. Utut se res habeat, tutissimum mihi videtur eam notissimo vocabulo appellare *Murciam*.

Passionis. Video quo te redegerint Latini sermonis angustiae, & mysteriorum religio. Tamen ego deglutire non possum. Tuae erit industriae, animique solertiae, vocem aliam sufficere.

Haraldum misisset. Abige hanc vocem ad haram, & reponere : *Caduceatorum misisset*. Graeci vocant ἑρμῆα.

Affulusque ferridis. Affulas nusquam reperies praeterquam ex lignea materia vel ex marmorea. Sunt enim affulae vel securibus excusae. τὰ ἐκ περικύμαστος. Vel a marmorariis ex operibus dejectae. ἐκ πέτρης. Ergo hoc loco scribo : *Fraximinibusque vehementissime excussis*, omisso epitheto. Sunt enim ex tormento ferreo. Sic Maro, extremo divini operis, de Turni ense fractio :

Morta-

*Mortalis mucro, glacies ceu futilis, istam
Diffiluit: sulva resplendent fragmina arena.*

Nihil aptius.

AD LIB. II.

Ad Togatos. Scribe, si libet, *ad Seviros capitales.*

Tota Archiducis regione. Praefero : *ditione.*

Vicario Generali. Digno profecto, cujus nomen ad posteros transmittatur. Eum tamen ego appellarem potius : *Antistitis Vicarium.* Ut differat a Liechtesthenio, Vicario Principis.

Eugepac ! Hoc nempe est quod abs te peto. Uti positis armis, ad civilitatem interduam divertas. Habes, quorum vestigia premas, Livium, Tacitum : Thucydidem, Xenophontem. Praesertim vero, Polybium. Est enim praecipua Historici virtus, diligens observatio causarum, eventuum, atque omnium, ex quibus prudentia augeri potest. Idcirco ait Megapolitanus historicus in primo : ἀληθινὰ τὴν πᾶσιν ἔχοντα καὶ γυναικας αὐτοὶ τὰς πολλὰς πρὸς τὸν ἐν τῇ ἰστορίᾳ μᾶλλον. Propterea quod incumbere in ejus lectionem, sit quasi in ipso rerum actu & negotiorum Civilium aut Militarium administratione versari, & rerum viris politicis necessariorum cognitione instrui. Quamobrem Aristoteles Rhetoricorum primo vocat Historiam πολιτικὴν τέχνην.

Repugnantes sententiae. Cum enim dixeris, *vulgi animos* metu gravissimo fuisse affectos ex Austriaci discrimine; quod existimarent, eo capto, omnes spes opesque ituras pessum; seque victorum irae fore obnoxios; subjungis e vestigio : *Turbida vero vulgi ingenia Bazetum suum ad Urbem reduci fremebant, seque eo ductore satis esse ad hostem provinciam pellendum.* Si hoc vulgus jactabat; undenam metus ille gravissimus ac trepidatio? Ad haec, quum subdis : *Turbida vero vulgi ingenia;* videris profecto de honestiore ordine verba proxime fecisse; id adstruente epirrhemate illo, *vero.* Equidem scriberem, si per te licet : *Quorum autem turbida erant ingenia, quorumque vis omnis, &c.* Nam praecesserat : *prudentiores existimabant.*

Coenobiarchis. Non est quod Latio hanc inferas injuriam, cum habeat illud suam *Antistitem*, vel *Antistitam.* Utrumque Tullianum, si quid ad rem pertinet.

Militiani. Neque *militiae*, neque *militiani*, Latina sunt. Num isti fuerint qui apud Romanos *evocati* dicebantur; jam diu quaero. Nam illi vera non milites, sed pro milite erant : qui ex diversis locis aequo jure ac foedere junctis, militiae munereungebantur, dicente Consule : *Qui vult Rempublicam salvam, me sequatur.*

Quassa.

Quassationem. Quassatio nec Latinum est, neque, etiamsi esset, id ullo modo significare poterat, quod nostrates vocant *brecha*. Cum haec quassatione fiat. Elegantissime appellasti proximo versu, *muri ruinam*.

Fossam introrsus ducunt. Fossae omnes vel transversa ducuntur, vel in orbem. Tu dicere voluisti *fossam interiorem* esse ductam. Nunc tandem comperio, verum esse quod de Historicis scribit Lucianus: *Non quid dicant, ipsi esse quaerendum, sed quomodo dicant.* Quod ille profert haece verbi: *ἂν τι ἀπὸ τοῦ ἱστορίων ἀντιῶν, αὐτὸ ἴπαις εἰπῶσι*

Ad templa supplicationes. Perbelle. Sed quam me titillant illa veterum pulvinaria!

Indulgentur. Malus auctor Latinitatis Gellius.

Et pretiosorem supellestem Comitis Bugnolis. Splendidissimum mendacium. Ex tota illa supellectili ne hilum quidem abductum est, praeter ephippia a Cardona sublata, reclamante Peterboruwio. Te interim monitum volo, veritatem esse Historiae oculum. Nam, ut ait Polybius in XII. *καθάρως ἡμῶντος εὐμαρτοῦ ἢ ἱστορίαν ἱκανοτέρως ἀγγεῖναι τὸ εἶναι, ἢ τοῦ ἐκ τοῦ εἰκαστοῦ εἰς ἀρετῆς τῶν ἀληθῶν τὸ καθ' ἡλικίαν αὐτοῦ ἀμφοτέρω γίγνεται διόχημα.*

Helcium. Utinam reliqua oppidorum prisca nomina tam essent nobis comperita, quam istius. Nihil in antiqua Hispaniae Geographia illustrius. Sunt apud me sex nummi in eo percussi. *Illicem* veteres dixerunt.

Haud procul Alonem. Si intervallum appinxis, facies quod e re tua est, & lectorem opportune instrues. Neque enim nescis quantae sint in Historia Geographiae partes, cum ad eam rite callendam, tum ad eventa memoria complectenda.

Enormis magnitudinis. Enorme vitium significat. Nimirum rem extra normam. Appellabo igitur *enorme*, quicquid modum sive mensuram, sibi vel ab arte, vel a natura constitutam, excedit, vel ab ea discedit. Ab arte, ut triangulum *ἀνισόπλευρον*, aedem perverse structam. A natura, ut hominem vigintipedalem, buxum in platani amplitudinem excrescentem. At naves rite fabrefactae, quaecumque tandem mole confiterint, nunquam enormes dici poterunt, cum nullam habeant ab arte praefinitam magnitudinem. Quamobrem, octo illae naves (tot enim fuerant) immensis, vel immensae magnitudinis, a me dicuntur: non autem enormis.

Tormenta perfracta disjiciunt. Non tormenta, sed compages sive repagula, quibus tormenta sustinebantur. Igitur scribito: *Tormenta, subiectis compagibus perfractis, disjiciunt.*

Naves adiungunt duas. A reliquis se junctas. Alteram nempe, Batavicam, ad Occidentem, ut Urbem eo vergentem quateret. Anglicam alteram ad ortum. Quae maximo fuit obfessis detrimento. Quippe cum arx declivitate sua in illam unice propenderet; nullus omnino locus supererat, quo se reciperent, praesentissimum exitum declinaturi. Adeo omnia destinativis hostium ictibus patebant. Quamobrem nihil tam eorum

fregit animos, fiduciamque dejecit, quam infestissima illa navis. Quae pilis ferreis adeo totum arcis solum contraxerat, ut non nisi caespitantes & lapsibundi gradum movere possent praefidiarii. Quod tamen illi non fuit impune. Quippe ejus latere duabus pilis subtus aquam trajecto, multum admisit pelagus. Cumque illam, ne mergeretur, subducerent, per patentem in puppe fenestram tertius globus inmissus, quicquid illi fuit obvium deterisit, stratis hostibus duodeviginti. Quamquam id etiam in majorem recidit obfessorum perniciem, cum pro una navi semiquassa duas integras sufficissent. Quam quidem narrationem ut Historiae tuae adglutines, ego tibi sum auctor. Est enim neque illepidia, neque inutilis.

Moenia tot locis patefacta. Immo excisa, diruta, disiecta. Murorum enim ruina aedificia urbana patefunt, non autem muri: qui semper in aperto & patentes.

Vacuasitum. Non est cur strigosa hujusmodi verba aucupemur, quando nobis sunt ad manum elegantissima illa apud Romanos historicos: *Opus dum defensoribus vacuum.* Nam absque necessitate *ἀεχαιεύς*, hoc vero est, sine pruritu cutem exasperare. Praeterquam quod apud idoneum auctorem id verbi minime reperies.

Ad XX. dies. Immo ad quintum & tricesimum diem. Oppugnari enim coepta est arx Alonensis Kalendis Sextilibus: ab oppugnatione vero cessatum IV. Idus Septembris, ipso meridie. Propterea quod Mahonius renunciaverat hostibus, cum illis opus sibi esse convento. Quo factum, ut illo ipso die, hora nona, in colloquium venirent. Quod ad noctem usque protraxerunt. Tandemque pridie Idus deditionem fecit.

Neapolitanae cohortis Praefectus. Ecquisnam? Nam ibi aedepol tris numero fuere cohortium Praefecti Neapolitani: nempe, Fernandus Caraciciolus, Placidus Denticius, Josephus Mariconda.

Literas, in quibus de prodenda arce agebat. Nugae. Nihil tale accidit, nec quicquam intervenit literarum. Sed cum in deditione paciscenda pro se quisque acrius contenderent, quidam Anglus ex ductorum ordine, Mahonio ad arcem insurrexit, frustra se de toleranda obsidione amplius cogitare, cum in ipsa arce versaretur Neapolitanus quidam Praefectus, qui de illa prodenda secum transgressisset. Quod mehercules callidi hominis potuit esse commentum ad hostem circumveniendum. Quod si literae, ut abs te traditum est, sceleris auctorem prodidissent, pessime illius capiti fuisset consultum: quando Mahonii in potestate erat, hominis irae immodici, ingenio faevi, ultionis avidi, & ad immania quaeque perpetranda facti. Porro illi ipsi tres Praefecti suas hodie cohortes ducunt, nec officio usquam defuere. Quod ad nostrum attinet, monitum te volo, non magis admittere Historiam quicquam falsi, quam asperam aeternam esculenti quicquam. Quod luculenter tradit Lucianus in eo opusculo, quod inscripsit: *Lycomodo conscribenda sit Historia*, hisce verbis: *ὁ δὲ*

αὐτὸν δὲ τὸν ἴδιον ἐκ τῆς ἀρχῆς, οὐδὲν ἀνεχόμενον ἀνέχοντο, ὡς μάλιστα, ὡς τὸν
 ὑπερβαίνον, λατρεῖν καὶ τοῖς φαντασμοῖς, τὸν ὑπερβαίνον ἀνέχοντο, ὡς τὸν καὶ ἀνέχοντο
 καὶ τὸν.

Mandatis. Immo monitis. Nam ab amicitia & bona fide, non ab imperio proficilcebantur.

Dolo malo corrumperant. avaritia. Duæ erant in arce cisternæ compluviae. In quarum alteram cum canis casu fuisset delapsus, in eaque periisset; aquæ vitium contraxerant. Nec tamen iccirco inutiles factæ: cum inde, præterquam ad potum, ad omnes humanos nihilominus usus aquam peterent. Altera levandæ sibi, carnibusque elixandis destinata fuerat. Prædiciarius (qui tum temporis non multi admodum erant, sed ad CCCXXV. omnino) ad mensē facile suffectura. Quare non eo ventum est unquam, ut aquæ penuria laborarent, sed ignis copia. Cujus immensa vi ad deditionem fuere compulsi. Nec aliter Mahonius caeterique, qui ei rei interfuerant. Quamobrem, mihi est quod Neapolitanis, nihil tale merentibus, hanc dicam impingas. Immo, si rem altius scire velis, in mandatis habebat Mahonius a Rege missis, uti illam traderet Arcem, nisi intra certum tempus copiae sibi subsidio adfuissent. Quod quidem tempus multo longius a Mahonio productum est, quam sibi a Rege fuerit constitutum.

Exspectare. Parum liberaliter mihi videris cum Atonensibus agere, qui in oppugnatione illa, post hominum memoriam nobilissima (utpote in qua Angli, centum & viginti quinque pilarum millia, globorum autem nitroto pulvere refertorum millia sex, in Urbem Arcemque fulminaverint) eorum neminem memoriae prodideris. Cum tamen non desuerint qui operam navaverint non intrentum in Urbe Arceque defendendis. Quod mihi periniquum prorsus videtur, perque inhumanum, & a diligenti historico penitus alienum. Igitur qui ex equestri ordine, post Urbem ab hostibus captam, in Arcem se contulerunt, eam ad extremum usque spiritum propugnaturi, quantum memoria recensere possum, hi fuere: Didacus Bosquius, Marchio; Urbi Praefectus, Gabriel Paravicinus Arcis Praefectus, Ignatius Paravicinus Secundarius Praefectus, Paullus Martinezius, Franciscus Scordia Cohortium Urbanarum Praefectus, Petrus Burgundus, Petrus Nogerolius, Eusebius Salafranca, Stephanus Rovira, Josephus Francus, Nicolaus Sarrio, Nicolaus Vergara, Ventura Fernandezius, Bartholomaeus Martinus. Reliquos (si qui sunt) diligentiae tuae erit inquirere.

Reliquum quod erat Bugnolii Comititis. Nec tramam putridam inde abstulit Piterboravius: Et tamen haec omnia ob oculos tuos gesta sunt.

Ab Neapolitanis proditus. Cave tibi, si sisipis. Namque

Qui sibi sapiens non est, nequicquam sapit.

Ad Archiducis partes transferant. Non omnes. Multi enim ex iis postea in praelio ad Almanfam strenuissimam operam navarunt.

Agror aqua impleverant. Non placet. Longe melius : *Superfuso flumine agros inundaverant.*

Scloppis in eos emissis, parvisque tormentis. Parum detrimenti acceperissent hostes, si a militibus stationariis scloppis tormentaue fuissent emissis. Non ipsa, sed glandes majoresque pilae emittuntur. Scribe (quod solens facis) *dispositis, seu laxatis.*

Compluti. Indulgeo, quia utitur Solinus in *de Gruibus.*

Seculares Sacerdotes. Si essent ludi, nihil morarer. Depromito aliquid ex tua penu, quando tam locuples est, quod magis arrideat. Nam id, per Deos, indignum est tam casta dictione.

Catholicis Exercitus. Invidiosum Carolo Austriaco, caeterisque foederatis Catholicis, epithetum. Heus tu, sede ad calculos, & tibi consules. Nemo enim scit, quid vesper serus vehat.

Domos exauriunt. Galli nempe. Nam Hispani, Imperatoris invidia, non nisi laboribus periculisque exhauriendis eximebantur.

Caedibus abstinent. Non tenes rem. Nam prima militum irruptione multi passim confecti sunt; profecto ad CLXXX. Quorum plerique infantes, qui recte factorum conscientia freti, nihil tale verentes, irruenti militi sese objectarant: quasi innocentiae titulum, ac Philippi nomen, in fronte gererent. Hos omnes absumsit Dea nigra. Caeteri, qui causae suae parum fidebant, partim fuga salutem quaesiverant, partim in diversas latebras sese abdiderant. Bona autem pars (ut in extremis malis fieri solet) ad templa confugerant.

Multa VI. M. aureorum indicitur. Immo XX. millium. Nullum profecto oppidum in tota Provincia calamitosius, nullum quod tot tantasque exantlaverit aerumnas. Quippe quod intra biennium CXXV. aureorum millium jacturam fecerit. Vah! tam immanem summam? Vero tibi dico. Crede mihi, Mignana, vel jurato. Sunt enim apud me instrumenta publica, quae id testatum faciunt. Sunt praeterea tabulae, in quas Illicitani id Philippo serunt expensum. Partim bona fide erogatum, partim a militibus per vim ereptum, multum denique belli furore absumtum. Nimirum in castris hibernis, pecuniis ultro oblatis, nunciis ultro citroque missis, sapone in usum exercitus, oleo, frumento, vino, hordeo, paleis, ficubus aridis, pecore lanari, fuillo, & caprino: sexcentis mularum jugis a militibus in oppidi direptione abactis: minoribus jumentis mille itidem & ducentis, equis sarcinariis sane quam multis. Porro veste, gemmis, auro, argento factio signatoque, supellectili. Damno itidem a militibus dato, agrorum vastatione, aedificiorum ruinis incendiisque, segetibus pabulationi detonsis, demum per sex & quadraginta dies intercepta agrorum irrigatione. Adde, miseria, inopia, morborum vi, ferro, fameque,

ac tandem animorum aegritudine, oppidum, caeteroque frequentissimum, ad solitudinem pene reductum: cum ex mille & quingentis familiis, quibus illud constabat, vix sexcentae supersint. Quo factum, ut ager ille suoapte ingenio feracissimus, cultorum defectu sylvescat.

Capitulum Valentinum. Capitale id est Romano sermone initiatis. Placene: *Canonicorum Collegium*, vel *Coetum*? Tu videris.

Ejus pueritiae educatori. Longae ambages & ferreae. Latissime: *Ejus nutritio*. Usus est hoc vocabulo Caesar tuus, tertio *Belli Civ.* Vel, si Ciceronem praefers, *ejus alumno*.

Disposicione. Praetulerim hoc loco, *fragore*.

In speciem spectatissimi triumphi. Vox *spectatissimum* semper refertur ad mores, quoniam eos, quos in admiratione habemus, oculis prosequimur. Itaque susceptum i: *splendidissimi triumphi*. Qua voce utuntur fere Scriptores aurei ad declarandum instructissimi triumphi apparatus & pompam.

Ad majoris templi. Melius longe: *Ad templi maximi*.

Procedendae pompae. Apud idoneos Scriptores semper *ducere pompam*: ut *ducere funus*. Itaque dic: *ducendae pompae*.

Osculanam manum obtulit. Num praestaret scribere: *manum osculo porrexisset*? Sequentia praetermitterem, quod redundant. Ignosce *Aegypti* & diligentiae meae.

Ad lacum amoenum. Tu Plinio melius, qui pro *stagno*, lacum reposuisti. Sed, heus tu, si hunc lacum accuratius descriperis, & patriam hoc beneficium obstringes, & salva Historiae dignitate id feceris. Per Deos, in hanc rem incumbere.

Senatu Togatorum. Pessime. *XIV. virorum Collegio*.

Pecuniae sequestratae. Non habes quem sequaris. Elegantius & nitidius: *pecuniae apud sequestros depositae*.

Donativum indicitur. *Donativum* erat proprie, quod a Principe vel Imperatore militibus donabatur: ut *Congiarium* quod Populo. Utrumque gratuitum. His contra, & Princeps a Populo exigit, & invito. Quocirca ab ea voce manus abstinere, & scribere, si placet, *pecunia pro cuiusque facultatibus indicitur*. Vel quid simile.

Ex malecontentis. Abjice hoc monstrum. Praesto est: *qui odio regiarum partium*.

Principe malo. Nescio qui fiat, quo minus hac voce delecter. Equidem scriberem: *decumano malo*.

Vehementer delectatus sum navali hac excursionem. Quae excursiones in Historia interdum necessariae, cum ornatus causa, tum ut lectorem, caedum armorumque taedio confectum, exhilarent.

Rebus nihili. Tunc res istas nihili vocas? imo maximi momenti, in civili hac discordia. Immortali me gaudio beas dum haec haurio. Maeste animo, Mignana mi, perge hoc iter quod instituisti.

Initio hujus septimi anni. O bene! quod aliquando temporum rationem inivisti! Hoc nempe est, quod a te saepius desideravi. Exactam, scilicet temporum notationem. Qua sine, nihil aliud sunt rerum gestarum narrationes, praeter involucra quaedam, & indigesta congeries. Duplici base nituntur memoriae simulacra, tempore & loco. Quamobrem, ut Chronologia & Topographia in primis elucescant, magno est opere allaborandum historico. Exemplo praevire tibi Graji, qui nihil literis consignaverunt absque certa notatione Olympiadis Iphiteae, & Atheniensis Magistratus. Quae quidem Olympias habita iccirco est veluti quaedam custos temporum, vindexque veritatis historicae. Exemplo item Romani Scriptores, qui ubique, tam Actis urbanis, quam rebus gestis, Consules suos appingunt. Quo fit, ut mirari subeat, tuam, in re tanta, incuriam ac negligentiam. Ex cujus narratione, rerum eventa gestorumque seriem perbelle discimus; tempus autem quo ea gesta fuerint, eruere minime possumus. Quo vitio tota pene Historiae structura parum constat, atque labascit.

Faciendis Christianae pietatis ritibus. Nec satis dicunt, nec bene! Scribe, si me audis, *justis Christiano ritu solvendis, ciendisque.* Estne? Orichalco contra non cara est mea industria. Nescio quocum homine tibi res sit. Nec Barclajus ipse Latine magis loquutus est.

Naves pontibus sustinendis. Nimis ampla appellatione. Naves sunt quae navigationi destinantur. Has autem inertes, appellabo *Scaphas*. Pene dixi, *pontones*.

Statumina plena. Non capio. Aliquot in hac Urbe vidimus, Lusitanis in hoc bello captas, ejusmodi laminis forinfecus impactis operatas.

Planicies erat. Quod saluti fuit militi regio.

Num quicquam te negligentius, qui situm ingeniumque loci, in quo nobilissima pugna pugnata est, tam impudenter praeteriisti? Audi Polybium in V. *ἡ περιχωρητικὴ καὶ τὴν ἐπὶ τῶν ἐπὶ τῶν περὶ τὴν ἑσπέρην, ἡμεῖς δὲ ἐν ταῖς πελοποννησιαῖς.*

Utriusque exercitus, alae pertinebant. *Aciei* melius. erant enim in pro-
cinctu.

Transverso gladii ictu. Venustissime dictum. Sed postquam libet delicias facere, visum mihi est etiam in hac re ludier. Dixissem ego: *gladio caefim impacto, ejus dextram demersit.* Satisne tibi videor disertus?

Sinistro trunca. Nisi addideris *brachio*, nihil dicis.

Auro pilleo. Melius, *auro intertexto.*

Sunt iudicia virtutis vulnera. Dummodo ne sint aversa. Itaque adderem: *adversa.*

Reliqui ductores Neapolitani. Non ductores solummodo, verum etiam milites gregarii. Unus invulneratus remansit Cantelmius.

Quan-

Quandoquidem autem ut sua cuique laus deferatur, jus & aequum postulant, mirari satis non possum negligentiam tuam, animumque (pene dixero) a gente nostra aversum. Quippe cum illo die Hispani ea ediderint vitae fortitudinis documenta, eaque patnaverint facinora, quae vel hostes ipsos in admirationem induxerint; tu tamen ea, cui istud negotii referebat maxime, perinde silentio obvolvis, ac si ignaviae labe gentis nomen polluerint, vel turpi aliqua ignominia sese impiaverint. Contra Gallos, quibus nihil fuit in eo praelio ignavius, coelo effers. Per eos stetit, actum profecto esset de Philippi Regno. Ita illi gregatim, more pecorum, trepidantes ac pene exanimati, relictis ordinibus Almanfam confugerant. Quod quidem Oppidum terrore compleverant, dum muliebriter ejulantes, ac rimabundi, latebras quaerunt, abjectis extra murum scloppis, ut expeditius per maceras creperent. Quorum sclopporum, ad mille numeros ab oppidanis fuere collecti, cum uno vel altero vexillo. Nec animi consternatio fuit impedimento, quo minus aliqui ad diripiendum templum se converterent, quo specie quaerendae salutis confugerant. Ea est gentis praedandi libido, & sacrorum contemptus. Di bene faciant Donhae, qui in hac Urbe, non solum publice Gallorum ignominiam testatus est; sed in frequentissimo convivio, quo a Galliae Legato opipare fuerat exceptus, palam illi suae gentis exprimebat ignaviam. Suffuso ad haec rubore Gallo. Nec sua litide fraudandi sunt Praetoriani Batavi, Neapolitanique. Quorum omnium strenue navata opera, virtutisque experimento, illa profecto Philippo parva fuit victoria. Vale. Dat. Mantuae novae in Carpetanis VII. Kal. Novembris MDCCVII.

LIV. EMMANUEL JOSEPH MIGNANA

Coenobiarcha Valentinus

EMMANUELI MARTINO

Alonenfi Decano.

S. P. D.

Mantuum Carpetanorum.

Non satis pot mihi videris nares emunxisse; etsi te ut purges diligenter, nihil non rerum satagis. Caperat tibi frons jam in primo verbo? Quid si dixissem, cerebrum emunxisse te? Abuti te indulgentia mea. Atqui per te licet. Sed ut ad rem, primum omnium hoc te mihi credere vehementer velim, non me scilicet nescire quae de peregrinis vocabu-

lis.

lis ais, quibus olim Roma usa est, cum apud Quintilianum id ipsum saepe legerim. Et etiam illud me legisse memini apud Vallam quae in tuis inonitis initio appinxisti. quod superioribus meis dicere oblitus sum. Equidem venit in mentem nunquam, fore ut ea ad me scriberes. Si venisset, ut mea est in te voluntas, ut tibi parceres, hortatus essem quam familiariter.

Flagitium me secisse innuere videris in verbo *Comes*. non est. Sub centone, fateor, me saepe facere. cuius rei causa praesumitur honorem. *Comites Palatinos* ab heri & nudius tertius fuisse scio, quos minime aspernantur jurisconsultorum libri. Nec is ego sum qui verear praeficos Romanos ab Orco emerfuros ut nostram Historiam censoria severitate in ordinem redigant. Videris mihi profecto nullam horum temporum habere rationem. Atqui habuit Carolus Sigonius, qui eo vocabulo & aliis ejusdem fursuris utitur. Quia & *Consules Bononienses* saepe dicit, & *Consules Mediolanenses*. Et mihi non erit impune dicere *Consules Valentinos*? Sed frustra ego ad te haec, cui Sigonius non pluris est quam fungus putidus.

Ecquid illud de evocatis? & alia quae ego superioribus meis? Dixisses saltem illud tritum: *caetera belle*. Quod in tuis est in extremo, perbelle mihi videor callere. Quod ut intelligas, uno verbo: *Oculissimam quam tu babes Historiam, habeo occlusissimam*. Tetigin?

De Epistola tua ut aliquid dicam, ea est, ut ad illam componendam Musae convenisse videantur. Nihil dici pote venustius, nihil elegantius. Sed ne culpa ingenii. nosti caetera. Quod ad aerumnosissimam Ursulam tuam scribis, mihi curae erit. Vale multum, meque dilige. Val. Edet. III. Kal. Novemb. An. MDCCVII.

LV. EMMANUEL MIGNANA EMMANUELI MARTINO

S. P. D.

Mantuum Carpetarum.

ET si saepe a te laceffit, literas adhuc dederam nullas, quibus satisfacere amori erga me tuo; tamen humanitate tua ad id officii adactus, posthabitis rebus omnibus, nunc demum facio. Nec tibi persuadeas, mi Martine, id a me usque adeo praetermissum vel negligentia tui, vel scribendi taedio, cum & meum in te animum bene noveris, & ad hujusmodi literarum commercia quam sim devexus. Sed tot curis distineor in hac conversione ac perturbatione rerum tum publicarum, tum domesticarum,

rum, ut vix ad amoena Musarum diverticula animum sevocare queam. Iccirco non tam mihi ignoscendum, quam meam vicem dolendam puto. Diu enim est quum nihil lego, nihil scribo. quo mihi acerbius cadere nihil potest. Quae non adhibui remedia ut animo mederer meo? Frustra omnia, adeo ut quam aram teneam plane non videam. Nam uti quicquam meditari occipio, tanquam e medio cursu revocatus, modo librum, modo calamum abicere compellor. Saepius neutrum quidem arripere licet. At nunc, cum calamum semel in manum, adnitur hercle, nec incepto desistam, donicum me tibi sistam memorem gratumque tuorum in me beneficiorum. Et quidem ut talem me praebeam, bene est ut habeam in confesso, nostrae fieri Historiae tuis optinis monitis immanes & doctrinae & elegantiae accessiones. quorum beneficio iam illi extremam imponere manum serio possum, totamque rerum gestarum seriem diligentiore indagine pervestigare. Quod sane haud mihi esset proclive, nisi tua lima uti licuisset. Sed sunt nonnulla (quod cum tua bona venia sit dictum) in quibus impensissime religiosus nodum profecto mihi videris in scirpo quaerere. Itaque eorum me suscipere patrocinium boni abs te consultum iri velim.

Desiderare te, ais, in operis exordio ambitiosiorum consiliorum inter Principes initorum, & belli pariter caussarum expositionem. Faciat id qui totum opus moverit. Ego vero haec levi manu tangenda mihi proposui, utpote quae non totam belli molem, sed partem & quidem exiguam sustinerent, ut verbo tuo utar, ne viderer plane, ut ego aliquando ad te, ex mimo tragoediam facere; atque excidisse animo Horatiana praecepta. Nec primum librum est quod dicas jejuniorem huiusmodi rerum quam alterum, quandoquidem in illo initium motus describitur, qui ab iis tota Provincia exortus est triconibus, quorum consilium rapinae tantum & caedes. quae quidem satis a me pro dignitate sunt commendata. Non tamen nego fore e re nostra huiusmodi Principum consiliorum aliquo lumine exordium aspergere. Quod hercle faciam tum ob alia, tum etiam ut videas quid momenti habeant apud me monita tua. Quod autem in patriae peccato, seu fato potius mones acerbioribus verbis abstinendum, recte quidem mones. censeo id quoque patriae charitati condonandum. Sed aliter me docent Sallustius & Livius, qui in detegendis populi Romani facinoribus adeo sunt libere loquuti. Sed de hiis ad thesin haecenus. In hypothefi vero quae sunt obviam sunt quaedam quae non tam scriptori vitio, quam temporis sunt vertenda. Talium enim verborum prodigia haud vitare potuerunt vel clarissimi ante me scriptores, quorum usu satis mollita, minus jam doctorum aures offendunt. Ne tu quidem qui adeo es delicatus barbara ac stridentia verba dedignatus es. Sic enim aliquando ad me scribens: *Bovilius Scaliger Marchionis titulo auctus est.* Et: *Mondexensis Marchio.* Et: *Excellentissimus Bugnolii Comes.* Viden' quam tua verba facitis non congruant?

Tom. I.

P

Quod

Quod autem a me requiris eorum qui in fide permanferunt catalogum, permoleſtam, imo odioſam rem facere jubes, quando Hiſtoriam ego gentis, non ſingulorum encomia ſcribenda ſuſcepi. Unde ſatis eſſe indicare exiſtimavi bonam civium partem & quidem fortiffimorum fidem non mutafſe, eaque de cauſa tot aerumnas exantlaſſe, primoribus nominatis. quod Livius poſt Cannenſem pugnam ſaeppiſſime facit.

Nefcire te fateris quid ſint *projecturae*, verbum non ita obvium in hoc ſenſu. Nefciebam & ego. Sed eſt quod Jovio habeam gratiam, qui id me docuit. Ea enim voce *baluantes* indigitat. Et quidem recte ſi rem attente perſpicias. Nam recentiorum mos eſt res novas verbis veterum, ducta ſimilitudine, appellare. ut dicitur *aqua luſtralis*, &c. Placetne vocari *caſtella*? indica. ab utriusque partibus ſtabo. Illud etiam: *emittere ſcloppos* ab eodem accipi. quod quidem mihi rei naturam riuanti haud abſurde dictum videtur. Tudes enim ſive malleus in quo haeret pyrites lapis, laxatis retinaculis quibus ſuſtinetur, igni concipiendi emittitur. Ergo ſi *laxare ſclopum* hac eadem de cauſa recte dicimus, cur non *emittere* erit dicendum?

Sed miſſa haec facio ut veniam ad illud: *Morbo naturae debitum reddere*, quod nimis *caſtoreum* a me ſcriptum autumas. & quidem autumas, quia oblitus es fortafſe ita ſcripſiſſe in *Regibus* Nepotem illum delicias tuas. quod ſane miror. Illud porro: *naves* pontibus ſiſtendis a me dictum non probas. ne proba etiam in 1. de Bello Civili id ſcripſiſſe auctorem illum, ibique earundem *navium* ſtatamina commemorafſe.

Denique cum ſcripſiſſem: *transverſo gladii iſtu*, laudatam a te dictionem, tanquam dubium numum aut ſubaeratum, das immutatam. Dicere volui: *de un revets*. quod illa tua *caſtegia* nequaquam exprimit. Ergo ſi per te licet, integrum hunc locum relinquam.

Quod ad Hiſtoriae veritatem facit, illud de Ponſio, quod dicis, Caſtellae ſcilicet fines non attigifſe, verum non eſt. Ad Regem ipſum cum omnibus ſuis, unaque Joanne Bergada Valentino, viro clariffimo in caſtra venit: qui Bergada, quae de Ponſio ſcripſi, ſaepe mihi narravit. Illud dicere voluiſti, non multis poſt diebus quam in caſtra venerat, ad Aragoniae fines inſeſtandos cum non magna militum manu fuiſſe remiſſum. Sed haec nihil ad rem noſtram. Quae autem apud Alonem geſta ſunt accipi dudum ſcripto; ſed nonnihil diligentiae in ea re deſidero. Nefcio enim ſub adventum Avilae unde in illud oppidum Galli CC. qui tumultum plebeculae armati compeſcere. Num eo praefidii cauſa miſſi? amabo ſciam. Poſtremo in quibusdam monitis ſeu potius caſtigationibus adhuc delibero, ut in *evocatis*. Nam eos eſſe exiſtimo, qui poſt militiae vacationem, diſſicillimis temporibus, nominatim ad belli munia ruſus vocabantur. Noſtratum vero longe alia eſt ratio. De his tamen alias. Reliqua monita elegantiarum ſunt plena, & te ſane digna, quibus ego meam Hiſtoriam

storiā tanquam intermicantibus gemmis exornandā curabo. Addam accuratiorē temporū rationē, ac Topographicā descriptionē: & ut verbo absolvam, faciam ut toto opere appareat diligētia tua. Quā de causā peto a te, ut si quae in nostrā expostulatione minus arriſerint, me facias certiorē: nec patiaris *φιλαυτία* transversum agi. Tu interim oblecta te quantum pote, & vale. Valentiae Edetanorum. Iſis Non. Decemb. An. MDCCVII.



LVI. EMMANUEL MARTINUS

Alonenſis Decanus,

EMMANUELI JOSEPHO MIGNANAE,

Coenobiarchae digniſſimo, & Rhetorices Profeſſori Linguae Graecae.

Valentiam Edetanorum.

QUO minus ad te reſcripſerim per proximos tabellarios, capitis gravēdine factum eſt, quā ita per hos dies obtorpueram, ut vel ipſum literarum nomen perhorreſcerem. Acceſſerant febriculae quaedam tentationes,

— *mucusque, & mala pituita naſi.*

tam immani tetroque effluvio, ut viderer mihi aliquando, abiſſe me proſecto in Heſiodeam illam *Ἀχλὺς*,

Ἦς ἐν μύθῳ ἵπῶν μύθῳ ἵπῶν.

Hac igitur valetudine impediti, pedem domo adhuc egreſſi non ſumus. Nec aliquid cepimus literarum oblectamenti, praeter tuarum: quibus delectatus ſum ita, ut quum maxime. Id unum me moleſtia nonnihil aſperſit: quod & timide cauſae tuae patrocinium ſuſcipis, & veniam praefaris; quaſi adverſus hominem pervicacem, vel contentioſum, vel baſilice obſtinatum. Ain' tandem? Litigare tecum, ſi fas eſſet. Apage te homo inepete. Non ſolum tibi per me licet cauſam tuam defendere, ac perorare; verum etiam, ſi libet, conviciorum plauſtra in me jacere. Quod quidem, pro noſtra inter nos familiaritate, non ſolum crimine vacare cenſeo; ſed etiam honeſtum eſſe. Quā ego libertate (ut tibi exemplo praeſeam) utar. proſecto in me purgando. Primum objicis, me in epistoſis uſurpaſſe *Marchionis* & *Comitis* vocabula. Quod verum eſt. Nec de *Marchionis* voce a me unquam expoſtulus eſt. Cui ſine ſaltidio acquieſco, quoniam ea

Latini sermonis proles non est; sed a recentioribus novae rei significandae excogitata. Quae quidem peregrina vocabula nec ipsa olim Roma aspernata est, sed ab exteris mutuata, in patrium sermonem adscivit. A Galhis nempe, *rhedam*, & *petoritum*, & *braccas*: a Poenis *mappam*: a Germanis *frameam*: a nostratibus *lanceam*, *gurdos*. Ab aliis alia. Porro, cur ego, inepte delicatulus, fastidium *Marchionis* vocabulum, quando Cicero suos *Barones* toties inculcat? De *Comitis* titulo non eadem ratio. Nam cum vox sit Latina, a nativa significatione detorqueri in aliam non potest sine maximo flagitio. At perpetratum a me aliquando id sceleris. Fateor me ita semel loquutum; sed in epistola, cui fas est interdum hallucinari, ex Tullii sententia. Quod quam sit alienum ab Historiae dignitate, nemo non videt. Praefertim tuae, in quam omnes confluxere munditiae.

Profectura nihil aliud significat Latinis, quam prominentiam testorum, sive supercilium, arcendis stillicidiis projectum. Unde Cicero in *Topicis*, *testum projicere* dixit, quod Graeci *δογματίζω*. *Protestum* dicit Scaevola. Proprie *suggrundae*. Sed hoc quid ad rem tuam? Imbricum *suggrundationes* superne projiciuntur. Unde Graeci suum *γῆρας* ad eas tantum res transferunt, quae *suggrundarum* in modum propendent. Sic in *galea* vocant *γῆρας* id quod in summitate ejus prominet. & *γῆρας ἰσχυρὸν*, illum quasi projectum frontis, cui oculi subsunt. Murorum autem propugnacula, sive quo alio nomine appelles eas *πεσκέλαι*, quae vulgo dicuntur *baluartes*, e solidissimo solo erumpunt. Quare non recte dixeris ea projici, sed prominere. Ut in ora maritima promontoria. Xenophon in tertio *Σομπρομνηστικῶν*, innotes ante Atticam sitos, vocat *γῆρας πεσκέλαι*. Quod verbum id ipsum notat quod tu ex me quaeris. Sed Latine reddi non potest. Si ea propugnacula multa fuerint, ut Urbem in ambitu cingant; appellabo ea *πεσκέλαι*. Quo nomine vocat Lucianus in *De Gymnasis*, quae Athenarum murum complectebantur. *αἱ ἰκταδὲν πεσκέλαι*. Jovii auctoritas in Romana lingua non mihi pluris est quam fungus putidus. Qui *emittere scellopos*, pro *taxare*, seu *displodere*, rectum esse dixerit, stupidiore est lapide molari.

Verba illa: *morbo naturae debitum reddere*, si ego reprehendissem ut parum Latina dignus profecto essem, cui latera baturerentur sculponeis probe. Id tantum scripsi esse nimirum *αἰσθητικῶν*. At usus est nitidissimus ille Nepos. Nec id quidem me fugit. Sed non nescis, eum scriptorem omnia e Graeco reddidisse, ex Xenophonte praefertim ac Thucydide. Quorum dictioni, imitandi quadam dulcedine, perstudiose adhaerescit. Quare persuasum mihi est, Nepotem, per Graecae orationis ambitum Latina verba circumduxisse. Quod illi solenne. Quae tamen verba si loco non moveris, non allatrabo. Aliud est castigare, aliud monere. Quum *naves* tuas suppon-tanas damnavi, Caesarem prae oculis habebam expansum, & in locum a te objectum obtutum defixeram. Sed quid inde tibi praesidium? Nempe dixi.

ego.

ego: *Naves sunt quae navigationi destinantur.* Cujusmodi fuere illae Caesaris ad Ilerdam. Quippe ait ille: *militēque his navibus flumen transportat.* Contra tuae, inertes omnino, tantumque in eum usum fabrefactae, ut pontibus substernerentur. Porro, quid Caesar per *statumina* intelligat, scio: nempe ligna transversaria in ventre navis, quae Theophrastus in quarto *Hist. Plantarum*, cap. 3. vocat *ὑποπλάνα*; Plinius autem Lib. 13. cap. 9. vertit, *navium costas*. Tu autem quid *statumina* intelligas, fateor me nescire. Ut vel inde agnoscas ingenuitatem nostram, & mite ingenium.

Verba illa tua: *transverso gladii ictu*, jam olim a me laudata. Quamobrem, non fuit animus illa evertere; sed per lusum experiri, ut ait ille,

In utramque partem ingenium quid possit meum.

Eo scripseram: *gladio caesim impaſſo.* Existimabam nempe, te illud esse-re voluisse, quod vulgo dicimus: *de una curbilla.* Cui rei exprimendae nihil habet Latina lingua elegantius, ut docemur a Livio Lib. 22. Ubi de Hispanorum gladiis: *Hispano punctum magis quam caesim affucto petere hostem, brevitate habiles, & cum mucronibus.* Quae desumpta sunt ex Lib. 3. Polybii. Atque id est quod vocant Graeci, *ἐν παραφρεσὶ* & *ἐν Ἀσπίδι*. Caeterum haec ad luxum potius quam ad castigationem. Quare integra tibi res esto.

Galli, qui sub adventum Avilae propugnationem susceperant, ex Gallicis navibus, quae tum forte eum portum tenebant, expositi in terram fuerant; ut laborantibus praesidiariis ferrent suppetias. Quae res, oppido seditionis morbo pene confecto, salutem attulit. Perfolvi tuae epistolae. Quod ad animum attinet nostrum, illud cave dubites, quoniam ego existimationi tuae, famae, ornamentis, diligentissime serviam. Quare tu, si me audies, quem soles. Verum ad alia. Ursulae nostrae gravissimum infortunium moereo, quae viro superſtite & lateri adhaerente, acerbissimum viduitatem experta est. novo infelicitatis genere. Qua ego miseria perinde afficior, ut generis propinquitas, ut illibata fides, ut amor in me sui postulant. Utinam aliquando mihi liceat ejus uti societate & confortione! Utinam etiam te amplecti, merum mel, & delicias meas! Interim tu nos fac ames. Et vale. Data ante diem IX. Kal. Decembris, An. MDCCVII. In Urbe regia Carpetanorum.

LVII. EMMANUEL JOSEPH MIGNANA

Cornobiarcha Valentinus

EMMANUELI MARTINO

*Aloumfi Decano dignissimo ὁ Ἀλφεινός.**Mantuum Carpetanorum.*

SI vales gaudeo. Equidem usque valueris perinde incertus sum, ac si dedisses ad me nullas. Meliuscule te habere scripsisti superioribus tuis: in his ultimis, ne γὰρ quidem. Quam facias amori nostro injuriam, vide. Igitur de hac re si te purgatum ad me velis, quando te vis morbi remisit, est ut mihi facias medicinam aegritudine permolesta oblesso. Causam abfiste quaerere, cum scias invito mihi ac diu reluctanti *ἡγομένη* tandem esse delatam, qui & honores semper fugerim, & otium meum plus satis amaverim. Nunc vero qui possum, quaeso, in eo versari tot domesticis tricis praepeditus? Itaque in crucem tolli visus sum. Recurro tamen interdum ad studia literarum, ut ex hac animi aversione eum fructum capiam, qui mentis vires saltem reficiat tot curarum fluctibus sustinendis. Dum autem sum in Bibliotheca, & multa mecum ipse volvo, Collectionis Epigrammatum Graecorum subiit cogitatio; quoniam in nonnulla Stratonis, Melesagri, aliorumque incidi, quae inter ea quae circumferuntur relata non sunt. Iccirco averem scire, qui fuerint Auctores qui in illis colligendis illustrandisque operam praestitarunt suam: & qui sit, ut multa, & quidem elegantissima in *Ἀνθολογία* illa desiderentur. Nam indigentiae auctores illos postulare non ausim. At quoniam illud de Epigrammatis quae apud me sunt te pupugit fortasse, quaeres, undenam ea habuerim Fatear verum. Cum essem apud te aliquando, in Bibliothecam me penetravi mero meridie, quo tempore concesseras cubitum, ibique codices nonnullos cum versarem, in quodam multa veterum Graecorum Epigrammata inveni. Transcripta furtive non multa. Tum quaedam tua fuerunt mihi obvia, quae Latina reddidi. Servat etiamnum memoria illud:

Ἐγγι πᾶσι ὄντιν. — — —

Habes rem omnem. Fac igitur, amabo te, ut ejusmodi lucubratiuncula animum aegrescentem reficias. Id unum est quod me maxime potest recreare. Et quidem quae tua est humanitas, spero abs te id factum iri quam liberaliter.

Vale,

Vale, Vir humanissime, meque tui amantem redama. Valentiae Edictorum, Id. Decembris, An. MDCCVII.



LVIII. MARTINUS MIGNANAE

Oculo suo aureo S.

Valentiam.

PEto a te, ne ita de me existimes. Longe alia mihi mens est, ac Ciceroniano illi, cujus insaniam reprehendit Gravin, damnavi ego Quamobrem ea te cura liberatum volo. Equidem semper ita me gessi, ut nec ullius offensionem incurrerem, nec deessem officio boni viri. Tot afflictorum tantum ejulatus lacrymis & misericordia prosequutus sum. Deformes species, obscoenaeque saevitiae foeda simulacra exhorui. Atqui, dices. Nec expavisse tutum est, nec infantium miseriis illacrymasse. At, si minus tutum, est profecto humanum. Qua affectione, qui animum comatur exuere, nae ille humanae societatis vinculum disrumpat, necesse est. Scio equidem & civitatibus & regnis sua esse fata, sicut hominibus singulis. Sed illud quoque didici: Patriae conflagrantis ruinam prudentibus viris pulcherrimum regi ornamentum esse. Quod olim Hasdrubal ad Gulumam. Audi, si vacat, Polybium ipsum: καλὸν δὲ ἐντάφιον εἶναι τοῖς εὐθρανοῦσι τῶν πατρίδων, ἢ τὸ ταύτης πύρ. Sed quo ego mari tam procelloso? De Ursula nostra video tibi curae esse. De ejus morbo nihil adhuc acceperam. Nunciat esse sibi meliuscule. Fer opem, Telephore, serva illam obsacro. Agularium versari in hac Urbe, solo patrio & congressu vestro extorrem, novi permulto ante. Hominem tamen convenire, leviter tantum mihi notum, visum mihi est putidiusculum. Etsi non me latet, eum de me honorificentissime & loqui & sentire. Postquam autem id tibi gratum fore significasti, congrediar illum, eique omnia pollicebor. Quid ais? Pulchello illi comptuloque delata est quaestura metretaria? Vae miseris oenopolis, si graviter oleant! Secundum te, nihil est mihi amicus Coracciano. Itaque saluta illum meo nomine, & impingito oculos. Apud Borrullium male est. Decumbit enim ille *καρτερικὸς καὶ ταπεινός*. Ego valeo, & te unice diligo. Fac tu contra. Mantuae novae in Carpetanis, XV. Kal. Sext. An. MDCCVIII.

De Sepulchro Saguntino velim ad me quam accuratissime. Inquirenda porro Numismata uti serio incumbas, te iterum atque iterum rogo.

XX

LIX. MARTINUS MIGNANAE.

bene rem gerere.

Valentiam.

Borrullius pater migravit. Quonam? inquires.

— Illuc, unde negant redire quemquam.

Vel, si te Graeca magis delectant,

— πάλιν ἔγωγε τὴν ἐκείνου ἡλίκην ἐδίδραμι.

Equidem illum aegrotantem omnibus amicitiae officiis profectus sum, atque feci antea. Nec homini ulla in re defui, & amico & probo, donec defuit hominis officia fungi. Quod eo honestius duco, quo ille famæ & existimationi nostrae minus pepercit. Sed non est nostri moris, convitium retundere. Itaque, si quis unquam casus acerbam mihi plagam infixit; is profecto est. Nec facere possum quin discrucier animi, quoties subit quanta hanc domum impendeat calamitas. Occurrit enim honestissimae foeminae, virique amantissimae orbitas, septem liberi spe fortunae splendidioris dejecti, in iisque virgines tres maturae nubendo, res familiaris iniquitate temporum attrita, & recens migratio. Illum vero prae nobis beatum! qui a terrimi foedissimique huius temporis aerumnis subtraxit. Etenim is ego sum, qui mortem, quam miserrimam hanc vitam quam vivimus, amplectendam putem. Quid enim hoc eodem spiritu luctuosius! Sed de his fati superque. Quum has literas accipies, puto te jam fore Valentiae, a Sagunto reversum. Addo, cum lapidis Hebraici καὶ ἑλληνιστῶν, & veteri aliquo nummo. Haec enim cura praecipue metangit. Ut ex iis literis cognosces, quibus ad te misi, cum eo esses profecturus. Habeto Urfulam a me commendatam. Tu autem, mi vulpio, hoc stude unum, ut tibi quam diligentissime servias, & me redames. Vale. Mantuae in Carpetanis, XI. Kal. Septembris, An. MDCCVIII.

LX.

LX. EMMANUEL MARTINUS

EMMANUELI JOSEPHO MIGNANAE

*rem feliciter gerere.**Valentiam.*

Ubinam sunt opes tuae, ubi regnum? homo laute: cui vel salutem appingere grave est, nedum longiorem epistolam exarare. Certe, postquam tibi vilis es *μωσαρχήσαι*, sordemus tibi omnes; perinde ac si nihil amplius simus quam umbrae, atque *εἰς τὴν νεκρῶν φαντάσματ'.* Nam quid istud est, sive fastus, sive perfidia? Quantum mihi est allaborandum, ut tibi, homini fastidioso, paucas literulas exprimam! Quod si quando id facis, tribus modo verbis rem conficis, quasi illa sufficiant ad nos beandos. At, negotiorum mole pressus, otii difficultate laboras. Te miserum! si quidem id verum est, eo te indigere, quod vocabat Sophronisci filius *καὶ ἵστω ἀλματῶν.* Agedum, subducamus rationes. Quenam sunt isthaec negotia? Nempse itare Saguntum, reditare. Cum veneris, denuo iturire. Ad haec, tabefacit te ingluvies Monachorum. Atqui aliena fame perire miserrimum est. Quid credunt isti moriones? imposuisse tibi clitellas? Haud tanti est paucis pecudibus imperitare, ut tam grave saxum tamdiu volvas. Tunc totus in frumento emundo, fundis locandis, exigenda pecunia, ornanda culina, augenda re penuria? Quid cothurno cum clava? Id tamen vocant augere hominis dignitatem. Quod profecto mihi videtur

Perinde ac si agrum sterilem sodiendum loces.

Haec sunt, nisi me fallit, quae te invitum a veteri literarum consuetudine retrahunt. Sed frustra. Nusquam enim te quietum esse sinam. Vel ob id ipsum quod moeres. Quandoquidem

Ψυχῆς νεοεισέτις ἰσὺς ταχέως ὁ λόγος.

Qua etiam in re valetudini meae consulam, qua multos jam dies minus prospera utor, effusa per totum corpus *χολῆ ἀνεγείν.* Ex quo vehementes cruciatus, stomachi anxiae aestuationes, crebrae vomitiones, ciborum fastidium, contumaces vigiliae, virium labefactatio, denique omnium rerum fatale quoddam taedium. Quamobrem gravioribus studiis nuncium remissi. Desultoria utor Minerva, eaque remissiore ac delicatula. Nam interdum animi causa etiam ad muscas transfigendas stylum converto. Nihil est hac tempestate me inertius, te uno excepto: qui in arte desidendi omnium es longe primus: etiam apud me, qui te amo ex animo. Nisi gravis

Tom. I.

Q

etiam

etiam hac amoris nostri significatione. Vale mi terrigena. Mantuae Carpetanorum, Nonis Junis, An. MDCCIX. De numismatis tibi aureum vello.

Antonius Zedillus abiit ad plures. Credo, angustia rei familiaris, qua maxime premebatur. Subirano, Arnasio, salutem a me dico. Et quidem de meliore nota. Iterum vale.



LXI. EMMANUEL JOSEPH MIGNANA
EMMANUELI MARTINO

bene degere.

Mantuum Carpetanorum.

Quasi amoris in te nostri remissionem scribendi cessationem putares, ita me accusas vel indigentiae, vel desidia. Sed quoniam novi te, & quam libenter mihi facias ludos, me purgo ad te minus, ne majorem cachinnandi praebere tibi videar occasionem. Scis enim tu probe, in crucem me tolli non aequae ferre molestie, ac dignitate hujusmodi augeri, qui ne per somnium quidem unquam mihi exstruxerim Consulatus ac Dictaturas. Imo sordere mihi ea omnia, quae humana ambitio putat sibi primaria prae Musarum amoenitatibus: neque pluri ea facere quam aurum comicum. Miserum me appellas, & merito id quidem: nam praeter tot hujus difficillimi temporis aerumnas, ne otio quidem meo uti licet; sed licebit, ut spero, brevi. Nam cum Subirano egi, ne mihi esset impedimento in Praefectura abdicanda: qui pro sua humanitate, non id modo mihi dedit, verum & animum laudavit: ac pluribus differuit de misera Antistitum conditione, hac tempestate praesertim, qua quisque putat sibi licere quae lubent. Praeterea de angustia caritateque rerum omnium, aliisque talibus. Ad haec, eum esse me, qui satis habuerim, ut me tali honore dignum existimassent: ac in rerum administratione per biennium aequitatem ac fidem perspexissent. Rem tamen silentio tregendam usque ad eam tempestatem, quae ad id agendum magis esset opportuna, ne interim, si negotium Monachis suboluisset, paucorum ambitione, & multorum stultitia Monasterii tranquillitas turbaretur. His inter nos deblateratis, legi tuas literas, plenissimas amantissimae benivolentiae, quarum elegantia ac venustate sensi hominem mirifice delectari, simulque gaudere quod in eadem esset sententia, tuisque sensibus tam pulchre consensisset. Callet enim peregre tricas Monachorum, uti qui abhinc annis quinque hanc Provinciam longe lateque diffusam administrat.

nistrat. His denique conditis, fideque quam sancte data, rursus ad rumpem paternam me contuli, hujus desolatissimæ domus negotiis explicandis. Siquidem postquam pater suavissimus inhumanis esse desit, rei familiaris cura distractus distractusque, vix somnum oculis videre licet. Ubi autem me expediam, Valentiam statim revertar, & collectis farcinulis, miserae Urbi, ac miserrimis civibus aeternum vale dicam. Zedillum meum e medio sublatum vehementer doleo. In paucis certe hominem diligebam: nam fuimus una Neapoli per aliquot annos, ubi accepi ab eo pingendi rationem. cujus artis etiam arcana quam amantissime mihi tradidit. De numismatis sine cura esto. Argenteum alterum Romani Principis, alterum æreum Constantinopolitani reperi usque adhuc. Dabo operam ut plures inveniam. Habes epistolam paullo longiorem, ne tribus me verbis rem conficere dicas. Tibi certe mos gerundus est, posthabitis rebus omnibus. De valetudine tua habes me sollicitum profecto, qui eam habeo propria chariorem. Si me amas cura ut valeas, & cum meliuscule habeas, facito me certiozem. Subiranus jubet te. Arnævium non vidi, licet per Saguntum iter habuerim. Ego vero Pyrgopalaëum nostrum, etsi ab eo me amari non sentiam. XV. Kal. Quintilæis, An. MDCCIX.

XXXXXXXXXXXXXXXXXXXXXXXXXXXXXXXXXXXX

LXII. CUM EMMANUEL MARTINUS

Roma domum remigrasset,

JOSEPHUM EMMANUELEM MIGNANAM

ad se visendum invitat.

Valentiam.

HENDECASTYLLABI.

Mignana, o vetus integer sodalis,
 Nostri deliciae, lepos, venustas;
 Quem tot jam misere tui per annos
 Absentem tacita flere charta;
 Si tibi igniculus vetusti amoris
 Forte inter cineres adhuc superstes
 Manet, nec perit omnis excidique;
 Sive Turlacti aquis rigata
 Prata, fertilis atque amoena campi,
 Sive tu colles inchoam Saguntum,
 Et strata Annibalæ furore tecta;

Q 2

Lingua

*Lingue Turiacis aquis rigata
 Tu prata, atque fide inclytam Saguntum,
 Nosque jam propera videre saluos.
 Martinus variis freti periculis
 Functus, jam patrios tenet penates,
 Optatumque solum Illicis praecaltae,
 Nec tutus rabidas timet procellas.
 Martinus vetus hospes atque ocellus,
 Quem tu plus oculis tuis amabas,
 Et dilcta illepidas inficetiasque
 Laudare es solitus jocosque ineptos.
 Ergo si incolumem videre amicum,
 Ampliusque cupis, mora rejecta,
 Festrina Jovis ocyor sagitta,
 Mignana, o vetus integer sodalis,
 Nostri deliciae, lepos, venustas,
 Adstabant Veneres, cupidinesque,
 Et crebri sonitum dabunt caccinni.*



LXIII. EMMANUEL MIGNANA

J. VINCENTIO GRAVINAE

S. P. D.

Romae.

EA est tui nominis fama, Vir amplissime, quae totum per orbem vagata est, ut constans sit hominum paullo humaniorum opinio, vel in hac ultima terrarum Hispania, te in ista Italia, in qua natae sunt bonae artes, & altae, principatum obtinere literarum. Quod licet scriptorum tuorum clarissimis monumentis referatur acceptum, quae nimirum ea sunt dignitate, ut in hac luce exultationi tuae abunde subserviant, ac imaginem quandam immortalitatis apparare videantur; tamen bonam, est quod habeas gratiam viro integerrimo Martino tuo, mihiq; summa familiaritate conjunctissimo, quod te in omnium bonorum animos haud cessat insinuare. Tales namque de te, tuaque singulari doctrina sermones omnibus in locis habuit, ut facile mihi persuadeam, eum qui te non amat, ab omni humanitate prorsus esse alienum. Habes profecto tuarum laudum eum buccinatorem, cujus te poenitere minime debet. Siquidem nullus dubito illam esse viro probo laudem maxime jucundam, quae ab

iis

his proficitur, qui ipsi quoque in laude vixerunt. Nec in hujusmodi officii ejus amor erga te mirificus acquievit. Sed (vel quia debet omnia tua causa, vel cupit mea) insistere per literas, suadere, imo objurgare non desistit, usque adeo donec perpulit me pudore quodam relucantem hoc literarum ut darem: quod per ego te Deos oro atque obsecro, ut quae tua est humanitas, boni consulas. At quoniam semel pudorem illum subrusticum absterfi, abs te vehementer peto, ut si quicquam loci reliquum est in albo tuorum amicorum, propius Martinum nostrum, quoad fieri possit, me adscribas. Namque *εἰ κριτὴ τὰ φίλων ἐστὶ. μέλιστα δὲ κριτὴν τῶν φίλων εἶναι σὺν φίλῳ.* Hoc si a te impetraro, illum huic homini obtigisse *δαίμονος* merito dixerim, qui mihi dedit causam harum literarum, quibus apud animum tuum testatum relinquerem aliquid amoris erga te mei specimen, atque observantiae. quod profecto inter alia beneficia, quibus me semper voluit cumulatum, uti maximum referam. Hanc igitur praeproperam nihil est quod dicas festinationem voluntatis meae. Jam enim diu est quum te vehementer diligo, absentemque memoria colo, aeternumque colam. Quae quidem merita, etsi non magna, apud hominem tamen summae humanitatis probitatisque non fore nullius momenti existimo, ut me in suis habere haud gravate ferat. Demum scias velim in hac Urbe quam plures esse viros nobiles majorum gentium tui maxime cupidos: quos inter Excellentissimus Comes Joannes Basilii Castelvinius, qui te in oculis. Cujus verbis esto salutatus. Petrus Borrullius eximius Jurisconsultus jubet te. Vale etiam atque etiam, literarum columnen, meque tui proprium habe. Valentiae Hedetanorum, V. Kalendas Martias, MDCCV.



LXIV. J. VINCENTIUS GRAVINA

EMMANUELI MIGNANAE

S. P. D.

Valentiam Hedetanorum.

EMmanueli Martino nostro tot jam diu nominibus obstringor, ut ad ejus in me meritorum cumulum vix aliquid majus unquam credidifsem accessurum. Sed cum a praesente tam multa & praeclara tulerim, ab absente mihi novam vidi exorientem segetem beneficiorum. Cujus enim eloquentia, eruditio, & acumen ad me propugnandum, atque ad malignos meos profligandos, imo & conterendos Romae praesto erant; eadem, in-

Q 3

videtur

videnda Italiae fortuna, in Hispaniam translata, pari benevolentia, & studio pro me quotidie adhuc excubant, assidueque laborant viris praestantissimis ad meam familiaritatem adjungendis: quodque antepono rebus omnibus, ex ea natione cujus homines ob antiquissimam ad hoc usque aevum armorum, literarum, & imperiorum gloriam, ac praesertim propter tenacissimam eorum fidem atque constantiam omnibus mihi officiis attrahendos, ac singulari cultu retinendos, merito semper antea, & nunc praecipue duco: quippe usu rerum, & meis non semel casibus expertus, nihil in vita posse Hispani hominis amicitia inveniri generosius, nihil validius, nihil opulentius, beatius denique nihil: ut intelligas qualis apud me pretii munus obtulerint heri literae tuae quae plurimum ex inelyta natione doctorum, & nobilium benevolentiam, quovis labore, atque opere mihi deposcendam aperuerunt; tui nempe hominis eruditissimi, & ex nobilitatis pariter ac rei literariae proceribus Excellentissimi Comitis Joannis Basilii Castellvnlui, cui me addictum, ac perpetuo in potestatem, ac fidem traditum, deditumque per te cupio votis omnibus. Clarissimo Borrullio, qui jam ante mihi humanitatem praestitit suam, salutem & gratias a me plurimas. Hos qui sequuntur *Originum Juris Civilis* Libros duos, una cum primo jam edito propediem typis imprimendos trademus. In his praeclari quidem, ut a tali auctore prorsus nihil; ut adhuc editis minus certe vulgaria. Quamobrem ex postremis potius quam ex prioribus meis scriptis velim eruditiores me, vestrumque similes expendant. Atque utinam ea digna fuerint quibus Excellentissimi Comitis nostri gratiam, quam ille per te adeo benigne profert, ac tuam & Borrullii benevolentiam videar meruisse! Te vero & propriis in me ac literariam Reipublicam singularibus meritis, & Martini communis amici causa in intimis medullis perpetuo conditum habeo. Vale. Romae, XI. Kal. Jul. MDCCV.

E M-



EMMANUELIS
 MARTINI
 ECCLESIAE ALONENSIS DECANI
 EPISTOLARUM
 LIBER III.




I EMMANUEL MARTINUS

perilluſtri Viro

JOANNI CASTELVINIO

ſaluſem & amorem.

Valentiam.


 Er totum biduum Aeolo ac Neptuno iuſtis aequoris undas verberavimus. Si quando vero ventorum impetus deferbuerat, protinus inerti malacia circumventi, quaſi inſectis radicibus immoto ſilo haerebamus. Denique quibus licuit artibus protruſi, promontorium Tenebrium flexu ſuperavimus, ejuſque ſinum appulimus. Immane eſt quam ego aeſtu ac ſole torrente obmarcuerim. Univerſa facies quodam veluti peſtilenti ſidere afflata, cutem depoſuit. Solis aeſtus heic immodicus atque improbus; ſed levat hiantes loci ingenium ac ſecura libertas. Interea ego nihil rerum non ſatago ut valetudini conſulam.

Fac

Fac sis ut incolumitatem tuam in animo geras, & me deperi. quod hercle facturum te scio, si scias quam ego te. Vale, salute mea salus salubrior. Turre-alba, VII. Idus Augusti, MDCCI.



II. EMMANUEL MARTINUS

JOANNI CASTELVINIO

*Praet. Urb. S. D.**Valentiam.*

O illum focordem & stolidum, cui ad me literas tradidisti? Misi qui ex illo quaereret num essent ad me literae. Respondit, se nullas habere ad me prorsus. Urgere hic, negare ille. donec memoria tandem punctus, palma fronte complosa, me, inquit, vecordem & stupidum, quem tam alte infederat literarum oblivio! & confestim e sinu profert. Quas, cum redditae mihi essent, tanta animi alacritate perlegi, tanta, ut ita dicam, oculorum ingluvie; ut quicumque me legentem aspexerit, facile perspicere potuerit, me summa fuisse voluptate perfusum. Male mihi sit, nisi mihi sordent Pactoli arenae & Arabum gazae, prae tuis literis. Sibi habeant suam fortunam qui opibus inhiant. Mihine tam immodicas laudes? Ego vero is sum qui me introspiciam. Cave igitur, sis, amoris tui praestigias & fucum; ne aliquid proferas, quod te transversum agat, acquirissimumque illud tuum iudicium deturpet ac decoloret. Quicquid ingenii tamen in me est (si motio est) id equidem intelligas velim, me in obsequium tui libentissime exhausturum. Ure, secca. Ego hercle de amore erga te nemini concedam. Scis me minime esse blandum. Id autem te vehementer etiam atque etiam rogo, ut hanc viam teneas, qua ire coepisti. habebis me profecto, non adiutorem modo studiorum tuorum & comitem, verum etiam buccinatorum. Ego & Turresius heri fuimus una horas quatuor fortasse. Garrimus quicquid in buccam. Quid? garrimus tantum? immo totum Senecae *de ira* & *de vita* devoravimus. o helluones! Scis quam suo merito diligam adolescentem castum, pudicum, studiosum bonarum literarum, immo & mei. A te illum salvare iussi. Ille itidem ad te salutem. Si nostra aliquid tui penitus habes. Sive est aliquid, sive nihil est, scribe tamen aliquid, teque cura. Tuis salutem dic. Ex Aedibus nostris pridie Id. Septembris, MDCCII.

III. EM-

III EMMANUEL MARTINUS

JANO BASILIO CASTELVINIO, *Praet. Urb.*

χαίρει.

Valentiam.

Ad XI. Kal. Januarias Valentia discessi, hora fere & dimidia ante lucem una cum mercatore quodam Dertufenſe. Iter fecimus incertis veſtigiiſ, ac veluti cunctabundi, uſque ad diluculum: niſi quod tenebrarum tricæ ac dubiæ lucis moleſtias leniebant quodammodo ſeptentriones ſubrigidule ſtantes, quos ego, quodam quaſi jucundiſſimo ventilabro recreatus, ore hianti avidiſſime hauriebam. Quas ego deliciæ, Di immortales, quas voluptates: Inter equorum ungulas glaciæ crepitabat, & pruina ſuperinducta candebant prata. Aſpexit nos tandem diei oculus leſto circiter ab Urbe lapide, ac hora tertia Saguntum pervenimus. Eam Mignana noſter deſiderio paſſi complexus (abſit verbo invidia) impotentiffime flagrabat; itaque in nos eminus conſpectoſ irruit, colloque noſtro diu pependit. Cum liberaliter eſſemus prænſi, hora quinta iter denuo cepimus. Sed neſcio quo ſati noſtri infortunio, eſſedum revolutum eſt. Cum enim equus nimis concitato curſu ferretur, nec habenis prohibentibus, farrago ſejuge viam occupante, morasque faciente; e via divertere decrevimus; cumque eodem impetu ferremur, rota in agreſtem palmam impaſta, in terram devoluti ſumus. Innocue tamen: nam & locus erat planus & ſabuloſus, & equus ipſe immotus ſtetit. Itaque incolumitate noſtra animadverſa, fieri non potuit quin ego & ſodalis meus mutuo nos adſpicientes, quaſi gratulabundi, quam effuſiſſime cachinnaremur. Eſſedo denuo conſenſo, Caſtulonem pervenimus nocte jam incubante. Poſtera die, Caſtulone profeſſi ſumus, nocte adhuc ſopita ac frigidiffimo aere, per vias pruina albicantes geluque rigentes, donec coeli everriculo inducto, pauliſper diſparuerunt. Tandem hora fere ſecunda, ſole adhuc adoleſcente, ad incunabula noſtra pervenimus, incolumes, altiffima orexi, ac proſpera valetudine. Loci faciem ac vitæ noſtræ inſtitutum alias deſcribam. Interim nos ama, & valetudini tuæ conſule diligenter. Nicio Pyrgeo noſtro, & Iſidoro Coſtæ item noſtro, ſalutem a me plurimam. Vale. Ex Rupe patria, VII. Kal. Jan. MDCCII.

Tom. I.

R

IV. EM-

IV. EMMANUEL MARTINUS

JANO BASILIO CASTELVINIO

*Pract. Urb. S. & amorem.**Valentiam.*

NAE ego dignissimus omni contumelia, vel, ut gravius dicam, *δου-
δω* & conviciorum plausuris; quem tam alte obedit rerum urbana-
rum negligentia, & stupor. Nec tamen, si quod a nobis commissum est
peccati, patrocinio caret. Affer, si quod habes, dices. Quidni afferam?
Tenet me, fateor, aperta haec & rustica simplicitas, ac natus animo-
rum candor; quos nec afflavit ambitio, nec molliuit luxus, nec civile
odium effervavit. Videor equidem mihi aliam videre progeniem, & in hoc
sacculo vere luteo, quaedam auri ramenta. Adeo enim sunt homines
βαλαιοφύγοι illis quam simillimi, ut nisi horrea exstarent & fruges, cre-
derem nondum Saturno amputata virilia. Delectat me praeterea amoena
loci facies, & scitissimus totius regionis adspectus, qui, natura lenocinan-
te, oculos animumque mulcendo, illecebrosa quadam voluptate inescat
& captat. Ad orientem enim hibernum promontorium quoddam leniter
procurrit in duo cornua protensum, quorum alterum, quod solem occi-
dentem respicit, amplexu suo & curvamine stationem efficit navibus fidi-
simam, nisi quod Africum habet infestum. nullis praeterea flatibus ob-
noxiam. Nam Favonium objecti e regione montes frangunt ac dissipant.
Alterum cornu, quod Boream versus procurrit, dorsum habet contuma-
ci fluctuum insultu scabrum ac pumicosum, nam ita demissum est ac stra-
tam, ut Euris undarum imperio potitis, transcendatur ac diverberetur:
raro tamen, nec nisi saeviente mari, & infestissimis tempestatibus. Hunc
 scopulum *Canis rixtam* vocant incolae. Quidni dicam *Κυνέπρυγος*, cum
licuerit Graecis suum fecisse *αερόδ μίτων* & *Κυνὸς κεφαλῆς*? Id etiam sinuo-
so suo flexu tutissimum efficit portum, praeterquam ab Aquilone & Euro.
Sed nulla potest esse tam improvisa tempestas & turbo, ut naves ab exitu
prohibeant & circumveniant. Nam, si ab orientis plaga urget procella,
expeditum est essugium, cum in promptu sit portus qui occidentem respi-
cit; si vero ab occidente ingruat, qui orientem. Hujus promontorii dor-
sum turris coronat, munitissima mehercules atque pulcherrima. In con-
spectu sunt insulae quaedam incultae & *ἄρηται*, quas vocant *Montes Colubrum*.
Forte sunt Graecorum *Ὀφίονα*. viginti passuum millibus a continenti
distant. Haec quidem ad conspectum maris pertinent: quem si cum ter-
restris

reftri conferamus, pene vilescat. Oppidum enim ipsum situm est supra collem, ab occasu quidem inclementer erectum, atque praeeruptum; ab oriente vero & meridie leniter declivem, quo versum muri porriguntur & universa aedificiorum facies quasi inclinata procumbit. Quocirca recentissimos excipit solis orientis radios, adhuc marino rore madentes. Septemtriones versus foecundissima planities excurrit, vario plantarum genere confertissima; quam excipiunt Turr-albini. Deinde levi flexu, ad solis ortum, Isthmus, sive Chersonesus nostra, in oculos incurrit. Secundum maris litus herbidissima palus protenditur, ad quingentos fere passus. Ad glandis porro iactum via curulis, sive regia, praetercurrit, ultro citroque viatoribus praetereuntibus frequentissima. unde rerum novarum immanis proventus. Univerſa praeterea regio cuniculorum, perdicum, leporum feracissima. Piscatio & varia, & expedita. Aquae saluberrimae, aer temperatus. Hyemis namque rigorem maris clementia enervat ac frangit, & matutina frigora raro in pruina & glaciem coalescunt. Aestate vero Etesiae ac marini status aeris torporem excutientes, corpora aestuantia nativo suo algore reficiunt. Somni assultus nusquam tenaciores, jucundioresque: nam fluctuum murmure veluti irroratus ac delibutus, artus ipsos, imo animam, arctissimo quodam illigat sopore. Sed de his satis. Pyrgaeum nostrum a te divertisse, molestissime sero. Ad histriones esse conversum; tametsi id ab ejus moribus & vitae instituto vehementissime abhorret; quid tamen non ab eo Villanovanus & Bovilius Scaliger? De Bursiansea Comodia velim ad me quam diligentissime scribas. Uxori tuae, lectissimae foeminae, a me salutem. Salvebit item a me Isidorus Costa. Vale desiderium nostri. Ex incunabulis. Pridie Idus Februarias, An. MDCCIII.



V. EMMANUEL MARTINUS

Ornatissimo amplissimoque viro

JANO BASILIO CASTELVINIO

Pract. Urb. S. D.

Valentiam.

DI te tuamque virtutem honoribus mactent, Vir amplissime, patriae quae nostrae ornamentum & columnen: qui solus haec studia, avito gentis nostrae contemptu abjecta atque pessumdata, pro viribus erigis, refoves, atque sustentas. O utinam

— τούτοις δὲ καὶ μὴ συμφέλλουσιν εἶναι!

R 2

Quod

Quod olim Atrides de Nestore. Juro salutem tuam, nullis me unquam literis tam immortaliter exhilaratum, quam novissimis tuis VI. Kal. Februariis ad me datis. Quibus & a te in universum probari nugas theatrales nostras, & earum non nihil improbari; aperte, & uti decet hominem ingenuum ac Minervae alumnum, profiteris. Quorum neutrum ab officio tuo erga me ac benivolentia alienum puto. Ais igitur, te in suggestu Praetoris impense addubitare. In eamque sententiam magis propendere, ut existimes, eo loci fuisse aram illam sive pulpitem, quam Graeci dixerent *θυμικόν*. In qua re ut a te dissentiam, plura sunt quae me cogunt. Primum enim, nulla in Latina orchestra thymele; sed in Graeca tantum. In qua munus suum obibant ludii, citharoedi, citharistae, tibicines, lyristae, choraulae, atque id genus symphoniaci, dicti ob eam causam *thymelici*. Propterea quod in eo pulpito, sive thymele, chori illi tragoediarum, sive comoediarum, caeterique personae non habentes, fabulae inserviebant, histrionibusque in scenam additis, populum gesticulatione oblectabant. Idcirco monet Vitruvius ampliorem habuisse orchestram Graecos, scenamque recessiorem, minoreque latitudine pulpitem, quod in id scenici tantum prodirent, reliqui vero cantui & saltationibus addicti, in orchestram, unde illi nomen, *ὄρχησθαι*, a ludiorum gesticulatione. Latini vero, cum eum locum Senatorio Ordini destinassent, remotos inde thymelicos in scenam transfulerunt. Porro locum illum, quem ego Principi vel Praetori attribuo, adeo angustum arctumque scias velim, ut quatuor homines stantes & compressos vix capiat, nedum ut thymelicorum turbae capax esset, eorumque saltationum. Quid igitur? fuerint ara illa, cujus tu mentionem ex Polluce? Minime gentium. Eam enim non fuisse in orchestra, sed in scena: & Pollucis, ac Scaligeri patris testimoniis proditum est, & ipsa adstruunt Terentii verba, quae tu afferes ex Andria. Qui enim verbenae sumi possunt a Myside, puero substernendae, si ara illa in orchestra? Ubi non actores, sed thymelici. Nec me latet geminas fuisse in scena aras, alteram Libero, Apollini alteram, Tragoediae ac Comoediae praesidibus. Sed in scena. Cui commune nihil cum orchestra. Quid si dicam male intellectum a Donato & Scaligero eum locum? Equidem longe aliter censeo. Aram nempe illam esse, quam in atrio collocare, mos fuit Romanis, Vestae dicatam: unde *vestibulo* nomen. Ait nimirum Davus:

———— accipe a me hunc ocyus,
Atque ante nostram januam adpone.

En atrium sive vestibulum. Cui Mysidis:

———— obsecro,
Humi ne? D A. Ex ara hinc sume verbenas tibi.

Id est, ex ara Vestae: quae in omnibus atriis. Nam cum illa pueri adpositio ante Pamphili januam fieret, qui possumus intelligere, verbenas substernendas infanti ex ara theatri esse sumendas? Censio igitur huic rei aram in scena fuisse erectam cum Vestae signo, verbenasque impositas, quae vestibuli speciem redderent.

Nunc ad Principis suggestum: quem, etsi tu apud neminem antiquorum exstare contendis; ego tamen e ruderibus antiquitatis conabor eruere. vel ab ipso Julio Caesare, quem inter alios honores quos nimis accepit, scribit Suetonius admisisse *statuam inter Reges, suggestum in orchestra*. Ad quem locum ita Berneggerus: *suggestum vocat pulpitem quoddam eminentius, eo theatri loco, in quo Senatus spectabat*. Eum honorem caeteri deinde Principes avidissime arripuerunt. Sprevit autem Trajanus. quo nomine eum Plinius commendat in Panegyrico, de Circensibus loquens: *Per omne spatium una facies, omnia continua & paria, nec magis proprius spectandus Caesaris suggestus, quam propria quae spectet*. In eo suggestu sella curulis spectasse Principem, innuere videntur Suetonii verba illa in Augusto: *Commissione ludorum quibus theatrum Marcelli dedicabat, evenit ut laxatis sellae curulis compagibus caderet supinus*. En ad tuam, ad literarum praesidium nate Princeps, quam potui brevissime. Id unum superest: vel proba, vel *ἔβριζο*. Utrumvis feceris, magno me devincies beneficio.

Mignanae literarum prototypum ad te mitto. Ex quibus percipies me ab eo nec opinantem, omnibus contumeliis affectum. Quo meo merito? Duplici. Quod Eustathii scriptionem urgerem, & quod cum ex hara Saguntina Valentiam arcessiverim ac honoribus vitaeque instituto auxerim. Haec totius offensionis summa. Quod ad prius attinet, ille mihi Eustathii Codices exscribendo extorsit, valide renuenti; immo & reluctanti. Quod ad posterius, quid adferam? Si crimen est amicis beneficiis demereri, valeant humanae societatis officia: & in mutuum exitium genus humanum conjuret. Porro cum in ejus Cathedra adipiscenda non ego solus allaborarem; cur mihi uni crimini vertitur? Peccavit uterque Borrullius. Quin tu peccasti. Et vero peccavimus, dum ea beneficia ingrato conferendo, non tam operam impendimus, quam prodigimus. Atqui me reprehendisti, inquit, quod ad tuas literas vel sero responderim, vel nunquam. Esto sane. Nonne id ipsum amoris ac benivolentiae indicium? Mihi male sit, qui hominem ingrattissimum tam efflicim deperierim. Hominem inquam, qui publicae amicitiae, arctissimaque necessitudinis vinculum, velut gladio adhibito praecidit, & verenda hospitii jura turpissime violavit. Taceo reliqua, quae nec ipse negare potest, nec vos nescitis. Illud quoque objicit, me, postquam illum Sagunto avocaverim, Valentia discessisse. Quid? igitur? Num dignitatis nostrae reiue familiaris augendae occasionem, benigne me respicientem, domo extruderem? Num quum illum Sagunto extraxi, exploratum mihi erat fore ut ab Ecelestae Principe ac-

cerferer? An illum dolo malo adjuvi? Cur igitur isthaec in me cuditur faba? O frontem, frontem! Sero te novi, sed tamen novi. Tu interim, Vir nobilissime, salve cum tua: & stylo Catilinae, Haveto. In Urbe Regia Carpetanorum, pridie Non. Februarias, MDCCV.

Isidorum Costam vellem valde a me salvere, fratremque tuum, unice diligo.



VI, J. BASILIUS CASTELVINIUS
EMMANUELI MARTINO suo

S. P. D.

Mantuum Carpetanorum.

ET si saepe antea mihi contigit, Vir clarissime, literas ad te scripturum, timide ad id operis accedere; nunc certe magis ita multo, tuis lectis; quas de Theatro Saguntino ad Ill. Legatum Pontificium Zondadarium dedisti, ut quam viam inuisitam, non satis teneam. Non enim aequavit modo, verum excessit, de tuis studiis quam habebam opinionem industria tua. Idcirco haereo misere qui plus solito in re hujusmodi nervos intendere nihil audeam. Audendum tamen, ne frustra sit officii nostri expectatio tua. Pergratum me tibi facturum, inquis, si ad te de illa quod sentiam descriptione brevi mitterem. Est profecto humanitatis tuae meum expectare judicium; non autem, ut exiguae sunt ingenii nostri vires, nisi tua comitate coacti, illud ferre. Quandoquidem autem eo res rediit, id facere ut sit necesse, morem tibi geram. Est primum omnium quod tibi gratias agam quam maximas, quod mirandum nobis proposueris spectaculum, gratissimumque, quom Theatrum exhibuisti Saguntinum ingenii tui lumine illustratum. Adeo enim venuste summaeque cum elegantia persequutus es omnia ejus ornamenta, ut praeter Davum & Chremem, nihil reliquum feceris, cujus desiderio tangeremur. Nam praeter exactam accuratissimamque descriptionem, qua nobis ob oculos cuncta ponis, ita pura est oratio tua (ne quid deesset quod Theatri imaginem repraesentaret) ut habeant Latini Censores, atque optimi antiquitatis assertores ac vindices multum quod admirentur, quod reprehendant nihil. Ego vero, Plauti manes mihi habeam iratos, si quicquam vidi unquam, aut venustius Latinum, aut luculentius descriptum. Nam etsi leviter attigisti quae pluribus erant dicenda, dixisti tamen ita pulchre, ut nihil fieri possit nec breviter prolixius, nec prolixè brevius. Unde apparet illud esse verissimum quod de te saepissime inculcamus amici: esse tibi profecto datum, quod Menelao attribuit Homerus:

Παῖς

Παῖρα μὴν, ἀλλὰ μάλα λυγρὸς, ἐπὶ τῷ πολέμῳ.

Quoniam autem & antiquitatis peritia, & Latinae linguae cognitio, utraque tanta in te sunt quanta in alio nemine; nemo fuit sane isti muneri aptior, vel istud muneris nemini fuit aptius quam tibi uni, qui posses & pro singulari tua eruditione fidem facere, & pro non vulgari eloquentia rem adornare. Et licet in omnibus tuis scriptis, non eruditis solum, verum etiam curiosis auribus abunde satisfacias; in isto tamen scripti genere (si quid ultra crepidam futuri permittis) singularem quandam ac mirificum artificem praestare videris: atque in caeteris quidem plurimos, in huiusmodi descriptione te ipsum superasti. Subiit ergo cogitatio, Romanos id opus posuisse, ut Saguntinorum luctum, quibuscumque rebus possent, & hisce praesertim tum temporis amplissimis lenirent, ac infamiam desertae summo in periculo gentis, quod ipsimet erant in causa cur subirent, obliterarent penitus ac delerent; sed non tam mihi videntur infamiae ingrati-que animi notam, hoc opere exstructo, absterxisse, quam nomini famae-que tuae consuluisse, ut haberes unde tibi multo praeclarior exstrueres monumentum ac multo perennius. Quod stabit equidem, stabit inquam, quamdiu Latinae elegantiae cultui, rerumque antiquarum memoriae locus erit. Plura dicere volenti, ut est nostra dicendi facultas, obcessit obviam vereri, ne, pro mutua in nos benivolentia, quas merito tuo sincere tribuerim laudes, ab amore potius profectae videantur. Id unum adjiciam quod Mignana noster: (aderat enim una cum tuae ad nos literae) Hoc uno monumento, missis aliis, quibus nomen tuum apud doctorem orbem jam diu est quum maxime inclaruit, facile te, veluti ἐκ τῆς καρτῆ τοῦ διδρασκῶν posse cognosci. Vale multum, teque amantem redama. Valentiae Hedetanorum, V. Eidus Februarias, An. MDCCV.



VII. EMMANUEL MARTINUS

Alonenfis Ecclesiae Decanus,

JANO BASILIO CASTELVINIO

Cervellionis ac Bugnolii Comiti, Praetori Valentino integerrimo, viroque eruditissimo, S. D.

Valentiam.

Patrem tuum scis quanti faciam, Vir nobilissime, cum ob ejus mitem lenemque naturam, & come ingenium; tum ob ipsius studium in promo-

promovendis literis, doctorumque hominum industria fovenda. Quo ego nomine ita illum suspicio atque revereor; ut ab ejus sententia vel transversum unguem discedere, nefas semper duxerim. Eo prosequor amore, eaque benevolentia; ut plane videatur ille mihi vel Veneris celsum habere, vel lyngem. Cum igitur proximis diebus una essemus, ac Ferdinandi Villegatis Poematum mentio incidisset; codicis illius edendi desiderio vehementer est inflammatus. Meque, uti de hoc negotio conficiendo diligentissime ad te scriberem, per caput, perque fortunas obtestatus est. Adjecitque, nunquam se destitutum a fodiendo donec perficeret. Eo se quoque accuratius ad te daturum literas. Nosti ejus ingenium. Quicquid cupit, vehementer cupit. Itaque, de te per literas adhortando, sedulo cogitare coepi. Neve ad scrupum aliquem vel leviter impingeres, viam tibi prius complanare volui, atque purgare: ut amotis offendiculis, nihil prorsus esset, quod moram asferre posset rei perficiendae. Codicis mendas, quantum in me erat, ex conjectura deterisi. Praefationemque adjunxi oppido necessariam. In ea enim nitidissimi Auctoris memoriam, jam pridem emortuam quasi novo quodam infuso spiritu fuscitavi,

— *Quam nec Jovis ira, nec ignes,
Nec poterit ferrum, nec edax abolere vetustas.*

Commodum enim accidit, ut apud patrem tuum esset illud ipsum prototypon e Bibliotheca vestra erutum; cujus mihi liberalissime copiam fecit. De Moecenate quaerendo omnis erat deliberatio. Videbatur clarissimi operis amplitudo jure sibi deponere, ut non nisi ad aras sisteretur alicujus e Consensum numero. Munus enim eximium eximio egebat numine. Igitur optimum factu visum est, siquidem Hispani scriptoris famam, Hispanae Juventuti committeremus. Verum hoc consilium ea tantum conditione ratum fore, si tu probaveris. Habes rem plane extricatam atque expeditam. Reliquum est, ut editionem naviter urges. Curae mihi erunt operae Typographicae; si Mantuanas hasce Valentinis praetuleris. Quidni igitur ignavam istam cunctationem excutias? Flagitat pater, cujus opera, studio, diligentia, sumptu, servatum est tam egregium Hispanicae gloriae monumentum. Flagitat (si quid habent ponderis officia nostra) additissimum tibi caput. Ipsi Auctoris manes supplices (ut ita dicam) tibi manus tendunt, fidemque tuam implorant atque obtestantur. Postulant denique Hispanici nominis decus ac splendor. Ecquid famae tuae turpissimam illam notam inures, ut incuria tua (pene dixeram inertia) nitidissimi Auctoris immortalia scripta in antiquas tenebras devolvantur? Appage hoc scelus. Sitque ornamento Castelvinae genti, quod ex domesticorum Bibliotheca clarissimum id astrum prodierit, quod fulgore suo Hispanias illustret. Per ego te optimi parentis desideria, per fortunas & salutem

salutem tuam, per charissimum tibi sanctissimumque lectissimae consortis caput, oro atque obsecro. Per utriusque genium, quorum animos non tam lecti genialis foedus atque societas, quam morum studiorumque similitudo conjunxit. Colit enim illa impense amoeniores has literas, Musarumque oblectamenta sectatur. Nec has tantum, quarum venustate, lepore, elegantia, mortalium mentes arcana quadam illecebra deliniuntur. Sed molestas alias ac spinosiores. Cujusmodi est studium Genealogiae. In quo certe quantum illa profecerit, latet neminem. Summorum mehercule virorum exemplo Varronis, T. Pomponii Attici, M. Valerii Messalae Oratoris, Hygini, aliorumque. E recentioribus autem, Raphaelis Volaterrani, Fulvii Ursini, Antonii Augustini, Richardi Streinii, Jani Rosae, & Glandorpil. Teruntur enim omnium manibus illustrium familiarum aliquot stemmata, ab ornatissima foemina summa industria summaque dexteritate concinnata. Quodque magis mirere, id aetatis, quum muliebre ingenium formae studio unice vacare solet. Addo in eximia pulchritudine ac venustate, pene dixi, puella. Minime igitur dubito, quin illa quoque votis nostris accedat. quae rata fore, pro tuo ingenio, pro charitate in patriam, pro observantia erga parentem; proque eximia tua adversus nos benevolentia, facile spero atque confido. Vale. Mantuae novae in Carpetanis, IV. Eid. Septembris, An. MDCCCV.



VIII. J. BASILIUS CASTELVINIUS
EMMANUELI MARTINO

Alonenfis Ecclesiae Decano

S. P. D.

Mantuam Carpetanorum.

ET si suavioriam tuam epistolam accipio, ex ea parte, quatenus blandis verbis, comitate, amicoque alloquio me invitare videris, ducere in viam, atque eam mihi digito monstrare, non tamen ipsam probe in qua Censoris veste indueris. Quid me, sponte mea fati incitatum, impellis, & verbis, manibusque hortaris? Currenti calcaria addis? Nonne a me quaeris id ipsum quod abs te flagito? In jus te voco. Te, te inquam, contra te, testem suscitabo. Licetne attestari? Porrigere aurem. Meminisse te credo, quot, quantisque te precibus obsecravi, immo fatigavi ut Villegati nostro extremam imponeres manum, ejusque Codicis mendas abstergeres.

Tom. I.

S

geres. Tibi commissum opus, quantum temporis latuerit tu certum scis, & ego sane non ignoro. Sed haec sint dicta potius ut me expertem criminis demonstrarem, meamque ut tuear innocentiam, quam ut tuam aesculem cunctationem: absit verbo invidia. Scio quidem, atque exploratum habeo te nunquam manum intra pallium continere; hoc maxime tempore, quo Ecclesiae Principis *Καθηχέτης*, in disponenda in pluteos nummismata, suave in regiones collocanda, toto pectore incumbis. Hoc enim facit ut non modo diem tibi dictum differam, verum etiam omnino incepto desistam. Et merito quidem: nam si Villegatis Codex perdiu apud te sepositus videretur, id factum puto ut longi temporis usum, qua caruimus, uberrimo emendationum tuarum fructu sarciamus. Illustratum mittis: redivivum sic ipsum reddis, ut nec ego quidem, qui tam frequenter, assidue, diligenterque totas ipsius paginas perlustravi, vix ejus os agnoscere possim: ejusque faciei lineamenta aegre, imo, ut ita dicam, inaniter rimor. Quantum mutatus ab illo! Ab illo nempe Villegato, qui tot mendis scatebat, tot depravatis locis laborabat, cui ergo tot medelas adhibere opus erat. Sed erat etiam cavendum ne frumenti radices supra modum effodiendo evellerentur. Quamobrem tu bonus agricola, bonusque colonus, provide prudenterque te gessisti: non temere in segetes, simul ac in noxias herbas aduncam falcem immisisti, sed eas leviter scalpendo, instar optimi sarritoris, a loliis, tribulis, carduis, lappisque sarculo purgasti. Quo fit ut purgatissima messe, non tantum Hispanam juventutem satiaveris, sed etiam totum literarium orbem satis, superque saturaveris. Qualem messem! vere auream, utpote aureo saeculo vere dignam. Sed haec tu scis; & qualia, quantique sint pretij, judicio tuo probata, lectoris ostendis. Mirari satis non possum quorundam hominum ingenia, quibus nihil placet, nihil probatum est, nisi illud cui insunt stigmata patriae, ejusdemque Civitatis signa: illis simillima quorum inbecilla palata omnia fastidiunt, praeter ea quae proprio solo nata, longa assuetudine, grata percipiunt: vel potius aliis, quibus adulterini, suspective qualescunque sunt nummi extranea signati nota. Isti ergo critici, isti pleudo Aristarchi, nescio qua censoria virga, Hispanorum hominum nomina severissime notarunt, eisque ademerunt humaniorum disciplinarum amoenitates, & Philologiae, ac linguarum notitiam; sed immerito quidem (frement alii, licet: dicam quod sentio) nam in Graecae palaestrae exercitatione plurimos palmas tulisse nemini latet, Barbosas scilicet, Sepulvedas, Vergaras, Lacunas, Pincianos, Verzosas, Covarrubias, Statios, Marianas, Nunnesios, Mendozas, Poncios: quibus etiam simul & in arena Romana, a cuncto eruditorum confessu plausus est: multiplex datus. Ubi ne eis invidisse ignotum est, incertumque, illos omnes Antonios, Vilchios, Resendios, Zuritas, Vives, Tevios, Ciaconios, Foxios, Matamoros, Perpinianos, Augustinos, Ossorios, Alvaros, Cerdas, Miedes, Blancas,

Blancas, Calvetos, & quamplurimos, qui aequali cursu, & gloria, citra pulverem, ad metas properarunt. Sed quorsum tendit oratio! Quo metrahit & patriae, & veritatis plus quam dulcis amor! Redeamus in viam: in illam nempe praeruptam, salebrosam, quam explanavisti, ipsiusmet Villegatis scriptis illustrasti: cujus, e tenebris oblivionis, paene oblitteratam memoriam vindicasti. Dolebam tecum, ac vehementer angebar, cum viderem tot incassum nostros ivisse labores, ut neque penes amicos aequalesque scriptores, quos ipse recenset, tanti viri mentionem aliquam introspicere liceret. Dolet, inquam, mihi, cum nec apud Hispanos homines eruditos, qui proprias Historias tractarunt, nec etiam apud eos qui Genealogi vocantur, ipsius Villegatis, vel ipsius operum, memoriam cernere, immo nec vestigia in pulvere percipere fas sit. Unus est mihi, praeter Nicolaum Antonium, a te allatum, Laurentius nempe Van der Hammen, qui in suo libello Philippi Prudentis, illustre nostri Auctoris testimonium reliquerit posteritati. En verba, ut sonant Latine, ex Hispanico idiomate translata: *Floruit Ferdinandus Ruizius Villegas excellentissimus Poëta Latinus, ut ejus multa, & docta scripta fidem faciunt.* Et en omnes fructus nostri laboris. Caeterum, ut jam ad scopum epistolae tuae revertar, inhonestum mihi foret, immo & turpe, si institutae orationi finem imponerem, priusquam tibi gratias agerem. Pergratum mihi est quod suades de Villegatis editione adornanda, cum summo studio curassem, quod tu curari volebas: spero fore, ut ex eo mihi aliqua gloriola contingat; & Bibliothecae nostrae non parum honoris: fateor me tibi hoc officio magnopere devinctum esse: efficiam ut tuum in me beneficium, ad te, sine mora, non sine foenore, redeat. Ecquando, inquires? Dispercam, nisi in primis ego velim: sed tempora quae impendant vides. Jubeo nihilominus te bene sperare, & bono animo esse: facti erimus voti compotes. Sed dum in consultationibus his me exerceo, Francisca mea etiam atque etiam urget, atque adeo flagitat me, ut te desiderare diutius non patiar Villegatis editionem. Tanti enim est a tali viro laudari. Trahimur omnes laudis studio. Satis, vel etiam nimium multa me scripisse vereor. Vale mi Martine; nosque, quod soles, ama. Valentiae in Edetanis, Prid. Kal. Octobr. An. MDCCV.



IX. EMMANUEL MARTINUS

Alonensis Ecclesiae Decanus

HISPANAE JUVENTUTI

S. D.

Cujusnam tutelae posthumam hanc nobilissimi parentis prolem commendarem, cum paullo attentius deliberarem, pulsavit animum, Juventus Hispana, eximia illa tua virtus, & generosa indoles, ingenique opibus florentissima. Cui enim nostratis hominis famam tutius committerem, quam tibi; ut eam copiis, patrocinio, auspiciis tuis consecrares? Perierat funditus tanti viri memoria atque evanuerat, nisi ita fors tulisset, ut in eum ego Codicem incidissem; ac Janus Basilius Castelvinius, Praetor Valentinus, in curam incubuisset, ejus luce publica donandi. Quando igitur ille ex oblivionis tenebris erutus ac redivivus, squallore deterso, vestram fidem implorat jure Quiritium; ferte opem, & salutem maxime indigent. In quo profecto, elegantissimi Poëtae famae, atque immortalitati consuletis, unaque patriae gloriae, atque ornamento. Habetis domesticum exemplar quo studia vestra colliment. Absolutam poëticae elegantiae imaginem quam imitemini. Arripite praestantissimum hoc munus e coelo delapsum (veluti alterum Minervae simulacrum) ea alacritate, qua studia literarum ac disciplinas soletis capeffere. Non amplius Latinae venustatis auctor foris est accersendus. Domi habetis cujus sectemini vestigia. Habet tandem Hispania nostra, quod opponat exterorum contumeliis, qui adhuc ob incitiam nostram Latini sermonis, vel potius ob neglectum ejus cultum, in existimationem famamque Hispanici nominis quasi facto agmine irruerunt, conviciorumque plaustra in nos impudentissime conjecerunt. Jure ne an injuria; non ausim dicere. Volo enim consilare verecundiae vestrae. Non tamen me abstinere a vos exhortando, ut in curam elegantiores has literas revocandi quam diligentissime incumbatis. Philologiae manum porrigite, jam dudum animam agenti, ac tantum non mortuae. In memoriam revocate praeclara illa nomina, Antonium Nebrissensem, Franciscum Sanctium, Ludovicum Vivem, Antonium Augustinum, Petrum Ciaconium, Ferdinandum Pincianum, Alvarum Gomcesium, Perpinianum, Palmyrenum, Sepulvedam, Ramirezium, aliosque. Quorum fama tandiu perennabit, quandiu suis literis constabit honos. Quorumque gloria cum turpissima ignaviae nostrae exprobratione conjuncta est. Abolete igitur hanc dedecoris notam jamdiu generi nostro inusitam. Non aliunde vobis comparandae copiae, sed abunde in vestra.

vestra sitae sunt potestate; quibus mortales universos mentis acumine, ingenio, industria; longe antecellit. Exserite, Hispani Juvenes, vires vestras, nervosque omnes intendite, ut pulcherrimam hanc, omnibusque deliciis affluentem amoeniorum literarum Provinciam, in vestram redigatis potestatem. Cujus Provinciae potiri, non tantum summa laus est, summumque ornamentum; sed & summa voluptas. Non enim per sterilem aut spinosam aliquam solitudinem, vepretis ac senticetis horridam, ingrediendum est vobis; neque arida ac siticulosa regio calcanda. Sed virentia undique prata, florum varietate eximia, uberrimisque fontibus, quadam velut illecebra, sensus delinientia. quorum haustus incredibili affert voluptatem. Nihil homini liberali dignius praeclaro hoc studio; cuius afflatu nec barbarie inquinamur, nec foedamur sordibus, cuius ductu in abditissima sanctissimae antiquitatis sacra penetramus. Quo praelucente obscura quaeque illustrantur atque patefcunt, enodantur irretita, perplexa explicantur. Quae igitur infania (absit verbo invidia) honestissimae matronae calcem impingere, fucumque sectari, & inanes umbras? Vos praesertim quibus natura solers, ingenium acre ac vegetum, disciplinisque & artibus exhauriendis quam aptissimum. Quod iccirco repetere volui, ut ne vestrae navitatis vel ignari, vel obliti, praeclarissimum hoc studium despondeatis. Omnia vobis plana; aperta omnia, dum modo in eam incumbatis cogitationem, dum modo ad laudem & gloriam connitmini, atque allaboretis. Priusquam autem ad ea studia gradum conferatis, aliquid monere per mihi visum est necessarium. Nimirum, sine literis Graecis irritus esse conatus, & inanem operam. In illis enim praeteritorum temporum notitia; omnis eruditio, elegantiae omnes, omnes ingenuae disciplinae, humanitas denique ipsa continetur. Sino cujusope ductuque si quid in his studiis proficere tentes, perinde facies ac si mari te commiseris sine velis, remisque. Quid M. Tullium ad sublime illud eloquentiae fastigium evehit, ejusque memoriam famae immortalitate consecravit, nisi acre illud assiduumque in iis literis studium; cum ea quae legisset Graece, Latine redderet? ut divinam illam sibi compararet ubertatem varietatem, copiam. Quo *Latinus orator sine Graecis literis pervenire non potest*, ut ipsemet testatur in *de Claris Oratoribus*. Ea fini, cum adhuc adolesceret e Graeco transtulit Arati *Phaenomena*, *Oeconomicum* Xenophontis, contrarias Orationes Demosthenis, & Aeschinis, & Platonis Protagoram, & Timaeum, quem appellavit *de Universitate*. Sui Consulatus Historiam Graece scripsit. In quo *Græcivultu* se jactat omnes Isocratis munditias consumpsisse. Quod cum legisset Possidonius, qui tum Rhodi maxime florebat, idemque argumentum cogitabat literis commendare, fassus est se a scribendo plane deterritum. Conturbavit enim eo scripto, ut ipse ait, Graecam nationem. Tradit Suetonius eum usque ad Praeturam Graeco declamasse. Qua animi contentione id adeptus est, ut in utraque lingua

aeque disertus, opes illas atque ornamenta, quibus Graeci caeteris mortali-
 bus antebant, ad Romanos transtulisse videretur. Quod Apollonius
 Rhetor aliquando fassus est stupore quodam correptus, cum eum Rhodi
 Graece declamantem audisset. Id ipsum ante Ciceronem alii Romanorum
 clarissimi facitaverant, ut Q. Ennius, qui Epicharmi, Pythagorae disci-
 puli, Librum *de Rerum Natura* Latine vertit: nec non Eumemi *Sacram*
Historiam. Tragoedias denique quam plurimas ex Aeschyle, Sophocle,
 Euripide. Mitto Tragicos illos Attium, Naevium, Pacuvium. Comi-
 cosque, Plautum, Terentium: qui Fabulas suas e Graeco verterunt. Q.
 Fabium, & L. Cincium Romanorum gesta Graeco sermone scripsisse; ve-
 terum monumentis proditum est. M. Catonem Censorium literas Grae-
 cas in feneſtute didicisse satis constat. Lucullus Graece condidit poema.
 Acilius Historiam. T. Pomponius Atticus sic Graece loquebatur, ut Athe-
 nis natus videretur. Libruque Graece conscripsit *de Consulatu Cice-
 ronis*: Vir priske libertatis, & acris subactique iudicii. Qui ea quae minus
 probasset in Ciceronis libris, notare miniata cera solitus erat: Unde aiebat
 Cicero cerulas illas miniatulas se valde extimeſcere. L. Crassus, ut copiam
 facilitateque dicendi sibi compararet, vertere Graeca in Latinum sole-
 bat. Uti & Valerius Messala Orator. Bruti Graecae epistolae exstant in
 Bello Civili ad diversas Civitates scriptae, summa venustate atque acumi-
 ne. Sex. Clodius opus Graece composuit *de Diis*. Africanus maior, cum
 Proconsul in Sicilia esset, tanto literarum Graecarum amore captus est,
 ob earum leporem ac venustatem, ut Romano cultu deposito iis operam
 dederit, assumpto pallio crepidisque. Quo nomine Fabius Maximus illi
 apud Populum invidiae faces subiecit. Octavianus Augustus Graecas disci-
 plinas maximo studio professus est, Magistro dicendi usus Apollodoro Per-
 gameno. Claudius etiam Graece scripsit Historias *Του πρώτου & Καταξυ-
 ναίου*. M. Aurelius Antoninus conscripsit Graece Libros XII. *τὰς ταυτάς*.
 Mitto alios Principes, Romanosque viros clarissimos, qui contempta ma-
 jestate patria, labores suos ac studia Graecis literis consignaverunt. Quorum
 catalogum texere, perquam esset putidum, perquamque molestum.
 Causa duplex. Altera Graeci sermonis copia, venustas, elegantia. Al-
 tera, quod cum ejus peritia in universum orbem pervasisset, iis literis con-
 scripta monumenta legerentur ubique terrarum. Contra vero quae Latinis,
 angustis admodum finibus continerentur. Quod vel Cicero ipse fatetur in
 Orat. pro *Archia Poeta*. Eo celebres illae per universum fere terrarum orbem
 a Graecis institutae Scholae generis humani erudiendi causa, quarum nobilissi-
 mae Athenis, Rhodi, Apolloniae, Alexandriae, Massiliae etiam, quam majores
 nostros maxime frequentasse, ut Graecis disciplinis imbuerentur, priscis
 monumentis traditum est. Quin etiam vel in ipsam Hispaniam nostram ea
 studia irrepsisse. Constat enim ex Strabone, Asclepiadem Myrleanum in
 Turdania Grammaticam publice docuisse. In eas Scholae, quae officinas

quas-

quasdam dedolendis mortalium animis institutas, Romana Juventus confluēbat. Unde in Urbe olim utriusque linguae usus promiscuus. Qui quidem Graece loquendi amor Romanam etiam plebem adeo invasērat, ut vel foeminae ejus studio insanirent, nec ulla satis sibi videretur diserta ac blanda, nisi Graeco sermone uteretur. Existimabant enim eo venustatem, leporem, elegantiam sibi comparari. Quae Graece nescirent, ineptae habebantur ac putidae. Quam insaniam acriter exagitat Juvenalis in Sexta. Quid mirum omnium gentium eo conspirasse animos, unde lumen liberalibus disciplinis adipiscendis? Ea face extincta, foeda barbarie obruuntur omnia, humanaeque mentes quaedam veluti rubigo obsidet. Quod reapse experti sumus. Regna ac Provincias ad Occidentem sitas densissima ignorantiae caligo obscuraverat. Sed expugnata a Mahometo Secundo Constantinopoli, Anno Christiano MCDLIII. imperante Constantino Palaeologo; exitialis illa clades & luctuosa, quae Orientis opes prostravit, Graeciae splendorem extinxit; Occidenti nostro (quae sunt rerum humanarum vicissitudines) sapientiae lumen attulit, cultumque literarum veluti postliminio restituit. Nam multi Graeci, eruditione ac scientia clari, vel patrii sedibus eiectione, vel Turcarum crudelitatem exosi, cum in Italiam se recepissent; literarum studia jam pridem emortua, & exanimis Scholas suscitare conati sunt. Quorum primus fuit Emmanuel Chrysoloras, qui Venetiis primum, mox Florentiae, Romae deinde, ac tandem Ticini, literarum Graecarum studium tam prospero eventu professus est, ut ex ejus Schola summi viri prodierint, Leonardus Aretinus, Franciscus Barbarus, Philsephus, Guarinus, Poggius, aliique. Cui successit Bessarion secta Platonici, in amplissimum postea Cardinalium Collegium cooptatus. Aequalis illorum fuit Georgius Trapezuntius Cretensis, Peripateticus. Hic Romae renascentibus tum temporis literis, primus habitus est, qui Graeca feliciter in Latinum verteret. Amurathe deinde Graeciam omnem igni ferroque vastante, ad Italiam appulit Theodorus Gaza thessalonicensis, vir, cum acumine ingenii, tum linguae perita, Graecorum longe Princeps. Quippe & Graecam, & Romanam locutionem tam scite calluit, ut utram in cunis didicisset, dignosci facile non posset, ut abunde testantur Historiae Aristotelis de *Animalibus*; ac Theophrasti de *Plantis* ab eo in Latinum elegantissime translatae. Quod sane mirabile in tanta argumenti varietate, Latinique sermonis inopia. Sed occurrentes identidem scopulos superavit ingenii solertia, conflatis miro lepore ad analogiam vocabulis, quibus carebat Latium. Porro. Librum M. Tullii de *Senectute* tam scite Graece expressit, ut profecto cum eo de palma contendisse videatur. Eadem Turcarum immanitate patria eiectione est Joannes Argyropylus Byzantius, qui Florentiae publice praefectus est erudiendae juventuti. Eam Scholam ab Argyropylo desertam ac jam collabentem, instauravit Demetrius Chalcondylas. Quem excepit Marcus Mufurus Cretensis,

sis, qui Patavii Graecos Auctores interpretatus est. Insignis Grammaticus ac Poeta praestantissimus Joannes item Lascars, Graecorum qui Othomannicis armis patria pulsus fuit, generis nobilitate clarissimus. Qui bis a Laurentio Mediceo, magno illo literarum fautore, atque parente, ad Bajazethem Byzantium missus est, ut Graecos codices omnibus latebris extractos, & quantivis coemptos, in Italiam exportaret. Eodem tempore floruit Michael Apostolius Byzantius, qui Graecorum Proverbia collegit. itemque Gnomas & Apophthegmata. Nec non Emmanuel Moschopulus. Ex quibus quatuor Graecae linguae praecepta conscripsere: Chrysoloras, Gaza, Lascars, Moschopulus. Nam maximus Planudes, qui Caesarem de bello Gallico Graece vertisse creditur, aliquanto fuit superior. Cum circa Annum MCCCLXX. floruerit, suasque ediderit *Institutiones*. Hisce Magistris initiisque res literaria radices agere coepit in Italia. Quemadmodum enim campi cultu atque irrigatione cessante sterilefunt, foedoque aspectu squalent; illis autem revocatis, pululant denuo ac revirescunt; haud aliter Italia, quae ob barbarorum irruptiones intermisso literarum cultu exaruerat, Graecis fontibus irrigata, Graecorumque studiorum calore tepefacta, coepit frondescere. Ipsaeque disciplinae liberales, quae in coeno ac sordibus jacuerant, oculos attollere coeperunt, & in coelum respicere; manum porrigentibus praestantissimis illis literarum patronis atque fautoribus Nicolao Quinto Pontifice Summo, & Cosmo Mediceo. Quorum ille Graecos etiam codices ad tria millia in Vaticanam Bibliothecam intulit, Graecia exportatos. Quorum ope & auxilio ea brevi incrementa fecere scientiae, ac disciplinae, eoque clarorum virorum proventu floruit Italia; ut saeculum illud doctorum hominum consensu *aureum* appellari meruerit. Tum primum eruditae antiquitatis amor mortalium animis infudit, unde orta est Critice; quam animam sapientiae merito dixerim, studiorum facem, ac veritatis alticem. Qua sine, caligant omnia atra nube densisque tenebris obducta. Tum primum Latini sermonis virtus ac splendor humanos praestrinxit oculos. Et qui antea barbarorum saepe pollutus, nativum illum colorem amiserat; pristinam coepit faciem ostendere, nitidumque cultum: ac veterem decorem dignitateque recuperavit. Neque haec tantummodo inde emergere; verum & illae Graeciae artes civili cultui tantopere necessariae, Testonice, Pictura, atque ars Statuaria. Allexerant namque hominum ingenia, & industriam acurrant, mirabiles illae Graecae statucae, quae vel Romae adhuc supererant veteris majestatis reliquiae, vel e Graecia exportandas curaverant summi illi viri Cosmus & Laurentius Medicei. Qui erudiendis mortalium animis, ornandae patriae, ac disciplinis liberalibus restituendis, immensam pecuniae vim liberalissime insumpserunt. In Gallias, utpote finitimas, statim irrepere Graecae literae. Nam Gregorius Tiphernas e Chrysolora Schola profectus, omnium primus Lutetiae Parisiorum summa cum laude eas publice

publice professus est. Nec multo post in Hispaniam nostram pervolarunt. Sed pervolarunt tantum, nec diu consistere. Haec eo commemoravi, Hispana Juventus, ut ne nesciretis, quantum afferant momenti ad scientias rite adipiscendas Graeca studia. Monet Quintilianus, ut pueri e Graeco sermone potius literarum initia auspicentur, quam a Latino. Ratio nempe subiungit: *Quia disciplinis Graecis prius instituendi sunt, unde et nostrae fluxerant. Existimabant enim Graecis exercitationibus ali melius ingenia posse, ut tradit Cicero.* Et certe ejus aetate lingua Graeca, antequam Latina, erudiebantur. ut praeis temporibus Etrusca: propterea quod illa, Auguralis disciplina, ritus fere Deorum ac ceremoniae, aruspici ac fulgurales libri; magna denique pars Romanae *religionis*, in ritualibus Etruscorum continerentur. Utar denique in vos adhortando iis ipsis verbis, quibus usus est Tullius ad M. filium: *Ut ipse ad meam utilitatem semper cum Graecis Latina conjunxi; neque id in philosophia solum, sed etiam in dicendi exercitatione feci; idem tibi censeo faciendum; ut par sis in utriusque orationis facultate.* Quam quidem ad rem, nos (ut videmur) magnum attulimus adjumentum hominibus nostris; ut non modo Graecarum literarum rudes, sed etiam docti, aliquantum se arbitrentur adeptos, et ad dicendum, et ad judicandum. Ad illam igitur, omnis venaustatis, leporis, jucunditatis, eruditionis, elegantiae, parentem animos intendite. Quod si obtinuerō, profecto mihi videbor mortalium omnium felicissimus; qui tam bene operam nostram locaverim. Vos autem exteris nationibus ostenditis, non naturae vitio, ingenii hebetudine, aut laboris detractione, ab iis studiis abstulisse; sed fato quodam gentis, & injuria temporum. Quae in posterum fore lactiora, non tantum confido; sed & praefragio. Valete. Mantuae novae in Carpetanis, Nonis Septembr. An. MDCCV.



X. EMMANUEL MARTINUS

Alonensis Decanus

LECTURIS SALUTEM.

EN amice Lector, novum quoddam, & inexpectatum φαινόμενον: non tamen ex eorum genere, quae ingentium calamitatum praenuncia mortalium animos terrere solent, atque concutere. Sed eorum, quae jocundo splendore voluptatem potius afferunt, atque oblectationem. Rem totam paucis abfolvam. Da operam. Cum abhinc quinquennium Valentiae Hedetanorum agerem, ac Josephi Castelvini, Marchionis Villatruani Bibliothecam paulo diligentius lustrarem; cum animi crassa, tum ut codices accuratim ac temere in pluteos conjectos, in certas classes aptim-

Tom. I.

T

que

que ordinem redigerem (nam Castelvinius penum illam Librariam, in Portu Magonis Balearico ab se coemptam, nuper advexerat, cum e Provincia discederet, quam fere per septennium cum imperio rexerat) dum eximias illas Minervae opes contemplor; oculorum obtutum in codicem quemdam defixi, qui visus mihi est antiquitatem quamdam prae se ferre. Erat enim compactus tabellis quibusdam aluta obductis. Quod solenne praeis bibliopegis. Novitate illectus, statim scalas admovevi iussi, iisque consensu, in codicem incidi carmina ac poemata varia continentem, auctore Ferdinando Ruizio Villegate. Pupugit me altius novi hominis nomen ignotum, nec ullis adhuc famae imaginibus nobilis. Multoque vehementius ubi aliquot versibus perlectis, mirabilem in iis nitorem deprehendi, cum nativa quadam facilitate, ac poetico oestro. Sed de his alias. Igitur cupido omnes invaserat, ignotum hominem ex oblivionis tenebris erudi. Quare, rimari omnia, obvios quosque de illo contari, Nicolai Antonii Hispanam Bibliothecam evolvere, Ludovici Vivis (quem Praeceptorum habuit) Budaei, aliorumque, quos inter amicos recenset, scripta consulere. Tandem Burgos, ejus patriam, accuratissimas literas scribere; ut si quae in domesticis monumentis de eximio hoc Poeta vel legissent, vel fando audivissent, ea nobis minime inviderent. Sed omnia ne quicquam. Incredibilis enim oblivio tanti viri memoriam deleverat. Fati contumeliam! Quam ob rem in eas angustias devenimus, ut nitidissimi Poetae memoriam aliqui funditus oblitteratam, ex ipsiusmet scriptis cogamur eruere.

Natus igitur est Ferdinandus Ruizius Villegas Burgis in Hispania. Ipse in quodam disticho.

*Burgensis vitam praestet mihi patria, bustum
Praebeat ignota vel niger Indus humo.*

In lucem editus est III. Nonas Aprileis. quod ipse memoriae prodidit in Carmine de Die natali, iis versibus:

*Nunc ego crediderim Veneri accubuisse Gradivum,
Et posita amplexus casside ferre Deae.
Nuper abijt, menssemque suum secum abstulit ille,
Vulcano ut melius sic, puto, verba daret.
Tertia lux haec est Martis contermina mensi:
Ab! sine Marte Venus tres sit amante dies!
Adde quod est Veneri mensisque diesque sacratus,
Atque aperis veris dives Aprilis opes.*

Fuit patricia familia, multisque majorum imaginibus clara, ut idem prodidit in eodem Carmine:

Sparge

*Spargere Rosas, & funde merum, multisque penates
 Floribus, & fictos stipite sparge lares.
 Stipite crediderim fictos, quos Troius heros,
 Eripuit patriis Urbe cadente rogis.
 Ista pium atque gravem scimus coluisse Quirinum
 Numina, & haec eadem sacra fuisse Numae.
 Hos quoque ab innumeris proavisque atavisque Penates
 Quid mirum, & fictos stipite habere lares?
 Qualescumque tamen, puer es a age, sparge coronis.
 Haec coluit multos numina noster avus.
 Haec tutam tenere domum tria saecula nostram:
 Et teneant post haec saecula multa precor.
 Divitiae periere quidem, princepsque potestas:
 Sed Villegatum stirpsque decusque manet.*

Et in de Genethliaco ad Uvilchium:

*Est illustre mihi, fateor, genus; attamen hoc sum
 Culpandus, proavum ni sequar acta magis.*

Recenset deinde majorum suorum egregia gesta, ac facinora a Roderici clade. Subjungitque:

*Num Villegates sedem hanc habuisse, minores
 Unde decus summum nobilitatis habent.
 His quoniam terris, atque his in montibus orti,
 Bellando qui rem restituere, duces.*

Descendit deinde ad Alphonsi, cognomento *Sapientis*, tempora, ac utriusque stirpis Villegatum nimirum, & Ruiziorum gesta commemorat. De illis autem alibi etiam.

*—— illustris numeret, seu stemmata gentis
 Et Villegatum longos ab origine patres.*

Praeturae gessit Burgis. De Genethliaco ad Uvilchium

*Quare ego, amice, tuo vel motus carmine, vestram
 Praeturae cura cum meliore geram.*

Texerat enim Uvilchius in Genethliaco Villegatis majorum seriem, eoque summis laudibus ornaverat. Ut eum forte suorum aemulatione ad virtutem accenderet. In Carmine etiam ad Gundisalvum Illescam de Historia sua Pontificali, appellat se patricium Burgensem, & Praetoria dignitate illustrem. Rei familiaris angustia laborasse, ac pristinae dignitatis splendorem amisisse; ipse indicat in de *Die Natali*, eo verius:

*Divitiæ perire quidem, princepsque potestas:
Sed Villegatum stirpsque deusque manet.*

Videtur etiam cum duriore fortuna confictatus. Ut ipse iannit in *Cybdello-mastige*, illis versibus:

*Nec finit absentes mala nostra plangere, si sunt
Quos miseri movent impia fata viri.*

Ex quibus apparet malevolum hunc, quem Cybdeli nomine maledictis profcindit, ejus infortuniis insultasse, famamque carpsisse. Quem iccirco Archilochio sale perficit; ac diris & execrationibus devovet. Gravissimo morbo aliquando fuisse correptum, tradit ipse in Elegia ad Virginem Matrem, cujus opem implorat. Morbi genus ipse prodidit hinc versibus:

*Ad te confugio supplex. miserere jacenti
Diva tui famuli, quem premit atra lues.
Obruta ferali languent mea membra dolore,
Nec facit officium perve manusve suum.*

Miram in eo fuisse in pangendis versibus facilitatem, cum ex ipsis patet (non enim tam arte, & labore constare videntur concinnarique, quam sponte sua, ac naturali quadam facilitate fundi, atque fluere) tum ipse testatur in Epigrammate quodam ad Uvilchium, ibi:

*Quod scribis nostris peccatum versibus, esse
Agnosco, & culpam, Uvilchie, confiteor.
Vel quia paucis uno centum pede carmina scripsi,
Et tot scribendis versibus, hora fui.
Vel quod & haec fueris male libera, nempe rogatis
Bissenis dare ... testibus, atque tribus.
Adde, quod a multis numeros oblita diebus
Musa, per insuetum non bene currit iter.
Accelerantique, manum vix primam passa, relicto
Auctori nullo carmine, frustra abiit.
Quo fit ut excuses merito me. Quare age, nostros
Aut dele, aut versus corrige, vel patere;
Me tamen excusa. Nisi sim culpabilis, una
Quod scribo, & testes pergo rogare meos.*

Vides eum, dum munus praetorium obiret, una testes ad tribunal stantes rogasse, eaque carmina fudisse, quae ad Uvilchium miserat. Mariannam quendam a Lerma Civem suam efflictim deperit. A
qua,

A qua, tamquam a principio omnium auspiciatissimo, opus suum orditur. Ecloga scilicet principe, quam *Mariannae* nomine inscripsit. eamque in scriptorum suorum limine affigi voluit, tamquam famae suae tutelam, atque praesidium. Nihil tam Auctoris nostri ingenium exercuit, quam Marianna. Tabescebat miser, atque omnes curas, cogitationes, aestus, omnes denique aegritudines, verbis mandabat; atque (ut ita dicam) Mariannae foribus appendebat. Exstant enim ad eam inscripta sex & viginti epigrammata. Tandem castissimae ac nobilissimae virginis amor succumbens, eam duxit uxorem, veluti abaris, ac pulvinaribus detractus. Semper enim in votis habuerat sacris initiari iisdemque addici. Eoque Ecclesiastico censu fruebatur, quem sponte dimisit, ut forma potiretur tantopere concupita. Sed malis avibus id factum ac *Iuvoniense*. Siquidem jocundissimum illud sibi caput Mariannam paullo post extulit repentina morte extinctam. Quique nuper laureatus Epithalamium cecinerat, lautosque pueros genialem faciem lucere videbat, & praecinentes tibicines; mox vespillonibus ac praefica accitis, floribusque cupresso funestis, epitaphium conscribere coactus est. Quod habetur in extremo libro. In disciplinis apiscendis Magistro usus est summo illo viro Ludovico Vive, cuius mortem acerbissime deflet Ecloga secunda, cui titulus *Vives*. In ea enim legitur:

Aus mihi si celebrare datum per rura magistrum est.

Quod etiam repetit in sepulchrali ejusdem elogio, hisce verbis:

*Vives ille meus Magister, ille
Magnus, saecula prisca quem timebant.*

Hujus Eclogae meminit Nicolaus Antonius Hispanensis tom. II. Bibliothecae Novae Hispanae pag. 214. hisce verbis: *Rodericus Fernandez de Villagas scripsit Eclogam in obitu Ludovici Vives ad D. Merciam Calabriae, & Zenetti Ducissam, sive Principissam. Quae olim fuit in Bibliotheca Antonii Augustini Tarraconensis Praefulis Cod. CCCLIII.* Unde apparet, quam obscura fuerit adhuc praeclarissimi hujus Viri memoria.

Guillelmum Budaeum inter praecipuos amicos habuisse videtur, cujus manibus parentat Ecloga VI. cui titulus *Budaeus*, nitidissime mehercules, atque elegantissime scripta. Inter amicos etiam recenset Antonium de Fonseca Pompejopolitanum Episcopum, cui carmen quoddam, sive *СЕРМОНЪ, въсхвалитъ*, de Urbe Pompejopoli. Joannem itidem de Pefquera, cui *Sermonem* alium dicat cum hoc elogio:

*Pefquera egregium Phoebi decus, Aonidumque,
Praesidiumque ingeni, cultae, & tutela Minervae.*

Nec non Antonium Valdelomarum, cujus etiam nomen carmini cuidam praefigit hisque versibus ornat:

T 3

Valde

*Valdekomare novem Musarum gloria, fontis
Bellerophonteï, cui labra impleſſe liquore
Contigit baud tantum, & bijugum ſuperſſe cacumen.*

Gundisalvum Illeſcam, Auſtorem Hiſtoriae Pontificalis Hiſpanico ſermone conſcriptae ſummis laudibus ornat, ob praeclariffimi operis dignitatem, atque amplitudinem, dictioniſque elegantiam. Illiusque facultatem in ſcribendo Graece & Latine valde commendat. Familiariter quoque uſus eſt Salcedo quodam, eximio Poeta, quod ipſe prodidit in quodam epigrammate, hiſce verſibus:

— O veteres inter numerante Poetas
Et nulli vatum vates ceſſure priorum.

Maxima quoque illi interceſſit neceſſitudo cum Joanne Verzoſa, cui epigramma inſcripſit, in quo miris laudibus extollit opus quoddam poeticum, quod ille tunc pangebatur. Aloſiam Sigeam rebus humanis deſunctam lacrymis proſequitur moeſtiſſimo quidem epigrammate, ſed elegantiffimo. Ubi eam appellat Hebraicae, Graecae, Latinaeque linguae peritam:

*Ille Paleſtine, Graece, Latineque perita,
Quam decimam Muſis addidit Heſperia.*

Et in alio epigrammate:

Phoebus Idumaea, Latia, Graecaque loquela, &c.

Et in ejus epitaphio a ſe ſcripto, addit linguam Arabicam, ubi ait:

*Quam docti ſuſpexerunt Viri, quam maxima Roma,
Quam Graeci, & Solymi, quamque peruſti Arabes.*

Quando autem in clariffimae hujus foeminae mentionem incidimus; temperare mihi vix poſſum, quin eorum manibus male precer, qui caſtiſſimum illud caput pudore, ac verecundia inſigne, dignum judicarunt, cui inſanabilem illam turpiſſimae obſcoenitatis notam inurerent, impuriſſima illa Satyra vere Sotadica, ſive Dialogiſ flagitiouſſima libidine execrandis, qui ejus nomine circumferuntur. Doli artiſex Janus Meurſius. Qui improbo ac petulantio conſilio Hiſpanae Virgini propudioſum illud opus impexit, quod vel Philenis ipſa erubeſceret, vel Elephantis. Hominis os! Eadem inſolentia graſſatus eſt impuriſſimus nebulo in ſamam & exiſtimationem Ludovici Vivis hominis ſanctiſſimi; ſpurciſſimam ſabellam commentus, qua tanti viri memoriam incredibili mendaciq apud poſteros deturparet. Cui diligentius recitandae totum impendit Dialogum VII. Satyrae ſuae Sotadicae impudentior cane catulliente. Sed mali corvi malum ovum. Sed a diver-

diverticulo in viam. Habuit etiam Ferdinandus noster inter amicos P. quendam Beneventum Pompejopolitanum, quem poeticae facultatis nomine saepe laudat, variis ad illum inscriptis epigrammatis. Andream item de Cardenas, quem in ejus epitaphio a se exarato, appellat:

———— *Phoebi clarum jubar, una sororum*
Gloria. —————

Nec videtur Erasmo fuisse ignotus, cui non unum scripsit carmen sepulchrale cum versibus hendecasyllabis, tum elegiacis. Haec sunt, quae ex Auctoris scriptis explicari potuimus ad ejus vitam concinnandam. Quandoquidem illum ex oblivionis tenebris extractum, ac redivivum, nunc primum vitali luce perfundimus. Festinemus ad alia. Habes candide Lector Poëtam nitidum, venustum, elegantem. Mira in eo facilitas cum felicitate conjuncta. praesertim in Epicis, & Bucolicis. Quid enim elegantius poemate de *Nuptiis Philippi II. & Isabellae*? cujus postremus liber est de Taurorum Ludicro Spectaculo, Cannarumque lusu. In quo summus Poëta omnes ingenii sui vires exeruit. Mirabile in eo artificium. Per Deorum namque ministeria, & divini furoris imagines res alioqui difficiles ac perplexas mira dexteritate extricat, atque expedit. Quid quod Theocriticam simplicitatem magis referat, ac Virgilianam suavitatem, quam Auctoris nostri Eclogae? Inter quas equidem illam censeo facile principem, quae inscribitur *CIVICÆ*. Est enim plena pastoricae simplicitatis, miraeque varietatis. Affectibus praeterea maxime turget. De utroque igitur genere ita sentio. Nihil esse prorsus, quod magis referat divinum illud Maronis *Æneidos*. Ita enim exprimit imaginem priscae aevi, ut nisi argumentum & Auctoris nomen prohiberent, saeculi Augustei prolem judicarem. Dictio in iis pura elegans, castigata; numeri sonori, teretes; sententiae perspicuae, novae, vividae, torosae, inventio mirabilis. Fluit sane grandiloquus sine tumore, elatus sine fastu, sine abiectione verecundus, diligens sine morosa *Aegyptis*. Nec tamen dissimulabo quaedam occurrere apud illum hyperbata, quae legentis impetum remorantur, Quo sine nihil esset hoc opere perfectius. *SPHAERA MUNDI* duriuscula est, & longis amfractibus salebrosa. Quo itidem vitio laborant *AESOP* *FABELLAE*. *CYBELOMASTIX* poemation esset nec illepidum, nec injucundum nisi eruditionis ostendandae, dum omnia verrit convasatque, moderationis sinibus excessisset. Quidquid enim ubique gentium accidit infortunii, tam apud Graecos, quam apud Latinos illo accersit, diris, & execrationibus suis concinnandis. Quo fit, ut legentis animus immensa illa historiarum congerie obrutus, nec ulla recreatus varietate, fastidio legendi deficiat penitus, ac fatiscat. *SERMONES* ad Horatianum characterem propius accedunt. Dummodo sententiae nervos feliciter

felicitè exprimat ac Romane; ut ut verba cadant, fusque deque habet. Structurae nitore unice studet, ac proprietati; numeros honoremque contemnit. Satis illi visum, si verba ad metri leges trahantur, etsi non fiant. Itaque in iis legendis cespitabis potius, quam curres. Pleni autem sunt optimis praeceptis, & sapientiae succo, moribusque vel formandis vel emendandis, oppido quam aptissimè. EXULTATIO ob Navalem Victoriā ad Naupactum, poemation quidem est aridum, & exsangue. Crediderim illud in primo animi exultationis ardore, ac laetitiae motu effudisse potius quam lucubrasse. In reliqua variorum epigrammatum congerie, quam vocat FARRAGINEM, multa reperies summa elegantia ac venustate. Nonnulla autem, quae forte expectationi tuae minime respondeant. Equidem existimo, Auctorem nostrum quaecunque ab adolescentia usquam unquamve paravisset, in hunc librum coniecisse; non tam ut luci publicae committeret, quam ut se pence in unum collecta volumen, tutius, cautiusque servaret. Itaque ego, nisi religione impediret, sacerem quod diligentes pastores solent, quā oves rejiculas a sano ac valente grege dispecunt, atque abijciunt. Sed quas in me conijcerent tragulas morosi illi hypercritici? Itaque de hoc volumine quicquam detrahare, religioni duximus. Ea tantum praemonere visum, quae ad Lectorem instruendum, officique nostri rationem pertinere arbitratus sum. Auctori, qui superiore saeculo vixit, explanationes annotationesve appingere, non nihil habere mihi visum est levitatis, ne dicam putidiusculi ac futilis. Quare Auctoris nudum exemplar orbi literario proponimus: paucissimis admodum exceptis; iisque levissimis, quae rei dilucidandae adjecta sunt. Unum est in quo nec operae, nec studio peperci. In restituendo scilicet exemplari, quod librarii incertis mendis adeo scatebat, ut majorem ego molestiam in eo emendando subierim, quam Hercules in Augiae stabulo repurgando. Num ea diligentia aliquid praestiterim, scires profecto, si volumen ipsum manu exaratum tractasses. Nec tamen ea sum confidentia, ut mihi persuadeam omnes meas lectiones esse *ἀνδριεγε* ἢ *Σόλωνος* & *Βουδ*. Cui enim tam defaecati sunt oculi, quibus non aliquae adhaerant Saturniae lemnae? Non mea sponte hanc Provinciam suscepi, sed adigente viro gravissimo mihiq̃e omnibus officiis conjunctissimo, Jano Basilio Castelvino, Praetore Valentino, Musarum corculo, cui omne studium omnemque operam navare, per mihi honestum visum est, arctissimaque amicitiae legibus maxime consentaneum; cuique poëtas studiosi maximas gratias referre debent, quod eo annitente atque allaborante, immo Auctore, elegantissimi Poëtae carminibus frui licet. Qui uni illi suam debet *ἀνάγνω*. Labore igitur ac diligentia nostra, quali quali frueret Lector, & vale. Mantuae novae in Carpetanis, Pridie Kal. Septembreis, An. MDCCV.

XI. EMMANUEL MARTINUS

Excellentissimo Domino

JANO BASILIO CASTELVINIO

*Marchioni Villatorcano, Comiti Cervillonis, Hispaniae Magnati, ac
Caesaris a Consiliis,*

S. D.

Viennam in Austria.

Litterae tuae XIV. Kal. Septembris ad me datae, redditae mihi sunt, quo tempore summis occupationibus ita distinebar, ut eas vix potuerim raptim ac festinanter oculis percurrere. Rescripti tamen fratri tuo, de fasciculo solitudinem abjiceret, esse enim me penes. Tibi autem respondere, cum res esset acrioris studii ac meditationis; in id tempus distuli, quo molestissimis huius tricus expeditus animus, ac paullulum recreatus, se colligeret. Quando igitur nactus sum tantillum laxamenti; ad ea enitar, quae eruditissimi Viri, Apostoli Zenonis schedula continet, quam tu in fasciculum inseruisti. Tametsi nonnihil tibi subirascor, quod ingenium nostrum, pertenuē admodum perque imbecillum in has angustias conjeceris. Quid enim proferre potest homo in hanc literarum solitudinem abiectus, atque a doctorum hominum consuetudine penitus seclusus? Tamen etiam, postquam tibi ita visum est, sententiam nostram aperiam: non quidem eruditionis ostentandae; sed ut desiderio tuo plenissime satisfaciam.

Quaerit primum Zeno, num verum sit quod vulgo jactatur, post extinctum Caligulam nullos reperiri nummos Imperiales in Hispaniarum Coloniae ac Municipiis percussos? Respondeo reperiri quidem, sed adulterinos, & mera *εὐχρησματοῦς*. Deficit enim in iis repente non solum artis illa quasi vernacula indoles, ac natus character; sed & ipsius formae rithmus: & in peregrinam quandam insolentiam defleunt. Quod in Claudio praefertim fieri vix potuit, ac ne vix quidem. Quomodo enim *αὐτοῦ* in successore irrepere potuit mutatio illa enormis atque absona? Cum adhuc supersessent superiores Principis flatores atque artifices. Adde sis, quod ita visum est Vaillantio. Cujus ego iudicio in re nummaria plurimum dero.

Contatur deinde Zeno, num Hispaniensia illa numismata, quae Har-
duinus profert, tanquam sub Galba, aliisque posterioribus Caesaribus per-
Tom. I. V cusa,

cusa, exploratae sint auctoritatis; an eorum fides vacillet? Uti etiam illa a Golzio edita. Cui respondeo, omnes fere nummos Hispanienses ab Harduino editos, ex Thesauro Golzii corrogatos, quos ille quasi per lulum, ex proprio cerebro pepererat, ut Jupiter Minervam. Nam quod homini privilegium irrogatum, ut inter caeteros mortales, uni ipsi tot numismata sese ostenderet? Erudita posteritatis diligentiae se subducerent? Quenam beatissima illa cornucopia, quae omnes divitias in Herbolitae gremium effudit; ne nunc quidem pineae nucleo posteris relicto? Nec miror tam doli fabrum, ejusque frontem perfrictam, quam quod Harduinus, Vir eruditissimus, ac criticorum omnium *carissimus*, in ea offendicula impergerit sciens volens. Sed nostri hominis genium ad quidvis novum ac paradoxum suapte natura pronum atque devexum. Communi hominum judicio adhaerere, & cum multis sentire ineptum ducit ac putidum. Novi tramites aperiendi sunt, & in loca avia conitendum. Adde scabiem illam *adversum*. Quam pruriginem abunde ostendit in Antirrheto illo adversus Vaillantium. Ubi hominem de re antiquaria optime meritum perinde ac data opera fodiendo, pene confodit. *Quin forsitan* tot nummis adulterinis, tot quisquiliis vel fidem adhibuit, vel certe adhibuisse videri voluit, ut a Vaillantii sententia discederet. Itaque meras rugas puta & cassas glandes, quum legeris splendida illa Coloniae ac Municipiorum nomina: *Beturia & Nebrissa* in nummis Claudii, *Claritas Julia* in Neronis, COL. AUG. FIRMA BERBESULA, MUN. BARGIACIS, DEOBRIGA, LACCOBRIGA, PAX JULIA, SALMAN-TICA, TALABRIGA, in Galbae. BERDIGUM FLAVIUM, & MUNDA, in Titi. Nec huic finibus se continuit Golzii impudentia: sed superioribus etiam principibus nummos tribuit, quos nemo unquam mortalium nactus est: ut ASTURICAE Augusto. BURDOVAE CORD. PATRICIAE, FIDENTIAE, LOBETI, SEGISAMAE, Tiberio. ARABRICAE. COL. HISPAL. JULIOBRICAE, Cajo. Idem judicium esto de FLAVIA BRIGA Augusti, & AMANOBRIGA Vespasiani, quae extant in Collectaneis Pyrrhi Ligorii, Harduino teste. Quas ego merces Deos omnes iratos habeam, si etiam vitiosa nuce. Quid credidere impostores illi, posteros fore fungos aut stipites? Videor mihi tamen ejus rei causam assequutus esse. Viderant nimirum apud Plinium Coloniae & Municipiorum Hispaniae laetam segetem. Viderant praeterea complura ex illis jus habuisse cudendae monetae. Hinc amor atque illecebra tot signamenta procudendi. Bellum enthymema scilicet. Licet multum; ergo omnibus. Augustus certis Coloniae ac Municipiis, vel ob eorum erga se merita, vel ob nobilitatem splendoremque, facultatem concessit cudendae monetae cum principis effigie: quae nota erat honoris eximii. Hinc in variis Coloniae nummis ambitiosa illa privilegii ostentatio: PERMISSU CAESARIS AUG. COL. EMERITA. PERM. CAES. AUG. COL. PATRI-

PATRICIA. PERM. CAES. AUG. JULIA TRADUCTA. PER. AUG. MUN. ITALICA. PER. DIVI AUG. COL. ROM. Reliquis Coloniiis quarum integritas fidei nummi reperiuntur, quamvis eodem honore ornatæ fuissent, jus tamen illud, indulgentia Principis concessum, in nummis ostentare visum fortasse est, vel minus necessarium, vel nimis ambitiosum, vel omnino putidum. Itaque ejus facultatis usu contentæ, titulum omiserunt.

Quærit deinde Zeno, quare Claudio imperante ademptum sit Coloniiis ac Municipiis Hispaniæ jus cudendæ monetæ, quod superiorum, Augustorum ac Caesarum tempore obtinuerant? Respondeo, id esse magis obscurum quam cimmeriæ tenebræ. Non a Claudio. sed a Cajo Caligula, ea privilegia abrogata sunt. Si enim Claudius eam facultatem ademisset; aliqua extarent numismata in ejus honorem percussa sine ulla suspitione: quibus Coloniae ut novi Principis gratiam captarent, quasi gratulabundæ, initio statim imperii, severum illud decretum præcurrisset. Cum præsertim ea essent solertia in Augustorum benevolentia demerenda. Non enim fieri potuit, ut ejus interdicti tanta fuisset festinatio, ut animos in adulationem præcipites occupasset. Cum nullus igitur extet Claudii nummus exploratæ fidei; in eam sententiam vergo, ut Caligulam ejus interdicti auctorem fuisse existimem. Cujus etsi nonnulli reperiantur, minore oppido copia quam in Augusto Tiberioque etiam subducta exigui ejus imperii ratione. Unde ariolari licet, eam privilegii abrogationem adulto jam Caligulae principatu contigisse. Qua causâ quæve Hispanorum culpa mihi prorsus ignotum.

Interrogat præterea Zeno, num præter Municipia & Colonias a Vaillantio editas, reperiantur in nummis aliarum nomina, in quibus extarent officinæ monetariæ? & quænam illæ fuerint? Cui respondeo, nunquam me incidisse in nummum aliquem imperialem, in quo novum aliquod Coloniae seu Municipii nomen esset insculptum; quamvis immanem eorum copiam per varias Hispaniæ regiones tractaverim. Uno excepto maximi moduli, metallique ditissimo, quo Hispali donatus sum ab amico integerrimo, τῷ μουσειῳ, Francisco Orbio, Mathefeos professore. In eo erat Augusti caput, satis affabre sculptum, quique *αὐτοκρατορ* præ se ferebat. ante faciem AUGUSTUS. In averâ area templum magnificentissimum, cum epigraphe: URSONE. Sed id quidem

Rara avis in terris, nigroque similima cyano.

Itaque in ea sum sententia, post Caligulae caedem nullos extare nummos Hispanicos intemeratæ fidei. Quod recte Vaillantius animadvertit, ille in re nummaria Coryphaeus ac longe Princeps. Cum enim ut mirabilem illum Coloniarum ac Municipiorum librum pangeret, omnia Europae

Musea oculis lustrasset; nullum post Cajum reperit nummum, qui falsitatis nota non laboraret. Itaque in eo Principe Coloniarum Hispaniae feriem claudit. Henricus Norisius, postea Cardinalis, cum indulgentiam magni Etruriae Dynastae tria nummorum millia recens Hispania Florentiam advecta diligenter perlustrasset; nullum reperit post Cajum occisum. Mihi porro cui studium rei nummariae semper fuit eximium, quinque tantum numismata invenisse contigit post Caligulam percussa. Duo nimirum Claudii. Alterum cum epigraphe: COL. GAD. Alterum: COL. TOLETUM. Utrumque spurium. Neronis unum, in cujus parte adversa, ejus effigies. In averſa autem, ejus statua, in cujus basi MUN. IL. LITURG. In orbem: CHRISTIANORUM SUPERSTITIONE DELETA. Aliud Hadriani, in postica parte OSSIGI. Ac denique Antonini Pii, cum inscriptione: DIVO ANTONINO PIO. In averſo nummo MUNIC. SUCCUB. Municipium nempe Succubitanum, unde Annius Verus M. Aurelii Philosophi proavus paternus. quae eodem *avertens* vitio laborant.

Pergit Zeno, rogatque, num sub Augustis reperiantur aurea numismata in Hispania percussa? Nam ex argento reperiri, ſando ſe audiviſſe, etſi raro admodum. Ab ſe autem nunquam viſa. Reſpondeo, nullos reperiri nummos aureos Auguſtorum tempore in Hispania percuffos. Qui aliter tradidere, meras nugas garriunt. Ex tere omnes. Praeter Tiberianos, qui fere ex metallo Corinthio. Cauſſa in promptu. Ut ne ſcilicet Coloniae Hispanienſes honore ac praeſogativa Senatus Romano anteirent. Cui facultas tantum conceſſa aeris cudendi. Unde S. C. nota metallorum ſoli viſiſſimo impreſſa. Jus autem aureae, atque argentae monetae ſtandae feriundae ad Principis majeſtatem pertinebat. Quod ſi aliquando in nummis aureis argenteive ea nota reperiatur; non hercle S. C. legitur, ſed EX. S. C. Quod minime ad cudendae monetae facultatem pertinet, ſed ad Senatusconſultum, quo decretum fuerat in Principis obſequium, quod in averſo nummo continetur. Poſtmodum vero triumviri monetales, vel quibus id muneris injunctum, ea quae Senatusconſulto continebantur, in nummis ſculpebant, connivente Principe. Addam pro corollario, mirum ſemper mihi viſum, inter tot aereorum argenteorumque nummorum Hispanienſium acervos, vel ignoto charactere, vel Latino, ſine Principis effigie percufos; nullum adhuc comparuiſſe ex auro conſlatum. Cujus rei cauſſam non aſſequor, ſi enim argenteos conſlare licebat; cur non itidem aureos? Niſi forte dicamus, cuſos illos eſſe vigente adhuc Reipublicae libertate. Sed eſto. Quid igitur obſtabat, quo minus aureos quoque cuderent?

Nummus Auguſti, qui in Museo Caſſareo aſſervatur, extat apud Erizzum. Sed adeo detritus, ut literis abeuntibus, tantum legeretur SOC. . . Penes me fuit olim nummus maximi moduli ejuſdem Auguſti; cujus in adverſa area ejus effigies cum epigraphe ſingulari: IMP. CAES. OCTA-

OCTAVIANUS AUG. In averſa autem Sphinx, & MUNIC. CASTULON. Sed abſque literis ſubjectis: SOCE. Erat autem ille adeo rudis ac barbarus, ut Gothicum potius redderet ſaeculum, quam Auguſteum. Quocirca, nae ille mihi videtur abuti opera ac tempore, quiſquis in eas literas extricandas ſerio incumbit. Cum nummus ſit aperte adulterinus. Ut ipſe Zeno fateretur, ſi ejus contrectandi daretur copia. Neque enim dubito quin ſit ejusdem furfuris.

Habes ad Apoſtoli Zenonis interrogationes. Nefcio an ſatis apte. Si utrique veſtrum nugae noſtrae arriſerint, bene eſt. Sin autem (levis eſt jaſtura) epiſtolam diſcerpите. Interea tamen vehementer gaudeo tibi cum iſto viro tam arctam intercedere neceſſitudinem. Sed de his ſatis. Euſtathii verſionem accepi non inconcinnam, niſi quod Graeci characteres parum habent nitoris atque elegantiae. Annotatiunculae ſubjectae leviffimae ſunt, atque inſubidae. Nullus in iis peregrinae eruditionis ſuccus; ſunt enim ſtrigofiores, quam ſaeculi nitor poſtulabat. Patriae noſtrae incolumitatem tibi de meliore nota commendamus. Ut in eam cogitationem diu noctuque incumbas, oro te atque obſecro. Uxori tuae leſtiſſimae plurimam a me ſalutem. Salveant quoque filiae, venuſtiſſimae puellae, matri pudicitia, ingenio. forma, quam ſimillimae. Ut valetudini tuae conſulas, oro te iterum atque iterum. Vale. Alona, III. Eid. Octobris, An. MDCCXXVII.

XII. J. BASILIUS CASTELVINIUS

EMMANUELI MARTINO *ſus*

S. P. D.

Alonam.

XAſſe mi Martine, crediderasne, longe a campis ultimis, poſt tot temporum intervalla, me hoſpitem inſperatum veniſſe? Ecce, adſum, & plena manu. En Villegatem noſtrum: potiori jure dicam tuum; nam ipſum, qui pulla, ſordidaque veſte, ſepoſitus, abſectusque inter tineas, blattaſve, inglorius latebat, e profundo eduxiſti; & divina quadam *divinae* a tam altae oblivionis injuria mirum in modum revocaſti. Non ſic urſa catulos lambendo format, ut tu rudem, incompertum foetum expoliviſti. Tuum ergo Villegatem agnoſco: tibi reddo, poſtquam toties ad me clarigatum miſiſti. Me quidem alicujus morae reum candide profiteor; ſed ſi perturbatum rerum ordinem aequo animo attenderis, ſpero fore, ut ne totam hanc mihi maculam velis inuſtam; poſſimum cum promiſſi tardius exſoluti

usuras praestem. Editionis nitidissimae decem exemplaria pro foenore habito: ad quam adornandam nulli peperci sumptui, nullumque laborem recusavi: nec rem, ni fallor, cessisse credam infelicitè tentatam. Praestantiores quidem ista non esse Gallicas illas, Britannicas, Batavaeque editiones, asserere haud haesitabo. In dubio est? Domi presto sunt: rem cum re compara: ut est purpura juxta purpuram dijudicanda. Praeterea emendationibus, correctionibusque tuis ad amussim obtemperavimus: alte animo eas infiximus, diligenter pertractavimus: eis addere quicquam, vel detrachere ab ipsis, religioni duximus: ita ut nusquam ab eisdem discesserimus, aut transversum digitum, vel unguem latum. Ipsissimis his legibus se obstrinxit Bernardus Lama, & ea, qua praeditus est modestia, doctrinaque, exemplar novissime recognovit: arva circumivit, ut si forte facta melle aliquid spicilegii sibi superesset. Haec sunt, quae te scire volui, ut cum Typographus Venetus Libros tibi tradi curarit, de nostra editione consulte possis judicare. Caeterum en, mi Emmanuel, vota praeteritorum annorum nuncupata jam laeti perfolvimus. En tempora fortunatissima, quibus Poeta noster sua commendat carmina, cum sub Pastoris persona, divino quodam afflatu de se ipso canebat in Ecloga illa, quam inscripsit *Vivem*:

*Tunc ego nostra satis (nam sunt) male culta videri
Carmina posse reor; spero tamen affore sitvis
Pastores, qui inculta tamen laudanda putabunt:
Atque hodie multi qui sunt sine honore, videbunt
Tunc inscripta rosis magna cum laude per agros,
Perque altas incisa legent sua nomina sitvas.*

Vale, & fruire, & nos amare non desinas. Vindobonae, in Noricis, Kal. Jan. An. MDCCXXXV.

XIII. EMMANUEL MARTINUS
VINCENTIO TURRESIO suo

S. D.

Valentiam.

EGo vero te, Turressi jucundissime, singulari semper studio ac benevolentia prosequutus sum. adde, si vis, observantia. Quod equidem cum ob multa facere mihi videor, tum etiam ob affines literas, & par in omni politiori doctrina studium, quo in hoc quasi literarium conjugium quam

quam arctissime veluti concrevimus. In quo quidem miratus saepe sum, non modo perspicacissimum acerrimumque illud iudicii tui acumen; verum etiam sagacitatem in deprehendis apicendisque fugacibus verarum lectionum vestigiis. Quod nisi eruditissimis consultissimisque, datum est nemini. Quae cum ita sint mirari profecto subit, te ingenii nostri (si quod est) inopiam ac tenuitatem tanti fecisse, ut ejus opera te aliquid compendii laturum judicaveris. quod perinde se habet, ac si subula leonem exciperis. Amor certe in me tuus tibi oculis perstrinxit, ac fucum fecit. Quandoquidem autem id mihi oneris imposuisti, suslinebo qua potero. Heus tu, si me nutantem adspexeris, admove latus. Multum aestuare te scribis in illis verbis Livianae Historiae de Numa: *Ne sacra regiae viciis defererentur, Flaminem, Jovi assiduam Sacerdotem, creavit.* Ubi legendum censes, *regiae viciis*. Quam equidem lectionem non tam veramcenseo, quam disertam. Ait enim Livius, ipsummet Numam plurima sacra obisse. Quoniam vero in civitate bellicosa plures Romuli quam sui similes Reges putabat fore, iturosque ipsos ad bella; ne sacra illa quae ad Regis officium pertinebant (id enim significant illa *sacra regiae viciis*) deferrentur, Flaminem, Jovi assiduam Sacerdotem, creavit. quem iedico vocat *assiduam*, quod Flamini Diali noctem unam manere extra Urbem nefas esset. Cave tamen putes, Reges, post flamines creatos, re divina penitus abstinuisse. Nam & ipsi quoque sacra quaedam publica obibant. Quae causa fuit ut post Reges exactos umbraticum illum Regem sacrificulum crearent, ne ubi religioni ac Deorum immortalium cultui detractum aliquid viderent, Regum denno accersendorum obreperet libido. Quod disertissime traditur ab eodem Livio Lib. 11. cap. 11. Quorsum enim pertineret Regis sacrorum institutio (in Populo praesertim recens in libertatem vindicato, ac a Regio nomine penitus abhorrente) nisi eos religio impulsisset, ne ea sacra, quae Reges promiscue obire consueverant, una cum regio nomine abolerentur? In quo illis exemplo praeire Athenienses. Nec te latet, olim Reges Pontificum Regumque munia promiscue obisse, ut docent Plutarchus & Plato in Polit. De Priamo & Anio credo te legisse, nec non de gente Julia, in qua Pontificatus maximus multis saeculis perduravit. Habes ad epistolam. Ecquid superest? etiam. Nos hodie bene mane ad mare fuimus, sane quam commode. Iter enim confecimus via nec aestuosa nec pulverulenta. Nacti sumus mare cinaedo mollius. litus ipsum sine murmure, sine tumultu. quidni dicam *εὐλαβέως*? Dum mare prospecto, ingens Romanae Urbis desiderium pervasit animum. Steti quasi navigabundus. immo, cogitatione velificante, ad Tyberim appuli. Cupiebam etiam nunc plura garrere: sed nox ingruit, & stare volo illud: *MODIE AD MARE.* Tu, mi Turreti, crebro ad me scribe, vel quod in buccam venerit. Fac plena manu. Nihil senim mihi optatius cadere potest. Fac valeas. Ex Aedibus nostris, VII. Idus Septembris, MDCCII.

XIV. EMMANUEL MARTINUS

VINCENTIO TURRESIO *suo**S. C. amorem.**Valentiam.*

L Argus ubique mendaciorum proventus : non apud Graecos modo. late serpit haec lues. Nullaque est tam diligenter farrita seges, in quam non obrepant hoc lolium. sua cuique fallendi libido. Ecce tibi, nostrates, quos adeo cenles veritatis studiosos, frontem etiam perfricuerunt. Quid enim a veritate magis abhorrens, quam immane hoc commentum ? Atque eo plausu est, ut alii in alias orbis regiones avidissime transtulerint. Quippe idem narratur de lacu quodam in tractu Foxensi, quem vulgo *Tabor* dicunt. De alio item in agro Tridentino. Quin & Helvetii id ipsum referunt de lacu quodam apud ipsos, cui nomen Lucernae, ut Auctor est Joschimus Vadianus Notis ad Melam. Qui addit mendacio fimbriam : tumultuari tantum & intumescere, si dedita opera, ac veluti per ludibrium diverberetur, atque appetatur. Sin autem casu aliquid illabatur ac defluat, de tranquillitatis gradu minime dejici. Quasi non ille plagam, sed illatae sibi injuriae contumeliam perfentiscat. eoque vindicabundus stomachetur ac saeviat. Hominis os ! Quis, nisi personatus, haec audeat effutire ? Sed multorum experimento exhibilavit Kircherus in *Mundo Subterr.* Idem memoriae proditum est de Scafagiolo lacu in Apennino, uti tradit Boccacius. Nec non de Canato monte in ulteriore nostra Hispania, ut est apud eundem Boccacium, & Lucium Marinaeum de *Reb. Hisp.* adeo, ut tam enorme portentum exemplorum crebritate obsoleverit, & copia ipsa miraculo dignitatem detraxerit. Tibine in re tam futili & inepta philosophari placet ? Adeone tibi sordet tempus ? scio te jocari. Postquam autem insanandum est, non quid ego dicam (cor enim mihi salit) sed quid alii forte dixerint, proferam. Nempe fieri posse, ut metalla sulphuris, chalcanthi, & aluminis sint in lacus fundo. Quod quandiu limo obductum est, ac spiritus illi cohibentur, superior aquae facies tranquilla jacet, nulla vi inferne agitante. Ubi vero praegravioris alicujus lapidis jactu fundum concutitur, ac limosa illa crusta diffinditur, meatus illi quos coenum obstruxerat, laxantur atque aperiuntur, & spiritus illi subjeclorum metallorum calore concepti, erumpere gestientes ; simul exitum nacti sunt, impressionem faciunt. Unde aquarum ille tumultus, ac veluti confictus, infligante spiritu. Habes ad aquarum commotionem & turbamentum. Ad tempesta-

pestates vero, quid? Sine paullisper, dum sudorem abstergo. Fieri potest, ut exhalati illi spiritus, ad ignem concipiendum idonei (utpote sulphurei) cum in apertum aëra evalerint, calore solis excandefacti, in fulmina abeant, & fulgura. Quoniam vero necesse est, ut iidem spiritus, dum altissimam illam aquarum molem penetrant, humoris plurimum contrahant; haud incongruens sane videtur, ut vapor ille in altum elatus, concursuque spirituum concretus ac glomeratus, tandem congelascat, & in grandinem coëat. Atque ita, quod est fulminibus aptum & *ἰσχυρὸν* (ut spiritus sulphurei) migrabit in fulmina; quod vero imbris (ut vapores illi humecti) in imbres. Non una insaniendi facies. Forte aliquis dixerit, spiritus illos e fundo erumpentes, dum per obstantes aquas exitum sibi parant, ac veluti terebrant acri illa & contumaci colluctatione illusioneque, mirum in modum excandescere atque exardescere. (haud secus ac terebra assidue perforando adeo excandescit, ut lignum accendat) unde nullo negotio in fulmina transeant & fulgura. I nunc, & Graeciae garrulitatis audaciae crimen impinge: quando tam expeditum nactus es Philosophum. Cedo assem. Pro fabula, ineptias. Tu tamen dummodo aliquid scribas, vel fabulas scribo. Vale, & me arde. Ex Aedibus nostris, VII. Kal. Octobris, MDCCII.

XV. EMMANUEL MARTINUS

VINCENTIO TURRESIO *suo*

S. D.

Valentiam.

Ille sane ego sum, qui venae incisionem plus oderim, quam fullo ululam. Ea tamen est vitae nostrae conditio, ut, inter caeteras aerumnas, quibus miserrime afflicatur colliditurque, parendum quoque sit medicorum imperiis, plus quam Syllanis. En medicus noster Lopezius, *Φλεβοτομίας* insectator acerrimus, venae mihi sectionem (quod bene vertat) in crastinum indixit. Causa, interna quaedam jecoris agitatio, ac mordacitio pertinax, qua nonnullis abhinc diebus molestissime afficio. quae quidem ex redundantis atque effervescentis *χολῆς* acrimonia evenire creditur. Hac re, sanguinem mihi extrahendum censet ex vena hepaticide, vel, ut Palinurus Plautinus, hepatica. Quocirca plenius saucibus te obtestor, ut ad me cras. Id enim pergratum mihi erit, perque jucundum. Si id abs te, omnes abstergebo molestias. Heri Joannes Turritanus Gravius nossem domum venit nos visendi. Sed me non invenit. Eram enim apud

Tom. I.

X

Jose-

Josephum Castelviniū, etiam φιλοσοφῶντες. Valetudini tuae servi, si me valere vis. III. Kal. Octobris. Ex Aedibus nostris.



XVI. MARTINUS TURRESIO suo

S. D.

Valentiam.

EX quo redditae mihi sunt literae tuae, nihil habui antiquius, quam de reditu ad Urbem serio cogitare. Proinde, totus in eo sum, ut molestas haecce tricas, quibus vel invitus detineor, ac retrahor, procul amoveam, & excutiam. Cupio enim, mi Pyrgæe

Οἰάδ' ἔτ' ἐλθόμεναι, καὶ τόσην ἡμᾶς ἰδέσθαι.

Ut te amplectar ac dissuavie, charissimum mihi caput. Itaque ad XIII. Kalendas Aprileis Illecaonibus vale dicto, postera die ero ad Urbem. Heus tu, fac ut mihi praesto sis, vel in ipso domus limine. Inauspicato enim me domum revertisse credam, nisi te praestolantem offendero; ac prius quam familiares ipsi, tui me complexus excipiant. Castelviniū nostrum a divino suo Alcide ad ludicra divertisse, vehementer doleo. Nam & operis argumentum perquam erat venustum, & juvenis ingenium acre, atque ad ejusmodi dramata pangenda industrium & sagax. Quare, quicquid temporis rebus aliis impendit, id profecto famae suae detrahit, cum maxima nominis iactura.

Quod ais, Lupercalibus te domi continuisse; laudarem profecto, si tibi opus esset laudis irritamento ad honestatem sectandam atque amplectendam. Sed cum probe calleam, te morum ingenique tui indole virtuti ac rebus honestis esse addictum; abstinere laudibus: si prius tamen dixerō, me nihil unquam tam esse miratum, quam nonnullorum hominum, stuporem ne dicam an vecordiam? qui quidem dummodo personati in publicum prodeant, omnia fusque deque habent. O! boni! quam dissimiles tum videre est mortalium mentes, atque ab origine sua degeneres! quam turbidas, ac veluti sede motas. Quidam veluti furiis acti, ac Tisiphonae flagellis infecti, insani ac bacchabundi feruntur. Quosdam vino faucios credas, & crapula distentos. Nonnullos tenet verba fundendi cupido. Quam incepta! quam futilia & quod gravius est, argutari tum praecipue sibi videntur, quam maxime delirant, ac fatuantur. Omnium inaccessus fractior ac petulantior; verba procacia, vox in alium sonum detorta. Sunt ne aliud Luperci,

perci, ac Larvati isti nebulones, praeter inania obversacula, & puerorum terribilimenta? Sed de his satis.

A Villa-novano nibildum de fidibus mihi rescriptum. Quem tamen a me jubeas velim. Item Isidorum Costam & Barferium, duo mihi charissima pignora. Salveat a me quoque Bovilius Scaliger. Vale, & nos properdiem expecta. Ex incunabulis nostris, V. Idus Martias, An. MDCCIII.



XVII. EMMANUEL MARTINUS

PETRO VINCENTIO ZAPATAE *suo*

S. D.

Ad Oppidum S. Matthaei.

SI vales, bene est; ego quidem valeo. Scripsit ad me Pater proximis diebus, sibi de fratre meo, quem tu instituendum suscepisti, parum grata nunciari. Ideoque me iterum atque iterum rogat, ut tibi illum quam arctissime commendem. Quod ego hercules eo acrius atque contentius facere constitui, quo ille averfissimo a studiis animo licentius atque impudentius debacchatur. Quid? ain' id esse inflare rete? Profecto ita cense-rem, nisi ad meliorem spem me erigerent tot perspectissimae industriae ac diligentiae tuae documenta. Novi equidem adolescentem superbum, fero-rocem, protervum, ingenii ad deterrima quaeque propensi, animique a studiis & literarum cultu sane quam abhorrentis. Iccirco summa ope niti debes, ut eum ad meliorem frugem reducas, dignumque efficere, qui tuis praeceptis imbutus videatur. Per fortunas igitur & genium tuum, per ea quae tibi jucundissima sunt in vita, per haec te denique dexteram oro atque obsecro, ut ne illum totis habenis praecipitem deferas atque deslituas. Immo potius ut omni tua cura, opera, diligentia, severitate compescas, atque coërceas. Si id abs te impetravero, scias velim maxi-mam te initurum a me gratiam, insigni me affectum iri beneficio. Ni-mis languide: proprium me tui fore mancipio & nexu. Quod sancte juro. Cura ut valeas. Valentiae Hedetanorum, X. Kal. Septembris, MDCCII.



XVIII. EMMANUEL MARTINUS.

THOMAE BARSERIO *suo**S. D.**Valentiam.*

Habes quod a me petisti. Unum id superest, ut commendatione tua dignum censeatur. quod in votis maxime gero. nihil enim mihi optatius cadere poterit. Id si obtinero, supero Croesum divitis: Igitur posthac, si me amas, utere, imo abutere ingenio nostro. Vincam meis officiis cogitationes tuas. Date operam ut valeatis tu & uxor tua Caecilia. lectionissima foemina. Vale.. Ex Musæo nostro, ipsis Kalendis Aprilibus, An. MDCCIII.



XIX. EMMANUEL MARTINUS

JOSEPHO BORRULLIO *Juris Consulto**S. D.**Salmanticam.*

Næ tu me solitudine magna liberaſti jucundiſſimis expectatiſſimis-
que tuis literis, poſtridie Nonas Octobreis ad me datis, quibus me
certiorem facis, te Salmanticam (quod felix fauſtumque ſiet) incolumem
perveſſiſſe. Qui quidem adventus, tametſi jam a patre tuo nunciatus
mihi erat; tamen etiam maximus voluptati noſtræ cumulus acceſſit, quod
abs te audimus, quod ab incolumi, quod ab hilari: quodque ego plurimi
facio, quod verbis ſtudio adverſus me ac benevolentia plenis, luculentis-
ſimoque tui in me amoris ac obſervantiæ teſtimonio. Equidem jam diu
animi pendeſſam expectatione tuarum literarum; quas amicitiae noſtræ
veluti gluten eſſe voluiſti. Poſteaquam igitur mutuo iſto inter nos officio
placuit nobis eſſe obſtrictis; utar proſecto ea libertate in te admonendo,
quam & amor erga te meus, & tuorum in me collata beneficia, & arctiſ-
ſimæ neceſſitudinis jura oppido quam poſtulare mihi videntur. Non, me-
dius-fidius, quo te hortatione noſtra indigere exiſtimem ad hoc ſtudio de-
currendum, ad cujus pulverem ſubeundum tanta animi alacritate accin-
tus es; ſed quod muneris eſſe noſtri arbitror, ea monere, quæ te ad vir-
tutem

tutem studiorumque laudem sponte devexum, ac tuapte natura vergentem, vel inflammare possint, vel impellere Prora igitur (ut ajunt) & puppis nostrae παρρησίας est, ut te virum praestes, ut te larem, patriam, parentes, ea lege existimes reliquisse, ut existimationi, gloriae, dignitati tuae quam diligentissime servias. Dies noctesque in eam cogitationem incumbe, atque animo versa, te in hac Urbe quam plurimos reliquisse tuarum laudum obtreclatores atque aemulos; quorum livoris aciem nisi virtutis tuae splendore hebetas atque perstringis, turpissimam tibi ignominiam ac dedecus comparabis, illos vero maximo perfundes oblectamento. Sed haec ad existimationis, famaeque tuendae curam pertinent: quae in studiis sciendis, literisque apiscendis, nescio an tam nos movere debeat atque allicere, quam ipsiusmet sapientiae amor ac desiderium. Quid enim majore cum nisu allaborandum nobis est, quam ut eo per studia obrepando perveniamus, unde nulla fortunae vis, atque simultas, nulla humanae fortis tempestas ac turbo deturbare nos possit atque dejicere? Scilicet, animi tantum bona mortales jure mancipii, jureque optimo possideamus; exterarum rerum, usus tantum apud nos est, proprietas & arbitrium penes fortunam. At, vel id ipsum, quod aliquam commodi nostri speciem prae se ferat, sordere forsitan videatur. Quid enim est aliud a fortunae injuriis cavere, quam sibi consulere, ipsiusque fortunae emolumentis adhaerescere? Illud mehercule est ab humani ambitus conditione penitus semotum, ac, ut ita dicam, θνίσκον; sapientiam ipsam deperire: ob id tantummodo quod Deo nos efficiat quam simillimos, & reliquis hominibus segreget atque dispescat. Quantum enim ex literarum studiis hauserit, tanto homo homini praestabit, imperito sapiens intererit. Ad id igitur, jucundissime Borrulli, totis viribus allabora atque enitere:

Αὐτὸν ἀρετῆς, καὶ ὑπεύχον ἡμῶν ἄλλων.

ut votis et expectationi nostrae respondeas. Habes optimi fratris exemplum quod imitere, doctissimi patris vestigia quae premas, amici monita quibus insistas, Per fidem igitur & amicitiae nostrae foedera, per genium amantissimi genitoris, per lacrymas optimae parentis, te obtestor atque obsecro, ut omni nisu contendas, maximamque naves operam, ut eorundem spei ac desiderio cumulativissime satisfacias. Quid ais, mi oculissime? Tunc Terentium? *ἤντιμω*. Maeste igitur animo, Borrulli suavissime: in ea te confer penetralia, unde nihil, nisi divinum, promere licet. Quid de te sperare non ausim, quando tam pulchre otium locasti? Heus tu, si quid novi, confestim ad me. Sin, scribe quicquid in buccam, dummodo quid. Audeo enim studio tui & amore. Tu nos redama, & vale. Valentiae Hedetanorum, IX. Kal. Novembreis, MDCCII.



XX. EMMANUEL MARTINUS

JOSEPHO BORRULLIO *desiderio suo*

S. D.

Salmanticam.

A Mabo te, mi Borrulli: Tene hanc viam, cui semel institisti. O me beatum, nisi hanc tuam diligentiam dies enervat ac frangit! Sed una me spes alit ac sustinet: indoles tua & ingenium. Novi humanitatem tuam comitatemque, & (quod caput est) spectatissimum in me studium ac benivolentiam. Tametsi maxima iis literis a te affectus sum injuria. Scribis enim, valde te vereri ne per medium te traducam. Ain' serio, an ludis? Ego ne te per ora hominum? quem in oculis sero? Cujus mihi oratio vultusque ante oculos dies noctesque versantur? cuius desiderium impotentissime sero! Abjice hanc curam. Neque enim adeo ab humanitate abhorret animus, ut amici *σφαλιστὴς* in propatulo exponam. Nec sum nesciens, ea potius fuisse incuriae lapsus aberrationesque, quam inscitiae peccata. Quae quidem, ita sim salvus, pater a me tuus invitisime extorsit. Quin illum pluribus verbis obtestatus sum, ut ne tibi hanc infligeret aegritudinem. Fieri enim posse, ut tam acerba animadversione desponderes animum. Sed amor tui vicit obsecrationem nostram. Quodnam igitur ego peccatum admisi? Obtemperavi patris tui precibus, fratris obtestationibus de gradu deturbatus sum, ac dejectus. Me illis dedi. Dabo operam in posterum, ne aliquam tui offensionem incurram: quandoquidem te ego ipsa Lubentia lubentiolem esse cupio. Tu interim, mi Borrulli, Punicum illum libertum e sinu nunquam & complexu tuo dimittas. Dum haec scribebam nunciatum est Americanam classē in Coronii portu partim conflagrasse, partim obterebratam & demersam. Quod a nostris desperatione rerum factum scribunt, prementibus Anglis Batavisque, ne Indica Gaza in hostium potestatem veniret. O fati ludibria! & spes hominum inanes & fluxas! Quam apte Menander:

Ὡς εὐχόμενος πίπτειν αἰ λαμπρῶς τύχη!

Quam immane auri pondus absorbit voracissimus ille *ἐννολεῖται*. Quis a lacrymis temperet in hac publicae calamitatis plaga? Vale. VII. Idus Novembreis, MDCCII. Valentiae Hedetanorum.

XXI.

XXI. EMMANUEL MARTINUS
JOSEPHO BORRULLIO*Codicis Justiniani Primario Professori*

S. D.

Salmanticam.

Literae tuae Hispalim ad me datae redditae mihi sunt Mantuae in Carpetanis, quo perveneram VI. Idus Quincileis: diligentia quidem amici cujusdam Hispali ad me transmissae. Quod equidem summi beneficii loco reposui. Tum quod mihi non erat exploratum, quo loco & res & studia tua essent, cum per quinquennium abs te nullas accepissem, tum quod de voluntate tua concussa quaedam mihi subortae fuerant suspitionculae. Quando igitur & vales, & honoribus mactus es, & in voluntate manes; quid amplius a Diis immortalibus, vel mihi jucundius, vel tibi fortunatius petere possim, haud video. Praesertim cum honos iste delatus tibi sit omnibus amplissimi ordinis sententiis. Quod non nisi summis viris accidere solet, quorumque virtus praestantia sua invidiam enervat, ac malivolentiae aculeum obtundit. Quod hodie sane tibi contigit, qui pertinaci in studiis labore ac constantia in eum evectus es dignitatis gradum, ut ad gloriam summae laudis perveneris. Quod unum ac jucundissimum esse debet strenue navatae in literis operae, haustorumque laborum praemium, testante Aristotele: *τῆς παιδείας τὰς μὲν ἥζεις ὅσον τιμὰς, πλουτὸς δ' ὅσον κακόν*. Si igitur hodie mihi res esset cum homine aliquo leviter noto, utendum profecto mihi erat magno orationis ambitu, verborumque pompa, viresque exerendae in adornanda gratulatione. Quoniam autem te alloquor, qui & animum mentemque nostram plane habes perspecta; id unum adjiciam, quod in solennibus solebat precationibus: *Quod veritas bene.*

Nunc ad secessus nostri rationes *επιστρέφοντες*; in quibus (ni me fallit) utramque complevimus paginam. Hospitio excepti fuimus, non liberali tantum; sed pereleganti admodum perque opulento. In Aedibus nempe Ducis Alcalaee, quas Hispali habet magnificentissimas splendidissimasque, varioque veterum monumentorum genere conspiciendas. Nimirum statuis, a-naglyphis, sigillis aeneis, vasis sacrificialibus, tabellis, columnis marmoreis, jaspideis, porphyreticis, cimeliorum loco repositis. Urnis itidem, inscriptionibus, nummis. & (quod omnium caput est) instructissima Bibliotheca. Sed (pro Deum hominumque fidem!) omnia isthaec, sacratiore custodia digna; adeo ignorantia, contemptu, ac ludibrio gentis nostrae, vel

vel potius soliditate, abjecta jacent, & ingloria; ut eruditius potius lacrymas exprimant, quam eorum oculos oblectent. Nec finem adhuc hujus dementiae. Ergo autem cum neque me excruciendo, neque quiritando, quicquam proficerem; ad-mitiora consilia me contuli, librorum scilicet delinimentum: avulso ex animo moerore, quo altius conficiebar. Quod ego adversus animi aegritudines subsidium jam vel inde ab adolescentia mihi comparaveram. Tanquam alterum nepenthes. Igitur in tam opportuno otio, in tam fecunda librorum messe, nusquam falcem continui, sed omnia prostravi ac demessi. Dies noctesque in studia literarum incubui. Adeo ut stupori essem Hispanensibus, qui vel coeli inclementia, vel solis torrentis afflatu, vel maligni alicujus sideris insultu, in pertinaci studio durare non possunt. Sed vires mentisque alacritas inmodico labore fatiscunt, ac veluti marcescunt. Invisum oppido Minervae solum, si oleas excipias. Inter haec antiquis numismatibus exquirendis multum operae impendi. Nec frustra. Collegi enim ingentes nummorum acervos, majore Baeticae parte everfa exterfaeque. Immo in antiquae Italicae vestigio erutis ruderibus. Aliquet praeterea gemmas antiquae sculpturae. Nec his sinibus se continuit diligentia nostra; sed omnibus angulis lustratis, omnibus pluteis excussis, vetustos aliquot nactus sum codices. Nam Aristophanis Comoedias vili pecunia comparavi. Manu hercle bene vetusta. Adjectis etiam Scholiis nondum in lucem editis. Codicem praeterea, qui instar esse potest penus oratoriae. Continet enim illustriores Demosthenis orationes, uti & Aristidis, Philostrati Vitas Sophistarum. Excerpta ex Philostrati de Vita Tyanei. Ex Himerii Sophistae Declamationibus. Item ex Libanio, Hyperide, & Plutarchi Parallels, Platonis item Gorgiam, sive de Rhetorica, & alia. Videtur autem hic codex fuisse olim Nicephori Gregorae, ut ostendit ejus chiographum in interiore tabella hinc inde scriptum. Quo etiam nomine permagna a me aestimatur. Aretae itidem Cappadocis Libros *ἐπὶ τῶν νοσούντων* Illius nimirum, Hippocratici Ionismi felicissimi aemulatoris. Ruffi Ephesii *ὑπομετακτῆς* & *ἡ ἀνθρακώδους νοσήσεως*. Non quidem ineptas & jejunas, ut fere sunt Grammaticorum; sed laboriosas me-dius-fidius *καὶ ἀνεκδοτῆς*. Fuit enim professione Medicus Trajani tempore. Nec praetermittendus est Manuelis Atramytteni Liber *ὑπονοήσεως*, in quo vaticinationes Sibyllinae ad Christi adventum ejusque salutiferam legem pertinentes, cum divinis oraculis componuntur *ἀντιθέτως*. Festi denique Pompeii *de Verborum Significatione*. Ergo dives veteris metalli chartarumque, Mantuam repedare visum est. Quo in itinere variis incommodis acuminisque vexatus, ut est hoc anni tempus, tandem salvus perveni. Fractis tamen adeo viribus dejectione, ex alvi profluvio, quo acrius laboraveram; ut peropus fuerit per aliquot dies & lecto & domi me continere. Supervenit fatalis quaedam *ἀναιμία*, consequente *ἀγρηνία*, continentisque *ἀκατάστατος* ejectiones, tandemque febricula: quae tamen duobus tantum *ἀντιστοιχίαι* conten-

ta foras sese proripuit. At praesto fuit *ιδιωνυμία*, quae me per hos dies pessime habuit. Sed & hac molestia liberatus sum. Modum quaeris? ope forcipulae. Itaque nunc, superatis tot hostibus, cum bile tantum mihi res est, cujus *καθυμεραι* & *πενναι* *ιμεται* large me infestant. Ut hanc Urbem attigi, omnes in me oculos coniecerunt, tanquam unum cui Musei regii cura committi jure deberet. Omnes mea extollunt ac mirantur, sed nemo manum porrigit. Iniquitatem temporum praetexunt, cum sit re vera fatalis quaedam & *δυναμις* inertia, ac literarum contemptus. Incredible autem est, quam ego ista non curem. Dic mihi, Borrulli: Decet ne Martinum ambire, prenfare, captare fumos, & quotidiana verba? Absit a me hoc ludibrium. Porro, quis novit in Hispania Martinum? Nescio quo nominis mei rumore vel strepitu percussi, tanquam pelves, sive tintinnabula tinniunt, sine veri cognitione. Quam ob rem latebras Alonenses serio cogito. & vere jam iturio. Quicquid autem egero, continuo scies. Ita enim de me mereris. N. nostro ter in sermonem veni. Vin' dicam quid sentio de homine isthoc? Heus tu, tibi habeto, nemini dixeris. Desidero in homine gravitatem & pondus. Mobilitate ac levitate quadam ingenii nusquam loco consistit, cumque multa agitet, nihil agit. Ad haec Dodonaeo aere loquacior est, & populari vento perflabilis. Saepe ad me visit, saepe una fuimus, quandoque etiam communi mensa usi sumus. Nec unquam tantillum temporis vacavit, ad audienda ex scriptis nostris, vel tria verba. Diem eximebat vel suis, vel Martialis poematis recitandis. Me interim prae taedio pene exanimato, & rana Seriphia taciturniore. Nostris mercibus interea in arca putrescentibus. Ergo faceffat a me hoc crepitaculum. De fratre tuo Vincentio meis deliciis, aveo scire quid agit, quem locum obtineat in Minervae acie, ut sese gerat. Quem a me salvere jubebis. Uti etiam Chafriorem, si usquam terrarum est.

Franciscus Bonicius eques Hierosolymitanus, amicus noster, domesticorum negociorum causa isthac transiturus est. Significavit mihi desiderio se teneri lustrandi istam Urbem atque Academiam. Petitque literas ad aliquem, qui se peregrinum deduceret. Annui. Igitur, mi Borrulli, rogo te atque etiam oro, sic medius-fidius, ut majore studio facere non possim, ut ejus lateri adhaereas, & omnibus officiis prosequaris hominem mihi conjunctissimum, ita ut re ipsa experiatur meam commendationem non vulgarem fuisse. Sed importunum immo turpe jam est me pluribus agere tecum. Sic sum. Si placet, utere, & vale cum tuis. Mantuae novae in Carpetanis, XVI. Kal. Septembris, An. MDCCXV.

XXII. JOSEPHUS BORRULLIUS.
EMMANUELI MARTINO

Alonenſi Decano

S. P. D.

Mantuum Carpetanorum.

Iucundiſſimis exſpectatiſſimisque tuis literis plenis officiū, humanitatis, benevolentiae XVI. Kal. Sept. ad me datis vehementer gaviſus fui, & eo mihi gratiores fuere, quo longiores uberioresque, & quod ego in propinquiore amicitiae parte puto, te ſecceſſus tui, indefeſſique laboris mihi rationem reddere haud dubitaſſe. Quisnam ego ſum ut de te tale mereri poterim? Nec mihi unquam in mentem venit. Eſt ne tua ſedulo navatae operae commemoratio deſidiae meae exprobratio, atque inertiae, ut his quaſi calcaribus admotis alacrior, animoſiorque reddar ad ſtudium poſthac ſtrenue capeſſendum? Nullum proſecto imperium potentius quam exemplum. Scite Xenophon *via ᾗ ἂν ἰθὺς αἰετὸς ἐπὶ τὸ βαρύνειν πρὸς τὸν ποταμὸν*; ut ut ſit immortales tibi grates ago, quod me tuorum conſiliorum, internarumque cogitationum participem efficere, ſimulque exemplarium, nummorumque, quos ſedulitas tua comparavit, notitia locupletare non graveris: & haud inferiores Diis immortalibus agam, quod te animae dimidium meae tot laboribus, aerumnis, languoribusque, quos aeſtatis viſ, itinerisque longitudo attulerant, liberarunt. Vere dives Mantuum repedaſti. Nuſquam Africanus ille, vel quicumque cum imperio in Baeticam ſunt miſſi, tam reſerta, tamque opulenta praeda Romam ſunt reverſi; nec tantum in aerarium coegere, quantum in Remp. literariam intuliſti. Igitur quando haec non ſine divinae mentis numine, conſilioque in manus tuas pervenere, quid aliud te monent, atque hortantur, niſi ut his tam firmis praefidiis, munimentisque Hiſpaniam noſtram illuſtres, & ab innumeris fabellis, quae in huius Hiſtoriam inreplere, vindices, & velut alter Alcides tot monſtra fundas fugeſque. Aliter nummi quos tecum attuliſti ſine uſu inutile pondus. Noſti illud Horatii: *Sordidus ac dives*. Magna Diis immortalibus ingentium dotium, quas in te contulerunt, quasque ſtudio, vigiliſque comparaſti ratio erit tibi reddenda. Quapropter Alonenſes latebras non probo. Nec alienam a te puto preſentationem dum id unum aſſequaris: nimirum ne tua obſecta jaceant, & ingloria. Nunquam Ligur ille novum orbem gemmis auroque nobilem, nobis aperuiſſet, niſi inviſta animi pertinacia totum ferme

ferme septennium in aula Ferdinandi potentissimi Regis per te, suosque amicos inlasset, urissetque. Igitur ut tu Hispaniam nostram (de qua te aliquando cogitasse bene memini) languentem, dejectamque subleves, in gradumque reponas, ac veluti novam nobis aperias, aliqua tibi esse perfrenda non erit indecorum, remque pergratam nobis efficies. Ut saltem ab his calamitatibus, quas nostra videt aetas, ludibrioque ad quod redacti sumus, oculos avertamus, rerumque olim gestarum cognitione reficiamur, ac recreemur: aut si res haec immensi operis, laborisque tibi videatur, aliqua ex anteacto labore in lucem ede, immo omnia. Vin' tuis accuratissimis scriptis auro gemmisque ditioribus tineae, blattaeque pascantur? Quapropter summa ope niti debes, totisque viribus contendere, ut Bibliothecae Regiae praeficiaris: via unica ad auspiciū regiumque patrociniū demerendum.

Tuum de Ayala iudiciū adeo diligens, accuratumque ut nihil supra. In eadem semper fui opinione. Vincentius frater meus sedulam navat operam Jurisprudentiae. Praecedente anno aliqua ex Jure Civili deprompta Theoremata pro rostris strenue propugnavit. Per triennium extra ordinem Justiniani Institutiones voce explanavit, & si diutius in hac moraretur Academia, brevi in Candidatorum scriberetur albo. Sed quia facultates nostrae id aegre patiuntur, iis pene exhaustis mea diuturniori mora, proximo anno remeaturus est Valentiam, ut foro, ac negotiis serio vacet. Sat datum est contemplationibus Academicis. Boniciū adhuc expectamus. Omni ope enitar, ut is facile intelligat nullam commendationem tuā esse mihi potiore. Chafionius, & Vincentius plurimam salutem tibi impertiuntur. Multum te amamus. Vale saeculi decus. Salmanticae, IX. Kal. Septembr. An. MDCCXV.

XXIII. EMMANUEL MARTINUS
JOSEPHO BORRULLIO,

in Academia Salmanticae Codicis Justinianaei primario Praefectori

S. D.

Salmanticam.

FAcetas tuas literas! quibus me hortaris ut vestem candidam induam, huc illic cursitem, ac ignavissimorum morionum ludibriis obijciam, recundiam meam. Est ne hoc, Borrulli mi, consulere dignitati, famae, exultationi nostrae?

Mordicus petere aurum e flamma expedit, e coeno cibum,

quam hoc me scelere obstringere. Tamen etiam, gliscit rumor Bibliothecae Regiae omnino me iri praefectum. Uno verbo: calet res. Solus ego inter utruinque. Neque tergiverfor, neque ambio.

De Theorematis a fratre tuo tam gnaviter propugnatis, enarratisque Justiniani Institutionibus extra ordinem; immortaliter gaudeo. Est in adolescente suapte natura ingenium; ab ope tua ac diligentia, disciplina. Una deerat exercitatio. Quae tria requirit in juvene Aristoteles. *φύσις, μάθησις, ἀσκήσις*: O duras ac praeruptas studiorum salebras!

Ἀπὸ πολλῶν ἔτι βεβήσῃ!

Et te & illum amamus valde multum. Rescribes, si quid voles. Chasfrioni salutem imperti, & vale. Mantuae Carpetanorum, pridie Kal. Septembris, An. MDCCXV.



XXIV. EMMANUEL MARTINUS.

PETRO BORRULLIO J. C.

Et VIII. viro litibus judicandis,

S. D.

Valentiam.

SAlve, mi Borrulli. Balda meus tuusque meliuscule se habet: sed meliuscule tantum. Omnes enim ejus conatus, ut est hoc anni tempus, aeris inimica gravitas enervat atque prostrernit. Scis quam infensum paralyfi frigus. Etfi ea liberatus jam est opera Prisci medici Neapolitani. Sed emergunt identidem nescio quae maligna *ἀσθενεία*, quae toto corpore serpunt: lue Gallica infestante. Modo ex crure laborat, modo ex brachio. In officio tamen est, & cogitatione rerum tuarum. A me vero tibi omnia paratissima esse, confidas velim. O mihi lucem, qua id videam! Ille noster a consiliis jacet in moerore. Filiam dedit nuptum. Impendent nuptiae. nummos ei opus est, nec invenit cui emungat. Sustinere sumtum qui possit, non equidem video. Quaeris de genero? Nae ille non semissis homo. Merus bucco & stipes. Ego clitellas, si ab eo aliquid extorseris, quod hominem sapiat. Multum sermonis subit in hac Urbe, homo facetissimus: qui aliquando sponfam interrogasse perhibetur: Num esset virgo? Cui illa perlepipe perque false! Quum haec claustra ingressa sum, equidem eram.

Altera

Altera natu minor, lente (nisi me fallit) tendit ad orcum : nam & gracilem admodum, &, ut ille ait, cadaverosa. Quod dolendum sane id aetatis. Bovilius Scaliger nudius quartus ad vos, Marchionis titulo auctus. Scire aveo, quid isthic nam de recenti illius honore ? Num has phaleras aliqui detrectent. Nam Valentini calcitriones fere & sternaces. Ubi ad regium facellum ero adscitus, faciam te scitiorem. Gerendus mihi mos est in hac re Lavaræ Principi, quæ nullum non movit, ut honoris hoc titulo dignitatem nostram augeret. Quamvis ego in alia omnia, sed tamen gerendus mihi mos. Extorsit mihi Ecelestæ Princeps, Moecenas meus, supplicem libellum. Quare pendeo, non tam animi expectatione, quam metu. Mignana in Eustathio exscribendo nimis lentus & deses. Si ei calcar addideris, virum te putabo. Teneor enim incredibili videndi desiderio. &, ut ait Syrus :

Etiam celeritas in desiderio mora est.

Quare, conveni hominem, & volentem nolentem operi admove. Id erit mihi vel maxime jucundum. Coraccianus operam & fidem nostram implorat, ut in Academiae vestrae sive stipendiis sive præmiis decernendis, ejus inopiae, studiis, exantlatis laboribus, eatis consultum. Scio fore, ut in ea re plurimum possis, inque tuam sententiam caeteri pedibus eant. Itaque, si quid in me ponderis, tibi illum majorem in modum commendo. Nosti Matheſe-n utilitatem & fructum. quæ sola apud veteres proprie μαθηματικά. Quid iis magis necessarium in civili hac vita, & πρακτική ? Si pulcherrimas hæc Divas, jam dudum fugientes, revocare vultis ; facite quod mellarii ubi apes migraturiunt : adhibete aeris tinnitum. Nam, ut recte Publius,

Spes præmii laboris est solatium.

In hanc rem si incumbitis, largam habebitis mellationem, & favorum asfatim. Mihi cum Egeria & frequentia colloquia & nocturna. Valde me apud eam gratiosum censent. Modo garrimus, modo φιλοσοφούμεν, modo ad historias, modo ad Musas. Sic vita truditur. Felici Roderico salutem a me plurimam. Depereo illum, cum ob ejus humanitatem & come ingenium ; tum ob animum humanioribus hisce literis excultum, quas juris scientiae veluti comites adiunxit. Quod in nostratibus portenti instar habendum. Vale, cum lectissima tua, & liberis. Mantuae novae in Carpetanis. Ipso brumæ die, ningente coelo. MDCCIV.

XXV. EMMANUEL MARTINUS
PETRO JOSEPHO BORRULLIO J.C.

S. D.

Valentiam.

Fama est Epistolas quasdam a Berbikio interceptas a plerisque nostratibus ad hostes exaratas, quibus nunciabatur hujus Urbis tumultus atque trepidatio, in eaque animorum perturbatione omnium animos atque consilium funditus cecidisse. Eaque de causa uti adventum maturarent, nec moras texerent. Bone Deus! Fraudis, atque insidiarum, & perfidiae plena sunt omnia. Addunt praeterea quatuor optimatum epistolas in eo fasciculo deprehensas, in quibus cum hostibus consilia miscebant. Tametsi id quidem compertum non habeo. Quare nec habeo fidem, donec veritas sese prodatur, memor Epicharmeius illius effati: *Nervos atque artus esse sapientiae non temere credere*. Certe tabellarius in tormentis est. Quod ad eliciendam veritatem plurimum valet. Tu quoque vale, & me ama. Mantuae novae in Carpetanis, III. Nonas Maji, An. MDCCVI.

XXVI. EMMANUEL MARTINUS

Clarissimo Viro

JOANNI TURRITANO GRAVIO

haereticae pravitatis Rectori

S. D.

Valentiam.

Scribam ne ad te, Vir amplissime? vellem profecto. & quidem jam diu est cum calamus noster ad te scripturum. Impedior tamen verecundia & veteribus exemplis, quibus amoris nostri nullam habuisti rationem. Ideo mihi per silentium elapsum hoc tempus. An igitur te retalem? debebam profecto. Sed amor noster acrior & sui impotens, nullo sufflamine cohibetur. O fidem, non dicam male locatam, sed male solertem, & simplicem! Quid, si ambitione mea conturbem officium tuum? Alter nodus. Qui tamen dissolvendus a me est: & quo res cumque cadat, tibi
literae

literae impingendae. Igitur nunc, ne forte sis nescius, in Moecenatis nostri numismatibus ordine digerendis omnes industriae ac diligentiae nervos intendimus. Quae numismata ad vices millia numero perveniunt. In iis quae ad Caesarum pertinent seriem, a Pompejo & Veneris postero usque ad Heraclium: (extremis Reipublicae vulneribus.) In alios ordines rejecimus quae ad Graeciam utramque, & celebre illud antiquitatis Theatrum, Siciliam. Grajos item Imperatores & tyrannos. Quae ad Romanorum pertinent familias seorsum centuriavimus, & elementorum serie digessimus. exemplo summi viri Fulvii Ursini. Hispaniae item nostrae Municipia & Colonias. Illustrium virorum foeminarumque icones propriae classi addidit. Materiem quaeris? Metallorum illa *τρεῖς αἰεὶ*, aurum, electrum, argentum, aes. Nec thesaurus iste sine gemmis. Non eas dico inertes, insanae avaritiae oblectamenta & humanae fortis ludibria, sed scitae illas & elegantes, quarum amor non nisi illos tangit, quos nostra *Φιλολογία*. Sunt praeterea lucernae, strigiles, sigilla, acerrae, claves, aliaeque antiquitatis ad aevum hoc nostrum ejectamenta. Moveo tibi salivam? Quam vellem ego te adiutorem & socium! Sed quando haec optare potius licet quam assequi, seramus aequo animo hanc aerumnam, & malignae sortis plagam, quae nos animorum consensu, paribusque studiis conjunctos, avellit abducitque. Per fortunas igitur, mi Turrítane, renitamur, & adnitamur: atque hanc oris vultusque jacturam alternis literarum alloquiis compensemus. Hoc si indulges, in coelo me collocabis. Principi nostro in oculis sumus. Utinam & tibi: quem vere amo & sine fūco. Valetudinem tuam cura diligenter, & a me salve. Mantuae novae in Carpetanis. Prima Saturnaliorum, MDCCIV.



XXVII. EMMANUEL MARTINUS

JANO BAPTISTAE CORACCIANO

Matheus Professori

S. D.

Valentiam.

DU est cum ad te scripturio. Sed nescio qua cessationis dulcedine illectus captusque, ab hac cogitatione abducor ac retrahor. Cave sis ut amoris nostro crimen impingas. Officii tantum hic languor: non item adfectus, qui integer, & in dies vegetior, ac vere *ἐν φρεσίν μου*. Postquam vero ita superioribus mensibus me gessi, ut in laesae fidei suspicionem adduci forsitan queam; dabitur opera a me posthac, ut cogitationem, qua

qua te absentem complexus sum, literarum documentis prodam. Quandoquidem tuorum adversus me meritorum memoriam nec dies obliterare potest, nec ullum locorum intervallum. Sed de his plus fatis. Quid enim excuset qui citra culpam est? cui nihil objicitur? Igitur ad rem literariam. Blanchinus ad me proximis diebus Problema suum de Cyclo Paschali. Scio illud abs te olim enixe admodum, summoque opere expectatum. Si tibi eadem videndi libido; indica. mittam primo quoque tempore. eo libentius, quod ejus lectio tibi non ingrata fore mihi videtur, ob judicii doctrinaeque inter vos similitudinem & consensum. In eo enim omnes diligentiae nervos contendit, ut adstruat, insistendum esse sanctioni Gregoriana, eamque cum Nicaenae Synodi decretis apprimè convenire, a Doctoribus Alexandrinis egregie intellectis. Imperitiae deinde notam abstergit, Innocentio I. & Leoni τῷ μεγάλῳ ab aliquibus inustam. Quod ad mea studia attinet, omnem operam, curam industriam, cogitationem, diligentiam, mentem denique omnem, in priscis numismatibus fixi adhuc & locavi. Nunc feriamur, usque ad Eustathii nostri adventum. Utinam ille quam primum: ne hibernae istae noctes, Minervae gratissimae, inertes abeant & vacuae. Marmanillo & Tòscæ, geminae patriae nostrae lampadi, salutem verbis meis nuncia: quorum capitibus, per caput hoc meum quod tango, juro ac testor nulla mihi esse chariora capita. Mignanae etiam, corculo ac deliciis nostris, meis verbis suavium impinge. Isidoro etiam Costae a me multam salutem; non quidem chartaceam illam Plautinam, sed Dea ipsa Salute salubriorem. Valeat item a me Illustrissimus Castelvinius. Quin tu etiam atque etiam vale. Nos hic recte. Utinam & tu Isthic sine quo mihi vita gravis & acerba. Mantuae (ut ajunt) Carpetanorum, IV. Eidus Decembris, MDCCIV.



XXVIII. EMMANUEL MARTINUS

JANO BAPTISTAE CORACCIANO

*Matheseus Professori, desiderio suo, χαίρει.**Valentiam.*

ECquaenam ista socordia? Coraccianus ad me tribus versiculis? Sed tamen utcumque illae sint, o literas mihi tuas jucundissimas, expectatas, & vel in ipsa brevitate disertas! Quid Croesi divitiae prae istis? Id unum mihi molestum quod de Problemate. Quid ais? nonne tibi redditum a Villamario? Atqui conceptis mihi verbis juravit, nihil sibi fore antiquius,

tigius, quam ut mandata nostra diligentissime persequeretur. Conveni igitur hominem, si vir es, ejusque memoriam refrica. Enim vero quid isthuc sit rei, exputare non queo. Nili foundationem tam cupide expecto, quam solebant Aegyptii. Nam ut illi suas inde opes annonaeque mensuram auspiciabantur; haud aliter ego spero fore ut ejus adventu omnibus voluptatibus irriget atque perfundat. Insulas porro fluitantes donec miseris, animo fluitabo. Laudes, quibus Theatrum nostrum ornasse Mignam scribis, suspectae aedepol mihi, fideique sublesta. Quidni ita censcam de homine umbra suberis levior? Homine inquam, qui mihi securo & incauto omnibus insultavit maledictis, ac veteris sanctissimaque amicitiae compage disrupta, res meas mihi habere jussit. Caussam requiris? Ea vero inepta & praepostera. Agedum, sedeamus ad calculos. Illud in primis mihi objicit, quasi totius rei cardinem; me scilicet illum e Saguntinis latebris produxisse. At qua fini? Ut ei situm & illuviem abstergerem, literatorum oculis sisterem, famae luce aspergerem, dignitate vitaeque instituto augerem. Addam: ut sibi charissimo admoverem pignori. Sorori Vestali. Quonam igitur crimine erga illum me impiavi? Quid admisi, quo verenda amicitiae jura violaverim? Num amicos studio persequi, beneficiis obstringere, scelus est? Si quidem id scelus, nae ego omnium bipedum sceleratissimus, qui tot in eum bene facta profudi. At inquit, postquam me Valentiam arceffisti, contubernio nostro posthabito, ad Carpetanos demigraisti. Quid inde nam? An fidem obstrinxeram, me ita radices acturum in ista Urbe, ut nullae unquam inde vel casus, vel fortunae vires vellerent? Si serio me amasset, fortunam illam mihi illucescentem cum secundo plausu & congratulationibus excepisset. Alia ex postulatio. Quod in Eustathio nostro describendo ejus lentitudinem & forcordiam reprehenderem, opus urgerem. Qui id non facerein, post septem menses per summum otium elapsos? Praesertim cum ultimus chartarum scapus illum penes esset, sine quo nobis studia intercepta, & ulterius progrediendi cupiditas, penitus delusa. & quidem hyeme media. Quod ego tempus Minervae semper eximium duxi, studiis capefendis oppido quam opportunum. Illud etiam criminatur: me illum reprehendisse, quasi ad literas nostras vel sero responderit, vel nunquam. Reprehendi, fateor. sed amanter, sed leniter, sed benigne. Non ne illa amantium importuna ex postulatio est? Absentium animos oblivionem incesfisse? Sunt enim plerique omnes *οιχαλτοι*. Quid igitur mirum me in ea impegissee verba, qui hominem tam efficitum deperierim? Ob eam causam *impossibilem* me appellat & *fallacem*. Proh Deum atque hominum! Ibone ultum? Absit. Immo equidem de eo semper amicissime & loquar & sentiam. De reliquo, utrum illi utilius aut honestius videatur, id eligat: vel amicitiam, vel simultatem. Si quidem ille in officii viam redierit, res erit integra. Sin autem. Sed ad res tuas.

Ubi supplicem libellum miseris, omnes adhibebo nervulos ut voti fias
Tom. I. Z com-

compos. Cum utroque Consiliario contreraneo nostro magna mihi intercedit necessitudo. Arcitissima vero cum Marchione Villatorcano. Ego ad eum perendini debeo, de nocte. Officio meo fungar. Excellentissimum virum Janum Castelviniū velim a me salvere plurimum. Toscani item & Marmanillium, duo illa patriae nostrae lumina. Isidorum Costam in oculis fero. Vale mi anime, & me dilige. In Urbe Hispaniarum domina, III. Eidus Februarias, MDCCV.



XXIX. EMMANUEL MARTINUS.

JANO BAPTISTAE CORACCIANO,

Matheseos Praefecti, suo

S. D.

Valentiam:

AMplius biennium est quam files, & nunc ad me, cum ista tua fronte perfrita ac ferrea? Quid putas? Eum me esse, quem pro libidine, & impune abjicias, & repetas? Volo nempe ego quoque etiam confulere gravitati meae, & censorio supercilio capere frontem. Sed temperare me cogunt ab hac severitate ac ~~vix~~ amor in te meus, quo prae, cuncta mihi sordent. Ignoscā igitur ignaviae ac socordiae tuae, dum modo fidem interponas, te fore in posterum diligentio rem, tenaciorēque (quod certe debes) mutui officii, quod jure veteris amicitiae abs te postulo. Cujus voti me fore compotem, ut credam, facit omen, quo faustum, felix, fortunatumque mihi auspicias jam jam appetentem ~~et~~ *diis* ~~Summi~~ diem natalem. Accipio illud quam libentissime. ac vicissim, ut impendentis anni curriculum victricibus quadrigis praetervoles, Deum immortalem obsecro atque obtestor. Interim id scias velim, neminem usquam esse hominem, qui te majori studio, observantia, benivolentia prosequatur, ac complectatur arctius; quam ego ille, quem tanto tu opere, sive negligis, sive fastidis. Mignanam nostrum ad Minervae gremium rediisse, ex ejus quoque literis intellexi. Nos scripturimus potius, quam scribimus. Contrahitur enim alacre caeteroqui desiderium vi spurcissimae hujus tempestatis, qua jactamur animi anxii, infido acerbissimorum casuum aestu pavidi semper ac trepidantes. Sed quidquid fors tulerit, haeremus clavo rationis ac prudentiae, a quo vis nulla nos excutiet. Vale mi anime, nostrique memor esto. Postridie Larentalia, Anno MDCCIIIX. Mantuae novae in Carpetanis.

E M-



EMMANUELIS
MARTINI,
ECCLESIAE ALONENSIS DECANI,
EPISTOLARUM
LIBER IV.



EMMANUEL MARTINUS
RAPHAELI FABRETTO G. F.

Canonico Vaticano.

S. D.

Romae.

EA est hujus regionis incuria rei literariae, & iners silentium, ut nunc denique temporis (proh Deum atque hominum!) Inscriptionum tuarum ad nos fama pervaserit. Quod equidem opus ita me hercule sum amplexus, ut qui impotentissimo tui convenienti desiderio flagrarem; cui jam pridem in literis principatum detuli. Nunc vero, quibus te laudibus efferam nescio, postquam tuis honestissimis studiis, laboribusque aeternitate consecratis, hunc etiam cumulum addidisti. Di immortales! quanta animi solertia, quanto mentis acumine ac perspicacia, quam sagaci vestigatione, quam accurata indagazione, lubrica & fugacia antiquitatis vestigia rimatus es! Ipsam profecto veritatem, inter

Z 2

ve-

vetustatis latebras, & rudera ipsa, miserrime latitantem, & obrutam; manu veluti porrecta, in lucem extraxisti, situ & pulvere deformatam. Plura a me postulabant, cum operis ipsius dignitas, tum officii nostri ratio, summumque erga te studium & benivolentia; nisi commendatione nominis nostri id effecisses, ut te satis laudare non possim, sine magna assentationis & voluntariae suspitione: itaque desiderio meo vim inferam, & alio me convertam. Jam pridem, mi Fabrette, opus mihi erat te convento. Perquam enim aveo scire, num Theatri Saguntini nomen vestras Alpes transcendit. De quo hercules, jure mihi dubitare videor. Etenim cum ego in hac Urbe per multos annos fuerim commoratus, a qua Saguntus XII. millia tantummodo distat; in ea eram caligine, ut praecelsissimum hoc antiquitatis monumentum (proh pudor!) penitus ignorarim: donec eo profectus quatuor retro mensibus, ut ea oculis vestigare, quae temporum evasisent naufragium; illud profectio tum mentis, tum oculorum aciem perfrinxit: adeo ut stupore quodam percussus, exclamarem:

ὦ μέγα θαῦμα τόδ' ὀρθολογιστῶν ἑγώμας!

E' vestigio ad ejus descriptionem animum intendi: metiri omnia, rimari, contemplari. In quo mihi adjumento fuit Vincentius Turresius, juvenis & mihi valde necessarius, & antiquitatis apprime studiosus. Ride historicorum nostrorum incertiam, & stolidissimam ἀπνευσίαν, qui *amphitheatrum* id appellare haud sunt veriti, cum tamen & semicirculus sit, & pars scenae superfit, ipsiusque proscenii vestigia. Scire igitur abs te velim, antea quam id opus aggredior, num aliquis ante me id ipsum praestiterit: ne nihil agam. Si quid porro habebis, quod ad ejus κτίριον pertineat, diligentissime ad me scribes. Nam quod asserunt nostri, Cimmericae tenebrae, & mernae nugae. Nos in Eustathii παραβολαῖς totis viribus incumbimus. Prior & altera Rhapsodia donatae sunt jam Civitate Romana. Vereor tamen ne impar sim tam gravi oneri serundo. eoque, animo contidam, ac tam improbo labori succumbam. Connitar tamen: si ob nullam rem aliam, saltem quia te praesertim auctore in hanc arenam descendi. Tenes ne memoria? Tu mihi nunciasti, universum orbem literarium insigni a me affectum iri beneficio. Laurentio Zaccagnae, si tibi commodum, a me salutem. etiam Blanchino. Cura ut valeas. Valentiae Hederorum, XIII. Kal. Octobris, MDCCII.

Cum haec Epistola missa est, jam Fabrettus diem obierat extremum.

II. EMMANUEL MARTINUS JOANNI BAPTISTAE MYRONI,

Monacho Casin. Bibliothecae Vaticanae primo Custodi,
 πλάτῃ χαίρειν.

Romae.

Q Uem locum apud me semper obtinueris, Vir clarissime, non tam verecundiae nostrae est dicere, quam humanitatis tuae & fateri, & praedicare. Quod equidem feci, cum arcana quadam animi in te nostri propensione; tum etiam utilitatis & emolumenti causa. Etenim id amo haec erat (quandiu mihi licuit esse beato) nullius ex congressione tam mihi fore uberem doctrinae ac literarum proventum, quam ex tui familiaritate ac necessitudine. Habent enim studia, immo ipsa virtus, id cum vitis commune, ac pestilentibus morbis, quod assidua contagione contrahuntur atque adhaerescunt. Idcirco te unice observandum putavi. Eoque nihil non rerum fategi, ut te omni laude, cura, studio, benivolentia, summis denique officiis prosequerer. Quae cum ita sint, non dubito quin diuturnum ac veterosum hoc silentium, quam maxime sis admiratus. Cave tamen existimes, amoris fuisse deliquium, vel officii nostri aberrationem; sed animi languentis aegritudinem atque torporem: qui studia mea omnia sic interceperat, obfederatque, ut omnia fastidirem, quasi nauseabundus. Quid enim facerem in hac bonarum literarum contumelia atque ludibrio? Nostri & ἱερὰ studia, ad lucrum tantum modo & quaestum collimantia: quibus literae ad mercimonium compratae: apud quos iis tantum honores studiis, quae victum suppeditant & annonam. Amoeniores hae literae ac θωρηκὴ, quas lucrum non contaminat, obsolescunt ac sordent. Nihil tamen suavitati, ut me a pristino instituto removeret. Itaque memet collegi, consiliaque nostra & latebras amplexus sum. Neve ignoti otio disfluere, ac mente obstupescere, incumbere decrevi in Eustathii παραβολαίς, quarum jam duas Rhapsodias Latinas secimus. Deterret me tamen, cum operis vastitas, tum lectorum inopia, quibus instigantibus ad hoc stadium decurrerunt inflammari atque propellari. Haud tamen negare possum absque piaculo, esse in hac Urbe unum aut alterum (sane perraros) quos bonarum literarum charitas tangat; quorum consuetudine ac familiaritate ex orci faucibus retractus mihi videor, ac nova quadam aura recreatus. Hi sunt, Joannes Castelvinius, hujus Urbis Praetor integerrimus, Vir nobilitate conspicuus, Mathefseus peritissimus, ac politioribus studiis, Musarumque opibus ornatissimus. Joannes praeterea Turritanus Gravius, haereticæ pravitatis ἑστῆς. Ac Vincentius Torresius studiorum affinitate nobis

conjunctissimus. Tria mihi charissima capita. Absque iis esset, vel hanc mihi vitam acerbam putarem. Zaccagnam nostrum salvere velim jubeas plurimum: quem equidem ante me diligo. Vale. Valentiae Hedetano- rum, pridie Kal. Octobr. MDCCII.



III. EMMANUEL MARTINUS LAURENTIO ZACCAGNAE,

Bibliothecae Vaticanae Praefecto

S. D.

Roman.

DE ingrati crimine a te merito expostularer, si per hoc temporis inter-
vallum cum te praeterierim, aliquos ex vestratibus a me per literas
fuisse conventos, haberes exploratum. Sed cum diuturnum ac pertinax
nostrum silentium omnes una amicos involverit; quo minus ad te scripse-
rim, nolim memoriae nostri vitio factum existimes; sed quodam veluti a-
nimi marcore, ac male sane tabescendi libidine. Ita enim obtorpi in hoc
gentili otio, ac vernacula nostrorum inertia, ut quicquid ab hac cessandi
dulcedine avocaret animum, penitus aspernarer atque refugerem. Punge-
bat me tamen interdum memoria tui, & obversabantur ante oculos collo-
quia illa & congressiones Attica venustate refertae, ac reconditissima eru-
ditione conditae. Moriar, nisi plus in te uno doctrinae positum semper ju-
dicaverim, quam in universa ista Urbe, quam incolis. Di immortales!
Quam expedita tótius Historiae, qua sacrae, qua profanae cognitio! Quam
acre in scriptis perpendendis conferendisque judicium? Quam immanis, &
humano captu major, librorum notitia! Sane, ut id affirmare minime ve-
rear, longe copiosorem in te considere Bibliothecam, quam illa ipsa sit,
cui meritissime praees. Quid de Graecis literis dicam? quas (per Jovem la-
pidem juro) ita pulchre apteque calles, ut ab ipsa nutrice una cum lacte
suxisse videaris. Quid plura? tua temet virtus, nulla adscita externorum
ópera, ad eum te dignitatis gradum evexit, unde facile ad summos ho-
nores conniti possis. Sed justissimae laudationis vela contraham, ne te
(quae tua est modestia) rubore suffundam. Jam pridem scire aeo, num
opus illud, quod animo versabas, *ἡ Παντάρχων ἀισιολογία*, luci publicae
commiseris; an adhuc sub lima. Collectionem praeterea opusculorum
fragmentorumque veterum *ἀνείκτους*, quorum jam nobis praesente plenus
tibi erat manipulus. Ea res quo loco sit, facies me certiorum. Si
quid

quid praeterea in re literaria, quod ad nostrum palatum. Fabretti Inscriptiones, & Gravinæ Librum *de Ortu & Progressu Juris Civilis*, avidissime devoravi. Nos in Eustathii *παρρησιας* vela fecimus. Vereor tamen ne nobis sint contrahenda. Immensa enim panditur aequoris vastitas, nullaque inter nostrates horum studiorum aura, qua cymba nostra juvetur ac propellatur. Quare, etsi duas jam Rhapsodias Latinitate donaverim, pene est ut deficiam, nisi tu me titubantem erigis atque confirmas. Nulius enim tam interest, quam tua, qui me in procellosum hoc mare projecisti. Imo, qui me instrumento ad hoc opus aggrediendum ornaſti. Utor enim eo ipso Eustathii exemplari, quod tū mihi discedenti ultro largitus es. Quod quidem exemplar, ob id praesertim habeo eximium, ac plurimi facio, quod sit veluti quoddam amoris in me tui testimonium ac pignus, ac veteris necessitudinis monumentum. Quoties enim illud intueor, occurrunt animo deambulationes illae nostrae Tyburtinae & Tusculanae, quarum memoria non medius-fidius facile dixerim, utrum me magis oblectet an torqueat. Id serio existimes velim, neminem cuiquam, neque chariorem, neque jucundiorē unquam fuisse, quam te mihi. Myroni nostro salutem articulate dices. Cura, obsecro, ut valcas. Valentiae Hedetanorum, V. Nonas Octobris, MDCCII.



IV. EMMANUEL MARTINUS

FRANCISCO BLANCHINO,

Canonico, ac Bibliothecae Ottoboninae Praefecto

S. D.

Romae.

Quod post discessum nostrum, & extremos amplexus, nullas ad te litteras dederim, Vir clarissime, commodo tuo a me consultum velim existimes. Nefas enim mihi visum est, gravissima illa studia, in quae toto animi nixu incumbis, importunis ac inanibus literis interpellare, avocare mentem a Mathematicarum inquisitionum contemplatione, auresque tuas ineptissima garrulitate obtundere. Idcirco molestissimam nobis silentium indiximus, maxima cum profectus nostri jactura atque dispendio. Immo cum aliqua forsitan ingrati erga te animi suspicione. Haerent enim recordationi nostrae jucundissima illa facilitas, comitas, humanitas tua; cum summo erga me studio, ac benivolentia conjunctae. Quid a te librorum postulavi, quod non mihi praesto esset? Ecquae veterum exemplarium libido pervasit unquam animum, quorum non a te mihi peratissima facultas? Memini, in instructissima illa Bibliotheca, cum meritis-

fime

sime praees, mihi saepe dies exactos. Di boni! qua voluptate! A proposito mihi tamen silentio, constitutaque verecundia, digredi me cogit aliquantisper ignoratio cujusdam rei, ac necessitas. Scire equidem velim, quidnam sit deprehensum in Calendario Romano vel luxatum, vel fallax, quod indigeat castigatione. Num vitium sit in Canone Paschali, an in Cyclorum Solis & Lunae computationibus, an in bisexti intercalatione, an in ipso anno Juliano. Tota res quorsum recidat, cupio ad me quam diligentissime perscribas. Tenentur enim hujus rei desiderio viri docti, qui mihi id muneris imposuerunt. Licet enim ex Zaccagna & Myrone, omni mihi olim officio conjunctissimis, totius rei seriem indagare facile potuerim; cum illi quoque gravissimo huic negotio intersint; nihilo minus, a te mihi hanc rem iri explanatum, vehementissime opto. Per fidem igitur & genium tuum, mi Blanchine, excute nobis has tenebras, & summa illa, qua polles, eruditione, enucleatius extrica. Fabretum nostrum salvere jubeo. Vidi ejus *Inscriptiones*, in eis luculentissimum sui erga te amoris testimonium. Itemque, in *de Ortu & Progressu Juris Civilis* Gravinae nostri. Si quid a te forsan luci publicae donatum, facies me certior: nam cum ego Urbe discederem, nescio quid erat sub praelo. Valentiam tuam cura diligenter. Valentiae Hedetanorum, Non. Octobr. MDCCII.



V. EMMANUEL MARTINUS
ALEXANDRO ZONDADARIO,

Ecclesiae Senensis Archipresbytero, Abbati Divi Salvatoris, & Prae-
posito Pistoricensi, Viri ornatissimo & fautori suo

S. D.

Mantuum Carpetanorum.

Dtu mihi cogitanti, Vir doctissime atque integerrime, quoniam potissimum indicii genere memorem acceptorum abs te beneficiorum animum mentemque significarem, nullum profecto visum est nec sincerius, nec praestantius, quam si aliquo studiorum nostrorum monumento intactae abs te gratiae testificationem posteris exaratam relinquerem. Praesertim cum eo semper in me fuisset animo, ut (quae tua est humanitas) ingenium nostrum & literulas, si quae modo sunt, minime habueris despicatui. Igitur cum per hos dies, otii potius exercendi causa animique oblectandi, quam ut diligentiam putidius ostentarem; disquisitionem illam, sane quam implexam, mihi enodandam susceperim, de Auctore Collectio-

nis

nis veterum Epigrammatum; eique, ut in proverbio est, summum jam affuerim centonem; nihil duxi antiquius, quam, si quid demum id est lucubrationis, pro jure officii & observantiae in te nostrae, ad te mittere. Tu in me vel castigando, vel admonendo, ea utere libertate, qua debes in hominem impense tibi addictum.

Epigrammatum Graecorum Collectione, quae *Anthologiae* nomine circumfertur, vix aliquod ad nos pervenit eruditae antiquitatis monumentum, vel utilius, vel illustrius. Multi enim qui bene de literis meruerunt, longa oblivionis caligine obvolverentur, nisi eorum nomina, per has veluti propagines, ad aevum essent nostrum transmissa & propagata. Multorum etiam scripta funditus intercidissent, quorum nos desiderium conficeret. Adde, argumentorum varietatem, sententiarum acumen, facietiarum leporem, multiplicem rerum abstrusarum notitiam, totiusque antiquitatis veluti complexum. Unde, tanquam e penu locupletissima, quidquid libuerit, depromere licet. Tanti igitur operis dignitatem cum animo meo reputanti, subiit aliquando cogitatio de Auctore ejus Collectionis, praesertim cum viderem, eam rem eruditorum plerisque ignotam, aliquibus vero non bene compertam. Omnibus denique negotium facessere. Quae quidem cura cum acrius me pupugisset; omnes jam adhibueram nervos ut hanc rem eruerem; operique altius me accinxeram; quum incidi opportune in Epistolam quandam Leonis Allatii ad Gabrielem Naudaeum, quae exstat in Responsis Fortunii Liceti ad quaesita per epistolas. In qua Vir ille eruditissimus diligentiae meae praecurrerat, consulto etiam insigni illo Palatino codice, nunc Bibliothecae Vaticanae, quem ego huic rei indagandae accuratius evolveram: copiam mihi ejus faciente Laurentio Zaccagna, ejus Bibliothecae Custode dignissimo, mihiq;e, quandiu egi in Urbe, omnibus officiis conjunctissimo. Igitur ab ea cogitatione tum retractus, alio animum adjeceram. Tameñ non diffiderem, me, illa ipsa quae Allatius scripserat, longe uberius atque enucleatius mandare literis posse. Nam ille, ut canis Nilum, obiter tantum ac in transcurso, argumentum hoc delibat potius, quam absolvit. Totius autem rei accuratius explanandae cupidine quadam nunc denuo tactus, ea quae super hac re comperta mihi sunt, in medium proferam confusus fore, ut noscer hic labor Graecarum literarum studiosis nec inutilis omnino evadat, nec injocundus. Primus igitur omnium, qui Graeca Epigrammata hinc inde dispersa, in unum corpus collegit, fuit Meleager Eucratidis filius, natione Phoenix & Palaestina, patria Gadareus. Hic nempe, vetustiorum Poëtarum Epigrammata cogens scitiora, Auctorum nomina literarum ordine digessit, eamque Collectionem *Соронам* inscripsit, dicavitne cuidam, cui nomen Diocli. Quod diserte habetur in Codice illo Palatino, qui Heidelbergera Romam translatus est. Cui praejecta est *Corona* Meleagri, in cujus margine haec annotata sunt, minutissimo charactere, literisque pe-

ne abiturientibus : Οὐτ' ὁ Μελίαγρος Φοίνεϊ ἔν' ᾤσιν Παλαίσιναι. Ἐποίησε δὲ τὸν Θανυμάσιον τινεὶ ἑπιγραμματικῶς εἰσφαιεῖ. Συνέταξε δὲ αὐτὸν καὶ εἰσιχεῖον. Et paucis interjectis : ὁ Μελίαγρος Γαδαρικοῦ ἦν, τὸ γένος Σύρος. Ἐτελεύτησεν ὡς καὶ τῇ νύσῃ. Recensitis deinde Poëtarum nominibus, subiungit : Ἐγραψα δὲ τὸ εἰσφαιεῖον ὡς Διουκλίας. In Bibliotheca Barberina exstat *Corona* isthac Meleagri, manu exarata, in qua hoc legitur sepulchrale distichon :

Εἰς τὴν σοφὴν Μελίαγρον, τὸ τοῦς στεφάνους ἑπιγραμμάτων κλίμακα,
τὸν υἱὸν Εὐκράτιος ἔγχετο Γαδαρηνῶ.

Εὐκράτιος Μελίαγρον ἔχω, ξίει, τὸ σὸν ἔρασι
καὶ Μούσαις κερσασαὶ ἠδολόγους Χάρμτας.

Natus est Meleager, uti diximus, Gadaris, seu potius Atthide, Oppido ad Euphratem, haud procul Padaris. Utrumque enim habemus ex duplici epitaphio, quae homo, famae suae non incuriosus ante funus sibi exaravit, senio jam confectus. In quibus genus suum, patriam, parentes, ingenium, & scripta recenset. Quorum alterum exstat libro tertio *Anthologiae*. Alterum exhibet Codex Barberinus. Prioris exemplar huiusmodi est :

Νῆσ' ἔμα' θρίπυρα Τύρος· πάτρα δὲ με τινοῖ
Ἀτθίς, ὃς Ἄστυλεις καιομένη Γαδάρος.
Εὐκράτιος δ' ἔδρασεν ὃ σὺ Μούσαις Μελίαγρος,
Πρῶτα Μενεππίαις συντροχάσας χάσμα.
Εἰ δὲ Σύρος τί τὸ θαῦμα; μίαι, ξίει, πατρίδα κόσμου
Ναίωμαι· ἐν θνατοῦς πάντες ἰταίης χάσῃ.
Πωλυτὴς δ' ἰχάρεξα τάδ' ὃς δέλτοισι πρὸς τύμβῳ.
Γῆρας γὰρ γίγντο καὶ ἀγλύβεις αἰδῶ.
Ἀλλὰ με τὸ λάλιον καὶ περιστύριον οὐ πρῶτον
Χαίρω, εἰς γῆρας καὶ αὐτὸς ἴκειο λάλων.

Posterior autem ita se habet :

Πρῶτα μοι Γαδάραν κλιθεὶς πόλις ἑπλήσω πάτρα,
Ἥδρωσιν δ' ἱερὰ δῆξαί με Τύρος.
Εἰς γῆρας δ' ὅτ' ἴδω καὶ δία θειφαιμένη Κῶς,
Καί με θιτὸν (1) μερόπων ἀστὸν ἱγροβέφυ.

Μούσων

(1) μερόπων.] Meropes dicti sunt Coi, a Merope Triopae filio.

Μένειπ' δ' εἰς ὁλίγους μετ' Εὐαερίτῳ Μελίαγγρον

Παῖδα Μενίππειαις ἠγλαίνας χάριεν.

In utroque hoc epigrammate incubabat mendum, quod facile deterimus. In primo enim legebatur: Πρώτῳ μὲν Ἰππίας, in secundo vero: Παῖδα μελιόγρον. quae vox nihili est. Pro quibus restituiamus: Μενίππειαις. De priorī, jam nos ante monuerant Henricus Stephanus, Joannes Brodaeus, & Vincentius Oropoeus. De hoc ultimo, in proclivi res est. Fuit enim Meleager Menippi aequalis, & civis, & in scurrilibus aemulator, ejusdemque cum eo sectiae. Diogenes Laërtius cum dixisset Menippum fuisse ἀνικαδον, sive a majoribus, Phoenicem, subjungit: Τὰ δὲ βιβλία αὐτοῦ ποτὶ καὶ ἑταίρους γινώσκουσιν. & τί ἴσταν τοῖς Μελιόγρον ὃ κατ' αὐτὸν γινώσκουσιν. Strabo Lib. XVI. viros illustres Gadaris ortos recensens: Ἐκ δὲ τῶν Γαδάρων Φιλόδημος τὸ δ' Ἐ. πικρὺν γινώσκουσιν, & Μελιόγρον, καὶ Μενίππον ὃ ἀνδογίλειον, καὶ Θεόδωρον ὃ κατ' ἡμᾶς ῥήτορας. Theodorus nempe ille, qui Tiberii Caesaris natura sagaciter perspecta, appellabat eum, πρὸς αἵματι πεφουρσμένον, lutum sanguine maceratam, ut est apud Suetonium in Tiberio. Stephanus quoque Byzantius: Γάδαρα, πόλις καὶ τῆς Συρίας, ἔστι Ἀνδόγρον καὶ Σελώκων ἐκαλεῖται ἐνταῦθα εἶναι Μενίππον ὃ ἀνδογίλειον. Idcirco ait Meleager in primo epigrammate, se in juvenia una cum Musis cursitasse Μενίππειαις χάριεν, cum Gratiis Menippeis. Id est, perinde ut Menippus, risui, salibus, jocis, & festivitati studuisse. In secundo autem, Musas se illustrem reddidisse Μενίππειαις χάριεν, Gratiis Menippeis. Quo nomine intelligit opus quoddam a se lubricratum, quod inscripsit Χάριεν, sive Gratiis. cujus exstat mentio apud Athenaeum in quarto: ubi Niciū Scortum sic alloquitur Cynuleum illum Carneum Megarensem, caeterosque Cynicos Dipnosophilas: ὃ πρῶτον ἡμῶν Μελιόγρον ὃ Γαδάρων, ἐν ταῖς χάριεν ἐπιγρυμύλλωντον, ὃ Ὀμηρον, &c. Ex his omnibus facile apparet, Horuisse praesertim hunc Meleagram sub Seleuco Philopatore, Antiochi Magni filio, qui regnum iniit Olympiadis CXLVIII. anno primo, Aerae Seleucidarum CXXVI. ante Christum natum CLXXXVI. Quo primum tempore hanc Collectionem fuisse adornatam, non est cur dubitemus. Poetae autem, e quorum floribus suam nexuit Coronam Meleager, fuere: Anyte, Moero, Sappho, Melanippides, Simonides, Nossis, Rhianus, Erianna, Alcaeus, Sammius, Leonidas, Mnafakus, Pamphilus, Panerates, Tymnes, Nicias, Euphemus, Damagetus, Callimachus, Euphorion, Hegesippus, Perseus, Diotimus, Menecrates, Nicaenetus, Phaënnus, Simmius, Parthenis, Bacchylides, Anacreon, Anthemius, Archilochus, Alexander, Polycletus, Polystratus, Antipater, Hermodorus, Posidippus, Hedyllus, Sicelides, Plato, Aratus, Chaeremo, Phaedimus, Antagoras, Theodorides, Phanius, alique sui temporis permulti, quorum nomina non recensuit, nec lectori.

taedium crearet. Ac tandem Meleager ipse τειθευοπλόησθ'. Sed libet videre Meleagrum ipsum, Coronam hanc elegantissime texentem, in quadam Elegia quae in Vaticano Codice praemittitur, nec dum, (quod sciam) in lucem edita. Ea est ejusmodi:

ΜΕΛΕΑΓΡΟΥ ΣΤΕΦΑΝΟΣ.

Μοῦσα φίλα ὑπὶ ταῖς Φίρμις πάγκαρον αἰδοῖς;
 Ἥ τις ὃ γ' εὐχας ὑποτίττει σέφαιον;
 Ἄντοι μὲν Μελίεργος, ἀρξάτω δὲ Δικαίη
 Μυαμόσων, ταῦταί τ' ἐκπόησι χάριν.
 Πολλὰ μὲν ἐμπλίσας ἄντης κείνα, πολλὰ δὲ Μοῦρως
 Λίρια, ὃ Σαπφούς βασιὰ μὲν ἄλλα ῥίδια.
 Νάξωσόν τι, χορῶν Μελαντιπιδὸν ἔγκυον ὕμνῳ,
 Καὶ πόσι οἰαίθης κλῆμα Σιμωνίδω.
 Σὺν δ' ἀκαμίζε πλίσσας μυρίπτην ἰσάδμοιο ἱερῷ
 Νεοσίδος, ἧς δέλιον κερὶν ἔτηξεν ἱερῶς.
 Τί δ' ἄμα ὃ σάμφυχον ἀφ' ἡδύπτοιον ῥιασῶ,
 Καὶ γλυκύν Ἑρίπης παρδενόχρωσα κρέκοι.
 Ἄλκαίη τι λαλήσῃσι σὺ ὑμνοπλόης ὑακρόσῃ,
 Καὶ Σαρμίν δαρφης κλῆμα μελαμπίταλον.
 Ἐν δὲ Λεωτίδω θαλεροῦς κιοσῶν κορύμβωτος,
 Μισσώλκω ἡ κόμας ἔφυλόν τιτύς.
 Βλασιῶν τι πλατύνῃσι ἀπύθροισι Παμφίλῳ οἴῃς,
 Σύμωλυντο καρόης ἔρησι Παγκρατίος.
 Τύμνω τ' ὑπὶ πάλαι λεικῇ χλοαίῃ τι σίσυμβρον
 Νόκω, Ἐυφύμω τ' ἀμμότροφον πάραλον.
 Ἐν δ' ἄρα Δαμάγῃσι ἴσθ' μίλας· ἡδὺ τι μύετον
 Καλλμάχῳ συφελῶ μετὸν αἰὲν μέλιτ'.

Λυχνίδα

ἔγκυον] Ob dithyrambos quos scripsit, quorum est proprium τὸ ἔγκυον.

δίλτν] Male δίλτν in Cod.

ἡδύπτοις] Male in Cod. ἡδύπτοις.

παρδενόχρωσα] Obiit enim Virgo.

οἴης] Latet mendum.

ἀμμότροφον] In Cod. corrupte ἀμμοτρόφον.

παράλον] Est quod in soluta oratione dicitur παρῶλιον.

συφελῶ] Ob poemation Ἰβίη inscriptum.

Λυχνίδα τ' Εὐφορίαν^α ἴδεν Μόσχον ἄμωστον
 Ὃς Διὸς ἐκ κοῦρας ἔχον ἐπανομήν.
 Τῆσι δ' ἄμ' Ἠγήσιππον οἶπλοι μαπάδα βότρυς,
 Πέσον τ' ἐυώδη ρυτίσι ἀμωσάιδων^α.
 Σὺν δ' ἄμα ἔ' γλυκὺ μῆλον ἀπ' ἀκριμῶντος Διόμην,
 Καὶ ροῆς αὐτῇ πρῶτα Μοικεράτι^α.
 Μυρρηαῖος τε κλάδους Νικαιῆτι, ἡδὲ Φαίης
 Τέμεντον βρωτῇ τ' ἀχράδα Συμμίω.
 Ἐν δὲ ἔ' ἐκ λαιμῶτος ἀμωμήτωσι σίλῃς,
 Βασιὰ Ἀφελή^α σον ἄνθρα Παρθευίδ^α.
 Αἰψάνα τ' ἐκαεσπνῶσα μελυσάκῃσι Σπὶ Μυσῶν,
 Ζαυθὸς ἐκ καλάμης Βακχυλίδειν σάχνας.
 Ἐν δ' ἄρ' Ἀπακρίσι^α τὸ μὲν γλυκὺ κίον μέλισμα
 Νέκταρος· οὐς δ' ἐλόντος ἄσπορον Ἀντίμην.
 Ἐν δὲ ἔ' ἐκ Φορβῆς σκολιέτρυχ^α ἀνθ^α ἀκάδης
 Ἀρχυλόγην· μικρὰς τραγῶδας ἀπ' ὠκεῖας.
 Τὼς δ' ἄμ' Ἀλεξάνδρου νέως ὕψηλας ἐλαίης,
 Ἡδὲ πολυκαίτη πορφύρεν κύαρον.
 Ἐν δ' ἄρ' ἀμάρεκον ἦεν, Πολύστρατον, ἀνθ^α αἰόδον,
 Φοίνισσας τε ἰέρη κύπερον ἀπ' Ἀνέπατρυ.
 Καὶ μέν ἔ' Συρίας τραχύστεργα θῆκατο ἰάδων,
 Ὑμνοδίται Ἐρμού δ' ἄροι αὐτοδόμοι.
 Ἐν δὲ Ποσιδωνῶνι τε, ἔ' Ἡδύλῳ, ἀγχι ἀρούρης,
 Σικελίδων τ' αἰέμοις Ἄνθρα Φυμῶνα.
 Καὶ μέν ἔ' χρῆσταισι δαὶ θείῃσι Πλάτωνος
 Κλῶνα τ' ἐξ ἀρίτης παῖσι τοῖσι λαμπρόμοι.

Ἄστρον

Ἐυφορίαν^α] In hoc disticho la-
 tet nemum. Scio Euphorionem
 hunc fuisse Chalcidensem, natum
 Olymp. CXXVI. Floruisse vero
 sub Antiocho Magno, cujus etiam
 Bibliothecae fuit ab ipso praefectus.
 Sed quod ait de cognomento, mi-
 hi tenebrae.

Μυρρηαῖος] Συμμηαῖος τε κλάδων
 legit Salmastius contra fidem Co-
 dicis.

Φοίνισσας] Intelligit ergo Anti-
 patrum Sidonium.

Σικελίδων] Theocritum intelligo
 Siculorum poetarum Principem,
 cujus multi exstant fructus in hac
 Corona pancarpia.

αἰέμοις] Anemonas intelligit, qui-
 bus nomen Σπὶ δ' αἰέμοις: quod ven-
 to flante expanduntur, ut tradit
 Dioscorides lib. 2. cap. 207.

Ἄσπερ τ' ἴδω' Ἀεὶς ἐμοῦ βάλει, ὕδατος ἀλκυονίδος.
 Φαίπκος κύριος πρωτογόνος ἑλικας.
 Ἀσπὶς τ' ἐνχαίτλει Χαίρημος ἐν Φλογὶ μίξας
 Φαίδιμον, Ἀλκίγέρην τ' εὐτροφὸν ἕμμα βοός.
 Τότ' ἐπεὶ Φαλάκρητον Θιοδωρίδην ποδάλῃ
 Ἐξυλλογὸν κυρίαν τ' ἄδεια Φαίπκω.
 Ἄλλων τ' ἔγνα πολλὰ νόγραφα· τοῖς δ' ἅμα Μύσης
 Καὶ σφιτέρης ἔτι περ πρὸς Λευκοῖα.
 Ἀλλὰ φίλοις μὲν ἑμοῖσι Φέρω χάριν· ἐγὼ δὲ μύσας
 Κούρην ὅ τ' αὖ Μουσῶν ἰδούσης σέφατος.

Ex quibus ultimis verbis apparet, non omnes Poëtas, quorum Epigrammata collegerat, in hanc Elegiam pancarpium Meleagrum retulisse: sed illos tantum, quos adulta jam fama, & antiquitatis honor consecraverat. Præteritis sui temporis sane quam multis, ut indicat illud:

Ἄλλων τ' ἔγνα πολλὰ νόγραφα —

Nec non amicis. Quod significant verba illa:

— τοῖς δ' ἅμα Μούσης
 Καὶ σφιτέρης ἔτι περ πρὸς Λευκοῖα.

Nam subjungit:

Ἀλλὰ φίλοις μὲν ἑμοῖσι Φέρω χάριν —

Monendus tamen es, multos ex his, quorum nomina Coronæ pancarpiae Meleager intexit, in Anthologia typis edita non reperiri; excerptorum injuria, qui tam secundum agrum pro libidine vastantes, multa demersuerunt, quibus carere sine maximo literarum detrimento non possumus. Nam quod ajunt, omnia quæ in eo Codice prætermissa sunt, ob turpitudinem & obscœnitatem consulto fuisse rejecta; merae nugæ. Legi enim egomet innumerabilia, exscripsi nonnulla, quæ vel Cato ipse Censor gestaret in gremio. Utinam Salmasianam illam editionem non invidissent nobis fata, quam ipse totiens promissit. Consultum profecto esset

ἕμμα βοός] Buphthalmum vertere possumus, quam poëta vocat ἕμμα βοός. Alias dicitur *Cotyla* & χα-

μαίμελλον. Hispan. *Manzanilla* & *Ojo de buei*. Sed ea non est Coronaria.

fer melius rei literariae, nec tot venerandae antiquitatis inmonumenta nobis essent intercepta: non quidem injuria temporis. id enim esset tolerabilior. Sed (quod longe miserrimum) saeculi inertia. Verum id est (quod dicitur) Hylam inclamare. Ante quam hinc digredior, monere te quoque visum est, me Hermodorum Poëtam, qui jam dudum e Corona exciderat, illi denuo restituisse. Neque enim Graecus Scholiastes, qui omnes hujusce pancarpiae Auctores enumerat, illum recensuit, nec Leo Allatius. Quin & Joannes Brodaeus in Notis ad cap. 7. Libri IX. *Historiae Theophrasti*, hujus Poëtae nomen eraserat. Ut actum de illo esset, nico ego venissem suppetias. Meleagri versus sunt:

Καὶ μὲν ἔς Συρίας ταχυτέρηχα θήκαλο τάδεον,
Τρυβίτας Ἐμοῦ δῶρον ἀνυβόδον.

Quos ita vertit Brodaeus, vel potius pervertit:

*Certe quidem & Syriam spicatum capillum habensposito nardum.
Hymnis cantatum, celebratum Mercurii donum.*

In qua interpretatione (pace tanti viri dixerim) tot pene sunt peccata, quot verba. Missa faciam ea quae in omnium oculos incurrunt, nec holum ad institutum nostrum pertinent. Hermodoro tantum, fidem meam imploranti, manum porrigam. Quem aliquantulum deformatum reperio in illis verbis: Ἐμοῦ δῶρον. Cum enim lex carminis & structura nomen Ἐμοῦ δῶρον respuat ob secundam brevem; coactus est Meleager illam producere resumpta vocali, quae compositionis causa exciderat. Itaque scripsit Ἐμοῦ δῶρον. Quod aperte ostendit vox τρυβίτας, quae aliter nullo modo adglutinari potest, nec habet cui adhaerescat. Adde, nisi ita legas, esse illud διερχον cassum & inane. Quo nihil cogitari potest ineptius. Existat hujus Hermodori Epigramma quoddam in simulacrum Veneris Cnidiae libro quarto *Anthologiae*. Sed de Meleagri collectione abunde satis.

Post hunc Philippus Thessalonicensis, ut eos Epigrammaticarios qui post Meleagrum scripsere, posteritati consignaret; quadam aemulatione tactus, novam syllogem orditus est, quam itidem inscripsit *Coronam*. Tanquam accessionem quandam ad Meleagrean. Dicavitque cuidam Camillo. Scholia ἀδιώτητα ad oram Codicis Palatini: Ἐπεὶ δὲ εἶδον Φίλιππον Θεσσαλονικίως, ἐν ἰστοίῃς ἐν καταμνήσῃ Μελιάρχη. Συνῆξε δὲ καὶ ἀντίς τοῖς τῶν ἐμπεριούχων ποιητῶν &c. Ἐγραψέ μ' ἔτι δὲ Φίλιππος τὸν εἶδαναι πρὸς τὸ Κάμῖον. Vixit hic Philippus temporibus Caesaris Dictatoris & Octaviani Augusti. Quod nos docent ejus epigrammata. In quibus utrique impudenter blanditur. Narrat praeterea, tanquam eo tempore evulgatum, portentum illud de palma sub statua Caesaris inter coagmenta lapidum Tralibus enata,

ta, vel Tarracone in ara Augusti. Nam dubium quidem est ad quodnam ex iis miraculis referri debeat Philippi Epigramma, quod exstat Libr. 1. *Anthologiae*. Certe utrumvis intelligas, suo tempore accidisse commemorat. Ait enim:

————— ἦν ἀντίπε
Καίσαρος ἐν βαμοῦ κλῆα μιλυμπέταλον.

Tametsi ille non palmam, sed laurum enatam scribit. Contra veterum omnium fidem. Immo & numismatum. Sed Poëta veritatis nihil pensi habuit, modo victoriae signum poneret. Meminit etiam Navalis pugnae ad Aëlium in alio Epigrammate Lib. 6. Quae pugna pugnata est Olympiadis CLXXXVII. anno secundo, C. Caesare Octaviano III. M. Valerio Messala Coff. IV. Nonas Septembreis, anno ab Urbe condita DCCXXI. ante Christum natum XXIX. Poëtae a Philippo adjecti Coronae Meleagreae, hi fuere: Antipater, Crinagoras, Antiphrilus, Tyllias, Philodemus, Parmenio, Antiphanes, Automedon, Zonas, Bianor, Antigonos, Diodorus, Evenus, & ipse Philippus coronarius. Qui Meleagri imitatione suam etiam texuit *Corollam*, quam nobis exhibent prae memoratae membranæ Palatinae. Ea est hujusmodi:

ΦΙΛΙΠΠΟΥ ΘΕΣΣΑΛΟΝΙΚΕΩΣ

τίται[Ⓢ].

Αἰνῆιά σοι δέξῃς Ἑλλάνια, ἣ κλυτοδόδῳ
Πηγεῖς χείρες πρωτοφύτους κάλυκας.
Καὶ σελίδος πατρὸς Τίτλους γὰρ ἔχον, ἀντιπάλῃα
Τοῖς Μιναεγῶσι ὡς ἴκελον στεφάνους.
Ἀλλὰ παλαιότερον εἶδος κλέος, ἐοδὲ Καμύλλα,
Γινῶθι ἣ ὀκλοτέρην τιμὴν ὀλιγοσχηλῶ.
Ἀντίπατε[Ⓢ] πρὶν ἢ στεφάνῳ στεφάνους, ὡς δὲ κόρυμβος
Κεραυθῶδες, λάμψῃ δ' ὡς βίττης Ἀΐφιλος.
Τυλλίας ὡς μελίλατον, ἀμάραχον ὡς Φιλίδημος,
Μύρτα δ' ὁ Παριώσιον, ὡς ῥόδον Ἀνιφάνης.
Κισθὲς δ' Αὐτομήδων, Σπῆας κείνα, δρῦς δὲ Βιάντης,
Ἀργίονος δ' ἐλαίη, ἣ Διόδωρος ἴση.

Ἑυ-

σέχον] Male apud Allatium χείρες.

Ἐνῇ δ' ἄρ' ἰδὲ συντίπλωκα. τὸν δ' αἰῶνα
Εἴκασιν οἱ ἰδὲ ἄνδρες ἀγρυφῶντες.

Ubi nota, exemplo Meleagri, sui aevi poëtas etiam praetermisisse, quorum scolculos vocat ἀγρυφῶντες, & opponit περὶ ἀγρυφῶντες.

Epigrammatum Collectioni tertius manum admovit Agathias, sive Agathius, Scholasticus, Memnonii Rhetoris & Pericleae filius, patria Myrinaeus, ex Urbe Myrina, quae in Asia minori vterum Aeolensium colonia fuit, ad ostia Pythici fluvii. Hic Smyrnae Jurisprudentiam publice professus est. Unde illi cognomen *Scholastici*. Floruit sub Justiniano Imperatore, cuius res gestas consignavit literis Lib. V. post Procopium Caesariensem. Scripsitque alia, partim soluta oratione, partim numeris adstricta. Cujusmodi fuere poemata illa, quae *Daphniaca* inscripsit: novemque libris complexus est: quorum ipse meminit, libro de *Bello Gotborum primo*, tum Epigrammate quodam Lib. VI. *Anthologiae*. Hic igitur composuit etiam τὸν κύκλον τῶν ἐπιγραμμάτων, ὃν αὐτὸς συνέκρινεν ἐκ τῶν ἑκατόν ποιητῶν. *Circulum novorum Epigrammatum*, quae ipse ex Poëtis suo tempore viventibus collegit. Ut refert Suidas. Etsi Agathias, in praefatione ad suam Historiam, non *Circulum* a se fuisse inscripta ea Collectanea prodit, sed recentiorum Epigrammatum συνέκρινεν. Quae nuncupavit Theodoro Decurioni. Errat igitur toto coelo Vincentius Opsopoeus, qui in suis ad *Anthologiam* annotationibus scribit, Agathiam hunc Scholasticum primum fuisse qui Epigrammata collegerit. Immo ultimus. Ejus aequales fuere. Paullus Silentarius, Macedonius Consul, alique, quos in hanc syllogen conjecit.

Deinde Constantinus quidam cognomento Cephalas, haec eadem epigrammata, quae (ut antea monuimus) literarum ordine fuerant digesta, in unum confudit, divisitque in capita diversa: separatim nempe *Amatoria*, *Votiva*, *Sepulchralia*, & *Demonstrativa*. Ea ratione, qua hodie in Codice Palatino digesta sunt. Quod diserte tradunt scholia marginalia ad *Coronam* Meleagri hisce verbis: ὁ Μελέαγρος ἐποίησεν τὸ θανόντων τῶν ἐπιγραμμάτων εἶπαν, συνέταξε δὲ αὐτὸν ἡ τειχάειν. ἀλλὰ Κωνσταντῖνος ὁ ἐπὶ μαξιάρχῃ Κεφάλας συνέκρινεν αὐτὸν, ἀφορῶν εἰς κεφάλαια Ἀφροδίτης, ἔργων καὶ ἰδίων, καὶ ἀναθηματικῶν, καὶ ἐπιτύμβια, καὶ ἐπιδεικτικῶν, ὡς τὸν Σοκράτην ἐκ τῶν παρὲν πλουτίων. Sed bonus hic Constantinus ordinem tantum mutavit, nihil vero addidit.

Pessimo tandem consilio Maximus Planudes Monachus Constantinopolitanus, qui anno MCCCCLXXX. florebat, Collecta veterum studio Epigram-

Ἐνῇ α] Male in Cod. MS. Ἐν-
νο.
Tom. I.

συντίπλωκα] Ita est in Cod. Alla-
tius legit: συντίπλωκα.
Bb

grammata amputavit, sine ingenio, sine iudicio. Multa enim ex illis demessuit, quibus defraudare posteros piaculare fuit. Multa reliquit, quibus carere sine iactura facile possemus. Sed homo lepidus, ex genio vel captu suo caeterorum studia dimensus est. Nihilque existimavit aliis voluptatem allaturum, praeter ea quibus ipse delectaretur. Quamquam alioqui doctus. Nam & *Metamorphoses* Ovidianas Graece vertit, & Caesaris *Commentarios de Bello Gallico*. Atque edidit ingenii sui egregia monumenta, e quorum numero sunt *Dialogi* quidam MS. *De re Grammatica*, qui asservantur in Bibliotheca Excellentissimi Ducis Uzedaë, in hac Urbe. Ab Imperatore tandem iussus contra Latinos scribere, utcumque id exsequutus est. Absolvi pensum. In quo ducendo, tum demum recte a me operam collocatam credidero, si tu album adjicias calculum. Valetudini tuae quam diligentissime consule, & vale. E Museo nostro, XIX. Kal. Januarias, An. MCCVII.



VI EMMANUEL MARTINUS
ALEXANDRO ZONDADARIO,

*Ecclesiae Senensis Archipresbytero, Abbati Divi Salvatoris, & Prae-
posito Pistoricensi, fautori suo*

S. D.

Mantuanum Carpetanorum.

Cum in animo haberem proficiscendi ad Marchionem Mondexarensem, ecce nuncium: illum mortem obisse. Quo certe nuncio nihil accidit mihi unquam funestius, nihil acrius animum perculit nostrum. Non quo mihi haberem persuasum, fore ut id aetatis homo diu apud nos perennaret; sed quod uno veluti agmine mihi occurrassent, durissima temporis conditio, aerumnosissimi viri solitudo tristissima, quatuor filiorum transfugium, totque tantorumque scriptorum volumina ineptissimorum hominum ludibrio exposita. Respiravi tamen postquam allatum est, optime illum cordatissimeque avitis bonis, reique familiari consuevisse; exhaeredatis liberis, ac in nepotes translato patrimonio. quae una erat acerbissimo hoc tempore incolumitatis via. Nec est quod multum doleam liberorum sortem. Quando nullus casus a paterni nominis famaeque haereditate illos poterit decicere. quae omnium splendidissimum est patrimonium. Dolendum mihi dolorem meum, qui optima mei parte, amico nempe integerrimo, interii. Cujus erga me amoris ac benivolentiae, quoquo me verto, vestigia. Moerendum Hispaniae, cui acutis-

simus

simus ille historicae veritatis oculus erutus est, lumenque illud extinctum, quo allucente, tot remotissimae vetustatis latebrae perscrutatae, tot impossorum fraudes circumventae. Sed ea sunt gentis nostrae stupor atque vae cordia, ut plagam hanc, qua nescio an major aliqua infligi literis poterit, non modo tanquam levem contemnat; sed omnino non sentiat. Quod extremum dehonefamentum est. Miserum enim tantum virum amisisse; sed longe miserrimum, ignoratio iacturae. Quippe illud ad fatum pertinet, hoc autem ad ignaviam & locordiam nostram. Quamobrem, saepe tanti viri conditionem sum miseratus, qui patriam sortitus esset ad humaniora haec studia, amoenioresque literas, inertem. Quo factum est, ut per totum fere vitae curriculum cum larvis sibi fuerit luctandum, & nugatorum umbris. Quos nos dubito quin hodie in ejus demortui cineres mellant. Perficile enim, ut in proverbio est, mortuo Leoni insultare. Et si quamvis nihil fuerit eo, vel moribus magis compositum, vel alienius ab inferenda injuria. Opera ab ipso elucubrata, quorum catalogum nuper ad me transmiserat, haec sunt:

De Mose Scriptore omnium vetustissimo.

Carthago Africana.

Patronatus S. Fructi.

Dissertationum Ecclesiasticarum tomi duo. Quorum alter manu exaratus.

De Praedicatione S. Jacobi in Hispania, adversus Natalem Alexandrum.

De Deo Carmelo.

De Vera Origine Ordinis Carmelitarum.

Fabula de Equabus Lusitanis Zephyro gravidatis, explosa.

Monumenta Genealogica propriae Familiae de Segovia.

De Vera Epocha occupatae a Sarracenis Hispaniae.

De Prima migratione gentium in Hispaniam.

Gades Phoeniciae.

De Aera Hispanica.

De Origine & Praxi impedimenti consanguinitatis, & affinitatis.

Monumenta Historica Alphonsi VIII. Hispaniarum Regis.

Monumenta Historica Alphonsi, cognomento sapientis, Hispaniarum Regis.

Historia Familiae Mondenarenfis.

Historia Familiae Montecatenorum.

Historia Familiae Pontiorum de Leon.

Notae & Observationes in Homari Batrachomyomachiam.

Notae in Satyram nonam Juvenalis. Cum adjuncto opusculo. De annis, diebus, & horis Romanorum.

Scholia in Artem Poeticam Horatii.

De Phalange, seu Testudine Macedonica.

Herculei Gaditani.

De Etymologia militis, ad leg. Miles. D. de testamento militis.

De Iudiciis Areopagi.

Epilogus Ordinum Militarium.

De Conceptione Virginis Matris.

Historia Comitum Barchinonensium, opus affectum.

Miscellanea.

Quae omnia (paucis admodum exceptis, & iis quidem levioris studii, quae in lucem edita sunt) incuria Auctoris, sive is gloriae fuerit contemtus, in instructissima sua Bibliotheca manu exarata delitefcunt. Utinam iis quam primum orbi literario potiri liceat. Cujus ego voti si compos fiam! Quid reliqua? Neque enim obscurum est quantum meum studium exstiterit famae suae. Nunc autem valde me tangunt, haeredum ignavia, contumelia literarum, dissimilisque patris progenies. Deceffit ille anno aetatis LXXXI. postridie Kal. Septemb. funestissima illa Dea Febri correptus. Cui ut te Salus eripiat, omnibus votis exposco. Vale iterum atque iterum. Ex Museo nostro. Postridie Eidus Septembris, An. MDCCVIII.



VII E M M A N U E L M A R T I N U S

ALEXANDRO ZONDADARIO

S. D.

Senar.

EXosculatus sum tuas literas amoris ac benivolentiae plenas. Ille vos fortunet, cujus nutu geruntur omnia, charissima, ac verenda mihi capita, digna profecto hilariore fortuna. Sed tamen nescio quid mihi ariolatur animus. Hic omnia nutant, & ut solet in extrema rerum perturbatione, nusquam consistitur. ac plerique optimatum latebras meditantur. Meus Pelopida in Baeticam etiam cogitat, & secessum ignobilem. Agamemnoni decreta est belli summa, adsciti Legati Villadarias & Tellus, quaesita magno nisu belli subsidia, multi per vim ad sacramentum adacti, emuncta omnis pecunia. Quid tandem? Nihil. Nam Agamemnon quidem domi jam residet. Frumenti vero nihil adhuc, caeterique belli commeat. Quippe Thesauri armorum praetextu in pacatos usus colliguntur. Exhauritur natio fallaci hac antlia. Classis Americana Gades appulit. Colonius Valentini dicasterii Praefectus, adscitus huc est ad causam dicendam, una cum Z.... Regio Fiscali, propterea quod in Contentione cum Antislite Valen-

tino super excommunicatione, rem male administrafte iudicati fuerint. Cum Rex caussa ceciderit. Sybilla nostra πολυχρήσιμη illa, & πολύλασιμος, & πολυμαθής, multum vos amat, & in oculis gerit. Quorum infortunio vel nunc etiam adlacrymatur, recentissima calamitatis vestrae memoria. Sed solatur eam spes, fore ut quamprimum. Salvete igitur ab ea uterque, utriusque nostrum memores. Vale. Mantuae novae in Carpetanis, IX. Kal. Aprileis, An. MDCCX.



VIII. EMMANUEL MARTINUS

Illustrissimo Viro

ALEXANDRO ZONDADARIO

Archiepiscopo Senensi, fautori suo

S. D.

Senas.

AD mene, inquires, cum ista fronte perfricta, post quinquennium per summum silentium exactum? Bellum hominem & facietum! qui amici personam, tanquam per ludum, vel deponit, vel repetit. Absit, Vir gravissimum, ut officium meum prodam, fidemque fallam, quam olim tibi dedimus. Vetera illa tua in me collata beneficia minime consenserunt, viget eorum memoria. Quo minus autem saepius ad te scripserim, cum regionum intervalla tum argumenti inopia, tum denique gravissimarum occupationum tuarum reverentia, factum est. Quando autem nunc te per literas convenire licet sine levitatis nota; fungar officio meo quam diligentissime, ac te nec opinantem aggrediar. Exporrecta, an caperata fronte, nugas nostras excipias, non facio teruncii. In argumento ludicro libet jocari. Quid id est ineptiarum? dices. acervus. da operam. Proxima aetate cum rure agerem, libido me incessit aliquid pangendi, solitudinis fastidio minuendo. Scripturiebam. Argumentum decrat. Cum ecce tibi in oculos incurrit Arca quaedam attritu ac vetustate fatiscens, quae mihi ultro citroque peregrinanti vicennalem operam navaverat. Miseratus sum deformem ac laceram. Atque animo volvens, quamnam ego illi gratiam rependerem pro tot tamque egregiis erga me meritis; recte, atque e dignitate, me facturum existimavi, si illam inter astra referrem. Relata est. Eamque conversionem 'Ανακτορεν appellare placuit. Misi illam Philippo Bulphoni, regio aetario in hac Urbe Praefecto vigilantissimo atque integerrimo, Viro eximia eruditione, doctrina singulari, Graecarumque juxta ac Latinarum literarum praestantissimo μύςτς: quicum summa mihi intercedit necessitudo. Captus ille est argumenti (ut aiebat) festivitate ac lepore. Itaque

Bb 3

e

o vestigio sententiam suam de edendo. Dubitabam ego satim haec me decerent; hominem sacris addictum, jocosam ac ludicram; ad senium vergentem, juvenilia. Quare omnibus nervis eum a sententia dimovere conatus sum. sed incassum. In lucem itaque prodiit ejus opera & impensis, accurate editionem fratre ejus Caesare, optimo atque ornatissimo juvene, qui Mantuae Carpetanorum degit. Rem tenes. Unum id superest, ut nimirum si forte nugae tibi nostrae arriferint, scripti novitati applaudas. Sin autem, vel blattis illud committas, vel Vulcano. Certe (quicquid fors tulerit) grati hominis officio functus ero. Exemplum alterum adjunxi, quod Eminентissimo fratri tuo, humanissimo Principi, transmittendum curabis. Et nos, qui te recentissima memoria collimus, fac ut redames. Alonae, XVII. Kal. Quinctileis, An. MDCCXXII.

Perfecto, poetarum longe principi, ac Porrino, a me salutem.



IX. EMMANUEL MARTINUS

Illustrissimo amplissimoque Viro

ANTONIO FELICI ZONDADARIO,


*Archiepiscopo Damasceno, & Pontificio Legato apud Regem Catholicum,
S. D.*

Cum proximis diebus sermones inter nos conferremus, ut sunt fere colloquia, & varia, & aliud ex alio elicientia, casu *Theatri Saguntini* incidit mentio. Quod cum a me delineatum omnibusque numeris expressum dixissem; tuum pervasit animum illud videndi cupido, una cum notulis sive descriptiuncula quadam, a nobis adjecta, non tam eruditionis ostentandae gratia, quam obscurissimae rei explanandae. En igitur illud, Vir amplissime, ex oblivionis tenebris redux ac redivivum, etsi lacera veste atque obsoleta. Cujus ego veram priscamque structuram, omnibus indagatam vestigiis, quam brevissime potero serae posteritati consecrabo.

Theatrum Saguntinum peropportuno loco & saluberrimo situm est. Septentriones enim versus & solem orientem sese pandit, amoenissimae valli, quam fluvius etiam praeterfluit, imminens; & pelagus Eoium prospectans. Ab Austro & flatibus occiduis obiectu montis defenditur. a quo in amplexum sinuato cohibetur ac cingitur. Quare Boream tantum Eurumque, vitales illas animas, ad persatum admittit. Caeteris humanae salutis infensis intercluso aditu. Quod in primis cavendum monet Vitruvius in theatris construendis. Nam cum ibi spectantium animi voluptate,

maxima

THEATRUM SAGUNTINUM.



<i>Orchestra.</i>	<i>F. Popularia.</i>	<i>L. Fenestra fornicato.</i>	<i>Q. Vestigia in utroque cornu.</i>	<i>X. Hospitibus.</i>
<i>Subsestus Principis, sive Prætoris.</i>	<i>G. Janua summa porticus.</i>	<i>M. Gradus servorum.</i>	<i>R. Proscenium.</i>	<i>Y. Chorægia.</i>
<i>Equestris.</i>	<i>H. Sclaria.</i>	<i>N. Scabula: & hujus xides.</i>	<i>S. Pulpitum.</i>	<i>Z. Cloacæ.</i>
<i>Scalæ subsidiales.</i>	<i>I. Porticus.</i>	<i>O. Ostium arcuatum.</i>	<i>T. Scenæ.</i>	
<i>Præcinctio, sive duæ Cypæ.</i>	<i>K. Gradus Lictorum.</i>	<i>P. Vomitoria.</i>	<i>V. Nalvæ regie.</i>	

maxima perfundantur, immota corpora delectatione illa capta ac delinita; hiantes habent meatus, venasque patentes, in quas facile insidunt circumfusi spiritus: qui si nocentes fuerint atque insalubres, vel vitio aliquo infecti, exitu suo corporibus exitum afferent. Idcirco vitandi a meridie impetus. Sol enim aestu suo torrente quum theatri curvaturam implet, aër inclusus hemicyclo, nec vagandi habens potestatem, perpetue illa ventilatione, & circumactu, ac vorticosa rotatione, effervescit. Quo fit ut corpora naturali humore exsucta adurantur, nimisque excandescant in morbos incident. Habet porro Theatrum nostrum ingenio & natura loci comparatum ut *εὐκταστὸν*, quod in eo apprime necessarium. Vox enim curvamine amplexuque illo montis collecta, ad summum usque cum incremento scandens, robustior aures pulsat, discreta verborum terminatione. Quod ego profecto expertus sum. Quippe Asinii versus ex *Amphitruone*, quos Vir ornatissimus, mihiq; omnibus officiis conjunctissimus, Emmanuel Mignana ex scena recitavit, de summa cavea perbelle hausi. Quod me, ita vivam, incredibili perfudit voluptate. Sunt enim illae rupes vocales. Nec id solummodo, sed *πυράδουρα*. Et haec de Theatri positione. Nunc ad structuram. Ejus igitur hemicycli ambitus quem Graeci vocant *σκιμαστήριον*, habet palmos nostrates, sive spithamas, vel dodrantes pedis Romani DLXIV. Dimetiens vero quam illi *διὰ μέρους*, ducta ab utroque cornu linea, palmos CCCXXX. Altitudo Theatri ab orchestra ad summam caveam, palmorum CXXXII. cum semisse. Ad summae vero parietinae superstitis fastigium palm. CXLIV. & semis. Orchestrae diameter habet item palmos XCVI. A quacertum est totius Theatri descriptionem ordiri, veluti a centro. Igitur orchestra nomen sortita est *ὀρχήστρα*, propterea quod in Graeco Theatro locus is esset saltationibus gesticationibusque destinatus: tamen apud Romanos longe alium habuit usum; saltem ex quo C. Atilius Serranus & L. Scribonius Libo Aediles curules, superioris Africani sententiam sequuti, Senatorum subselliis orchestram assignarunt. In ea igitur honestissimo loco sedebat Princeps, sive Praetor in iuggestu. Cujus exstant vestigia in medio orchestrae ad podium. Deinde Vestales, Sacerdotes, Legati, Senatores. Neve autem anteriorum objectu pulpiti prospectus posterioribus adimeretur, solenter admodum excogitatum est, ut orchestrae pavimentum a Principis iuggestu leniter & sensim in acclivitate exurgeret, usque ad imum gradum equestrium: depresso identidem & scalpo in orbem pavimento, in modum balnei, sedilibus locandis ac designandis: relicto inter sedilium ordines spatio aliquantulum elatiore, quod ingressum exitumque praeberet. Quod adhuc nemini homini observatum credo. Et me sane fugisset, nisi terram, qua tota orchestra obruta erat, removere jussissem, adscitis fossoribus. Ab orchestrae solo equestris erumpunt, sive gradus quatuordecim equestri ordini attributi, legibus Rosciae, & Julia theatri. Ad quorum septimum duo vomitoria aditum praebent.

Qui

Qui idcirco caeteris latior, ne angustia loci equestris multitudo comprimeretur; sed libero gressu in subellia sese diffunderent. Quoniam vero Theatrum hocce in durissimo saxo fundatum est, cujus perviciacia artis cónatus & solertiam delusit, eo duas habent tantum januas equestria. Quae cum equitum numero admittendo non fuissent, additae sunt hinc inde scaelae geminae in aperto & propatulo loco, quarum imi gradus fornicem subeunt, in ipso proscenio. Summum gradum ordinis equestris excipit praecinçtio. quo nomine appellarunt veteres gradum caeteris duplo altiore latioreque, qui reliquos minores veluti praecingeret & complecteretur. *Νεφέλαια* vocant Graeci. Sunt enim quasi transversa quaedam cingula. Unde ab aliquibus dicti sunt *balbei*. Graduum nimirum refractiones & areolae in orbem procurentes. quae ideo inferebantur, ut ordinum discrimina, Senatorii nempe, Equestris, & Plebeji, manifesta ipsa divisione in oculos incurrerent, nec quicquam esset inter eos commercii. Sequuntur deinde duodecim gradus popularium, altiore loco remotioreque In quibus videlicet e plebe homines sedentes spectabant: quos vocant *summam Caveam*. In haec sedilia per plures aditus diffundeabantur, ad quos ducebant interiores fornices & concamerationes. Superior item porticus. Cujus duplex erat usus. ut haberet nempe populus quo se reciperet, si subitus aliquis turbo vel imber ludos intercepisset, & ut subiectum Theatrum ab aquarum injuria & sordibus vindicaret. Habet ea porticus januas octo anticar, & posticas totidem e regione; obliquas tamen, & quae se mutuo respiciant. Ut spiritu per eas admissio Theatrum refrigeraretur; nec aer immotus & stagnans obtorpesceret. In haec januas scalaria septem ascensum praebent, erumpentia ab imo equestrium gradu, qui ad orchestram. Non quidem perinde intersecta, & variantia, ut in plerisque amphitheatris, sed recto ductu & continentia. Quo fit ut cuneos efficiant quam longissimos, & aspicientium oculis oppido quam jucundos. Ab imis nempe subcellis ad summa. Erant autem haec scalaria, viae inter cuneos ad ascensum vel descensum. Nam cum gradus illi sedentarii elatiores essent quam pro modulo humani gressus, nec nisi summa cum difficultate scandi possent, solerter admodum excogitata sunt haec scalaria, binis singulis gradibus interjecto tertio. Nisi ubi praecinçtiones interveniunt. Ibi enim quaterni inferuntur. Horum *καλαυριών* latitudo palmorum trium cum dimidio, graduum vero altitudo palmi & sesquidigiti. Quam quidem dimensionem duplam exhibent subcelliorum gradus. Haec scalaria eo adhibita, ut cuneata illa multitudo expeditum haberet exitum, ac veluti ad manum, quo se cumque vertissent. ne illo intercluso, ad corporis necessitudines subeundas adigerentur. Porro qui excuneati erant, ut theatri verbo utar, in iis spectabant stantes. Inter januas internas externasque illud interest discriminis, quod internae quidem sunt quadratae, seu *εὐκταγμέναι*, & latius patent: externae vero arcuatae & minores. Est praeterea superior illa

illa porticus lata palmos XV. cum quadrante, alta vero XII. cum dodrante. Ergo latitudo altitudine major. Quam ob causam? In proximo ratio. Ut ne videlicet dum glomeratim ingrediuntur, vel egrediuntur, porticus angustia laborarent. Quae quidem porticus ad Theatri angulos minime pertingit, sed multo ante subsistit utrinque exsecaturque XXV. palmorum intervallo. quod implebant quaterni gradus, a supposita cavea eo tantum discreti, quod summus popularium latitudine caeteros anteibat, atque erat veluti praecinctiuncula quaedam, sive areola, superiorem ordinem ab inferiore dispescens. Unde suspicari subit, fessisse eo loci sictores, accensos, viatores, apparitores, aliosque magistratuum satellites, cum ut eorum obsequio praesto essent, tum ut subjectam caveam a contentionibus & rixis deterrent, triconumque insolentiam frangerent. Quod Athenis etiam in usu fuisse comperio ex Aristophanis Scholiaste in Eirenem. In quam ego sententiam eo libentius adducor, quod ab illis ipsis gradibus scaelae quaedam secretae per occultos maeandros in carceres ducunt: quorum alter superstes adhuc, in eoque boeae muro affixae, sive annuli ferrei deligandis maleficus. Adde, hanc ipsam porticum in medio frangi, relicta intercapedine palmorum viginti duum: in qua utrinque gradus quaterni, porrecti palmos septem cum semisse. Quos ea fini structos arbitror, ut satellites undique sedilibus imminerent, pacificandae caveae. In eorum medio spatio statum fuisse, vestigia quaedam nos monent, tametsi fugientia & pene obliterata. Ipsos nempe baseos indicia. Quod vel ipsa structurae ratio, & operis concinna modulatio postulabat: ad totius hemicycli medium designandum. Huiusce baseos latera palmorum fenum cum dodrante. In summo caveae gradu, ad utrumque Theatri angulum, sex patent fornicatae fenestrae, ternae utrinque. Num aëri admittendo? E quidem nullus assequor. Si quis earum usum me docuerit, magnam a me profecto inibit gratiam. Supra porticum quatuor item gradus adiecti sunt. At cui ordini? Sane senatorius in orchestra, equestris in quatuordecim, plebs in cavea. Quid praeterea reliquum? Cum hos gradus animo volverem, pene de gradu dejectus sum. Si tamen in re adeo obscura conjecturis uti licet, crediderim in remotissimis illis gradibus spectasse servos, libertos, meretriculas, & alia id genus e pullata plebecula propudia. Ne videlicet ejusmodi sordes cum honestiore plebis ordine conjungerentur. Juvat opinionem nostram supremi gradus structura. qui omnium latissimus, etiam si vel ipsas praecinções annumeret. Quod eo consilio factum existimo, ut esset locus in plano sediculis locandis, foeminarum sessioni. Nam illis ex Augusti decreto, non nisi ex superiore loco spectare licebat. Ubi etiam despectissimi stabant parieti innixi, &

—— pulla sordida veste
Inter foeminas spectabat turba cathedras.

Tom. I.

Cc

ut

ut ait Calpurnius. A liſtorum ſedilibus in ſummam hanc gradationem aſcenſum præbent quædam *ſcaphæ*, tam ad utrumque Theatri cornu, quam in medio. Ut per eas ſatellites temperius accurrerent, ſi forte opus eſſet eorum opera. At in ea pullatorum ſedilia-quinam aſcenſus, quinam introitus? optimi mehercule, & concinna quadam ratione diſpoſiti. Sunt enim ſcalæ quædam pone ſummam porticum rejectæ & projectæ, montique inſiſtentes, quæ ducunt ad arcuata quædam oſtiora, in extremo muro, quorum unum tantum ſuperſtes. In averſa parte huius muri multituli quidam identidem prominent, ſpatio palmarum decem cum ſemiſſe inter ſe diſſidentes, forma quadrata, palmarum binum in ſingula latera. Ad quorum explanationem ſcire te oportet, tam theatris quam amphitheatris velorum umbracula olim ſuperduci ſolita, arcendo æſtui & ſoli : quæ malis ſubrectis adligabantur, ſunibus inferne tranſverſim extenſis; ne videlicet pendula laxitate ſua fluitarent. Igitur mali illi per excavatos in ſummis lapideis orbes trajecti, vel ſunibus alligati (utrumque enim fieri ſolitum) hiſce mutulis excipiebantur; in quorum medio firmitatis cauſa ſoſſulæ quædam excavatæ ſunt. Ne per lapidis lubricum antennæ lapſantes, parum firmæ nutarent. Paries ſupra hos gradus aſſurgens ævi contumelia dirutus eſt, minimaque ſui parte ſuperſtes : & ea quidem abſque ſaſtigio ſive coronide. Subſelliorum gradus altiores ſunt quam pro modulo architectonicæ. Habent enim palmos duos cum quadrante. longe aliter quam Vitruvius præſcripſit. latitudo ad amuſſum reſpondet regulæ Vitruvianæ. eſt enim palmarum trium cum quadrante. Miraris tam effuſam latitudinem. Nihil magis proſpecto ex uſu ſedentium. Ne videlicet qui in ſuperiore gradu ſpectabant, diuturna compreſſione, retractationeque crurum laborarent, vel inferiores impactu pedum læderent. Fortaſſe etiam ut pone tranſitus pateret, ſi qui ſurgerent, vel ſerius intrarent. Præcinctioſis altitudo, ad præſcriptum artis, dupla. Eſt enim palmarum quaternum cum dodrante. Itemque latitudo, palmarum nempe ſennum cum quadrante. In hæc ſedilia per complura oſtia aditus patebat quæ vulgus appellabat *Vomitoria*. Unde homines glomeratim ingredientes, in ſubſellia ſeſe fundebant, ac veluti vomebantur. In hos aditus binæ porticus ducunt. Altera ſuperior illa & ſubdialis : qua de nos abunde. Altera inferior, per abdita montis viſcera in cuniculi morem ſerpens, & ab illis ipſis oſtiis lumen recipiens. Niſi hanc, fornicem appellare malis quam porticum. Quæ lata palmos novem cum quadrante, alta vero duodecim. Structura præpoſtera. Quandoquidem oportebat ut latitudo altitudinem vinceret; ob eam rationem quam attulimus, cum de alterius porticus diſenſione ageremus. Sed quid faceret architectus obſiſtente monte? Locis quadam neceſſitate in eam anguſtiam adactus eſt. Nam, ne ſis neſciens, ductum eſt hoc opus fornicato ſaxo. Unde nec æqua latitudine excurrit; ſed lunata forma, utrinque ſenſim arcitur & gracileſcit. In utroque Theatri

tri cornu multa exstant vestigia, vexata quidem tot saeculorum injuria, & afflicta, sed quae operis majestatem abunde restentur. In quis varii fornices conspiciuntur, partim semirut, partim adhuc superstites, qui scenae cooperituram (ut Vitruviano verbo loquar) sustinebant; maligno quodam fato pessumdatis, nec usquam loci comparentem. Universa hujus Theatri gradatio (singulis hominibus spithamis singulis cum dimidia tributis, & scalaris rejectis, quae ascensui & descensui vacabant) capiebat hominum millia septies, cum quadringentis viginti & sex. Quibus adjici debent qui in summo gradu supra porticum, vel illatis cathedris sedebant, vel stantes & parieti innixi spectabant. Quos mille circiter fuisse arbitror. Itemque amplissimus ordo in orchestra, cujus hemicycli ambitus sexcenta mihi sedilia complexu suo videtur admittere. Quibus in unum collectis, redit summa hominum novies mille & vicenum senum. Et haec quidem sunt quae pro explananda hodierna Theatri facie, quam brevissime & strictim mihi dicenda videntur, iis praetermissis quae ad exornationem potius, & ambitiosae eruditionis pompam, quam ad institutum nostrum pertinere videbantur. Nunc igitur ad Theatri frontem convertatur oratio. In ea proscenium, pulpitum, scena. Proscenium appellarunt spatium illud ante scenam porrectum, in quo pulpitum excitatum erat, quo actores fabularum prodirent. Pulpiti in Theatro nostro nihil superest, praeter muri fundamentum, ab orchestra distitum palmos circiter duodecim. Cujus muri altitudo, secundum Architecti praescriptum, fuisse videtur pedum quinum tantum, sive palmorum nostratum senum cum besse: uti qui in orchestra sedebant, spectare possent agentium gestus. Igitur pulpitum depressius erat scena. Quod in Theatro nostro etiamprehenditur. Scenae nomine id totum appellarunt, quod e Theatri regione inter duo ejus cornua protendebatur. Cujus longitudinem ad orchestrae diametron duplicem fuisse, veterum scriptis proditum est. Ea in Theatro nostro sere tota intercidit, excepto procurrente pariete, qui inter scenam & pulpitum limes erat: & ad Theatri angulos pertingit. Ab orchestra ad scenam palmi sunt viceni octoni & semis. quorum duodecim proscenio vacabant. reliqui pulpito assignati: Ergo latitudo pulpiti palmorum erat sexdecim cum semisse. Quod quidem spatium opportunum visum est scenicis actionibus. In hujus parietis medio, quod orchestrae centrum respicit, planus exstat hemicyclus, ex cujus circinatione testudineatus sive convexus murus assurgebat, qui in modum conchae fornicabatur. Id appellabant *valvas regias*, ab ornatu & amplitudine. Graeci *βαρλάνον* & *εὐρυ λειδίον*, testante Polluce. Singulae utrinque portae erant, eadem forma, sed minores, quas vocabant *hospitalia*. propterea quod hospitibus & peregre advenientibus in scenam destinatae. Quaedam exstant earum vestigia in scena nostra, ejus praesertim quae ad sinistram, cujus rotundationem licet deprehendere. Dextra perit funditus. Nisi quod reliqua sunt muri utriusque

quæ lateralis indicia quaedam ad apertionis angulos. In earum singulis areolis machinae collocatae erant triangulares, axibus versatiles, quarum frontes depictae erant, pro fabularum, quas agebant, opportunitate. Comica nempe scena pro comoediis, tragica pro tragoediis, satyrica pro satyris. Quae quidem scenarum genera dissimili admodum disparique ratione ornabantur. Tragica nimirum columnis, signis, fastigiis, caeterisque regali magnificentia instructis. Comica autem aedificiis privatis, moenianisque, ac fenestris communium domorum speciem referentibus. Satyrica vere arboribus, speluncis, montibus, aliisque id genus rebus agrestibus, topiario opere deformatis. Ergo pro fabulae argumento machinae illae subito vertebantur, & aliam proinde picturae faciem ostendebant. Idcirco a Grajis dictae *πελάστρι* a versatione nempe & vertigine. Ex illis machinis Dii loquebantur. Post scenam multiplices exstant muri semirutii, ex quibus ille qui areolas sustinet, strias quasdam exhibet, sive sulcos quibus trabes duciles insertas arbitror. ad pegmata sursum trahenda, quae Graeci vocant *ἰκνωδέματα*. Reliquis parietibus superstructa fuisse autumo loca illa, quae Graeci *ὀρεομήνην*, *κρηνοεισσηπῆν*, *βεντῆν*. *ὀρεομήνην* locus erat, unde Dii loquuntur e sublimi super scenam apparebant. *κρηνοεισσηπῆν*, alta versatilis machina, instar speculae, ex qua Jupiter fulmina ejaculabatur. *βεντῆν*, locus post scenam, in quo utribus calculis reseratis, & per aëra versatis, tonitruum fragorem imitabantur. Adde choragias, quibus inmaxime opus erat amplitudine & laxamento, cum ad choros parandos, tum ad scenicas vestes, reliquamque scenae suppellectilem & instrumenta asservanda. Inde enim promebantur omnia ad ludos necessaria. Horum choragiorum etiam hodie parte fruimur superflite, ad sinistram scenae latus. Quoniam vero hoc Theatrum in declivi montis situm, pronas in se habebat aquarum corrivationes, quarum lapsu & impetu torrente brevi consenuisset; objecti superius sunt muri quidam, in modum alarum utrimque porrecti, qui aedificio huic *πελαγιδεσται* instar aggerum essent, ipsumque ab aquarum, ut ita dicam, incurfionibus conspirent communirentque: quorum illae repulsi fractae & disgreges, per praecipites montis anfractus irritò lapsu divertebantur. Illae vero quae gradibus impluebant in orchestrae confluentem undique collabentes, per proscaenium pulpitem subibant, subter quod erat cloaca, quae universam illam proluviem excipiebat, superstes adhuc: quamque ego vestigandi cupidine libentissime subivi, una cum Vincentio Turrefio, ornatissimo juvene, mihi-que arctissima consuetudine conjunctissimo. Qui mihi etiam adjuumento fuit in hoc opere dimetiendo, ex ejusque ruderibus & pene abolitis vestigiis veritate eruenda.

Haec sunt quae ad Saguntini Theatri illustranda vestigia ex paupertina nostra penu depromere licuit. Vir amplissime. in quibus non dubito fore pleraque, quae decaecatissimo tuo judicio parum arrideant. Quae uti ca-
 stiga-

flagitiora reddas, per fortunas oro atque obsecro. Scio enim quam sint veltrates antiquitatum ejusmodi sagaces. Nec nescio quam tu in ea studia devexus, ex quo Urbem tenui, & rerum dominam Italiam. Italiam, litterarum, studiorumque altricem, eruditionis fastigium & columen, ingeniorumque proventu regionum omnium seracissimam. Vale. Ex Musæo nostro, VIII. Idus Januariæ, MDCCV.



X EMMANUEL MARTINUS

EMMANUELI NAVARRO,

Theologiae Professori Primario,

S. D.

Salmanticæ.

IN aere tuo sum, qui me tam lauto splendidoque munere affecisti. Libro nempe tuo *de Geniis veterum*. quem tuo nomine mihi tradidit Mathias Chafreo, eximia indole adolescens, ac spe optima. Quem ego adolescentem & merito suo amo plurimum, & quod abs te illum amari sentio. Quod ad donum attinet, illud vero ad pectus adprimo atque deosculor: quo ita me beasti, ut Crassus cum suis divitiis præ me sordeat. Evolvam diligentissime, totumque in ejus adyta me penetrabo. Præjacta tamen illa cautione: Nisi vis major. Nam per hos aestus, quid ego polliceri, quid nervi animique vires præstare possint, vel me tacente disputare potes. Quod ad judicium nostrum, sic habeto, nihil me esse liberius.

Τὰ οὐκ ὄντα, τὴν σκαφὴν σκαφῆς λήγῃ.

Sic sum. Sic reliquos adversus me esse cupio. Tametsi non dubito, nihil fore in hoc opere, quod acre tuum judicium, summam doctrinam, eximiam eruditionem non referat. Vale. In Urbe Regia, postridie Kal. Quincileis, An. MDCCIX.



XI. EMMANUEL NAVARRO

Benedictinus,

EMMANUELI MARTINO

Sanctae Illicet Ecclesiae Decano,

S. D.

Mantuanum Carpetanorum.

Fama te eruditissimum esse testatur, Epistola quam recens accipio humanissimum. Tota est officii, benevolentiaeque referta. E qua, ne fucum te facere dicam, profisciscuntur quae de me, deque meo Geniorum libro a te tantum non illibato edicis. Sum attamen incitiae meae fati gnarus, ut mihi persuadere non possim, talem esse, qualem me tua desiderat laudatio. At, quamvis rubore suffusus, incredibili jucunditate Epistolam tuam legi, quod mihi ex eruditione fructum, ex elegantia (& quidem nitida) voluptatem, ex auctoritate summum honorem attulit. Quid (quod a te & Latine & Graece promissum exspecto) non accipiam ad ignorantiae meae subsidiarium beneficium, cum eas nostras geniales lucubrationes perlegeris (aestuis licet, sed male locatis otis) de tanti viri iudicio, etiam e solemnibus juris, eque solemnioribus veritatis, quam amo, subfelliis pronuntiando: de quo ipse me censeo, ut tum denique stare videar, cum puncta quamvis pauca tulero suffragii tui. Interea nostrum Chafreonem tibi vehementer commendo; de quo tantum diligendo, tecum fere contendam. Vale. E Musico nostra Salmantino, die VI. Julii, An. MDCCIX.



XII. EMMANUEL MARTINUS

JANO SERRESIO GALLO,

Congregationis Oratorii Presbytero,

S. D.

Mantuanum Carpetanorum.

Nihil potuit mihi accidere optatius, Vir ornatissime, quam hoc literarum officium, ad quod perhumaniter me vocas; ut haec nostra inter nos necessitudo, studiorumque societas, in omnem posteritatem pro-

pagetur. Illud vero me rubore maximo affecit, te ingenii nostri nervulos, si qui sunt, tanti fecisse, ut pares judicaveris, *Meditationibus tuis Metaphysicis* (verbis tuis loquor) corrigendis, emendandis, delendis. Quandoquidem autem, pro tua in nos benivolentia, visum tibi est opera nostra uti, morem tibi gerens, quid in ea re, obscurissima profecto ac lebrosoissima, assequar sentiamque, facile prodam. Ea tamen conditione, ut si ineptiae tibi nostrae minus arriserint, me nugas egisse omnino putes. Ais igitur initio statim operis, te nunc demum agnoscere, aetate retro acta, multa in animum tuum irreperisse falsarum opinionum ludibria, quibus te tanquam compedibus implicitum atque irretitum, ad veritatem investigandam obtorpuisse. Quam tu tamen veri, causarumque ignoratorem sensuum fraudibus adscribis, eoque fidem iis abrogandam censles. Quod si ita est, facere non possum quin id ex te quæram, cujusnam rei vel ope, vel monitu, veterum opinionum falsitatem deprehendisti? Certe, vel sensuum, vel rationis. Praeterea enim nihil est, cujus in hac re auxilio uti possis. Si sensuum, temere quidem facis, quando eorundemmet fidem, vel infirmam statuis, vel nullam. Undenam, quaeso, exploratum tibi est, quin tum illi maxime veritatem objiciant, quum tibi fallere maxime videntur? Cum praesertim censeas, tum eos fallere, quum videntur sedulo veritatem objicere? Si rationis, gravius peccas. Qui enim a iudice te liberatum iri confidis, vel sensuum pravitate detorto, vel praestigis corrupto? Illi enim rationis sunt, veluti administri; quorum est munus, ei externa omnia nunciare, atque deferre. Quod si vel falso exsequantur, vel praepostere, rationis iudicium constare minime poterit. Mea diligentia, inquis, meisque artibus, eorum fallacias occupabo, insidiarumque suspicione facile me furripiam. At cave profecto, ne dum fidem sensibus funditus detrahis, ad indagandam veritatem, quod unice cupis, tibimet aditum praeccludas. Quo enim te referes in tanta rerum caligine, abiectis sensibus? Qui si nos deficient; nec pedem usquam tuto figere licet, nec certi aliquid definire. Quandoquidem illi rerum species extrinsecus objiciunt; ex quibus, assidua cogitatione commentationeque, illa in animo nostro coalescunt simulacra, quibus scientiarum ratio constat ac sustinetur. Ais te tanto operi aggrediundo jam pridem fuisse paratum, eaque te cura multo antea confectum, distulisse tamen in diu aetatis, in quo ratio & consilium plene adolevisset, ut ne te aliquando poeniteret instituti tui, vel praemature suscepti, vel praeproperere. Quasi vero aetate sensuum fides augetetur, ac minus illi desuperent: vel cautius nobis consulere daretur, oppressis domesticis eorum insidiis; quas nec damnare licet, nec rejicere; nedum effugere. Quam ob rem immensis moliminis res est (ne dicam irriti) vera a falsis disjungere velle ac segregare (quod ipse conaris) &, quasi adhibita vanno, e tot quisquiliis, & fallaciarum glumis, purgatissimam veritatem educere. Praesertim tibi, cui

cui sensuum fides vel abrogata penitus vel suspecta. Quoniam igitur utendum tibi est criterio? Qui, fodes, ossulam tibi caliginem absterges? E- quidem te jam in iis ipſis quae statuis, specie veri delusum agnosco. Ais enim te rebus iis fidem habere, quas simplicissimas appellas, cujusmodi sunt corpus, locus, numerus, tempus. Atqui ea omnia Pyrrhonii jam olim acutissimis argumentis exploſerunt. Itaque & Geometriam, & Physicam, & Arithmetican, & Musicam de medio tollebant. Tametsi illi multo cautius quam tu. Propterea quod ipsi, cum de singulis rebus dubitarent; nihil omnino statu-ebant: nec illud quidem se nihil certi statuere. Quamobrem & *Zetetici* dicti sunt, & *Sceptici*, & *Ephectici*, & *Aporetici*. *Zetetici* quidem, quod semper in veritatis inquisitione versarentur. *Sceptici*, a diuturna opera, quam in speculando, perpendendo, considerando, impendebant. *Ephectici*, a cunctando, & haesitando. *Aporetici* denique, quod semper addubita- rent. Tollebant enim omnem demonstrationem, & judicandi instru- mentum. Tu vero cum sensibus bellum indixeris, veritatis tamen late- bras rimandas suscepisti. quod omnium est longe difficillimum. Diutius in Pyrrhoniana hac schola praeluderem, cui semper fui addictissimus, nisi mihi tecum res esset, viro doctissimo, & singulari industria praedito: cui non dubito quin Scepticorum omnes disputationes, tractatus, commenta- tiones (praesertim Sexti Empirici, viri acutissimi) jam pridem notae fue- rint atque perspectae. Interea tamen sic habeto, me libentissime amplecti *διήγησάς* tuam; quae ad veritatem indagandam plurimum valet: quam natu- ra in profundo penitus abstrusit, ut aiebat Democritus. Cave sis au- tem ne Xenophanis illud te deterreat:

Καὶ τὸ μὴ εἶναι σαφὲς αὐτῷ ἀπὸ τοῦ, οὐδὲ τις ἴσται
Εἰδός. —

Quod ad me attinet, postea quam Eustathium dimissimus, nescio quis me torpor invasit, & fastidium gravioris studii. Ne tamen nihil agere videamur, saepe tractamus literulas; non tam erudiendi animi causa, quam ut cum a calamitosissimi temporis abstrahamus molestiis. Vale. Mantuae novae in Carpetanis, III. Eidus Januarias, MDCCVIII.

E M-



EMMANUELIS
MARTINI,
ECCLESIAE ALONENSIS DECANI
EPISTOLARUM
LIBER V.



I EMMANUEL MARTINUS

Excellentissimo Principi

GASPARI MENDOZAE ET SEGOVIAE,

Marchioni Mondexarenfi & Agropolitano

. S. D.

Mondexarem.

I Oannes Serrefius, homo mihi deditus, quoque ego jam diu utor
valde familiariter, mihi tradidit tuo nomine alterum Eustathii
volumen in Homeri Iliada, quo & exemplaris inopiae
subvenis, simulque nobis jam pene animum despondentibus, cal-
car addis. In qua re, non tam ego usura beneficii commoveri me sentio
(quanquam eo quoque maxime obstringor) quam occasione conveniendi
tui. quem multos jam annos, ignotum licet, singulari observantia colo.
Ex quo nempe Romae clarissimum illud Hispaniae nostrae lumen dignissi-
mumque purpuratum, Josephum Aguirrium saepe audivi de te praedican-
tem. I. Dd tem

tem buccinantemque, Dissertationesque illas tuas legi succi plenas, altissimae eruditionis, subactissimi iudicii. Quo factum est, ut omnibus repente incessem laetitias, quum patere mihi ad te aditum singulari fortunae beneficio animadverti. Quo nullum parari mihi potuit a Diis immortalibus praesidium neque tutius, neque optatius, in hac foedissima temporum procella, rerumque omnium iactatione. Qua, quo minus a constantiae gradu fuerim dejectus, uni literarum subsidio refero acceptum. Quidnam enim asserre mihi praeterea potest solatium mortalium omnium aerumnosissimo, post diruta patriae moenia, post excisum natale solum, post domum everfam, post familiam laribus avulsam? Et, quod omnium est longe miserrimum, ac vix ferendum, nullo crimine impiatam: imo egregia erga Regem fide, & exantlatis pro dignitate retinenda laboribus claram. Sed maris propinquitas nocuit infanti, & quam hostile ferrum non violavit, hostium metus absumpsit. Quamobrem jaceo in maximo luctu & squalore: nec quisquam unquam tam acerba animi aegritudine confectus est. Spero tamen fore ut leniatur doctissimis literarum tuarum alloquiis, quibus (ita mihi omnia quae opto contingant) nihil accidere mihi potest vel gratus, vel jocundius. Igitur sic fac existimes, te unum confirmare me posse atque erigere, neque tam acri me unquam dolore confici posse, ut non abstergatur primo tuarum literarum adpectu. De rebus ad studia nostra spectantibus, alias sedatius. Vale, Excellentissime Princeps, Hispaniae nostrae decus atque ornamentum. Mantuae novae in Carpetanis, VII. Eid. Sextileis, MDCCVII.

~~~~~

## IL EMMANUEL MARTINUS

*Excellentissimo Principi*

GASPARI MENDOZAE ET SEGOVIAE,

*Marchioni Mondexarensi & Agropolitano,*

S. D.

*Mondexarem.*

**R**editae mihi sunt literae tuae, XI. Kal. Novembreis ad me datae. Quibus nihil unquam mihi profecto accidit, vel gratus, vel jocundus. Cum propterea quod abs te, tanto tamque egregio viro, ea humanitate ad me scriptae, tum quod a valente erectoque, tum denique quod a nostri studio, ac omnibus benevolentiae officiis instructissimo. Amo quidem lenitatem comitatemque tuam, atque deosculor, ornatissime Princeps: eamque literarum consuetudinem, ad quam me tam liberaliter vocas, libentissime amplector. Caeterum ad tuam Epistolam. Qua lecta,

*modeste*

moerore simul ac gaudii vehementissime sum affectus. Hoc nempe, quod ex tuarum lucubrationum catalogo facile perpexerim, non usquequaque apud nostrates literarum honorem intercidisse, neque hinc Minervam penitus demigrasse. Illo vero, quod ea ipsa monumenta, quae gentis dignitatem ignavissimo hoc saeculo sustinere unice apud externos poterant, malo Hispaniae fato, vel funditus interierint, vel inter blattas tineasque delitescant. Quo vitio, famaeque nostrae incuria, fere laboramus Hispani. Eandem fortunae acerbiter subisset Bibliotheca vetus Nicolai Antonii, nisi per me stetitisset; qui nihil non rerum fategi, nullumque non movi lapidem, ut illa a Cardinali Aguirrio fautore meo ac Moecenae amplissimo, in lucem publicam emitteretur. Quod Diis bene juvantibus factum, mei omnino accurantis opera. Cujus rei testimonium habes in ipsius operis limine. At postquam in hunc locum devoluti sumus, vellem profecto mihi indicares, quoniam loco a Nicolao Antonio facta est mentio vetustissimi illius Moses. Nam in veteri Bibliotheca nusquam me legisse memini. Dissertationes tuas Ecclesiasticas legi dum Romae agerem, subactissimumque tuum iudicium sane quam sum admiratus. Homini nempe in media Hispaniarum caligine scribentis, totque pseudo-chronicorum fordibus, & impostorum praestigis circumventi.

De Jacobi in Hispaniam adventu non satis acquiesco. Nam Hippolyti Ostiensis testimonium, quod in hanc rem asseritur, commentitium est atque umbratile. Vidi enim egomet Codicem illum Vaticanum, qui olim fuerat Syrtetis: nec quidquam in eo subsidii. Quam ob rem, saepe ego Aguirrium coram admonui, ut a quaestione adeo perplexa manum abstinere, neve in eas rerum angustias sciens prudensque se conjiceret, unde nulla daretur emergendi facultas. Tamen ille in alia omnia. Dissertationem tuam pereruditam de *Deo Carmelo*, etsi mihi adhuc videre non contigit; jam diu tamen est quum ejus desiderio contabesco. Ex quo nempe legi aureolum illud opusculum Lactantii de *Mortibus Persequentorum*. Quod Graevius dum luce aspergit, syntagma hocce tuum advocat, cum egregio nominis doctrinaeque tuae praeconio. Prius quam autem hinc abeo, monere obiter visum est, multo ante Tacitum & Suetonium ejus fani mentionem exstare: nempe apud Scylacem Caryandensem qui temporibus vixit Darrii Nothi, apud quem legitur: *Kaduna & &c. in iis dicit. Carthaginiis Africanae* partem superstitem avidissimis oculis lustravi. Verum id quod erat in fatis Urbis calamitosissimae, ut scilicet vel ejus memoriae invaderet fortuna: nomine tantum ad aevi ludibrium superstiti. In qua tamen clarissimae Urbis cernenda nomenclatura, miratus oppido sum diligentiam tuam, abstrusam multiplicemque eruditionem, exactumque iudicium, quo vel levissima quaeque ad examen revocas: posthabitis eorum officiis, qui more pecudum prioribus adbalitant. Genus hominum futile atque iners. *Als in hoc opere*, te quoque nummis Punicis explicandis aliquando ope-



ram impendisse. Quo ego studio apprime delector. Quapropter, nisi id quoque laboris interit, ad me quam primum. Erit enim id mihi pergratum perque jocundum. Unaque *Gades Phoenicias*, quas a te illustratas oppido quam videre discipulo. Non enim vereor ut hac libertate videar frontem perfricuisse, quando per humanitatem tuam licet bene ac naviter esse impudentem. De Hispaniae numismatis a te vehementer dissentio. Exploratum enim mihi est, ea pertinere ad vetustissimam gentis nostrae linguam. Quicquid oblateret vormius. Marinerii versionem Eustathianam vidi jam olim. Sed nec integra exstat, neque etiamsi exstaret, ejusmodi est, ut me ab instituto revocare deberet. Causam cur asseram? quando tu eam tam belle exposuisti. Opus nostrum *des vaders* nondum est absolutum. Ejus dictio ad Tusculanarum exemplum, nisi quod interdum latius sese effundit ac veluti luxuriat. Reliqua ex naturae penetralibus. *Collectanea Historiarum* jam a nonnullis diebus Latine a me reddita. A Notis tamen in praesentia abstinere placuit, cum ob librorum inopiam, qua maxime laboro, tum ut ne Eustathio id operae detraham. Praesertim cum Galli illum a me efflictim deposcant. Inter quos, Marchio Vilhanovanus, homo Graece & Latine doctus, scribit paratum se esse huic operi edundo & operam & pecuniam impendere. De re literaria est apud Hedetanos non nihil quod te scire velim. Scribit nimirum Historiam motus Valentini Latino sermone Monachus quidam Trinitarius, cui nomen Emmanueli Mignanae, homo mihi & studiorum affinitate, & omnibus officiis conjunctissimus. Qui unum & alterum librum ad me misit, judicii mei eliciendi causa. Tota Historiae dictio castissima est, & plane ad Romanas aures. Ad Caesarem quam propissime accedit, nisi quod interdum Sallustio manum injicit, delibatis inde quibusdam veluti gemmis, excitando Lectori novo ornatus miraculo. Profecto affabre dedolata, & exacta ad normam Romanae loquentiae. Tametsi multa sunt, quae ad justae Historiae majestatem in ea desidero. In qua inops fere narratio, & aliquando jejunior. Nulla apparatus dignitate, nullaque consiliorum inter Principes initorum notitia, non rerum civilium tractatione, sententiarumve copia, insignis. Adde, auctorem studio partium agi saepe transversum, & a veritate deficere. Ego illi (ut hominem decet ingenuum) sententiam nostram libere aperui, deteris praeterea aliquibus naevs, quae tum Historiam, tum sermonis puritatem deturpabant. Quando adversus hominem impense amicum licet mihi esse audaculo. Nescio autem an tibi molesto & obstrepero. Valetudinem tuam cura diligenter, & me tui amantem redama. Mantuae novae in Carpetanis, IV. Kal. Novembreis, MDCCVII.

## III EMMANUEL MARTINUS

*Excellentissimo Principi*

GASPARI MENDOZAE &amp; SEGOVIAE;

*Marchioni Mondexarenfi & Agropolitano, ιονγεδίνου.**Mondexarem.*

**D**I male faciant tabellario tuo, qui semper importuna sua festinatione urget me atque conficit. Hoc scilicet deerat βαρυθυμία & taedio nostro, quo multos jam dies laboramus ex capitis valetudine, cum jugi ac tetro quodam humoris effluvio. Quod quum animo meo reputo, intueri mihi profecto videor Hesiodream illam Ἀχλὺν,

*Ἦν ἐν μὲν ἰνῶν μύλων ἴτεν —*

Tentatus itidem sum per hos dies febricula quadam, & (quod sane per molestum) infestissima quadam gravedine, quae ita in me incubuerat, ut totus obtorperim, stupore veluti quodam pervasus. Tamen nunc temporis meliuscule sum. Itaque Ὑγιᾶς beneficio usus, jussi anagnostae, ut mihi legeret per hos dies Syntagma tuum *de Deo Carmelo*; quod ab amico acceperam mutuo. Judicium meum exspectas? Nihil in eo non reperi Voluptatis ac deliciarum. Ita omnia ad veritatis amussim exacta, & crasseo vanno discussa, ventilata; excussis vecordium bardorumque morionum ineptiis, atque impostorum quisquiliis, quorum omnis opera in eo posita est, ut veritati tenebras offundant. Quaeque harpyiarum instar, quidquid illoris manibus attingunt, deturpant, inquinant, polluant. Di te fortunent, ornatissime Princeps, cui datum est, literarum studium una cum veritatis conjungere. Ergo Dissertationem hanc, quo minus servo tuo denuo committam, facit altera *de Equabus Lusitanis* ἱσπανικαῖαι, quam aveo legere. Invenio enim in omnibus tuis scriptis nescio quid saporis, quod maxime facit ad aeneum palatum. Dissertationem *de Jacobi ad mostrates adventu*, legi olim Romae. Quam ob rem denuo illam ad te mitto, una cum Lactantii opusculo *de Mortibus Persecutorum*. Historia Valentina, cujus mentionem feci proximis literis, nihil habet commune cum Scholani vel Diagi historiis. Cum haec memoriae tantum prodat motum hunc ultimum Valentinum, seu potius latrocinium. Castigationes ad illam nostras tibi mitterem, nisi vereretur oculorum tuorum imbecillitatem, & confectas aevo ac studio vires. Si tibi aliter, indica. Advolabunt ad te

Dd 3

pro-

protinus. In Eustathii stadio multum adhuc restat decurrendum. Scis quam sit opus immane, & pene supra humanas vires. Si tamen Pax alma illuxerit, dabitur opera ut quae pars Latinitate donata est, in lucem prodeat, dum nos reliquum diali spatium dimetimur. De Numismatis alias. Reliquum est ut te oblectes quam bellissime. *Gades Phoenicias* impotentissime expecto. Vale. In Urbe Regia, XVI. Kal. Decemb. MDCCVII.



## IV. EMMANUEL MARTINUS

*Excellentissimo Principi*

GASPARI MENDOZAE & SEGOVIAE,

*Marchioni Mondexarenfi & Agropolitano,*

S. D.

*Mondexarem.*

Suaveis tuas literas! quas diligenter mihi reddidit Serresius noster; cum solenni tamen illa formula. Quam maturime rescriberem, quod tabellarius cis paucas horas iterum ad te. Ergo quicquid hoc est literularum exaravi, citius quam asparagi coquantur, ut Augustus dicere solebat. Dissertationem tuam de *Carmelitarum Origine* nondum legi. Non quod eo studiorum genere minus delecter: sed quod Florentia literas acceperim ab eruditissimo viro Philippo Bonarota, magni illius Dynastae Antiquario; in quis scribit, sibi opus esse comperto, quisnam adornaverit veterum Epigrammatum Graecorum Collectionem, quae sub *Anthologiae* lemmate circumfertur. Propterea quod sciret, me huic rei indagandae Romae operam navasse, & utrumque illum evolvisse Codicem, Vaticanum & Barberinum. Quae res me per hos dies vehementer exercuit. Verum, ut opus mihi procedit, brevi me expediam & ad Carmelitarum aniles ineptias, a te explosas, statim me convertam. Ut illos Dii Deaeque male perdant, nebulones impuratissimos! Quorum mos est, quicquid somniant, veritatis specie nobis obtrudere. Tanquam sibi res esset cum stipitibus, aut fungis. Homeri enarratorem Didymum, quem alii *Βασιλάδας* appellant, alii *Ζαλκίεσσος* (vel quicumque ille sit Scholiorum auctor, quae e temporum naufragio ad nos enatarunt) si ad me miseris, non vulgari me obstringes beneficio. Careo enim eo scriptore, non medius-fidius penitus spernendo. Nam interdum enarratiunculas quasdam interferit, quae facem opportune praefertunt Eustathianis. Quid, si nihil horum esset? apprimerem tamen ad pectus, & haberem exunium: quodque tui esset in me amoris ac benivolentiae testimonium. Graecorum scriptorum, qui te penes sunt, catalogo,

gum, non dici potest quam videre discipiam. Neque enim me latet, quam sit supellex tua libraria omnium lautitiarum plena, quamque vario deliciarum apparatu instructa. Quare, amabo te, humanissime Princeps. Id mihi sic erit gratum, ut nulla res gratior esse possit. Si tibi opera nostra opus est, utere. Tua mandata persequar diligenter. Serva te integellum, & vivito ultra pensum, Hispaniae nostrae singulare decus & ornamentum. Data ad III. Non. Decembris, An. MDCCVII. In Urbe Regia Carpetanorum.



## VI EMMANUEL MARTINUS

*Alonensis Decanus, Excellentissimo Principi*

GASPARI MENDOZAE & SEGOVIAE,

*Marchioni Mendexarenfi & Agropolitano, fautori suo*

S. P. D.

*Mondexarem.*

Quum ad me perlatæ sunt literæ tuæ VI. Eidus Decembris scriptæ, ea eram corporis animique lassitudine confectus ex contentiore studio; ut a solenni illa officii nostri religione facile exciderim. Quamquam reclamante Tullio, qui ait, nullam lassitudinem impedire officium & fidem debere. Quam ego ne fallam, per Paternianam ad te scribere constitui. Te oculorum valetudine minus laborare, tam mihi est jocundum, quam acerbum erat Hispaniæ lumen extingui. Quidni ita appellem Varronem nostrum? Divinarum certe humanarumque rerum cognitione, doctrina, æmulatione virtutis, gloria, quam tu illi similis! ætate etiam. Scribebat enim ille *de Re Rustica* octogenarius. Opusculum tuum *de Origine Carmelitarum* legi flagrantissimo & veritatis & doctrinae studio. Tanti enim mihi sunt lucubrationes tuæ. Reperi in eo quod in omnibus tuis scriptis soleo, summum veritatis indagandæ amorem, cum præclara eruditione junctum, & (quod paucis datum) concinna methodo, ac orationis mira quondam perspicuitate. Proficito, qui ejus Sodalitatis initium altius repetunt, quam a sæculo duodecimo, caligare mihi videntur mero meridie, & meras nugæ garrire. Dissipavit eorum offuscias & technas Phocas ille Cyprius testis *avréolæ*. Et tamen Scholastica hæc tintinnabula turbellas dare pergunt. Quid sibi credunt blaterones isti? Historiam ac Chronologiam (sacrofancta nomina) perinde tractari ut Scholarum ineptias, in quis insanire, sapere est? usque præstantissimus.

cen-

cenfetur, qui maxime delirat? In te aculeos? Scarabaeus aequilam? Noverint fumantem tuum nafum. Probe factum augurali illa formula: *Sane fanfteque*. Ego perpol, quod mea interefle iudico, Deum immortalem veneror, ut te terris diu commodet. Quod rogas de Auctore Collectionis Epigrammatum Graecorum, quae *Anthologiae* nomine circumfertur, res eft maioris ambitus quam ut feftinans Epiftola complecti poffit. Si tibi oculi valerent, mitterem Differtationem re de hac proximis diebus a me confcriptam. Sed quando tibi, nifi perfunctorie, per oculorum imbecillitatem literas attingere non licet; dicam equidem perfunctorie quae mihi funt comperta. Primus omnium qui Graeca Epigrammata collegit, fuit Meleager quidam Phoenix, Eucratis filius, patria Gadareus, qui vixit fub Seleuco Philopatore, Antiochi Magni filio, qui regnum inivit Olympiadis c<sup>l</sup>viii. anno primo, aerae Seleucidarum cxxvi. ante Chriflum natum c<sup>l</sup>xxvi. Eamque Epigrammatum Syllogen infcripfit CORONAM. quam texuit ex poetarum a fe collectorum nominibus, fuis cuique tributo, vel flore, vel fructu. Cujus ego Coronae pancarpiae exemplar afferro, exfcriptum ex vetuftiffimis membranis Palatinis, quae Heidelberga Romam translatae fuere, & nunc exftant in Vaticana Bibliotheca. Poft Meleagram, Philippus Theffalonicenfis, aemulandi ftudio, ut ipfe fatetur, novam Collectionem orditus eft, quam itidem appellavit Στιφανος. tanquam acceffionem quandam ad Meleagrean. Quod conflat, tum ex Scholiafte ἀδελφῷ ad oram Codicis Palatini, tum ex ipfis Philippi *Corona*, quam itidem adducimus. Vixit hic Auctor temporibus Caefaris Dictatoris & Octaviani Augufti. Quod nos docent ejus Epigrammati, in quibus utrique impudenter blanditur. Narrat praeterea tanquam eo tempore evulgatum portentum illud de palma fub ftatua Caefaris inter coagmenta lapidum Trallibus enata, vel Tarracone in ara Augufti. Meminit etiam Navalis pugnae ad Actum. Tertius Epigrammatum collectioni manus admovit Agathias five Agathius, Scholafticus, Memnonii Rhetoris & Pericleae filius, patria Myrinaeus, ex Urbe Myrina, in Asia minori Aeolenfium colonia, ad oftia Pythici fluvii. Hic Smyrnae Jurisprudentiam publice profeflus eft, unde illi cognomentum *Scholaftici*. Floruit fub Iuftiniano Imperatore, cujus res gefas confignavit literis poft Procopium Caefarienfem. Hic igitur novam quandam adornavit Collectionem, quam infcripfit Κόρυμβος, teftes Suida. Etſi Agathias in praefatione ad fuam Hiftoriam non Circulum ab fe fuiſſe infcripta ea Collecſtanea prodiit, fed aptiore vocabulo, *κυρμβος*. Quam nuncupavit Theodoro Decurioni. Deinde Conſtantine quidam cognomento Cephalas, haec eadem Epigrammata, quae literarum ordine fuerant digeſta, in unum confudit, diviſiſque in capita diverſa: ſeparatim nempe *ἱεμενικά*, & *ἀνὰ θυμῶνα* & *ἀνὰ ῥυθμῶνα*, & *ἐν ἀνέκδοτοις*, ea ratione qua hodie in Codice Palatino digeſta ſunt. Quae omnia diſerte tradunt Scholia marginalia *ἀνὰ ῥυθμῶνα* ad *Coronam* Meleagri. TAN-

Tandem Maximus Planudes Monachus Constantinopolitanus, qui anno MCCCCLXX. florebat, collecta veterum studio Epigrammata amputavit, sine ingenio, sine judicio. Multa enim ex illis demersit, quibus defraudare posteros piaculari fuit. Multa reliquit, quibus carere sine jactura facile possemus. Sed homo lepidus, ex genio & captu suo caeterorum studia dimensus est. Nihilque existimavit aliis voluptatem allaturum, praeter ea quibus ipse delectaretur. Quamquam alioqui doctus, ut testantur non pauca ingenii sui egregia monumenta. Habes ad *Anthologiam*. Quod ad Lactantii attinet enarratores, habes eorum nomina suis ipsorum annotationibus praefixa. De Didymo, immortales tibi ago gratias. Graecorum Librorum quam mihi facis copiam, sicubi opus fuerit, non spernam. Interim Polyaenum manu exaratum videre vehementer cupio. Si in potestatem meam pervenerit, fidei nostrae erit, ejus curam quam diligentissime gerere, & restituere bona fide. Instantia Christi <sup>veritatis</sup> tibi fausta ominor, ornatissime Princeps, & fortunis liberisque, charissimisque tibi pignoribus, a Deo immortalis incolumitatem precor. Teque fortem hilaremque opto. Mantuae novae in Carpetanis, XVI. Kal. Januarias, An. MDCCVII.



## VI. EMMANUEL MARTINUS

*Excellentissimo Principi*

GASPARI MENDOZAE ET SEGOVIAE,

*Marchioni Mondexarensi & Agropolitano, fautori suo,  
bilaritatem nunciat.*

*Mondexarem.*

Qua equidem immortaliter sum affectus literis tuis, 1x. Kal. Januarias ad me datis. In quis, quasi parum esset divina illa colloquiorum tuorum ambrosia me perfundere, addis & cumulum. Utriusque nempe Tzetzae opera. Quorum ego jam diu flagrabam desiderio. Nam terribili hujus belli procella, & dirus armorum furor majorem mihi librorum partem abripuit. Quorum jactura nihil accidere mihi potuit funestius. Nec facultatum ipsarum, quas funditus amisi, una cum patria: deleta etiam natali solo. Quae quidem infortunia (quantumvis gravissima si mihi vel unam expressissent lacrymam, essem profecto mortalium omnium ignavissimus. Expressit autem (nec pudet fateri) librorum amissio. Prae quibus, ita me Di, sordent mihi opes Attalicae, & Croesi divitiae. Ut vel

*Tom. I.*

*E e*

*hinc*

hinc agnoscas, humanissime Princeps, quanti faciet libros abs te oblatos, cui tam acerbum est amisisse proprios. Interim autem id intelligas velim, tibi rem esse cum homine grato. Qui haec tua beneficia figet clavo traballi. Tuo iudicio, cui semper uni tribui plurimum, comprobari lucubrationem nostram de Auctoribus Collectionis Epigrammatum veterum Graecorum; triumpho & gaudeo. Id scilicet mihi erat in votis. Polyaei colicem accepi, modicae ille quidem antiquitatis. Sed eleganter scriptus emendateque. Quapropter animus est cum eo conferre editionem novissimam, quam adornavit Pancratius Maasvicius Lugduni in Batavis anno mdcxci. adjectis suis, & insigni Casauboni Notis. Adgrediar id laboris, si per te licet. Nam multa sunt adhuc in hoc Scriptore non bene dedolata. Syntagma tuum *de Aera Hispanica* in manibus est. Ubi legero, ostendam qui sit meus sensus. Interea liber primus, quem hausi, id ipsum sapit quod reliqui tui foetus papaver & sesamum. Nudius-tertius ego & Serresius fuimus una. Erat enim dies suus. Attingit mihi paenulam, & remansi. Vide facilitatem meam lenitatemque. Acceptus sum ab eo perliberaliter. Inter calices multos de te sermo, propinavimus tibi salutem plenis faucibus, & pro incolumitate tua Deo vota suscepimus. Quem veneror, uti te inter mortales diu finat perennare. & fortunatim (ut Enniano verbo utar) liberorum nepotumque societate frui. Vale nostri memor. D. A. D. IV. Kal. Januarias, An. MDCCVII. Mantuae novae in Carpetanis.



## VII. EMMANUEL MARTINUS

*Excellentissimo Principi*

GASPARI MENDOZAE ET SEGOVIAE,

*Marchioni Mondexarenſi & Agropolitano, ſauatori ſuo*

S. D.

*Mondexarem.*

Cupio equidem vehementer, & jam pridem cupio, avolare iſtuc, & te quam artiſſime complecti. Sed remorantur anni tempeſtas, animique ſolicitudo, qua pendeo incertus obſcura & caeca exſpectatione rerum, ſaevaeque huius armorum procellae quae in capita noſtra ingruit. Qua malorum ſaeva cogitatione ita aegreſcit animus ac decumbit, ut a mororis morſu vix poſſit divelli; nedum hilaritates & oblectamenta cogitare. Quorum me ex congreſſu tuo infinita copia perfunderet. Quando autem  
nihil

nihil apparet quod aegritudo nostra leniri queat, & dies crastina infiat semper hesterni luridior ac tetrior; rejiciamus saltem hanc cogitationem in initius anni tempus. Igitur Aprili mense excurram illic, & in sinum amplexumque tuum veniam. Nec est cur adventus noster te deterreat. Habebis hospitem sobrium, cibique tam modicum, ut incoenatus eat cubitum. Sed facessant joci. Nunc ad seria. Divinum opus tuum *de Aera Hispaniensis αἰῶνος, τῆς αἰῶνος, ἰσχυρῶς*. Ita enim me in admirationem rapuerant ejus dignitas, atque praestantia; ut cum legissem, stupefactus ac mirabundus relegerem: quae relegissem, denuo evolverem. Non tamen sine stomacho: gravique indignatione, quod ea ipsa studia easque vigilias, quas charitate patriae suscepiſſi, tamdiu premas, vel verecundia, vel incertitia, vel cunctatione. Nihil pensi ducens tot exterorum scripta, quis interim in Hispaniae nostrae splendorem ac dignitatem impetum faciat, tanquam propugnatoribus desertam, praedacque obnoxiam. Quousque delitescendum operi eximio, omnibusque numeris absoluto? Exere hanc faciem, quae historiis nostratibus praeſuſceat. Quod ego te pro summa mea in te benevolentia oro obtestorque. Nec faciam finem rogandi, donec impetravero. Si quis mei usus ad operas typographicas, adhibebo omne studium, curam, laborem, diligentiam. Quoniam vero ratio, cum initae abs te gratiae, tum humanitatis tuae, non nihil mihi libertatis in tua scripta praebere videntur; non abs re erit te monere, Cardinalem Aguirium, in maxima illa Conciliorum Hispaniae Sylloge, quae nobis accurrante in lucem prodiit, mordicus tenere, Auctorem ejus Collectionis quae *Iſidori Mercatoris* sive *Peccatoris* nomine circumfertur, fuisse Hispanensem Antistitem. Quod tota Dissertatione prima probare instituit, adductis in eam rem, quam maximis argumentis; praesertim *Excursu* 111. explicatis itidem difficultatibus ab adversariis *obſectis*. Quod idcirco monere visum est, quod hujus a te gravissimi Scriptoris mentionem nullam esse factam animadverterim. Fortasse quod nondum ea Sylloge in lucem edita fuisset, quum tu haec scriberes. Porro quod statim temere *vi*. primae partis. Synodum Illiberitanam coactam fuisse anno cccv. non prorsus extra controversiam mihi videtur. Cum plurimis argumentis, usque (ut mea fert opinio) *ἀναστροφῆς*, ostenderit Moecenas mens clarissimus, eam Synodum non nisi anno cccv. coisſe, mense Majo ineunte. ut legere est Tomo II. Dissert. I. Excursu III. ejusdem Collectionis. In appendice ad secundam partem emendatissimi tui operis, inter alia, quibus Gorionidi *ἑρπετολογίαν* fidem abrogas, eum & levitatis & mendacii insimulas, propterea quod Pacorum, Orodis filium, Regemque Parthorum, *Perſarum Regem* appellaverit. Quam ob rem illi *ἀνιστορίας* crimen impingis. In quo tamen (pace tua dixerim) non ille erravit, sed morem loquendi sui saeculi sequutus est, qui Parthos cum Persis confundebat. Ex quo nimirum Artaxerxes, viſto occisique Artabano, nomen Parthorum expunxit, reddito



Persis Orientis imperio. Quod accidit imperante Alexandro Mamaeae filio, anno ejus imperii quarto. Sic Pseudo-Hegefippus Lib. I. cap. xxix. *Decurso fere biennio infuderat se Syriae Partiborum exercitus, Pacoro Regis filio, & Barzapharne Perfarum Satrapa, barbarum agmen ducentibus.* Quibus verbis interpretatus est illa Josephi Ἀρχαία. Lib. xiv. cap. xxiii. *Ἰνδύρου δὲ τῆν Συρίαν κατέβησαν Ἰσκαριὸς τε ὁ βασιλεὺς παῖς, καὶ βαρζαφάρνης κατορθύτης ὁ Πάρορος.* Quae primo Ἀλσίω cap. xi. ita leguntur: *Μὲν δὲ τῆν δίο, βαρζαφάρνης δὲ Πάρορον κατορθύτης ἐν Πάρορον δὲ βασιλεὺς υἱὸς, Συρίαν κατέβησαν.* Par ratione cum Josephus Lib. I. cap. vi. Ἄλλως. scripsisset: *Μεθιδότῃ δὲ Ὀρεάνῃ, φύλαξι δὲ Πάρορον.* reddidit idem Hegefippus Lib. I. cap. xxi. *Mithridatem & Orsanem fugientes de Perfide.* Et alibi saepe. Quem quidem perturbate loquendi morem sequuti sunt deinceps plerique Scriptores, tam Graeci quam Latini. Quo minus Goriionidem hoc nomine accusare liceat, quem vixisse saeculo sexto, eruditorum suffragiis compertum est. Quum haec leges, quos tu cachinnos! Tamen, volo ames ingenuitatem libertatemque meam. Unius me miseret in hoc tuo opere. Volsianae calamitatis. Quem hominem tot notis compunxisti, ut videatur mihi profecto servus stigmatias. Laudo factum. Id unum restat, ut nugatorem istum stylo tuo confossum, φιλαλήδων doctoremque oculis exponas. Alexander Zondadarius, frater Legati Pontificii, enixe a me petit, ut sibi per me liceat *Aeram* tuam legere. Nego id a me, te inconsulto, iri perpetratum. Urget. Quare, si verum est, meam apud te & gratiam & auctoritatem valere quicquam (quod certe ille existimat) sine me re in hac illi morem gerere. Est enim vir probus, & in omni literarum genere apprime versatus, nominis tui cultor, & (si quid ad rem pertinet) mihi arctissima necessitudine conjunctus. Ergo, nisi tibi molestum est, *insinuo.* Et vale. Cum tuis. Ad V. Idus Januarias, An. MDCCVIII. In Urbe Hispaniarum domina.



## VIII. EMMANUEL MARTINUS

*Excellentissimo Principi*

GASPARI MENDOZAE ET SEGOVIAE

*Marciboni Mondexarensi & Agropolitano, bene rem gerere.*

*Mondexarem.*

**N**ihil vero accidere mihi potest jocundius, Vir maxime, quam a te per literas iri conventum. Quandoquidem vel iniquitate temporum, vel fortunae maleficio, in tui congressum veniendi mihi facultas praec-

praeciditur. Non tamen spes; qua ut ne decidam, nullas non difficultates elucibor. Tametsi in praesentia nihil certi, me hercule, polliceri tibi ausim. Nam Ecclesiae Princeps in sententia adhuc permanet ditionis suae oppida intra Baeticae fines obeundi. Quamquam ego nullus dubito, hominem infane Urbi deditum, pedem domo non egressurum. Verumtamen. Opprimam tamen occasionem, si quae se obtulerit, & curriculo ad te. Dum modo liceat per armorum saevitiam, & infestas latrocinii vias.

Εἴπω βαθύπλυντι,  
καλλίτα μαχάρων Σιών,  
Ζῆλος μὴ σίνῃ. ὡς χροίζεις!

Ubi *Gades Phoenicias* ad me miseris, tum demum arbitror me pervenisse ad *Herculis columnas*, nec quicquam esse ultra, quod votis expetam. Nosti diligentiam nostram, curam, studium, in lucubrationibus tuis asservandis. Erit profecto apud me liber iste sanctior & abstrusior, quam fuerint olim ipsa *Romani imperii* pignora, *Palladium*, & ancilia. Quod ad laudes attinet, quibus me, quae tua est humanitas, tam largiter ornas; eas equidem plurimi facio, quod a tanto, tamque ornato viro, egregio animi testimonio, in me collatas animadverto. ut qui tamen mihi conficius sim, longe me infra illas repere. Siquidem:

*Metiri se quemque suo modulo & pede, verum est..*

Valetudinem tuam, atque istam sevitatem, cura diligenter. Et salve. In Urbe Hispaniarum domina, IV. Kal. Aprileis, An. MDCCVIII.



## IX. EMMANUEL MARTINUS

*Excellentissimo Principi*

GASPARI MENDOZAE ET SEGOVIAE,

*Marchioni Mondenarenfi & Agropolitae*

S. D.

*Mondenarem.*

AD te redit *Aera Hispanica*, plena laudis, famae, gloriae. Nihil in ea est, per Deum Fidium, quod non in admirationem nos rapiat. Summa eruditio, iudicium acerrimum cum modestissima quadam verecundia conjunctum, & mira dicendi perspicuitas, cum expeditissima methodo, aptissimoque ordine. Quo nihil est in omnibus rebus, nec uti-

Et 3

lius,

lius, nec pulchrius. Quod nos monet Xenophon in *Oeconomico*, hisce verbis: *ἰσὶ δὲ ὅδιν ἄν τις εὐχεσθῇ, ὅτε καλὸν αἰθερῶν, αἷς ἢ τὰς ἐκ.* De nostro ad te adventu nihil profecto hodie polliceri ausim. Nam Ecclestæ Princeps ad Baeticam professionem parat, indicavitque, fore sibi pergratum, si me illi comitem adjungerein. Cui ego pro ratione officii nostri deesse non queo. Immo (quod inter nos dictum sit) magni facio hoc tempore hanc occasiunculam me hinc surripiendi. Nam res Mantuanae mihi videntur tumescere. Et nescio quid sinistri hariolatur animus. Nosti quam violenta sit ac praeceps extrema necessitas. Summa inopia premit omnes. Non detondemur tantum, sed deglubimur. Legisti illud Alexandri: *καὶ πῶς μισῶ, τὸν ἐν ῥίπῃ ἐκτιμῶν τὰ λαχάνα.* Tibi satis. Igitur libenter hinc digredior. Excurremus usque ad Hispalim & Menesthei portum. Tu cogita, num quid velis. & jube. ac valetudinem tuam cura diligenter. Mantuae novae in Carpetanis Terminalibus, X. Kal. Mart. An. MDCCVIII.

XXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXX

## X. EMMANUEL MARTINUS:

*Excellentissimo Principi*

GASPARI MENDOZAE ET SEGOVIAE,

*Marchioni Mondesarensi & Agropolitano,*

S. D.

*Mondesarem.*

**G**ales tuas *Phoenicias*, expectatas diu, accepi tandem a Serresio nostro. Papae! Beasti me tam illustri beneficio. Nihil est enim in quod majore cum animi voluptate propendeam, quam in indaganda antiquitatum nostratum vestigia. Hinc labor ille improbus, quem olim in Theatro Saguntino illustrando naviter impendimus. Sed retundit fortuna conatus, & rei familiaris angustia studia nostra tabescunt. Est enim id literarum genus omnium profecto *πελοναλωτάτο.* Nam & peregrinari oportet, & obire regiones, & lustrare situs, & eruere rudera & contemplari monumenta. quod maximo esse sumptui necesse est. Sed (proh Di immortales!) quanto cum soenore! Quando id igitur fortunae maleficio nobis eripitur; excurremus saltem in vastissimos illos cultissimosque eruditionis tuae campos, haerentesque lateri tuo, abstrusissimos ultimae vetustatis recessus perlustrabimus. In Baeticam non amplius cogito. Quo minus autem ad te digrediar id temporis, multa sunt quae me prohibent: quae te scire nihil opus est. Id unum, & te scire cupio, & ut

ut tibi persuadeas velim, neminem esse hominem, vel tibi addiciorum, vel qui nomen tuum sanctius colat. Vale etiam atque etiam. Data ad XIII. Kal. Junias. Mantuae novae in Carpetanis.



## XI. EMMANUEL MARTINUS

*Excellentissimo Principi*

GASPARI MENDOZAE ET SEGOVIAE,

*Marchioni Mondexarenfi & Agropolitano, viro singulari,*

S. D.

*Mondexarem.*

ET saepe, & maximas tibi gratias ago, ornatissime Princeps, ob *Gades* tuas *Phoenicias*, singulari humanitatis exemplo ad me transmissas. Quo scripto, ita mihi talus detur, ut nihil unquam legi, nec doctius, nec elucubratus. Quam toto opere acre iudicium! quam omnia ad veritatis normam exacta! Quanta ingenii dexteritate tentatae vepres, atque e tot anilium fabularum sentibus veritas extracta! Facessant jam nostrates isti nugatores, portenta, non homines, literarum propudia, gentisque nostrae ludibrio nata monstra. Quorum infania factum est, ut res Hispaniae in eas inciderint tenebras, per quas vix gradum movere licet, nedum altius progredi. Sed immortalis Deorum beneficio huic tandem malo itum est obvium, te faciem extollente. Unum tamen est quod me angat in hac spe hilarioris fortunae. Illa nempe tua in scriptis edendis tarditas & procrastinatio. Qua me hercules cunctatione, non perinde ut Verrucosus ille imperator, patriam restituis rem, sed funditus perdis. Agedum igitur (quod peto a te in maiorem modum) divinum hoc opus, in quo edendo tam indormisti diu, me excitante in lucem emittito. Sin, fodicabo tibi latus. Nec orandi finem faciam, donec exoravero. Cui enim bono tot tantique a te pro patria evigilati labores, nisi te illa vindicem senserit? Quod si in hanc rem ex me tibi aliquis usus, loco tibi meam opelem, vel ad digitum crepitum. Ita me omni voluptatum genere illexisti. Disquisitione praefertim XIV. In qua post explosum *Hegalan* in Hispaniam adventum, discussamque caliginem, tum veterum, tum recentiorum figmentis, rebus nostris offusam; clarissime ostendis, verum Phoenicem nullum alium fuisse praeter Melicarthum, sive Archaeum, qui victricibus Josuae armis patria regnoque expulsus, una cum ingenti Phoenicum multitudine, post longae navigationis ambages erroresque, superato

superato freto, in Oceani Insulam appulit, in qua Urbem condidit, cui sermone patrio nomen indidit *Gaddir*. Ac post maxima edita & navitatis & fortitudinis exempla, rebus humanis functus, ibidemque sepultus, divinos honores adeptus est. Quam observationem e penitissimo abstrusissimoque antiquitatis recessu petitam, jam olim protulerat Samuel Bochartus, omnium qui unquam usquamve fuerint, criticorum facile Princeps.

Quod de pyxide nautica a veteribus cognita Disquisitione xv. literis mandasti; coelo me beavit. Ain' vero, mi Princeps? Tu quoque in ea sententia? Triumpho & gaudeo. Nam equidem tam id semper habui perspectum, ut contra sentientibus graviter indignarer. Nunc autem, quando obfirmasti suffragio tuo opinionem meam, paratus profectio sum, vel cum Musis contendere. Nam obstrepera isthaec crepitacula jam mihi fordent. De lato clavo multum te amamus. Dubium enim non est, quin ille ex Hispania Romam fuerit advectus. Quod argumentis tu athenis comprobasti. Ut jam Hispania nostra, Senatoriam hanc vestem, injuria sibi ereptam, denuo repetat, majestati suae oppido quam convenientem. Quod ad reliquum attinet opus, omnia belle. Nisi quod interdum (pace tua dixerim) laciniosius est, atque extra argumenti fines excurrit. Quo immenso rerum circumactu, dum nullum erroris finem conspiciat, legentis vires pene deficiunt. Quin egomet, qui scripta tua tam efflicium depereo; tam longe remotas Gades, perque tot ambages quaesitas, ac vix repertas, exorsus; non semel animum despondi. At nihil non scitu dignum, venustum, singulari eruditione refertum. Fateor. Sed non minus ad scribentis virtutem pertinere arbitror, aliena praetermittere, quam accerere opportuna. Scriptorum verba, sive Graeca, sive Latina, Hispanice abs te tantum produci, parum mihi videtur ex operis dignitate. Immo, ex instituti tui. Cum praecipuus operis cardo in eo sere vertatur, ut verba ipsa revocentur ad trutinam. De verbis Graecis, literis Latinis abs te tantum prolatis, idem judicium esto.

Quod ad rem attinet publicam, equidem in ea sum sententia, ut praesentibus malis vel vitae impendio eripi, fati beneficio imputem. Quousque jugulabimur gladio hoc plumbeo? Odi aliquorum ambitionem, & odero. quam appellat Diodorus sapientissime, *μητροπολις ἡ ἀπάντων ἀδικημάτων*. Quid enim non injuriarum per haec Germanorum mancipia, debacchantisque iniquitatis satellites, in capita nostra, in libertatem, in fortunas, in liberos, in ipsa denique sacra, incubuit? Fovent enim funestissimas insensissimasque nobis Harpyias:

*Harpyias, quarum decerpitur unguibus orbis,  
Quae pede glutineo quod tetigere, trahunt.*

Ut

Ut cecinit olim Rutilius Numatianus. Sed de his plus forte quam pro acerbitate temporis. Unum te monere non gravabor, tot tantisque aerumnis circumventum, sapientissime Princeps. Ut quamvis omnia tibi desint, tibi deesse nolis. Erit forsitan alias respirandi locus. Quod ut facere liberius posses, excurrerem isthuc libentissime, si liceret id mihi soli. Sed adfiscendus nempe erat *ὁ δῖος*, homo plumbeus ac suspicax. Id me unice remoratum est, quo minus in amplexus tuos venerim. Quod si hac me difficultate expedieris, puta me petasatum. Franciscus Barbara te plurimum salvere jubet. A me vale. Data ad V. Kal. Quintilibis, An. MDCCVIII. Mantuae novae in Carpetanis.



## XII. EMMANUEL MARTINUS

*Excellentissimo Principi*

GASPARI MENDOZAE & SEGOVIAE,

*Marchioni Mondexarenfi & Agropolitano,*

S. D.

*Mondexarem.*

V Ideo quid agas. Quod ad nostra, propius nihil est factum, quam ut ad te nullas. Cum ob solennem tabellarli festinationem, tum quod nihil erat epistola dignum. Tamen etiam vicit amor in te nostri, ut vel pusillam hanc exararem. Vel ob id tantum, ut maximas tibi gratias agerem pro misso ad me syntagmate *de prima Hebraeorum in Hispaniam migratione*. Quo me affatim ingurgitabo, interea dum *Hispanicae Origines* exscribuntur. Vale, & te oblecta quam bellissime. Ac, si sapias, quod ad res tuas domesticas, magnum fac animum habeas, & spem bonam. Iterum vale. Nomen Quintilibis, An. MDCCVIII. Mantuae Carpetanorum.



## XIII. EMMANUEL MARTINUS

*Excellentissimo Principi*

GASPARI MENDOZAE ET SEGOVIAE,

*Marchioni Mondexarenfi & Agropolitano, viro πολυμαθέστερον.*

S. D.

*Mondexarem.*

Q Uaeris a me quid agam, gravissimo hoc anni tempore, & latrante canicula, quae.

*Tom. I.*

Ff

— φψ

— *Οἱ ποὺ πρὸς τὸν περὶ τῶν δεινῶν βροχίων?*

sestuo. &, tanquam dolium male sirpatum, undique diffusio. Ex quo fit, uti quodam corporis animique languore marceam. Utar verbis Q. Ennii:

*Otioso in otio animus nescit quid quidem velit.*

*Incerte errat animus. praeter propter vita vivitur.*

Legi tamen Dissertationem tuam *de prima Hebraeorum migratione in Hispaniam*. In qua (Di magni!) quam mihi visus es tui simillimus! Nempe doctus, diligens, veritatis indagandae sagax, ingenii solers, acer iudicii. Unum est quod me vehementer conturbavit, & in maximam traduxit admirationem. Quod nimirum asseris cap. xvi. Inscriptionem illam Saguntinam, quam primus exscripsit Moses Ben-Schem Tob, nec exstare hodie, nec unquam existisse. In quo (pace tua dixerim) toto aberras coelo. Nam & existit semper, ex quo eruta fuit, hodieque exstat, humi projecta, ad ingressum arcis Saguntinae. Cujus ego rei testis sum *ἀνθρώπων*. Lapis ipse formam refert arcae gibberae, angulis striatis. In tumore autem dorsi literae illae sunt insculptae, quarum pleraeque injuria temporis detritae. Maxima tamen sui parte superstites. Earum forma, quam invenit Elishas post exsilium Babylonicum quaque nunc temporis utimur. In fronte inscriptum exhibet Latinis literis nomen illius, qui hoc monumentum asservandam curavit. sed plane *Βασιλειαν*. Dices, Villalpan-dum, & Diagum, & Moralem, aliosque viros doctos, nec incuriosos, jam id olim literis tradidisse; & quidem impune. At ego speciosa ista & splendida nomina, quando res me aliter docet, non magis curo, quam testudo muscas. Veritas quaeritur, non patrocinia. Num e re tua sit in eundem lapidem, in quem illi tam supine impegerunt, tu videris. Certe, ut scite Comicus,

*Pluris est testis oculatus unus, quam auris decem.*

Alter exstat Sagunti lapis Hebraice inscriptus, qui asseratur in summa Theatri porticu; sed dimidia sui parte mutilus. quadrata forma, altera facie tumidiore. In plano tamen nihil est inscriptum, sed per lapidis crassitudinem ducti versus. Vide sis, num ex hac Epigrammatum varietate orta sit illa in legendo discrepantia inter Mosen Ben-Schem Tob & Franciscum Gonzagam. Fieri enim potuit, ut alter in alterutrum incidisset. Et de his satis.

Antonii Liberalis, ejus, cujus Suetonius mentionem fecit, nihil adhuc legi. Ut studiis tamen tuis aliquid conferrem, e vestigio me deportavi ad Anissonianum bibliopolum; quae una est in hac urbe spes reliqua. Sed frustra! Dissertationem remittam ad te alias. Devoravi enim prius, nunc rumino. Valetudin tuae servi, & have. Mantuae novae in Carpetanis. Nonis Sextilibus, An. MDCCVIII.


XIV. EM.

256  
18

Tom. I. Pag. 226.

*Lapis ad ingressum Aris Sargentine.*

*Latitudo Superior palmarum exigua.*




*Per adjuturum*

*Per adjuturum.*

*Lapis in summa Portici Theatri Sargentini.*

*Longitudo partis averse VI. palmar.*



*Frontis longitudo V. palmarum.*







## XIV. EMMANUEL MARTINUS

MARIAE ALENCASTRIAE,

*Excellentissimae Lavarensum Principi.*

S. D:

*Mantuum Carpetanorum.*

**A**ccurata meorum in te officiorum ratio flagitat, seminarum omnium longe praestantissima, ut qua te praesentem observantia prosequutus sum, eademmet colam absentem. Cum igitur mihi discedenti, pro eximia tua humanitate summaque benevolentia, acius indixeris, nunquam te curis liberatum iri, nisi itineris a me confecti rationem literis ad te datis exploratam haberes testatamque, idcirco, ad officium plane nostrum pertinere arbitratus sum, ea ad te perscribere, quae maximam tibi voluptatem sint allatura. Nimirum, Carpetanorum me fines egressum nulla siti vexatum. Non enim te fugit, regionem esse oppidorum infrequentia, ac sterilitate soli horridam atque tristicissimam, maximeque laborantem *καρδιά*, vel potius *ἀνδρία*. Me autem eum esse, qui aquae potui omnia posthabeam. Unde fit ut Pindaro tantopere delecter. Et si ab Anacreonte non penitus abhorreo. Sed illud ad voluptatem pertinet, hoc autem ad valetudinem. Superata regione ea arida ac siticulosa, terrebat nos Marianus saltus, grassatorum maleficiis ac frequentioribus latrociniiis infestus. Rumor enim percrebuerat obsideri viam ab iis quos Aegyptios vocant. Quare praetrepida omnia ac formidolosa. Cum igitur & ulterius progredi, obiectoque periculo occurrere, parum videretur consultum; & consistere, nimis grave molestumque; cum inter spem metumque fluctuaretur, vicit tandem animi fiducia; iactaque alea coniecimus nos in saltum, quem pacatissimum experti, Illiturgim pervenimus; postera autem Cordubam. Eam diem sibi exemerat esedarius, ut domi suae cum uxore ac liberis hilarius exigeret. Est enim Cordubensis. Id igitur temporis nactus, simulque opportunum publici tabellarii transitum; nolui operae parcere. Sed quidquid hoc est literularum festinanter admodum exaravi. Cum ut observantiae erga te nostrae, tum ut amoris in me tuo quam diligentissime fatiscerem. Vale, humanissima Princeps, aevique nostri flos atque ornamentum. Cordubae, VII. Eid. Septembris, An. MDCCXI.

Ff 2

XV. EM'



## XV. EMMANUEL MARTINUS

MARIAE ALENCASTRIAE,

*Excellentissimae Lavarensum Principi*

S. D.

*Mantuum Carpetanorum.*

N Udius septimus Corduba ad te literas dedi, quibus certiorē te feceram, eo usque me satis commode tulisse itineris molestias. Reliquum est ut exponam ulteriora. Postridie igitur, quae dies fuerat A. D. VI. Eid. Septembris, Astigin pervenimus; non incolumes tantum, sed & alacriores; propterea quod quidquid erat itineris tetrum ac periculosum, id totum feliciter confeceramus. Quod autem supererat, voluptatem potius afferebat, quam vel languorem, vel aliquam animi aegritudinem. Via enim undique Liberi patris ac Minervae opes ostentans, certamen quoddam nobis objicere videbatur sane quam jocundissimum, in quo Deae Caesariae non adeo parata victoria, ut in fabuloso illo cum Neptuno *errorisq.* Cicurata denique omnia, & mitior soli facies. Postera die Carmonem tenuimus. Altera Hispalim. Quae Urbs videtur profecto mihi Inopia & infrequentia civium maxime laborare. Sed haec accuratius alias. Interea nolo te illud nescire, habere me domi Bibliothecam omni librorum genere instructissimam; sed eorum scelere, quorum curae commissa est, adeo deformem, ut tinearum blattarumque vim, qua scatet atque depascitur, nec Hercules ipse depellat, qui malorum omnium est averruncator. Nec murium *μυρμήκων* ille Smintheus. Infestior enim haec pestis. Magnam Librorum partem si excusseris, vastabis. Abeunt enim omnia in pulverem & arrosa frustula. Facito quidvis, dum ne evolvas. Deum atque hominum! Haecce monstra ac propudia inter homines versari natura patitur? Ad quingenta sere volumina proficienda mihi videntur, cum propterea quod nullius sint usus, tum ut ne latius serpat ea perniciēs, & morbi contagione caetera fracescant. Nunquam tibi profecto oculi valerent, si eam vastitatem videres. Praefertim cum magnificentissima sint caetera omnia, dignaque me-hercule accuratiore custodia. Loci enim nitor atque amplitudo, saluberrimus aëris afflatus, opportuni luminis hilaritas, thecae concinnitas, pluteorum elegantia insigniumque tabellarum ornatus, aspicientium animos quodam veluti fascino alliciunt ac remorantur. Uno verbo, quae ad literas pertinent, semilacera ac ruinosa, quae ad ostentationem & fastum, integra. Scilicet ea tu mente, Ferdinande Henricida, in hoc opus

opos & opes & operam contulisti. Sed de his abunde. Multa praeterea sunt antiqua cimelia totis aedibus sparsa atque abjecta; statuae, cistomae, anaglypha, columnae, inscriptiones, vasa sacrificalia. Numismata; mala manus surripuit. Superfunt enim perpauca, & quidem viliora. Haec habui quae ad te scriberem paullo diligentius, Princeps πολυμαθής; propterea quod ea maxime digna visa sunt summa tua eruditione ac doctrina. Da operam memoriae nostri, & paratissimo tibi obsequio utere. Vale. Hispali, Eid. Septembribus, An. MDCCXI.





EMMANUELIS  
MARTINI,  
ECCLESIAE ALONENSIS DECANI  
EPISTOLARUM  
LIBER VI.



I. P. JOANNES INTERIAN DE AYALA

*Viro eruditissimo*

EMMANUELI MARTINO

*inquit.*

*Mantuum Carpetanorum.*

Iraberis, & licet mirere, Vir sapientissime; quod homo in obscuro quodam, ut ita dixerim, terrarum angulo delitescens, neque famae vacans, neque Musis, Latinas ad te literas, immo semibarbaras, tantumque non Gothicas, plus justo fortasse fidens humanitatis tuae, dare ausim. Sed enim qui probitatis eximiae, eruditionisque nomine notus mihi es, hac profecto fuisti fidentis animi sinceritate, ac simplicitate adeundus: ita enim medius-fidius natura comparatum est, ut quo plus homines sapientia, ac solida doctrina praesent, eo magis benignitate, atque humanitate excellant, & qui minimum vel vita,  
vel

vel sermone peccent, iidem sint ad aliorum magis errata condonanda proclives. Itaque diu est, quod referente mihi communi amico, conterraneo tuo, Josepho Borfullio, in hac Academia Juris Civilis professore publico, honorumque Scholae meritissimo candidato, summae, quod omnes norunt, spei juvene, doctrinae, atque eruditionis tuae praestantiam; qua olim Romae, modoque Madriti doctissimorum quorumcunque hominum qui non cum vulgo sapiunt, studia; ac judicia promeruisti, inaccessi, fateor, animum meum honesta cupido: & ut mutuo inter nos non nihil officii, aut literarum commercii foret, omnino, si quid unquam, in votis habui. Accessit deinde quod perlecturus Bibliothecae Hispanae Nicolai Antonii, superum fidem, qualis, quantique viri! priora volumina quae cura potissimum ac studio tuo prodierunt Romae castigatissima, in ipsa operis fronte praefationem quandam abs te conscriptam, brevem eam quidem, sed oppido elegantem multoque dicendi lumine undequaque coruscant, cum, nihil minus cogitans, offendifsem, ea neque semel, neque oscitanter perlecta; fui, quod ultro fateor, erga tam disertum Scriptoris stilum judiciumque mirifice affectus. Quare ut exilitatis, & infantiae meae, cujus quidem ipse mihi sum satis superque conscius, specimen aliquod ad te transmitterem, avidus, & lubens statui; quippe qui virgae tuae severissimam censuram experiri, quam ineptorum laudes aucupari malui. Sed vero occupatiunculae, quibus hic otiosi ferme, aut, quod deterius est, nihil agentes hinc inde distrahimur, optatissimum votum protraxerant, distulissentque magis, nisi ab amico nostro certior fuisset factus, te jam pridem literulas has avidius exspectare, foreque de inunda inter utrumque nostrum aliquali familiaritate sollicitum. Obtemperandum igitur statim fuit gratissimo, atque humanissimo desiderio tuo, obsequendum & officio meo. Quamobrem, tametsi rudes, planeque illiteratas literas ad te dare, nihil distuli, in quibus certe, ut minus elaboratae, neque ad amussim exactae orationis indiligentiam tute ipse facile deprehendes, ita meam erga te reverentiam, atque observantiam testatam tibi volo, atque impense cupio: hoc unum enixe rogans, si quid animo ad obsequendum paratissimo, si quid possum officio promereri, ut me in amicorum imo & clientum tuorum numero recensere velis, quod ego, *dum spiritus hos reget artus*, ingentis in me collati beneficii loco jam nunc perinde ac voto meo fruens, libenter habeo. Vale. Salmantica, VII. Kal. Novembr. An. Rep. Sal. MDCCIIIX.



II. EMMANUEL MARTINUS  
JOANNI INTERIANO AJALAE,  
*Viro Ornatifimo,*

S. D.

*Salmanticam.*

Quum literae mihi redditae sunt abs te, eram acerbissimo quodam casu, non dicam afflictus (leve enim est hoc verbum) sed pene fractus. Obierat enim illa ipsa die familiaris quidam meus, quo nihil mihi charius fuit unquam, nihil jocundius. Qua suavissimi mihi capitis jactura ita animo concideram, ut non solum copia non fuerit legendi literarum tuarum, sed nec resignandi, nisi post triduum. Ea erat moeroris dulcedo, & libido dolendi dolorem meum. Quo accesserat, tedium calami tractandi, & ingenii languor. Vicit tamen cogitatio humanitatis tuae, ut animum, nondum satis confirmatum, ad scribendum appellerem. Ratus, singulari Dei beneficio obtigisse te mihi id temporis, Vir doctissime, quo nihil accidere mihi potuit nec exoptatius, nec ad angorem luctumque nostrum leniendum vel aptius vel potentius. Amplector equidem libenter amicitiam tuam, ad quam me perhumaniter perque liberaliter iuvas, & porrigo hanc dexteram. cedo istam. Si sciens sefelle-ro, Deum Fidium iratum habeam. Unum autem te monitum cupio, ut illam de doctrina studiisque nostris opinionem penitus abjicias, qua trans-versum te egit Borrullii nostri amor potius quam iudicium. Nam illa epistolae tuae commendatio mei, profecto deceptum te prodit. Colo equidem literulas, & earum otio fruor. Non tam voluptatis causa hoc tempore (quidni fatear?) quam commodi atque emolumenti. Premunt hostes, fervent latrocinia, urbium incendia collucent, arma circumstrepunt, personant catenae, totque cladibus attritorum iam populorum, e-julatus potius quam voces, aures discerpunt. Quo igitur me illatebrabo, ut impendentes omnium capitibus calamitates effugiam? In tutissima nempe literarum penetralia. Quibus nullum est in rebus humanis, nec ad-versus fortunae insultus paratius receptaculum, nec reparandis animi viri-bus praesentius remedium. Salvete ergo, iterum salvete, *ὑγιαίνετε ἰσχυρότεροι*. Iterato vos amplector, animi deliciae, & praesidium salutis meae. Sed ad rem. Manebo in officio. Tu interim utere opera nostra, & vale. Igno-sce festinationi meae. Dabo alias epistolam grandem, uberem. Iterum vale. Mantuae novae in Carpetanis, IV. Idus Novembreis, An. MDCCVIII.

III.



## III. FR. JOANNES INTERIAN DE AYALA

EMMANUELI MARTINO suo,

*Virò eruditissimo,*

S. P.

*Mantuanæ Carpetanorum.*

CUM per dies plures literas a te expectans ambigerem, num eae ipse, quas ad te dederam ad manus tuas pervenissent, multa mecum, fateor, tacitus volvi. Sed liberavit me hac solitudine Borrullus noster, qui obviam mihi factus (& is etiam fuit adblandientis fortunæ favor) cum exoptatas diu literas reddidisset, quanto me gaudio lætitiæque exhilaravit, multis hic exaggerare, non est cordi. Sane tam accuratas, tamque eruditæ literas recolens videre mihi videor Joannem illum Genesium *virum* *magnum* ad sui ævi homines, etiam inferioris in literis nominis, scribentem mira prorsus stili felicitate, atque ubertate. Sed de his alias: nunc, quod instat. Et quidem excessisse o vivis familiarem illum tuum jure merito ob illius in te probatam fidem, atque observantiam tibi charum in paucis, his diebus audiveram: &, credas velim, moleste tuli, atque etiam num fero. Sed vel leniendo dolori tuo, vel consopiendo desiderio idonea, quæ a nobis solatia sermonis expectes? Nempe ea ipsa quæ tute ipse, Vir juxta sapiens atque pius, promptiora habes, meliusque agnoscis. Quare, ut summatim dicam; ne te isto dolore, quamquam aliqui pio, plus justo excrucias, neve defuncti, quam augurari, ac suspicari licet, felicitati videaris invidisse, per Superos omnes, per Genium tuum etiam atque etiam obtestor. Præclare enim, judice me, cum illo agitur, cui Dei Opt. Max. beneficio conceditur, ut, quo tempore magis ipsi congruit vitæ subductus casibus meliorem sui partem, veluti navim fluctibus exemptam tranquilla in statione locet; interim nostrum omnium vel jocos, vel lamenta videat. Jam quod jus amicitiae tuæ mihi tam humaniter, tamque benigne ultro citroque annuis, quas habeam gratias, nullis omnino verbis completi possum: quod vero inquis, ut de literarum, atque studiorum tuorum jam dudum animo imbibitam opinionem, existimationemque penitus abjiciam; rogari te permittas velim; serio ne dicis? aut (ut facetissimus ille Comicus) ain' vero? Atqui ego (quandoquidem abs te hoc primum in mandatis habui) fortasse facerem: sed qui possum? Præsertim, cum tuæ ipsius literæ, quibus id æque eleganter ac modeste jubes,

Tem. I.

G g

con-



contraria ut credam (quid, inquam, credam?) immo ut aperte norim, videam, experiar, plane persuadeant, & evincant. Enimvero, ut tibi posthac omnis amputetur locus quamlibet modeste contendendi; quid de me ingenuè sentiam, libere exponam, & me tibi, quod ad rem attinet, graphice describam. Ego igitur, & si non satis emundatæ naris criticus (quidni enim fatear?) is sum tamen, qui plurimum, ut puto, iudicio, non nimis certe affectibus indulgeam. Itaque laudare utcumque scio: asseutari, nescio: non vehementer autem probare quæque optima, atque ambabus, quod ajunt, ulnis amplecti, neque possum, nec si maxime possem, vellem equidem. Tu vero, quod reliquum est institutum iter perge: & quoniam te nonnulla vertere, tractare, commentari audio, cessator esse noli (agnoscis Tulliana verba) & illud, *πράξις εὐαγρίας* noli putare ad minuendam arrogantiam solum esse dictum, verum etiam ut bonæ nostræ invenimus. Erit fortasse aliquando commodior edendi, & publicandi locus, cum fluctus hi, quibus undique jactamur & premimur, non nihil subsistant. Nam nunc, quod tu prudenter doles, qui fieri queat? Fusus largiter hominum cruor, incensa oppida, populati agri, direptæ domus, abacti greges, & si quæ sunt his foediora, aures, atque oculos nostros misere pascunt. Ferrum, flamma, fames cuncta devastant. Quis inter hæc erit literis honos? Quis edendi fructus? quodve otium? Sed affulget quandoque cum bono Deo optata magis, quam hæcenus sperata pax,

———— *Dabit Deus bis quoque finem,*

& Philippi Regum piissimi, adolescentumque optimi stabiliro & refecto throno, quem hodie exteri hostes, & quod horreas, interni miris modis dilacerant, tranquilliora & pacatiora succedent. Interim in hac bonæ mentis palestra impigre exerceri, nihil vetat; & siquidem cum plerisque vivorum non admodum libet, licebit saltem versari cum mortuis. Me tui peramantem, atque cultorem, Vir ornatissime, iterum atque iterum commendatum habe; & quod caput est, apud Deum immortalem precibus juva. Vale. Salmantica, VII. Kal. Decemb. MDCCIIIX.

Has ad te scripseram, cum jamjam obsignaturo mihi venit in mentem, iussisse me quondam rude carmen, quo viri sapientis prædens otium tentavi describere. Atque illud nescio quo genio affatus mittere ad te decrevi. Quid ita? inquis. Probandum ne? Minime. Non meretur. Ergo emendandum? Sed sero, quod proverbio dicitur, sapient Phryges. Ast non nimis sero: fieri enim potest, ut si hoc non penitus tibi displiceat, aut illud lima tua non dedignere, hoc ipsum aliquando cum aliis levioris opellæ cum adstrictæ, tum solutæ orationis excursibus lucem atque editionem cogitent. Iterum vale.

CONA-



## CONATUS IMITANDI

HORATIANAM ODEN

*Beatus ille qui procul negotiis*

Epod. 2.

**B**eatuſ ille, qui procul tumultibus,  
 Urbique magnæ jurgiiſ  
 Domuſ paternæ percoliſ tutuſ lares  
 Curis ſolutuſ improbiſ.  
 Non Orbis ille vel vagiſ rumoribuſ  
 Moratur, aut curat nimis  
 Reſcire, ſævi bella quot gerant Scythæ  
 Celuſ rigenteſ aſpero.  
 Aut, fervidiſ quotoſ uſta genſ caloribuſ  
 Getuliciſ arviſ ſerat.  
 Non quæ ſecretoſ coſta conditiſſimiſ  
 Arcana Regum provide  
 Traſtant Dynaſtæ, vel ſeruntur obvi  
 Per ora vulgi, quaeritat.  
 Nec commovetur, improboſ honoribuſ  
 Fortuna ſi coelo vebat;  
 Vel, denegatſ quando juſtiſ ſerſ opes  
 Heu coeca! praviſ ingerit.  
 Seu juſiſ inſciuſ Cato ceſſuſ ſedet  
 Præfulgiduſ ſubſelliſ,  
 Sive inſulatuſ hauſ merenſ caput Pater  
 Sublime coeliſ intulit;  
 Ille expetiſa tetriciſ mortalibuſ  
 Sic vota ridet, ut ſeneſ  
 Plerumque parvi pueruluſ pendent leveſ  
 Ludoſ, jocoſque ſerii.  
 Quid obſerataſ divitiuſ pulſet foreſ,  
 Aut quid potentuſ limina,  
 Qui, quotoſ inani turbine ſerunt opes  
 Præceſſoreſ nubibuſ,  
 Securuſ ille non magiſ colit, ſuoſ  
 Quam Rex minoreſ vermuleſ?

Gg 2

Quid

Quid jam superbo numini manus levet,  
 Caecumque votis muneret,  
 Fortuna quem miratur his nil indigum,  
 Bonisque contentum suis?  
 Non ille mensam ferculis lautis gravem,  
 Ut apparet sodalibus;  
 Neque, ut Falerni solus ingentem ampboram,  
 Vel Creticum siccet cadum;  
 Non, ut nitentes, quos potentibus scyphos  
 Urbs clara mittit Adriae,  
 Nec splendidum, quod fabricant Seres lutum  
 Pictis figuris nobile,  
 Quae condas ille fulgidis in scriniis,  
 Vel intimis conclavibus:  
 Non Indicti, ut ebenicas spissis trabes  
 Ostendet ille dentibus:  
 Non signa, docti Mentoris solers opus,  
 Myronis, aut senis Scopae:  
 Non quae periti vividis coloribus  
 Aulaeae texunt Belgici;  
 Nec quidquid aegras plurimum mentes beat,  
 Et lubricum juvat genus,  
 Foecunda saepe jam malorum semina  
 Habere, permisit Deus.  
 Vitae sed ipsi, quo satis fiat, manus  
 Dedit benigna Numinis.  
 Namque, ut vetusto robore incandens focus  
 Brumale frigus arceat;  
 Et cum rubentes percoquit messes Canis,  
 Umbra morari frigida;  
 Cibis vel unde sumpserit frugalibus  
 Festis levamen viribus;  
 Sed, & tegendis quod decenter artubus  
 Suffecerit, atque id genus  
 Donavit illa, quae optimum seruo patrem  
 Donare frugi, condecet.  
 Meliora quin his ultro large credidit  
 Benigniori numine:  
 Aequabiles videre perpetim dies  
 Cursu fluentes libero.  
 Noctesque, nullis ingruentibus breves  
 Curis molestis, ducere;

Sive

*Sive eruditae miscet inter fabulas  
 Sermonis exculti sales,  
 Sive, hoc amicis interim potentibus,  
 Severiora differat;  
 Et, quæ Boi sinibus turgēt mare,  
 Utrumque fluvius explicet;  
 Aut, quæ trabendū lapidū insit vis Polo  
 Magnetici miris modis;  
 Solerter aut si corporum consideret  
 Capaciores angulos  
 Egisse nihil erit, quod ipse poenitem,  
 Die peracto, computet.  
 Haec inter, ut per omne mentibus placet  
 Cultu, atque voto simplici;  
 Levare puras ad Deum piis manus  
 Nullo madentes crimine!  
 Cur non, & opibus praeferat regalibus,  
 Gemmis vel ipsis Persicis,  
 Haec, cui, praealtis ut negata Regibus  
 Haberet, indulsit Deus?  
 Sic ubi locutus competitor Helvius,  
 Jam pene factus Stoicus,  
 Vulgi furentis (vota quæ mortalium!)  
 Prensare curris dexteras:  
 Et, quam reliquit candidam Idibus togam,  
 Aet Kalendis sumere.*



IV. EMMANUEL MARTINUS  
 JOANNI INTERIANO AJALAE,

*Hebraicae Linguae professori, viro doctissimo atque optimo,*

*S. & amorem*

*Salmanticam.*

**C**Ujus erga me tam praeclarum asserunt testimonium ponderosae tuae  
 literae, plenae humanitatis, officii, consilii, leporis. Quibus omnem  
 animi angorem, omnemque acerbissimi luctus moestitiam ac doloris sor-  
 des, veluti adhibita spongia deterxisti. Cave igitur ne putes, ea me am-  
 pliùs offusum moeroris umbra.

Gg 3

Αχλὺς

Ἀχλὺς δ' αὖ μοι ἅπ' ὀφθαλμοῦ ἔλκε' ἢ περὶ ἑσπέρην.

Ut Minerva Tydei filio. Quod mones, ut iter institutum teneam, & lucubrationes, quibus multum jam operae, studii, laboris, impensum est, viriliter urgeam; recte quidem & sapienter mones. Et certe quantum in me est, nec polypus scopulo magis affixus, quam ego πολυμαθέστατ' illi Homeri enarratori Eustathio. Sed (heu!) avellunt saepe ab ejus amplexu invitum ac reluctantem foedissimi temporis teterrima simulacra, reique, qua privatae, qua publicae, deformis adspectus. Amant hercle secessum literae, sed procul ab armorum fragore, ac Bellonae infanientis fremitu. At in hac, non dicam civili discordia, sed domestico animorum dissidio, quis tandem tutus esse potest receptus? ubi quadruplatorum calumniae liberorum hominum capitibus impudenter insultant, ubi infantis nomen deferre, fides appellatur, ubi sordidissimi balatrones ac proletarii, viris, & generis nobilitate, & integritate morum conspicuis, per ludibrium periculum ostentant, & in eorum famam atque fortunas impune grassantur? Quid igitur exoptes in hoc publico tumultu, metu, trepidatione, nisi vitam doliarum? Tamen (quo magis mirere) quo pacto mihi licet, καλῶ καὶ γὰρ τὸν πόνον, meumque pensum (ut Bacchis illa Plautina) lepide accuro. Si minus alacriter, saltem diligenter. Quid faciam.

Ζῶμε γὰρ ὡς θέλομεν, ἀλλ' ὡς δυνάμεθα.

Curae tamen mihi usque erit, ut memoria apud me monitorum tuorum nunquam obsolecat: quodque dolichon sponte mea satis concitatus currebam, te calcar addente praetervolem. Dormi in utraque. Non enim fallam opinionem tuam. Sed heus tu! Num te praeterit, quam sit vastum, quam immensae navigationis, pelagus illud Eustathianum? Constat tamen ut portum capeffam. Quem ego diem si videro!

Lecta est a me & saepe & diligenter, Ode tua Horatiana. Di immortales! Quam elegans, quam culta: & ad priscae aevi candorem, majestatemque. Numeri apti, sponteque fluentes, dictio casta, orationis structura aperta atque concinna, ordo venustus, poetica lumina splendore suo legentis aciem praestringentia. Male mihi sit, si aliter scribo ac sentio. Dum Horatiana vestigia premis, pene obliteras. Quin igitur pergis in hac palaestra, mi Jane? Excute, amabo te, istam socordiam; ac Musas, Hispania nostra tam diu extorres, denuo revoca. Interim vero aliud hujusce carminis exemplar ad me quantocyus, quod amico cuidam mittam. Borrullium in oculis fero, eximia doctrina, summaeque modestiae ac virtutis adolescentem. Quem salvere jubeo. Teque opera nostra uti, abuti. Vale. In Urbe Hispaniarum domina, VI. Eid. Decembreis, An. MDCCVIII.

V. FR.

## V. FL. JOANNES INTERIAN DE AYALA

*Viro integerrimo, eidemque doctissimo,*

EMMANUELI MARTINO suo,

S. P.

*Mantuum Carpetanorum.*

Litterae tuae pergratae mihi fuerunt, quibus longiores reponere visum erat. Sed temporis angustis pressus, ut id in opportuniorem occasionem differam, peto a te, modestus exactor ignoscas. Quoniam vero illud abs te mihi in literis mandatum habeo, ut scilicet exemplar aliud carminis illius (scis de quo loquar, & vero, quae tua est humanitas, assuescis meas esse aliquid putare nugas) ad te quantocyus transmittendum curem, in hoc tibi aequè gratus, ac lubens obsequor, futurus alias tuae in me, meaque benignissimae censurae dicam, an laudis? uberiorum gratiarum actor. Interim ut jam propinquantia sacratissimi Natalis festa (pure enim hic, quam Latine dicere, quidni malim?) tibi quam felicissime contingant Deum immortalem veneratus simul atque iterum precor. Vale. Salmantica. Postrid. Eid. Dec. MDCCIX.

VI. EMMANUEL MARTINUS  
JOANNI INTERIANO AJALAE suo

S. D.

*Salmanticam.*

ET amor egregius in te meus, & praeclara tua mutuo in me merita, jure optimo solemne hujusce temporis officium a me reposcunt. Scin' quale? Deum immortalem multa venerari, ut haec sacra aeterni Servatoris nostri laeta tibi contingant atque hilara, ut nihil tibi eveniat nisi optatissimum. Denique (utar Ennianis) uti Deus te *seipites superfluetque*. Quod omnibus votis exposco. Dummodo enim nobis salvis esse liceat, & otio hoc literario quali quali frui; caetera pedibus trahantur, pluma haud interest. Cura igitur utrumque: & ut prospere valeas, & us lateas honeste. Hygeia atque Minerva propitiis. Haveto. Mantuae novae in Carpetanis, ipsis Opalibus, An. MDCCVIII.

De

De Carmine ad me misso, multum te amo. Borrullio plurimam a me salutem imperti. Felix quoque Palatinus (si modo isthic versatur) *καλῶς χαιρεῖτω*. Homini Graeco Graeca salutatio.



# VII. EMMANUEL MARTINUS

## JANO INTERIANO AJALAE,

*αὐτὸς Οὐλαγευμνιστῶν, Hebraicaeque Linguae professori, viro singulari,*

*S. D.*

*Salmanticam.*

**A**Mabo te, mi Jane, perge hac scribendi pangendique alacritate, animumque nostrum felici ubereque illa tua vena perfunde. Abjice vero eas nugas de Orbili serula, & desine, pene dixi: ineptiarum. Sic enim habeto. tanti apud me esse tua carmina, ut vel nomen nostrum in iis inferi, in loco maximi beneficii deferam. Auguror enim (si quid video) non defore illis apud posteros suam dignitatem: dummodo excutias insigne illud excubendi fastidium, in quo te esse ajunt mortalium omnium (si me unum excipias) longe ignavissimum. Quo enim illae tuae schedulae? quae lituris ac maculis vel Dionysii tyranni animum superarent, quem vocat Plutarchus *βελλὸς καλὸς μνηστὴρ, ἔδῃ μολυμῶν ἀνέστην*. Igitur non dici potest quam flagrem desiderio proximarum literarum. Quod ad Epistolarum nostrarum editionem attinet, idipsum tu mones, quod in animo semper habui. Interferere nempe interdum aliena nostris. Habet enim nescio quid blanditiarum ac venustatis ea *παριμβολή*, dum varietate dictionis, perpetuus ille similis structurae ac characteris tenor abruptitur. Quare, si me amas, non tantum a te peto (leve enim est hoc verbum) sed flagito, ut institutum hoc nostrum pro viribus adjuves, operisque notori, ornamento, dignitati, aliquo amicitiae nostrae monumento consulas. Nihil est enim quod ego malim. Quod jure tamen optimo abs te postulo, quando

*Favorem te mihi, amicum, amatorem puto.*

Quae admones de nummis adulterinis, veriora quidem sunt *ταῖς ἐν Ἑλλάδι*. Nulla enim est provincia, in qua magis grassatae fuerint, cumque majore literarum pernicie veteratoriae artes. In quibus praecipue excelsit, nobilissimus ille Patavinus *παρωχαράκτης* Joannes Cavinus. Sed heus tu, credin imponere nobis posse eas officias? Haud quidem aliter, ac si intermiscas piperi muscerdas. Sed nolo tibi amplius obstrepere, Musamque

que tuam (ut veteres loquebantur) obac̄erare. Itaque modum faciam, antequam mihi illud Alexidis impingas:

— σου δ' ἐγὼ λαλῶ  
 'Οὐ πᾶσι' ἵδου, ὅτε κελεύων φίλοι,  
 'Οὐ κίττω, σὲ αἰδῶ, ἢ τευγῶν' ἢ λίττω.

Vale, Interiane mi, ἢ ἐννύχῃ δια παντός. Salveat a me Borullius noster. Iterum vale. Mantuae novae in Carpetanis, V. Eid. Apr. An. MDCCX.

# VIII. FR. JOANNES INTERIAN DE AYALA

EMMANUELI MARTINO suo,

*Decano Alonenſi,*

*Viro ornatissimo eidemque doctissimo*

*S. P.*

*Mantuum Carpetanorum.*

Quandoquidem a me multum, diuque literas Latinas efflagitas; imo vero, quod meae erga te observantiae verbum magis congruit, ju-  
 bes, atque imperas; en illas. Sed cave, obsecro, ne futilia, &  
 levidentia haec cum tuis solidis iisque excultissimis, atque elaboratissimis  
 operibus conferas. Quamquam enim non admodum acuta mentis acie,  
 subactoque judicio opus sit, ad utraque discernenda, aera scilicet a lupinis,  
 five ut tuo festivissimo verbo utar, piper a muscerdis; tamen hoc ipsum  
 mihi, vel timorem ingerit, vel pudorem augeat, quod nempe ea ad te  
 transmittere ausim, quae non tantum politissimae limae tuae censuram non  
 subeant, sed ne conspectum quidem ferant. At in iis serio dijudicandis,  
 atque ad amussim tuam oppido rectissimam exigendis, ubi pleraque offen-  
 deris a prisca illa dictionis elegantia, ac sermonis puritate longius abeun-  
 tia; memineris, Vir admirande, nos eos esse, qui primum tricus, & ar-  
 gumentationibus, quandoque etiam & cavillationibus philosophicis, atque  
 Theologicis excutiendis aetatem contrivimus; eos deinde, quibus his de-  
 mum in partibus, atque hoc saeculo nasci contigit, quois Gothiffare, &  
 tertio quoque, quod ajunt, verbo rusticum quid, atque allium, & sti-  
 vam olens oggannire jam dudum in deliciis est: non eos autem, quales  
 tu, & si qui sunt, similes tui, quos fortasse δια τῶ Πωδωγοεικῆς καλιγ-  
 γουρίας redivivos Hortensios, ac Cicerones nomino. Sed de his alias: no-  
 lo enim demissioris quam par sit, atque abjectioris animi (quod pessimum

*Tom. I.*

*H h*

*me*



me iudice jactantiae genus est) ostentator videri; quippe qui probe norim, teneamque illud: *μῆτερον δ' ἐνὶ πᾶσι δέξεται*. Age vero, mi Emanuel, & quoniam editionem doctissimarum epistolarum, quam primum prodituram spondes, ut hanc Spartam pro viribus exornes, & expectatam editionem urgeas, multis te meis precibus hortationibusque exoratum volo: non deerunt certe versiculi mei, non tam tibi commendationem, quam sibi met, quod tam spectabili loco legantur, famam, & posteritatem allaturi. Sed quoniam huc sensim devenimus, id te latere nolui, quod scilicet cum ad me per virum eximiae dignitatis, atque auctoritatis transmissa nupercule fuissent carmina quaedam, Hispani nominis exultimationi censui / dilce interim hinc, quo loco sint res nostrae) quoquo modo consuli posse, si quaedam alia veluti *τὸ ἀντιθέτον* statim reponerem. Quo minus autem eadem tibi transmittenda curarem, dubitavi nihil; siquidem tibi sat scio fore placitura: tibi, inquam, qui non quidem meis versiculis, sed magicis nescio, quibus atque Thessalicis carminibus incantatus, qualicumque nostra non vehementer probare nequis. Habes jam a me epistolam, non admodum exultam, sed ut tute vides, fatis longam: & quidem plura tacui: quod enim me appellas, mortalium omnium si te unum excipiam ignavissimum; habebam, ne dubita, quid regererem. Sed praetereo etiam haec, ut quae hoc maxime tempore homini Theologo, etsi nullius nominis, minus congruant, contentus illa tantum reponere quae viro magno elegantissime rescriptis is qui *καὶ ἑξῆς* Theologus audit: *οὐ μὴ* (inquit) *ἐκώπῃς, ὃ δίδουσι τὰ ἡμέτερα, ἅτε παῖδες τῆς καὶ ἀποδοῦναι ὅσα τούτοις πρέζουσιν. αὐτίκα νόον, ὃ παρὶς τῶν ἰμφορῶν, ὃ τὸ φιλικὸν ἡμῶν ἀπὸ τῶν καὶ* &c. Borrellius noster valetudine fruitur, ejusque fraterculus Vincentius, tametsi honestissime, atque incorruptissime vivens Graecatur strenue; imo si dici licet pergraeatur: utriusque autem fratrem Joannem Baptistam J. C. quocum isthic amicitiam inii gratissimam, per literas (quod fortassis omittere non debui) salutare practerii: tu mihi ab eo noxae hujus veniam apprecare, & ut plurimum salveat jubeto. Joachimum autem Ciceronianum nostrum cur memorem? Scit ille profecto quam ejus amicitia, & consuetudine nil jucundius, nil sanctius habeam. Vale, aut si Graece mavis, homo Graecissimus *ἔστω*, & nos, quod facis, indefinenter ama. Salmantica, XVI. Kalendas Majas, MDCCX.

## IX FR. JOANNES INTERIAN DE AYALA

EMMANUELI MARTINO suo,

*Decano Alonensi, viro ornatissimo, atque doctissimo,*

S. P.

*Mantuanam Carpetanorum.*

MEnsis, ut puto, unus atque alter integer est exactus, ex quo tibi a me literae Latinae sunt redditae: Latinae, inquam, si tamen Latinae dicendae sint eae, a quibus immane quam absit decor ille Latinitatis, qui tibi, vel nolenti, vel aliud quippiam cogitanti sponte se offert, nobis ne conantibus quidem obtingit. Sed de his alias. Interim hoc queror, & de hoc tecum amicissime expostulo, quod scilicet tam diu tibi expectationem meam ludificare, atque frustrari libuit: & cum ego prope diem sperarem futurum, ut a te haberem epistolam sat bene longam, tu tamen otione deditus, an negotio, non satis scio, tot jam elapsis dieculis rescrististi nihil. At tu, inquis, mi Jane, rerum ac rationum mearum, immo casuum quibuscum jactari & confictari coactus sum, videris esse nescius, qui me nugae non agere quiveris, & leviora ista a me tali in tempore magnopere requiras. Non sum equidem, mi Emmanuel, non sum; sed quoniam horum omnium quaecumque tandem illa sunt, unicum levamen, & perfugium doctrina, & eruditio est; verum enim si quidquam aliud est, quod scilicet

*Ψυχὴς καὶ σώματος ἐν οἷς ἰατροὶ λόγου.*

putaram fore ut his indulgens, & te quoad posses, turmultibus subducens, vel aliquid commentando, vel ad amicos scribendo levarere.

Urgebis porro, si me audies, doctissimarum epistolarum editionem, qua certe Hispani nominis existimationi, si quid auguror, consuletur: ac propterea ego, qui hanc quibusque possim modis, ac conaminibus promovere, supra quam dici potest in votis habeo; ut nihil de ista intentione remittas, & institutum iter quam primum absolvas, suasor tibi, atque hortator perpetuus ero. Ne quid vero, quod ad rem attinet, a nobis officii desideres, in hendecasyllabos ad te mitto, qui editioni praefigantur, non tam ingenium eruditionemve, quam affectum animi, immo iudicium erga te meum sincere & candide testatuos. Qui si minus gravitati, atque eruditioni tuae probentur, quod in primis ego vereri possum, qui probe norim,

Hh 2

— Quam

— *Quam sit mihi curia supellex;*

tuum erit, aut eos plurima castigatione emaculare, aut quod promptius est, ineditos, & carie obritos timeis, atque blattis edendos relinquere.

Nos, quod scire fortasse velis, & satis commoda valetudine utimur, & literis, quoad possumus, vacamus: tu, ut eodem beneficio fruire majorem in modum exopto: vellem quippe, si tamen per rationes & fortunas tuas liceret, te ab istis turbis, ab istisque negotiis longiuscule semotum in tuto aliquo, honestoque, ac dignitati tuae congruo secessu res tuas, hoc est, literas, ac doctrinam agere, tibi que uni, immo nobis, orbique literario vivere, ac Philosophiae. Alioquin quis homini literato laborum scopus? Quis studiorum fructus? Sed de his etiam haecenus; nolo enim homo, qui sim professione Theologus, & quod fateri libet, additus choro, quod proverbio tamen effertur, *ἰατὴρ χρὸς ἰππῶναι*. Tu si quid a nobis officii, si quid obsequii expectas, me certiore facito: experieris me tibi neque obsequio, neque officio unquam defuturum. Vale. Salmantica, IV. Eid. Maj. MDCCX.



*In doctissimarum atque elegantissimarum*

## V. CL. EMMANUELIS MARTINI

### Epistolarum Volumen.

**D**ivae Castalides, parens Apollo,  
 Suadela Charitis tenor venuste,  
 Heros Celtiber, ipse qui revinctos  
 Disertis populos trabibus catenis,  
 Facundissime Mercuri, beatis  
 Et si quid superis nitens in aulis.  
 Aures cantibus adscit Deorum;  
 Huc, huc, vos precor, huc adeste cuncti:  
 Majus, credite, majus, & beatis  
 Forsan quod superis probetur aulis,  
 Ut magis placitum, magis venustum  
 Vestris vocibus audietis. Hic est,  
 (Quam notus nimis ipse, quamque vobis  
 Mellito eloquio satis propinquus!)  
 MARTINUS Turiae decor leporque,  
 Gentis gloria nec secunda Iberae:  
 Graecis qui simul unus & Latinis

*Intinctus*

Intinctus salibus facetiisque,  
 Graece tam bene dicitur & Latine;  
 Jure ut hic merito putetur unus,  
 Aut ex Cecropio satas parente,  
 Aut per tempora Caesaris togati,  
 Urbis libera cum foret potestas,  
 In orbis domina creatus Urbe.  
 En ut provocat eminus remotos  
 Grati Hercule literis amicos  
 Excultis pariter, laboriosis,  
 Urbanis quoque, candidis, facetis,  
 Doctis, dulcibus. Eruditiores  
 (Aras Di superi fidemque vestram!)  
 Roma non Cicero dedit, nec ipsi  
 Scripsit Atticus eruditiores.  
 Nam multos ego non moror recentes,  
 Quos etsi nimium putem desertos,  
 Jam, me iudice, longius reliquit  
 (Ni me iudicium nimis sefellit.)  
 Post se, quam celeres equum columbae,  
 Quam milvos aquilae, ferasque mitvi,  
 Quam cursu ante alios per arva primi  
 Communes homines eunt gigantes.  
 Ergo carminibus potens Apollo,  
 Et tu stelliferas minister aulae,  
 Interpret Superum, quid invidetis  
 Doctas divitias? savete terris,  
 MARTINUMque diu precamur omnes  
 Vestro munere sospitem fovete.  
 Namque & conciliis sedebit olim  
 Vestris forsitan, & (magis benigni  
 Si quas terrigenis dabunt honestis)  
 Conscripturus Epistolas Deorum,  
 Dignas quae superis cadant ab astris.



X. EMMANUEL MARTINUS  
JANO INTERIANO AYALAE,

*Amenitati suae*

ἡ τῇ Ἀντικειμένη, ,

S. D.

*Salmanticam.*

Quasi vero non ad aures tuas pervenerit infortunium nostrum domesticum, ita mecum tricaris, quod a me nihil ante duos menses literarum. Adeone me levi molestia aspersum putas, acerbissimo ac dirisimo hoc casu, ut crimini ducas intermissa interim a me literarum officia, jocosque (pene dixeram nugas) explosos? Jacebat clarissima domus in maximo luctu ac moerore, lurido squalore miserabilis, atque ultra funus ipsum atrata. Ergone ludendum mihi uni erat in hac rutuba, nec dolendum dolorem meum? Ad haecolvebam animo, quam in lubrico positae sint & spes hominum & fortunae, earum vicissitudinem, iniquitatem temporum, insanam nocendi libidinem, subrostrariorum hominum in bonos atque honestos grassandi licentiam. Pungebat me denique cogitatio vitae innocentissime a me actae. Quam ego integritatem atque innocentiam omnium flagitiorum instar ducebam; quando non tam in ea adversus maleficos praesidium, quam aptissima hoc tempore maleficiorum illecebra. Sed de his, nimis fortasse quam pro conditione temporum. De editione epistolarum dabitur fortassis opera quam primum optatissima Irena nobis affulserit. Nisi obstat cunctatio mea. Praestat enim sero in lucem emergere, quam nunquam. Nosti illud: ἡ κύριος ἀνίσταται τὴν φάλαγξιν. Vereor praeterea, ne post tam longam expectationem nobis occinant anapaesticum illum:

Ὦ δὲ θεε, τὸς ἴσταν μῦν.

Quod si quid in iis Latini candoris ac venustatis, ut tibi videtur; quid id tandem ad hirta & intonsa Hispanorum studia, eorumque mucidas quaestiones atque τὰ τελεῖ? Quibus una literarum via: quae ducit πρὸς τὰ ἀληθεῖα? Nonne igitur pro quantula illa cumque gloria, fama, existimatione, summum dedecus referam, cum maxima ignominia conjunctum atque ludibrio? Et (quod foricibus accidere solet) meo ipsius indicio peribo? Quod extremae profecto esset amentiae. Mitto Graecorum characterem inopiam, caeterorumque καθ' ἑκαστὸν, quibus prorsus destituuntur strigosa nostra-

nostratium τυχευεσθῆνα. Haerendum ergo, donec meliora succurrant, augurali illi formulae: *Non addicunt aves* Quod Hendecasyllabos ad me miseris, id mihi pol, ne mentiar, jocundissimum fuit. Quidni, cum omnes lepores, omnes veneres, omnes denique Romani sermonis facitias, in eos confluisse videam? Id nimirum est quod tam impotenter tantoque opere deperibam: insigne istud iudicii tui testimonium, quod mutui inter nos amoris ac benevolentiae nobis esset pignori, posteris autem monumento. Auguror enim (si modo literis suis constabit honos) memoriam nominis tui fore sempiternam, nec ullis unquam aevi injuriis interituram. Quis enim majora secum adtulit ornamenta demulcendae ac demerendae posteritati. Quicquid reconditoris supellestilis Musarum habent cimelia, quicquid & *σπουδαίαι* & humanioribus consignatum est literis, quicquid celat abstrusae eruditionis atque elegantiae *ἡ ἑξουσία παύσια*, cuncta tecum adfers, felici quadam ingenii dexteritate, rerum copia, orationis venustate. Sed volo consulere modestiae ac pudori tuo: ne dum amore provehor, ac meritis laudibus indulgeo, molestiam tibi asseram, ruboremque suffundam.

De secessu nostro literario, recte quidem mones, & pro dignitate, simul atque per rationes ac fortunas licebit, valebunt otiosa haec negotia, atque aulicae nugae: vosque amplectar sanctissima Quietis ac Solitudinis simulacra. Quae si mihi *χρεῖται κατὰ νότον*, unum illud votum deferam ad aras:

Ὡ πότνι Εἰρήνη παρὰ μιν ἔστω.

Habes, mi Jane, (quod te jam olim expectasse scribis) Epistolam sat bene longam. Quid? Videorne tibi satis esse garrulus? Volui nempe cumulatorie mensura acceptum reddere. Si modum praetergressus sum, hostorio cumulum dirue. Neque enim honestum mihi visum est, reperriri aliquem me verbosiores. Cura ut valeas. & si aliquis usus, opera mea utere, abutere. Mantuae novae in Carpetanis, VIII. Kal. Quinctileis, An. MDCCX.



XI. FR. JOANNES INTERIAN DE AYALA

EMMANUELI MARTINO suo,

*Decano Alonensi,*

*Viro ornatissimo, atque doctissimo,*

*S. P.*

*Mantuum Carpetanorum.*

Cum non jam tantum dies plusculi, sed (quod fateri piget, ac pudet) multi etiam menses, annique aliquot abierint, quibus nullae prorsus vel tuae mihi, vel tibi meae literae sint redditae, scin, mi Emmanuel, quid dieculis hīce intra me tacitus cogitarim? Scilicet aut nos prorsus incognitos nunquam omnino invicem, vel absentes per literas, vel verbis humanissimis coram praesentes salutasse, aut postmodum intestino aliquo (avertant vero id omen Superi, malorumque Hercules depulso) novercali, & plus quam Vatiniano odio vixisse disjunctos; aut denique alterum ab altero quam longissime positum tam inter se distos incoluisse terrarum angulos, quantum orae Magellanici freti distant ab Islandia, veterum, si placet, Thule, sive etiam ab aliis telluris finibus, si qui remotiores sunt, magisque subiecti Scythico cardini,

*Tardat ubi lentas Parrhasis ursa rotas.*

Horum vero cum nihil sit; qui fieri queat, mi Emmanuel, ut ego qui te, nam libere dicam, impense colo, qui genium tuum, mentem, doctrinam, ac vix verbis ullis effabilem *παραμυθία* istam effuse diligo; imo (nam lubet dicere) efflictim depereo; desiderium meum diutius tolerem, quin abrupto importuno silentio, quoquo modo expleam, aut fallam potius aviditatem tecum saltem per literas colloquendi?

Quare age, Vir doctissime, per ego te omnes superos precor, hortor, obtestor, excute veterum istum, abjice desidiā; & me humanissimis, iidemque lectissimis tuis literis bea. Non ulla mihi dies gratior affulget, non ulla fortunatior, quam ea, qua ad manus meas illae pervenerint, non semel aut iterum, sed decies, aut centies forsitan lectitandae. Ita quippe me afficit stili tui urbanus lepor, & concinna gravitas, & decora majestas, ut literas saepissime tuas suspiciam non tanquam ab homine dictatas, sed veluti delatas, aut propemodum delapsas a numine. Adblandiri me existimas atque Ulyssis in morem *καὶ τοῖς αἰεὶ ἰπάλαιφται*? Apage: ita sentio,

ſentio, mi Emmanuel, ita prorfus: & ſi ſecus, Divi me omnes, Divaeque perduint.

Contubernalis olim, atque amicus etiamnum meus, Antonius a Tur-recremata, vir eſt, (imo vero juvenis, nondum enim trigefimum annum, ſi bene conjector attingit) & literis haud mediocriter deditus, & morum integritate ac gravitate canus: iſ porro tibi has literas reddit; idque ipſe (quae illius eſt erga me benevolentia) honori ſibi ducet, ac pretio. Tu illum obſecro benigna iſta tua, atque humaniſſima comitate bonus amplector: & quantum per tempus, occupationeſque tuas licuerit, ſecurus interroga; idem enim te de rebus meis certiore faciet; & quae ratione palaeſtra, atque ſchola longum valere juſſi, hic habitem, idem ipſe tibi fidus enarrator aperiet. Excipe itaque illum, amabo te, intum amicitiam, & quidquid in eum officii atque operae impenderis, mihi acceptum velim exiſtmes. Vale. Mantua in Carpetanis, VII. Kalend. Martias, vel, ſi id dici pateris, ipſis Terminalibus. An. Rep. Sal. MDCCXIV.

Exſcriptor atque Amanuenſis meus, qui te ſaltem nomine reſert, teque aliquando noſſe ſummis etiam in votis habet, non ita pridem huiusmodi operae intentus erratula, ut vides, aliquot imprudens admixit, quibus tu, bonus aequuſque cenſor facillime ignoſces. Iterum valde.



## XII. EMMANUEL MARTINUS

JANO INTERIANO AJALAE,

*In Academia Salmanticenſi Profeſſori emerito,*

*S. D.*

*Salmanticam.*

Antonius Tur-recremata tuas mihi literas reddidit, plenas humanitatis, officii, benivolentiae; & ſi quid ad rem pertinet, leporis etiam ac venuſtatis. Laudo equidem ſtudium tuum & deoſculor, mi Ajala, quod jam in hac Baetica triennium agens, nec memoria tibi nec animo exciderim. In quo, ita vivam, id accidit, quod fuit mihi ſemper quam optatiſſimum, frui nempe commercio literarum tuarum, & ſuaviſſimae conſuetudinis tuae. Sed corruerat mea vota fortuna, dum in extremas Baeticae oras me compulſit, & Oceanum *inquieſcente*: quo me detulerunt domeſtica quaedam mandata Principis Alcalae, quibus exhauriendis totum pene jam biennium inſumpſi. Nec de reditu meo quicquam adhuc habeo comperiti, vel quando me extricabo, ut liceat tandem *ἀφ' ἀπορίας*. Sed

*Tom. I.*

*li*

*heus*



heus tu, fac ne existimes, vetera mea studia, mores, naturam exuisse, ac tabido inertique otio languere. Si quidem id censes, haud bene me nosti. Ita tempore utor, ut nec muneri meo desim, nec genio. Quod superest, nummis veteribus codicibusque exquirendis impendo. Nec irrito labore. Quippe nummorum magnam copiam congesti, Romanorum, Graecorum, Punicorum, Hispanorum prisca aevi. Codices porro manu exaratos nactus sum aliquot, quorum unus Aristophanis continet Comoedias, manu vetusta & eleganti, adjectis ad oram Scholiis nondum editis. Alter antiquorum Rhetorum selectas orationes, ut Demosthenis, Aristidis, Hemerii, Hyperidis, Libanii: cui adjectae sunt, Philostrati Vitae Sophistarum, & Platonis Gorgias. Videtur autem hic Codex fuisse olim Nicephori Gregorae, ut ostendit ejus chirographum in interiore tabula hinc inde scriptum. Quo etiam nomine permagno a me aestimatur. Exhibet alius Aretaei Cappadocis *περί ὁρίων κινήσεως*. Rufi Ephesii *περί ἐπιστομῶν τῶν τελευτῶντων νοσίων*. Non quidem inepte ac jejune, ut Grammatici solent; sed laboriose & eleganter. Fuit enim professione medicus. Nec praetereundus est Manuelis Atramytteni Liber *ἱεροσφίας*, in quo vaticinationes Sibyllinae ad Christi adventum, ejusque salutiferam legem pertinentes, cum divinis oraculis componuntur *παράλληλοι*. Te tandem clamosae scholae, & literario pulveri subduxisse vehementer gaudeo. Nam ut viribus integris ac florente aetate juventutem instituire honestissimum duco; ita per omnem aetatem idem versare dolium aerumnosissimum. Navanda aliquando opera est rebus nostris, & in portum deducendus animus longa navigatione fessus, ac diuturnis laboribus defunctus. Turre-crematam tuam, immo jam meum, in oculis fero. Est enim juvenis eximia probitate ac modestia, ingenio vegeto acrique, apprime doctus, ac omnibus optimis artibus ornatus. Quare ejus consuetudine magnopere delector, ipsumque non minus diligo quam tu: pene dixi quam te. Quandoquidem talem ille se praestat imitatione tui. Borrullii fratres aveo scire quid agant, ubinam gentium agant. Tu interim utere opera nostra, nos amantes redama, & cura ut valeas. Hispali, XIV. Kalend. Aprileis, Ann. MDCCXIV.

XIII. EMMANUEL MARTINUS  
JANO INTERIANO AJALAE suo

ἰοηγάτεον.

*Mantuanum Carpetanorum.*

**V**erum esse illud: ἂν χαλῇ παροικίῃς, ὑποσχίζων μαθήσει, his profecto diebus expertus sum. Nam cum nihil esset a me alienius, praefertim id temporis, quam Musas laceßere; eo me furoris, vel potius infaniae perpulere, & splendidissimum exemplum, & aemulatio tui, ut subitus in earum adyta irruerim. Quoniam igitur te Bibilitani nostri urbanitate ac facietis apprime delectari, facile deprehendi; hujus Epigrammata quaedam διείχων, praeter unum ἐξάσχω, hoc triduo, animi laxandi gratia, quasi ludibundus Graece converti, quos adjunxi aliquibus jam dudum a me exaratis, cum ut ne nihil agerem, tum ut voluntatem tuam sponte sua in me devexam ac pronam, hoc munere archius devincirem; tum denique ut tam luculento exemplo te jam diu torpentem excitarem, & acres illos igniculos elicerem, quibus inflammatus, loca petere consuefisti nullo unquam violata vestigio. Tibi interim has nugas, si minus arriserint, jus esto, ὡς αἰεὶ σοφίῃς βλαπὲς delere, vel, si mitius agere velis, ἐξιλέων. Vale, & te oblecta, quam bellissime. Ex Museo nostro, VIII. Kal. Decembris, An. MDCCXV.

*Ex Martialis Lib. 3. Epig. 8.*

**T**haida Quintus amat. Quam Thaida? Thaida luscā.  
Unum oculum Thais non habet, ille duos.

Θαῖδα Κοῦτος ἠρᾷ· τίνα Θαῖδα; Θαῖδα ἀλαῖω.  
Τῇδ' ὀφθαλμοὺς ἑὺς εἰλλωσι, τῇδ' δύο.

*Lib. eodem Epig. 9.*

Vericulos in me narratur scribere Cinna.  
Non scribit, cujus carmina nemo legit.

Εἰς μὲ γράφω Φθιτῶς λήγεται ἰαδ' ἐπύλλα Κίττα.  
Οὐκὶ γράφῃ, ὃ μὲν γράμμαι οὐκ ἔσθ'.

li 2

En

*Ex Lib. eod. Epig. 26.*

Praedia solus habes, & solus Candide nummos:  
Aurea solus habes, murrhina solus habes.  
Maffica solus habes, & Opimi Caecuba solus:  
Et cor solus habes: solus & ingenium.  
Omnia solus habes: hoc me puto velle negare:  
Uxorem fed habes, Candide, cum populo.

Κτήματα μόνος ἔχεις, ἢ μῆτος, Κἀνδίδε, νόμμους  
Χρῆστα μῆτος ἔχεις, μύρρινα μῆτος ἔχεις.  
Μαορικὴ οἷός ἔχεις, ἢ Ὀπιμίου οἷός ἀκρατοῦ.  
Οἷός ἔχεις κραδίη, ἢ μένος ἢ νόον.  
Μόνος ἅπαντα ἔχεις μέγα, Κἀνδίδε, ταῦτ' ἀποφάσκει.  
Ἄντάς σε δέμοι δ' ἑγαμῖτος μετέχει.

*Ex Lib. eodem Epig. 34.*

Digna tuo cur sis, indignaque nomine, dicam.  
Frigida es, & nigra es. Non es, & es Chione.

Ἄξια σε ἵματά πῶς ἢς ἢ ἀναξία, λίξω  
Ψυχρὴ εἶ καὶ αἰδοῦσα εἰ ἀγα, καὶ εἶ Χιώνη.

*Ex Lib. 4. Epig. 12.*

Nulli, Thai, negas. Sed si te non pudet istud,  
Hoc saltem pudeat, Thai, negare nihil.

Ὅσους θεοὶ ἀπέκυσας ἰδοὶ δὲ τὰ πρὸς ἐτι αἰδοῦ,  
Λίθο γὰρ, εἰθεὶ θεοὶ ἀποκυσάμεναι.

*Ex Lib. eod. Epig. 24.*

Omnes quas habuit, Fabiane, Lycoris amicas  
Extulit. Uxori fiat amica meae.

Ἄς τρας εἶχε Φίλας, Φαβιανὶ, Λυκωρίς ἀπάσας  
Ἐκφυγὲ τῇ γαμῖτι, μὴ γένετο φίλη.

*Ex Lib. cod. Epig. 36.*

Cana est barba tibi, nigra est coma: tingere barbam  
Non potes, haec caussa est, sed potes, Ole, comam.

Σὺ πάγῳ παλὸς, πάλιν κάρα· πῶς; ὅτι βάψῃ  
Ὅν δύσασαί πάγῳ, Ὡλε, κόμη δύσασαί.

*Ex Lib. cod. Epig. 41.*

Quid recitaturus circumdas vellera collo?  
Conveniunt nostris auribus ista magis.

Τί πῃ λέγῃς μαλακοῖς περιόχῃς εἶσι διηή;  
Ἀμφὶς ἡμῶν ὕσαι ταῦτα κλίῃ.

*Ex Lib. cod. Epig. 58.*

In tenebris lugens amissum, Galla, maritum.  
Num plorare pudet te, puto, Galla, virum?

Εἰν δόφοις δακρύς πόνος γ' ἀπὸ, Γάλλα, θανάτου.  
Ἦτ' αὐτῇ δακρύων αἶθε Γάλλα πόνος;

*Ex Lib. cod. Epig. 62.*

Tibur in Herculeum migravit nigra Lycoris,  
Omnia dum fieri candida credit ibi.

Τίβωρ Ἡρακλεὺς ἀπυράσαστο Φαῖδ Λυκορίδης.  
Πάνθ' ὅτι γύνωδι αὐτῇ λυκὰ δοκεῖ.

*Ex Lib. v. Epig. 33.*

Quadrantem Crispus tabulis, Faustine, supremis  
Non dedit uxori. Cui dedit ergo? tibi.

Ὅνδ' ὥλον Κρίσπος λήθη, Φαυστίν', εἰ δέλτα.  
Τῇ δάκεν γαμότη' τῇ γ' ἴδωκε, τοι.

*Ex Lib. cod. Epig. 34.*

Carpere caussidicus fertur mea carmina: quis sit.  
Nescio. Si sciero, vae tibi caussidice!

li 3.

Δακρύ-

Δαυδάζων δικαῖος λίγεται τὰ μὲν ἄσματα· τίς δ' ἦ  
 Οὐκ οἶδ' ἂν δικαίᾳ Φῶ σέ, ἀπικεῖ ἴθα.

*Ex Lib. eod. Epig. 48.*

Numquam se coenasse domi Philo jurat, & hoc est:  
 Non coenat, quoties nemo vocavit eum.

Ἵσπευκεν γὰρ ὁ φίλος δοῦναι ἐμέμμεναι οἶκον  
 Ὅν δοῦναι, ἐδὲς ποσσάκι μιν καλεῖ.

*Ex eod. Lib. Epig. 67.*

Saepe salutatus, nunquam prior ipse salutas.  
 Sic erit aeternum, Pontiliane, vale.

Ἵσπευκεν αἰεὶ, πρῶτ' ὅποτε ἴσπευκεν αὐτὸς  
 Ὅτως γὰρ ἴσπευκεν ΧΑΙΡΕ, φίλ' αἰδώς.

*Ex eod. Lib. Epig. 82.*

Semper eris pauper, si pauper es, Aemiliane.  
 Dantur opes nulli nunc, nisi divitibus.

Αἰεὶ πτωχὸς ἴσπευκεν, ἀνὰ πᾶσι γὰρ, Αἰμιλιανέ.  
 Μόνους γὰρ δίδωται χρήματ' εὐκτατοῖς.

*Ex Lib. 5. Epig. 84.*

Insequeris? fugio. fugis? insequor. haec mihi mens est.  
 Velle tuum nolo, Dyndime, nolle volo.

Εσπεύκει; ἐκφεύγω φύγεις; ἴσπευμαι ὅτι μοι τοῦς.  
 Σὺ δ' ἐθέλω εἶλω, ἐκ ἐθέλω τί θέλω.

*Ex Lib. 6. Epig. 6.*

Comoedi tres sunt, sed amat tua Paulla, Luperce,  
 Quatuor: & καὶ Paula περιεπαύει amat.

Κωμικοὶ τρεῖς εἰσὶν ἱρᾶ διὰ τὰ Παῦλα, Λύπερκε,  
 Καὶ τέτταρας καὶ Παῦλα περιεπαύει ἱρᾶ.

EX

*Ex Lib. eod. Epig. 41.*

Qui recitat lana fauces & colla revinctus,  
Hic se posse loqui, posse tacere negat.

Ὅς γ' ἴριφ φλυαρεῦ δέησι σφάραγόν τι δευρὶς,  
Μῆτι λαλεῖν δύναται, μῆτι ἔϋ ἢ λαλεῖν.

*Ex Lib. eod. Epig. 69.*

Non miror quod potat aquam tua Bassa, Catulle,  
Miror quod Bassi filia potat aquam.

Ὅυχ' ἐθαύμαζ' ἔθ' ὕδρεποτιῦ τιὰ Βάσσα, Κέτυλλα,  
Θαυμάζῃ Βάσσα δύγατρα ὕδρεποτιῦν.

*Ex eod. Lib. Epig. 79.*

Tristis es, & felix: sciat hoc Fortuna caveto:  
Ingratum dicet te, Lupe, si scierit.

Ὅλβι' ἄν' ἀχέως ὀλέπει μὴ εἶδῃ τόδε τύχῃ  
Τὸ δ' ἀχέως λίσσῃ, ἢ λύσῃ, ἀπώτῃ εἶδῃ.

*Ex Lib. 7. Epig. 93.*

Unguentum fuerat quod onyx modo parva gerebat:  
Olfecit postquam Papilus, ecce garum est.

Ἄγχι μύρον γάρ ἦν, σμικρὴ δ' ὄψεσ' ἔρχετο τὸ ἄγχυλόν  
Οὐδ' ἐπι σφραγίσθαι Πάπυλός, ἐστὶ γάρου.

*Ex Lib. 9. Epig. 6.*

Nubere vis Prisco, non miror, Paula: sapisti.  
Ducere te non vult Priscus: & ipse sapit.

Παῦλα γαμήσθ' ἐθέλεις Πρίσκου, ἢ θάμ', ἐφρήσας  
Πρίσκος δ' ἢ σὲ λαλεῖν ἰδέσθαι, ἔϋ φρονέει.

*Ex Lib. 10. Epig. 69.*

Custodes das Polla viro, non accipis ipsa.  
Hoc est uxorem ducere, Polla, virum.

\*Andrj

Ἄνδρ' εἰδὼς Φύλακας, τὰς Πόλιν' ἔδ' ἔλλατ' αὐτῇ.  
Τῶν' ἔστι γαμετὴν ἀνέρα Πόλλα λαβῶν.

*Ex Lib. 11. Epig. 65.*

Nescio tam multis quid scribas, Fauste, puellis:  
Hoc scio, quod scribit nulla puella tibi.

Τί πλείσται γράφεις ἐκ εἰδῶν. Φαῦστε, κλέμματα  
Τῶν' ἴδων, ἔτι τῶν δ' οὐτὶς ἔγραφε κλέψῃ.

*Ex Lib. eod. Epig. 102.*

Thaida tam tenuem potuisti, Flacce, videre?  
Tu, puto, quod non est, Flacce, videre potes.

Θαῖδα ὅστις ψιλὴν ἰδυάδης, φλάκκι, διδίδου;  
Σὺ γ' ἄρα τὸ μὴ ὂν, φλάκκι, δεσχεῖν δύνασαι.

*Ex Lib. 12. Epig. 12.*

Omnia promittis quum tota nocte bibisti,  
Mane nihil praestas: Postume, mane bibe.

Ἦνίκα νύκτα πίπσκας ὁπῆκα πάντα ὑπὸ γῆ,  
Πρωὶ τελείς ἔδιν· πόσους προῖ πίν.

*Ex Lib. eod. Epig. 23.*

Dentibus atque comis, nec te pudet, uteris emptis:  
Quid facies oculo, Laelia? non emitur.

Ὡητοῖσι χρεῖν πλακάμους ἢ ὀδοῦσιν ἀπαδῆς  
Τίς μὴ ὀφθαλμὸς, Λαίλια, ἀνέται.

*Ex Lib. eod. Epig. 54.*

Crine ruber, niger ore, brevis pede, lumine laesus,  
Rem magnam praestas, Zoile, si bonus es.

Θεῖον ἔρυθρος, μέλας ὀπί. βραχὺς πόσσιν, ὅμμασι λαφθῖς,  
Ἀγυάλων τι πυνίς, Ζώιλε, εἰ γὰρ βῆς εἰ.

## XIV. FR. JOANNES INTERIAN DE AYALA

EMMANUELI MARTINO suo,

*Viro eruditissimo atque ornatissimo plurimum χαίρειν, ὑγιαίνειν, εὐπαύειν.**Mantuum Carpetanorum.*

Non eget (mihi credito) amicitia, ac benevolentia, qua tibi sum, non dicam conjunctus (friget enim hoc) sed plane inligatus, & plus quam Herculeis catenulis devinctus, ut tu illam novis in dies officiis, ac muneribus, quamquam aliqui semper mihi gratissimis, adstringas. Id vero, quod nupercule praestitisti, dispeream, si non decies, centiesque illud inspicere, evolvere, complecti jucundum mihi fuerit ac volupe. Contuli saepius, quantum judicio, & qualiscumque tandem ea est, peritia potui, comparavique Latina Graecis, & Graeca Latinis: Deus bone! quae verborum puritas! numerorum quae concinnitas! quae insuper religiosa, pene dixerim superstitiona, decora tamen fides interpretis! Non vidit haec ingeniosus Celtiber; quae si tamen bono aliquo fato contigisset videre, tibi, mi Emmanuel, invidisset, aut nulli? Sed neque vidit acuta atque urbanissima Graecia. Quid si vidisset? Auderetne eos vocare barbaros, qui tam apte, tam urbane, tamque Attice scriberent. Non puto; imo poneret, ut par est credere, tantisper animos, & non jam una ingenii, atque elegantiae primas ambiret. Haec autem tam ampla, atque magnifica, solida tamen, & ἀνὴρ ὁ ὑπερβόλῃ verissima quis denique praestare potuit? Nempe tu (absit invidia verbo) tu unus. Tu, inquam, Graecis qui simul (verba mea audis, & jam vel invitatus feror ad numeros)

*Graecis qui simul unus, & Latinis  
Intinctus salibus, facetisque,  
Graeco tam bene dicis, & Latine,  
Iure ut tu merito puteris unus,  
Aut ex Cecropio satus parente,  
Aut per tempora Caesaris togati,  
Urbis libera cum foret potestas,  
In orbis domina creatus Urbe.*

Insanire num me existimas? Ego Pol ita de me censeo: sed quid aliud te hortatore, incitatoreque faciam, plane non video. Imo, subsiste parum—  
Tam. I. K k per;



per; vide sis, num mihi talibus tam vivis, tamque acribus stimulis provocato amplius insanire sit cordi.

*Tullius, ut perbibent, doctas migravit Athenas,  
Argivæ ut fieret Palladis arte sopbos.  
Nunc ad te veteres redeunt, quod fertur, Athenæ;  
Dulcius & Græce jam didicere loqui.  
Nil mirum id Manuel. abs te olim, credo, poposcit  
Dicturus populo verba Latina Cato.*

Sed quo me tandem, Vir ornatissime? quo me rapis? Insanire me, videri velle, tui amicitia, & munusculis patiar; ineptire, atque infuisse agere, non item. Ecquid vero sit, parva hæc, rudiaque mea grandibus, atque elegantissimis tuis conferri, componique, permittere, quam quod proverbio dicitur: ἀρεθὺν τῶν πυγμῶν καλὸς ἐφαρμίζῃς? Tu interim hæc, ut voles, videto; dum me tamen, quod tu credo facis, in amicum, atque admiratorum tuorum albo primum, certe nemini unquam secundum enumeres. Vale. E Museolo, VIII. Kal. Dec. An. MDCCXV. ipſis ſcilicet Brumalibus.



XV. EMMANUEL MARTINUS  
- JANO INTERAMNENSI AJALAE0,

*Festivitati suæ, bene rem gerere.*

*Mantium Carpetanorum.*

**P**Upugerunt me nudius-tertius facetiarum tuarum aculei, adeoque me venustissimæ illæ Veneres delinierunt, atque inescarunt; ut prae animi voluptate pene deficerem. Quid quaeris? ex quo te recitantem audivi, per vigiliam, per quietem, nihil nisi versus pango, ac tanquam Phoebo plenus, undique fluo. Sed cave ne existimes id aliunde evenire, quam naturæ quadam devexitate & impetu, quo tam acribus stimulis concitato, abripior mei impotens. At mihi in os impinges illud Aristophaneum:

*Ἐγὼ τις ἢ ἄριστος εἰδὼν τίχην.*

Is tamen ego sum, qui vel tuos cachinnos, vel aliorum reprehensionem (vide hominis impudentiam) pili non faciam. Itaque lubet joculari: postquam studia illa nostra graviora vel animus fastidit, vel vires respuunt. En igitur poemation paraphrasticum jucundissimi illius odarii Anacreontici; quod

quod incipit Τὴν ἄρχῃν τεύχεσσι. Amabo te, mi Jane, Latine illud convertito. Si quidem id feceris habebis me in tua potestate. Sin minus. Quid facies? inquires. Habebis etiam. Allabora interim ut valeas, & animi a-lacritati consule diligenter. Ex Museo nostro, IV. Eid. Decembreis, An. MDCCXV.



## ΣΥΜΠΟΤΙΚΟΝ ΑΣΤΕΙΣΜΑ

## SIVE

## LUSUS CONVIVALIS,

Imitatio Odae i. Anacreonticae.

Πόνος μοι τὸ σκόφος μίγα πάντως ἢ δὲ βιάσθαι,  
 ὧς Ἡρακλείας, Νίτρωσ' ὥς τι δίπας.  
 Οὐ Σάτυρος γλυρῶντ' ἴθιλω, ἢ Πάνα τ' ἀσχεστὴ  
 βούλομαι, ἡμίθεοι μὲν ὑπερβλήθησι.  
 Οὐ γὰρ μαγνάνοι παρὲς Δίος Ἀχυλλία Τροίης,  
 οὔτε φλόγ' ἀνυχία αἰδομένη γὰρ πόλεω.  
 Οὐκί μάχας, δίφρος τε, τρατοῦς, ἢ τέυχια φεικτά.  
 Παλλὰς ἐμὴ ἱκάδω, ἢ βροταλὸς Ἄρης.  
 Κύπερον ἔγωγε γλυφθεῖσαι ἱρῶ, τῷ σώματι γυμνῶ,  
 Ἠδυγίλων ἅμα χ' ἀπαλήχρατ' ἰδοί.  
 Ὡς πείξῃ τάνυτ' Ἥρατις τρεῖς ἄσπερον ἔρωτες  
 Μόρσιος αἱ κύλικες τ' φιλοῦσιν ἔσπε.  
 Ἀρτίμω ἔγγλαστο μετὰ πάρεθρος, ἢ τὸ βέλμω  
 Χερσὶ φέρουσαι ἔμοις ἢ πλοῦσαι ὄρη.  
 Ἀλλ' ὥς Ἀκταίον θνήσκει ἀπὸ κίδαχα τάνυτ'  
 Βίβληται, σὲ μέσσης ὕδασι πιπτομένη.  
 Ἀμφ' ἑλκεῖς ὁ νῆστος Βρομίος κεράεσσιν ἡγεμνῶται,  
 Ἐκ πυθὸς φουσαι πινυμένα φουσαλίδα.  
 Πρὸς δὲ καλοὶ βέτρυνες, παρὲς τοῖς ποσὶ κάταρθ' εἴη,  
 Καὶ εἴρος οἰάροι τοὺς τεύχεας ἀμφιδέ.  
 Αἰ Μῦσαι, Φοῖβος τε γυγχεμμένα νηπιῖσσι, αἶψα,  
 Αἰ μὲν αἰδέσσαι, ὁ γ' ἡρέσας κίθαριν.  
 Πάντα πλέον κινῶν βουτῶν τε τὰ πάντα χαρμύβων.  
 Ἀυτὴ μὴ ἴσται παγχαλκῆστα κύλιξ.

K k 2

XVI. FR.



## XVI. FR. JOANNES INTERIAN DE AYALA

EMMANUELI MARTINO suo,

εὖ πρῆξιτε.

*Mantum Carpetanorum.*

**P**Lurimis his diebus occupationibus, & negotiis hinc inde distractis rescribere tibi non potui: quod ne ignaviae, aut desidiae meae, ut vereor, moram hanc tribuas, id in primis testatum volo. Legi igitur decies, imo centies literas tuas plenas, si quae aliae sunt, fueruntve unquam, cum proclivis tuae in me benevolentiae, tum urbanitatis etiam, leporis & gratiae. Legi etiam, vehementerque mirari non satis potui, venuustissima, cultissima, atque elegantissima tua carmina, quibus, ut mea fert opinio, non modo Anacreontem provocasti, sed plane vicisti; nisi forte aliter putandum est, quod ea, quae ille argutis certe, sed angustis versibus exposuit, tu pleno, rotundo, atque elegiaco carmine descriperis. Sed haec haecenus; nolo enim in tuas laudes, plus quam modestia tua patiatur, excurrere. Quanquam enim illud vulgatum Menandri;

*Τιμωμὴν δὲ παρὶς ἡδοναί βροτοί.*

verum esse, & cum judicio dictum, non ivero inficias; tamen, neque illud negari posse, jam dudum mihi persuasum habeo. Amici non esse ornare amicum laudibus fortassis immodicis. Jam vero, quandoquidem experiri tibi placuit, num ratione insaniam, conatus sum morem tibi gerere, carmina tua, supra quam dici potest, elegantissima, Graecamque illam uberrimamque facundiam, & suavitatem eximie redolentia, hispida atque incompta, jejunaque prorsus Latinitate donare. Quo factum est, ut non tam me vertisse, quam pervertisse, ego ipse iudex aequus, ac non nimium tetricus, & severus censor existinem. Verum quid attinet haec tibi prolixius enarrare, qui harum rerum critice, per quam probe calles, ut qui & earum pondera, atque momenta exactiori semper, atque eliminatori trutina dispicias. En igitur tuorum carminum versionem, seu rectius perversionem dixeris.

CON-

## CONVIVALIS URBANITAS.

## EX ANACREONTE.

**F***Ac, opifex, pateram grandem mihi, tamque profundam,  
 Quam fuit Alcidis, Nestori qualis erat.  
 Non illa Satyrum caelari, Panave turpem;  
 Nec volo semideum, quem memorare pudet.  
 Non validam vultus Trojam expugnantis Achillis,  
 Igneve nocturno, quae periere domus.  
 Non pugnas, bigasque, duces, aut arma timenda:  
 Esse procul Pallas, Marsque homicida, mihi.  
 Cyprin ego insculptam cupio, nudamque, & inermem;  
 Ridentem, & mollem fingiro, quaeſo, Deam.  
 Tres Charites circum, mille insculantur Amores;  
 Plena Amor efficitur pocula blandus amat.  
 Virginitas circum stipatam finge Dianam;  
 Non tamen ut sylvas concutit arma gerens:  
 Quolis erat facito, miserum cum Alcacoa iussis.  
 Esse feram, purisque ipsa natarct aquis.  
 Tum juvenis Bromius revolutis cornibus inſit,  
 Plenaque ab ore Dei buxæ avena sonet.  
 Fingantur botri, prope plantas cantbarus adſit,  
 Et cingant divas vitea ſerta comas.  
 Musas, & Phoebum pariter me ſculpiro; content  
 Dulciter ut Musæ, pulſet Apollo lyram.  
 Denique cuncta bederis, ornentur cuncta corymbis;  
 Non mihi jam poteris gratior eſſe calix.*

Rides, opinor, & per me licet rideas; ego enim an labor iſſe qualiſcūque mihi bene ceſſerit, an ſecus, ignoro: tuum erit interim admonere me, ne rurfus in re ſimili tempus & operam ineptiſſime ludam.

Tu vero, mi Emmanuel, (nam iurgi, & quiritari tecum libet, & licet) qui me ſenem (& ſenex quidem, ſed improbus erat Anacreon) Presbyterum (en reſcitam rurfus memoriam ſeneſcutis!) atque *ὁ γυναικῶν* *ἐκείνου* ad hæc nimis jocoſa, atque tarpicula, & in quæ non ſere oculos intendant, niſi ii, qui ſolent ſpectare Floralia, proprius tractanda, atque inſpicenda hortatu, aut imperio tuo coegisti, cujuſnam, rogo; piaculi reus exiſtis? Tute ipſe videto: ego certe non te prius crimi-

mine exsolvam, quam scivero, quod tibi met pro noxa hac non admodum leves, neque molles respicientis animi poenas indixeris. Hoc festive: illud serio: ne me scilicet quandoque adigas, ut, quemadmodum nunc e Graecis Latina utcumque reddidi, ita etiam e Latinis Graeca componam. Cave id, respondebo enim, quod jam modo, & veluti ex formula dico: *Non faciam*. Is enim sum (fatebor quippe id libere & ingenue, neque verebor, ut hoc aliquando de me doctae posteritati consignes). is enim, inquam, sum, qui, ut tumet nosse, exemplaria Graeca versare, evolvere, legere, convertere, si non quidem omnino commode, certe non omnino incommodè didici; Graeca vero scribere, praefertim carmine, non item. Multa sunt equidem, quae me olim ab hoc studio revocant, morantur, exterrant; quae tamen minutim persequi, praefertis instituti non judico. Illud tantum in hac rerum praesentia dicam, quod probe perspectum atque exploratum habeo: paucos esse in unaquaque regione & raros,

— numero vix sint totidem, quot  
*Trobarum portae, vel divitis officia Nili,*

qui Graeca carmina omnino apte, concinne, eleganter, atque ad amussim exacta severiorem, sua ipsorum scilicet, & non ab aliis plagio expilata atque furto subrepta profundant. Sed quae? Alia nempe, & quae vix, vel mediae Graecitatis homines ab umbris revocati perlegerent sincere, atque ex animi sententia probaturi. De nostratibus (inquies) tu loqueris. Minime vero. De nostratibus etenim, quid attinet dicere? Obierunt (sat bene scio, dolenterque commemoro) obierunt, atque exoleverunt jam pridem apud nos magna illa, praeclaraque nomina, Pintianos dico, Sanctios, Genesios, Montanos, aliosque pro temporum ratione plufculos; neque passim jam, sed vix perraro creantur, aut educantur apud nos MARTINI. De caeteris igitur sermo mihi est; ne mirere; neque ob id, quod tibi nonnihil *ταπεινότητος* videar, ingens adducas supercilium. De externis, inquam, etiam haec profero; ad quos quod attinet, si tamen gentes *ταῖς ἀπὸ τοῦ αἵματος* excipias, quae Graecis literis, apicibusque minutius discipendiis absumunt longissimas noctes, parum abest, quin in eadem, quam nuper tuli, sententia persistam. Tu, Emmanuel mi, qui diu, & cum fructu peregrinatus es apud exteram, & quidem cultissimam, atque elegantissimam gentem, sintne pronuntiata haec mea quadantemum vera, pernosces, initiisque dicta feres; sin aliter; me, data opportunitate, commonescifies, quam temere judicem. Verum quid opus multis? Ego ita censeo: nulli satis esse quo Musas rite colat, ac propitio faustoque Apolline devotus adeat, ut linguam aliquam probe teneat, exacteque pernoscat (tametsi etiam menti poeticus ille nescio quis saepe decantatus calor accedat) nisi venustatem, ubertatemque illam, quae proprius veluti poeticæ facultatis ornatus, ac character est, assuetam sibi, ac fami-

familiarē habeat. Quod si id in vernacula, ac propria uniuscujusque lingua, poeticam rem decore tractaturo desiderare necesse est; quam parum tutum, quamque *periculosaē plenum opus aleae* jure putavero, alieno semper, & nunquam satis familiari, atque domestico idiomate Musas provocare, nil quidem obsequentes temerariis ausibus futuras? Qua de re lepidam tibi, nisi molestum est legere, sed tamen veram narrabo fabulam. Fuit in hac ipsa Urbe ante medium superioris saeculi, Vir externus (D. de Voiture) eleganti sane, ac faceto, vivacique prorsus ingenio, quod vel literae illius communi omnium plausu in vulgus editae satis, superque probant. Hic ut erat acer, atque promptus, linguam nostram apprimē perdidit, & soluta oratione nonnulla composuit, quae probare certe posset quicumque urbanitatis, & leporis artifex. Lib. Epist. edit. Noviomag. 1660. pag. mihi 424. Quin & legendis, pervolutandisque poeticæ nostratis principibus, Lopio, Gongorae, Quevedo aliisque olei non parum insumpsit, & operae. Sed, nescio, quo malo genio percitus incelsit hominem Hispanicis condendi versus dira cupido. Fecit tandem: sed quos, & quales?

*Spectatum admissi risum teneatis, amici?*

Sed quo tandem haec? Plura quam opus erant ingessi tibi, aut verius effutii, quibus evincerem, me Graecas Musas adire non debere: simplicius potuisset dici: me non posse. Vale. Ex Museo Postrid. Eid. Decembr. MDCCXV.



XVII. Cum auctor podagra fuisset correptus Mantuae Carpetanorum, ubi tum temporis agebat Joannes Interamnensis Aja-laeus, molestissimo dolori levando, illum ad se visendum invitat.

**J***Ane, deliciae, lepos, amores  
Nostrī, grande decus novena sororum;  
Parnassi juga celsa, verticemque  
Dum premis bifidum, atque amoena Pindi,  
Vel vires numerosque Tullianae  
Dum versas animo, vel aemularis,  
Mosis volvere Cecropisque chartas  
Vel magis lubet, otiove ludis;  
Martinus vetus hospes & sodalis  
Correptus podagra miscellus haeret,*

*Incipit*

*Inclususque domi laboriosa  
 Vincit compede duriter laborat.  
 Martinus, caput illud, impotente  
 Cujus tu fueras amore captus,  
 Ipsum illud caput usque & usque languet.  
 Ergo si veteris memor pudoris,  
 Nos, Ajala, cupis levare morbo;  
 Fac solere joci facetiisque,  
 Festivissime, languidulum sodalem  
 Martinum, veterem hospitem & sodalem,  
 Utemur medico auspiciatore,  
 Dum joci venereſque personabunt.*

Die XXI. Martii, MDCCXVI.



XVIII. FR. JOANNES INTERIAN DE AYALA

EMMANUELI MARTINO suo,

*Decano Alomenſi, Viro doctiſſimo,*

S. P. D.

*Alomam.*

**L**iteras ad te jam pridem tranſmiſi vernaculas: ſed has illis (quid enim vetat?) libentiſſime adjungo, nil dubitans, fore, ut his tu naeniis, ineptiſque meis tantisper provocaris, excituſque non tantum elegantem ad nos, ac totam, quod plane ſoles, auream, ſed & bene longam, quod non item ſoles, decernas conſcribere Epiſtolam. Primum omnium (ut hinc recte, riteque exordiar) illud abs te ſcire vehementer exopto? num vales? Num, ſcilicet, poſtquam a nobis diſceſſiſti, ſueti te morbi nonnihil exagitent? Quodque deterius, graviuſque eſſet, num peſſima illa, teterrimaque malorum podagra, nil verita frugalitatem, valetudinem tam nobis charam proterva atque importuna tentaverit; aut (quod in idem recidit) te pertinax adhuc crediderit divitem turpiſſimo, juxta atque ſtultiſſimo deluſa mendacio? Sed quoniam huic fermo deflexit, ſubit animum, id quod me jam pridem debere tibi fateor, quodque pene memoria exciderat, ut hic tibi ſtatim nil moratus exſolvam. Quippe memini, mihi abs te injunctum, ut verſiculos, quos in podagram tuam luſeram, cum primum certior factus ſum, te illa fuiſſe vehementer afflictum, & ſchedulis, meis excerptos, nonnihil etiam emendatiores, ad te tranſmittendos cura-

curarem, id quod neque tunc aliis, atque aliis rebus implicitus praestare potui, neque hactenus praestiti. Jam vero, quid opus est morulis? Eccillos.

Tristis, terribilis, furens podagra,  
 Aerumosa, gravis, procan, molesta,  
 Quid tantum cupis insolens videri,  
 Ut non divitibus voluptuosus,  
 Ventris mancipiis, gulaeque servis  
 Bellas perplaceat movere pugnas?  
 Nisi & saeva, viros laboriosos,  
 Doctos nempe, pios, probos, honestos,  
 Frugique, & veteris tenaciores  
 Castae sobrietatis (ipsa nosti)  
 Quam vel Fabricii novem, vel octo  
 Hispani fuerint simul poetae,  
 Turbare obstrepere dolore pergas?  
 Quid Martinus, amabo, dic proterva,  
 Admisit sceleris, quod expiandum  
 Acerbo reputaveris dolore?  
 Martinus meus ille, quem Minerva,  
 Interpretes superum disertus, & quot  
 Coelo numina sunt venustiora,  
 Amant non secus, ac suos ocellos!  
 Quem Phoebus colit, & novem Camoenae,  
 Cujus dulcisonis modis Camoenam  
 Germanam veluti colunt sororem,  
 Tunc illum senibus comes gulosis,  
 Frugalem, sobriumque, Curiumque  
 Contorquere voles, & injucundo  
 Noctes, atque dies tenere lecto?  
 Quare protinus, Hercules, malorum  
 Depulsor validus, Macbaonesque,  
 Litae vos, soboles Jovis, benignae,  
 Nil jam segnipedes, & ipsa quotquot  
 Suerunt hominum levare noxas,  
 Huc huc, Numina, deprecor, venite,  
 Et nos implacida levate cura:  
 Sitque protinus integer, valensque  
 Totis viribus ille; provocare  
 Ut certamine possit expeditos  
 Cursores in olympicis, vel ipsos  
 Quosquot Isthmiacis vetus coronis

Tom. I.

Ll

Victores



*Victores celebraveris palæstra.  
 Audis, fin minus, Hercules, bonarum  
 Frugum particulas tibi rependi,  
 Armatus licet enigas, negabo.  
 Est vos, ni facitis, Litas, Deasque  
 Nemo jam merito, sed enoletas  
 Deliras vetulas lubens vocabit.  
 Tuque abi citius, fugam capeffe,  
 Et vel Thracibus impera cruenis,  
 Vel bonis nitidas cutis Batavis;  
 Ni jejunia sentiant poetæ  
 Et confecta fame perire malis,  
 Acummosa, gravis, procax, molesta  
 Tristis, terribilis, furcus podagra.*

Quid censes? Nempe luisse me inanem, nulliusque pretii operam. Id quidem ego vereor; & te ἀποδιδόναι μὲν καταγυλάειν. Non quod tuam in me propensi animi benevolentiam, & in res nostras indulgentiam revocare velim in dubium. Ipse enim, qui mihi φιλεῖται, & ἀποτὸ πᾶσαι ἡμεῶν εὐνομίαις, ut M. Basil. verbis utar) ex istis, qui fieri possēt, ut me, verficulose meos, quos plus fortasse justo probari tibi, satis expertus sum, contracto supercilio despiceres? At ego eruditionem, judiciumque tuum eximie suspicio, deque meis literulis depreffe, atque demisse. quantum par est sentio: sed ad viam rursus, unde digressi longiuscule excessimus.

Illud deinde mihi scribas velim, quam commode habites? Num proba, & satis ab aestu, frigoreque tuta, & bene munita domuncula? Num etiam apta, satique idonea, ut assidui illi comites tui, contubernalesque (scis bene quos intelligam) mortui licet, laxiter degant, & non ob loci fortassis angustias mutuo sese prementes, aut in angulum detrufi de Domini incuria, & non satis benigna humanitate taciti obmurmurent, aut luculenter etiam (namque eruditi, disertique sunt) Deos, hominesque testati non rite secum servatam abs te hospitalem fidem expositulent. Scribe etiam minutissima mihi; num scilicet puer famulus, atque anus oeconomia tibi jam ex animi sententia contigerint, hisque similia, si quae sunt, quae me scire juvabit plurimum, & quantum amicitiae rationes exigunt nosse, an recte sese habeant, mea etiam multum intererit. Verum, prae his, de una hac re me certiores facito: quibus videlicet, aut qualibus isthic utaris amicis, & collocutoribus? Nec de illis scire aveo, qui tibi sint doctrina, atque eruditione pares, vel pene supares: hos etenim ne Romae quidem, iudice me, passim inveneris; sed de illis loquor, quos saltem putare fas sit respicias ἡμεῶν ἀμεινίας ἐν πάσαις αἰσῶν, de illis denique, qui sint, nec plane agrestes, neque omnino cicures animae. Sed de iis haecenus.

Quod

Quod ad me attinet, commoda cum bono Deo valetudine utor, & literulis pro meo more quantam possum, operam impendo. Legi jam, imo perlegi magnum illum naturae, atque artis, nam hoc quoque nee segniter attigit, Polyhistora Secundum: neque me laboris piget, aut poenitet. Deus bone! Quantus ille vir, &, ut mea fert opinio, quam omni eacomio major! Deceperint licet nonnunquam, addo saepius hominem infinita propemodum lectione Graeculi, ut proinde pro veris falsa, pro solidis, & pro certis frivola, aut minus quam par esset explorata non semel obtulerit: hallucinetur ipse quandoque etiam, & in Graecorum nominum interpretatione, vitio fortassis exemplarium labatur saepiuscule, ac caespitet; & id genus, si quae sunt alia, in operis magni constructione commiserit (haec enim seruae sunt quae illi a viris doctis, illo tamen longe inferioribus obijciuntur) quid? Num propterea definit esse Plinius ille Magnus, cujus ingenio, eruditionique, ob immensum, & ferme humanis viribus majus opus vivit, vivetque semper obaerata posteritas: & cui proinde in literatorum hominum leatu stat, stabitque ingens honoris statua non nisi cum ipso mortalis aevi sine ruitura? Atque haec tantum de ipsius mole, utque ita dixerim, vastitate operis. Nam quod spectat ad ingenii acumen judiciiue vim, quae ipsas Naturae res tractans, usus mortalium notans, abususque carpens, styli acrimoniam censoria quadam majestate, gravitateque in mores contorquet, quid attinet dicere? Eos sane passim lectorum mentibus aculeos, atque stimulos, ut mihi quidem videntur, insigunt, qui attentis, vigilantibusque (nam oscitantes, aliudque agentes nihil moror) mirifice placeant, prodesseque etiam ad frugalitatem, continentiamque nec vulgariter possint. Caeterum de Plinio haec, nimis fortasse multa dicta sint satis.

Divinum his diebus Chrysostomum evolvo, leoque commentationes in Pauli Epistolas. Qua, inquis, lingua? Nimirum sua. Neque id erit, ut existimo, summopere mirandum tibi, qui me, Hellenisticae Grammatices praecipis non exquisitae admodum imbutum, audisti aliquoties, &, quae tua est comitas, & benignitas, saepe probasti bonorum Auctorum Graeca non prorsus infeliciter, aut insulse Latina facere, & in hoc vastissimo pelago non injucunde spectasti natantem sine subere. Scriptionem tamen Graecam adhuc non audeo, ut plane non sit cur a me Epistolam Graecam expectes. Namque, ut est animus meus ab ostentatione, jactantiaque longe alienissimus; id tibi, quin & quibusvis aliis de me lubens aperio, ingenuaeque fateor. Collocandorum apicum, praesertim accentuum rationem (hui quam injucundam, atque prolixam!) non exacte teneo, imo saepe etiam minus quam exacte: tenuissem forte, aut tenerem brevi, si diutius frui mihi licuisset colloquiis tuis, & magisterio tuo. Quam ob rem, aut conabor deinceps, ut id, si qua via possum, adificar, aut quod magis emanaturum esse putandum est, contentus ero lectione, atque

exſcriptione Graeca. Quippe aliter memet ultro traducere deridendum emunctae naris viris, & qui has tricas ſcite discriminant, non mihi (licet enim ut quod phraſi Hispanica non illepide dicitur, Latine utcumque exprimam) non mihi, inquam, in mandatis dat, aut conſiliis, is qui meas excipit τὰς ἱερολογίας.

Legiſti jam, mi φίλων Martine, nec ſine taedio, ac laſſitudine Epistolam, non jam dico ſat bene longam, ſed oblongam etiam, planeque prolixam. Multa, ſat ſcio, per totam illam inconcinna, frigida, parumque Latina ſubnotaſti: caeterum quam non item ſint εὐαὶς περὶ αὐτῆς καίρια, tute ipſe pernoſti. Me felicem, qui tua, aurea ſcilicet pro aereis, exſpecto. Da igitur operam, ut ad me mittas Epistolam optimam. Quam (ais) tandem? Quae ſit (inquam) non utcumque longa; ſed quam longiſſima. Vale. Madrito, IX. Kal. Jul. An. MDCCXVI. Ipſo Divini Praecurſoris pervigilio.

Vix hanc ſinieram, cum redditae mihi ſunt literae tuae Hispanicae; abſit enim ut vulgares unquam nominare poſſim, aut velim. Illae quidem me ſummopere delectarunt: ſed quid ad eas reponam, ex illis videre promptum erit, quas his ipſis rursus adnectam. Ut enim alias Latinas immeditatus adjungam, meum non eſt, qui nec Romae, nec in Latio me natum, memini, quemadmodum tu, quod ajunt, & vehementer ego ſuſpicor, fuiſti; immo & adſcitus in Augurum Collegium anno circiter. v. c. dcc. ni plane fallunt, aut falluntur Hiftoriae, rursuſque ad hoc aevi ſpatium evocatus es Valentiae in Edetanis τῇ τοῦ γένους τοῦ γένους μεμνημένην. Iterum vale.

XXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXX

## XIX. EMMANUEL MARTINUS

JANO INTERAMNENSI AJALAE O,

*Amico ſuaviſſimo, atque integerrimo,*

S. D.

*Mantuum Carpetanorum.*

**V**Iden' exuiſſe me tandem κατὰ περιεργον? Nimirum poſt trium menſium ſilentium. Scis, mi Ajala, per immodicos calores nihil eſſe me enervatus. Sultentabar tamen iſthic cum temperatoris aurae clementis, tum liberioris ſedatioris vitae inſtituto. Uni enim mihi ſerviebam. Hic autem cum tota illa vitae commoditas jucunditaſque funditus perierint, aeſtas vero quam torridiſſima, corpora non tantum debilitet, ſed frangat; quo tu me animo eſſe putes? praefertim in provincia nec nobis optata, nec  
vitate

vitae nostrae rationibus satis congruente? Uno verbo: quae te mihi eripuit. Valeamus tamen, cuteque sumus pinguiore: nescio an quoque mente, ex pedibus minus laboro. Non quod dolore penitus vacem; sed quod mitius doleam. Quod ad res domesticas attinet, est mihi ancilla Africana conscribillata fronte, colore subfusco, gracilens, exsucta facie, genis adductis, aetate vergente, addicta tantum culinae & rei pulmentariae, ac praefecta cacabis patinisque. Mulier Apiciana elegantia, & digna profecto lautiore penu. Sed tamen delectat me valde in mediocritate mundities. Mulier itidem alia cui commissa cura rei domesticae, nihilo liberaliore facie; sed haud indiligens, bene morata, verecunda, officique tenax. Ad haec, puella quaedam *ἀνέστη*, ultro citroque commendo, mandatisque perferendis. Denique adolescens quidam, qui mihi est *τὰ ὠνάρα*. Nam lucubrationes nostras & *ἀδύτλη* exscribit, & scita satis elegantique forma. Nec enim Latine nescit. Idem a cyathis, a veste, a pedibus, ab epistolis. Quid quaeris? Si quando moeror me invasit, musicis etiam modulis ac concentibus animum nostrum exhilarat delinquit. Nam & sibi-bus didicit, & cantillat, & versiculos pangit. Haec est totius familiae nostrae summa. Nisi tu quoque e re esse existimas ut Catellam adjiciam, cui a colore rostri *μελανόρυγχος* nomen indidimus. Quod de domo quaeris, ea quidem opportunissimo mihi loco sita est. A sacra nimirum aede muro tantum interfecto dirempta. Boreae Eurique flatibus praecipue obversa. Quo fit, ut ab aestu minus laboret, blandiente utroque spiritu. Itaque mihi magnopere invidetur ob aestivas commoditates. Quod ad hyemem attinet, ad primam hirundinem faciam te certiores. Universa domus interior summam habet dignitatem. Pavimenta enim laterculis versicoloribus constrata sunt mira concinnitate varietateque: tecta leniter convexa ac nitidissimo tectorio obducta, in quorum umbilico sculpturae prominent auro renidentes. Cubiculum a viae strepitu semotum sepositumque, juxtaque aliud arctius servo *παρκαρμυμένον*. Minervae eximius locus obtigit; eo nitore atque elegantia, ut sacelli potius faciem referat quam Bibliothecae. Itaque contubernales nostri habitant basilice! Adjacet *Μουσών*, quasi dedita opera ad id exstructum exornatumque, ut *ἀνμύλια* reponderet adferuaretque. Itaque numismatibus ac reliquae vetustae suppellectili eum locum addiximus. Scalae demum, atrium, podia pensilia in viam projecta, pro dignitate omnia. In summa, habito laxae magnificeque. Equidem tamen haec omnia nihili facerem, ipsaque haec commoda omni interitu acerbiora ducerem, nisi ornatissimi doctissimique viri Philippi Bulisonis amicitiam conjunctionemque mihi obtulisset fortuna. Quo uno beneficio injurias mihi omnes cumulatiflime compensavit. Hic animum in hac librorum inopia ac literarum solitudine aegrescentem suavissimis alloquiis erigit atque sustentat. Quo eximio ac singulari in me studio id effecit profecto, ut minus me vitae lucifque taederet. Una imus deambu-

latum, eruditas serimus quaestiuunculas, plenis faucibus φιλαλογόμην. Imo potamus etiam. Nam saepiuscule convenimus ad Lyaei sacra. Sobrie tamen, atque ut decet Minervae alumnos. Denique visum est per hibernum hoc tempus statis noctibus convenire, non tam laxandi, quam erudiendi animi causa. Unum hoc tibi persuadeas velim, Ajala mi, secundum te nihil esse mihi charius Buliphone. In quo uno meae omnes copiae repositae sunt.

In Plinio avunculo quicumque operam posuerit, nae ille egregie collocaverit. Quid enim sunt ejus scripta nisi naturae adyta? Utinam in excedendo gessisset se consideratius, ut ne toties in Graecos scopulos impigisset. In Chrysostomo plena omnia sapientiae succo, & divina quadam eloquentiae vi mentis aciem praestringentia. Verborum aculeis, sententiarum gravitate, doctrinae pondere, turbis instar vel torrentis animum corripit, secumque vehit. De vicarii nostri reditu impetratum est, adducunt aves, ratum faciunt oscines. Quare, si fides disciplinae nostrae augurali, de proximo ejus adventu non amplius ambigendum. Simulatque intellexero illum Parisiis discessisse, temperius te monebo, ut hominem iavifas meo nomine. Turre-cremata ineptissimis suis literis conficit me. Torre-palma suarum expectatione. Utinam hic mutiret saltem; ille autem ne mutiret quidem. Hujus odi silentium, illius garrulitatem. Tu vale, anime mi, & nos ama. Alonae, IV. Idus Octobris, An. MDCCXVI.

Salveat a me Langladius. Salutat te Bulipho.



## XX. JANUS INTERAMNENSIS AYALAEUS

EMMANUELI MARTINO suo,

χαίρει & ευχαρίστω.

Alonae.

**A**Ve, mi Manuel: bonus, felix, prosper, faustusque sit tuus in istas, amo in has etiam oras adventus. Insomnium mihi videre videor, quod lubens, ita me Deus amet, amplector. Tene video, aut saltem, quando id minus sperabam, tecum ex Italia reduci colloquia miscere licet longe minus distant! Ut te ego lubens suspicio! ut caput istud tuum non secus, neque minus mihi charum, quam hocce meum (& id tango) milles exocular! Sed haec tantisper mitto: longior enim ero, mi Manuel, si his adfectibus meis, quamquam aliqui veris atque sinceris, nimis indulgeam.

Ergo literae tuae Alona missae prid. Id. Decembr. mihi redditae sunt

VII.

VII. Kal. Januarias; hoc est in ipso Dominici natalis pervigilio: quo facile adducor, ut credam, eandem tabellionum incuria, aut potius infausto meo quodam sidere retardatas, quo minus ad me citius redderentur. Et quidem eodem ipso die rescripsissem ad te, si is ille fuisset, in quo copia daretur tabellarum; quod tamen secus accidit: incidit enim hoc anno, ut bene nosti, pervigilium hoc, die Saturni; seu ut Christiano more atque ritu loquamur, Sabbati, quo quidem neutiquam publici hic Alonam literarum perlatores proficiuntur. Sed ad te redeo, quem multum periculis perfunctum, undisque, ac foedis tempestatibus jactatum, incolumem tandem pervenisse magis gaudeo, quam ut verbis ullis complecti queam. Et quidni gaudeam? saepe enim mecum reputo, quam cum magno Deo periculofum certamen iniveris: cum Jove scilicet undoso,

— τῷ ᾧ κῆτος ἐστὶ μέγιστος.

atque ille quidem doctrinae ac prudentiae tuae nimium infestus, dum te alium Ulyssēm credidit, impetuit, afflixitque, ac tantum non penitus absorpsit; & hoc intercapedine pelagi non admodum longa: neque enim navigabas

— ἐπ' ὤκεανδ' μετ' ἀμύμονας αἰθιοπίας,

sed in hoc ipso mari, quo tu vehebaris, navigabat Ulyssēs, quem vexare, atque affligere placuit irato Neptuno, & quem idem absorbuisset, perdidissetque, nisi illum servasset propitia Minerva. Tu vero, mi Manuel, cum jam jam dehiscente navi, peneque jam fracta, nihil operiebaris nisi foeda naufragia, quid cogitabas? quid versabas animo? An non succurrebat illud Homericum, cum scilicet Achilles ingloriam & indignam mortem existimabat absorberi a flumine, suffocarique aquis? Sed bene est, quod sanctiori muneri prudenter intentus periclitantium ἐφορευόμενος & has quidem varias ac polyglottas excepisti; quo facto consentaneum credere est, maris refedisse saevitiam, & tandem cum bono Deo factum esse ut incolumis portum attingeres: qua de re, non tantum tibi, sed etiam mihi saepius ac saepius gratulor.

Lepidam, & supra quam dici potest, jucundam mihi rem narras, quod eleganti, & tuis prorsus dignum Musis opusculo Κίεωτος illam tuam astris atque coelo donaveris. Vix dicere queam, quam avide munus istud expectem: quod sane ut citius atque gratius praestes, scito, me in eandem rem Epigramma luisse, forte non illepidum: sed de hoc tute melius censebis; quod ut facias, Epigramma ipsum non gravabor adscribere: sic enim habet:

*Venerat Europam fraterna per aequora pulchram.*

*Taurus amans: astris additus ille fuit.*

*Cokbiacis fulvum vellus devexit ab oris*

*Argo*

*Argo quae rutilans iovit ad astra ratis.  
 Ingenii monumenta sacri Martinus in Arca  
 Terque quaterque mari duxque redunq̃ue tulit.  
 Attica quae doctis opibus mutaret habenda;  
 Romana Urbs emeret quae pretiosa suis.  
 Improbæ nil petimus : fac, oro, Diéspiter, inter  
 Fulgeat aethereas Arcula diva faces.  
 Sit bona quae patria peregre tutela profectis,  
 Et terra, ac pelago fidus utriusque favens.*

Vereor multum, ne satis congruat Epigramma nostrum cum sublimi atque eleganti tua Apasterosi : sed tu sententiam feres sincerus iudex atque incorruptus; & munus ipsum ad me curabis quantocyus perferendum.

Interim tu, mi Manuel, hoc mihi dicito; an scilicet ad manus tuas pervenerint exemplaria quaedam typis excussa, quibus feralis pompa Ludovici quondam Magni, tum oratione libera Hispana, tum etiam versibus Latinis enarratur atque describitur: insuper & alia metrica, quibus Nicetae Martyris Aegyptii egregium prorsus, atque Christiano juvene dignum facinus, versibus Hendecasyllabis non omnino pessimis, exponitur. Haec enim omnia ad te transmittenda curavi per manus communis amici Bulifonis nostri; cui quidem, ut multam a me salutem impertias, non hic tibi verbis injungo; propterea quod ad eundem literulas etiam mittere statui. Atque ipse quidem, nullus dubito, quin referat ad te facti totius seriem; cujus eventum atque exitum scire, si aliud quidquam, in votis habeo. Vide si quid est quod mihi jubeas, aut a me expectes,

— τείλειαι δὲ θυμὸς ἄνωγε

Εἰ δύναμαι τεύλειαι γὰρ εἰ τι τεύλιεμένῃ ἴστω.

Vale. Madridio, V. Kalend. Januar. Ann. MDCCXVIII.

Epistola scripta erat ad hunc diem, & fere transcripta: sed inciderunt reculae, ob quas ad te mittere illo die non licuit: & sane jam aevus annus incoepit; quem tibi non solum, sed & alios plures, atque auspiciatissimos exopto diutissime sospiti.

XXI. EMMANUEL MARTINUS  
JANO INTERAMNENSI AJALAE,*Viro optimo καὶ πολυμαθείᾳ,  
bene rem gerere.**Mantuum Carpetanorum.*

Cæsar Buliso, ocellus ac delicie nostrae, Ἀπαρτίτως exemplar ad me misit, quam ille me invito, immo reluctantè, in lucem edidit. In ipso statim libelli vestibulo, cum Ajalae nomen in oculos incurrisset, bono auspicio ac liquido eas nugas in lucem prodixisse, ominatus sum. Cum autem caetera percurrerem; ac in elogium illud tuum, quo ingeniolium nostrum ornare libuit, cussasque laudes relinquissem; conscientia nostri adeo erubui, ut animus rubore fractus ad reliqua persequenda pene obtorpuisset. Buliphones fratres in has tricas me conjecerunt. Quid ego facerem? charissimorum mihi caput honesto desiderio refragarer? Atque occurrebat illud ex veteri Tragoedia:

*Φίλοι γὰρ ἄγχις, μὴ κρατῶν ὄντι θύλῃς.*

Itaque me eorum officiis circumveniri passus sum. Afferebam equidem, habendam esse rationem aliquam ætatis ac dignitatis nostrae. quas minime decerent jocosa illa ac juvenilia. Imo etiam opinionem fortasse de me præceptam eluderent. Pervicerunt tamen. Nec jam (satendum est enim) ejus rei valde me poenitet: cum propterea quod tam luculento testimonio immortale hoc amicitiae nostrae monumentum ad posteros transmittatur; tum quod videam, te (quod suspicatus fueram) tesseram hospitalem nondum fregisse. Quidni ego id disputarem, post biennale silentium? Tu autem, favissimè Ajala, mihi jam deficienti aspersisti aquam. Igitur, quando famam nostram tam diligenter accurasti, nec ab officio discessisti; quod unum superest, ignaviam istam excute, nosque obrue familiaribus tuis jocis, salibus, leporibus, facetiis. A Monfalconio nostro jam biennium nullas accepi. Videtur ille afflatus contagione tui. Bellos homines ac facetos! An nescitis Amyclas tacendo periisse? Etsi ille Gallicae fortasse luis utetur excusatione. Tu vero quam? Vicarius enim noster diligentissime tibi reddi curavit quas novissime ad te dedi. Ad quas tu ne γὰρ quidem. Spero tamen, te in posterum istam inertiam (nam factum non audeo dicere) funditus abiectionum, nosque apud te in aliquo loco fore. Quod ego hercle commodis fortunisque omnibus præfero. Vale a minus valente. Nam per hos dies faevissimo καταιγὶς divexor. Alonae, XV Kal. Junias, An. MDCCXXII.

*Tom. K**Mm**XXII*



XXII. JANUS INTERAMNENSIS AJALAEUS  
EMMANUELI MARTINO

φιλάτου σου ἢ πατρὶνος.

*Alenam.*

**I**psa die Divino Paraceto sacra redditae mihi sunt literae tuae, exoptatae semper, atque mihi, ita me Divinus idem Paracletus amet, perquam jucundae; sed quae futurae essent longe jucundiores, nisi tantisper affectam valetudinem tuam molesta illa fluxione rheumatis nunciavissent. At spero jam liberatum te hujusmodi pathemate, planeque incolorem valere, quantum aveo. Atque ego quidem, quantum fert aetas, satis comoda utor valetudine, quantum, inquam, fert aetas; quippe probe nosti, me jam plane senem, ut qui jamjam excefferim (quod bonis avibus dictum fiet) annum quintum supra sexagesimum; ut proinde senem me appellare cuivis liceat majorem prorsus, quod dicimus, natu, tantumque non capulare silicernium. Atque haec quidem potissimum est ratio, cur his reculis, literisque conscribendis frequentius non indulgeam, non desidia illa, atque a te plurimum decantata locordia; multoque minus oblivio tui (absit amori, imo judicio meo, irrogari hanc noxam) qua me, veluti malo quodam sidere afflatum putavisti, aut suspicari te coegit, neque injuria, biennale silentium. Quid vero dicturus esses, doctissime Martine, si tibi scire contigisset per id temporis editum esse, & luci commissum publicae Opusculum illud meum, quod ab eruditis beneque erga veritatem adfectis utraque, quod ajunt, uloa exceptum est, contra Curionis nostri opinamentum? Hoc vero tibi per Vicarium tuum transmittendum curo, simul enixe rogans, ut postquam illud perlegeris (perleges enim, ut ego ex tua erga me benevolentia conjectio non malus aruspex) ingenue, uti soles, sententiam tuam mihi patefacias; quam si fausticem nactus fuero, ne per te quidem faciam triobolares Aristarchos. Adjungitur etiam eidem Opusculo Curionis Epistola, qua in re sibi non satis explorata (quod viri prudentis ac sapientis est) non erubuit cantare palinodiam.

Jam cum primum didici ex Caesare Bulifone habere se in mandatis a fratre optimo atque doctissimo, ut elegantem ΠΙΑΣΤΕΡΩΣΙΝ tuam, nonnullis aliis adjectis, curaret excudere, nil gratius me diu-fidius, nil jucundius habui. Itaque lubenti prorsus animo occasionem arripui, ut tantae rei, quantumlibet mole exiguae in publicum apparandae symbolum meum utcumque conferrem: quod uberius fortassis extitisset, nisi me idem Caesar Buliso commonuisset, ut res nonnullas reticerem, de quibus ille vellet

vellet esse opportunior atque commodior proloquutor. Sed bene est quod tu exile quantumlibet elogium verecundus acceptor probasti, atque officium erga te meum aequi bonique consulisti. De Mont-falconio moleste fero, pene dixeram, conqueror, quod nullas ad te literas dederit. & scis, me, tuo hortatu, aut saltem beneplacito, literas ad illum misisse, qui mutuas ab illo accepturus jam spero nullas. Atque haec in hac rerum praesentia fuerint satis. Tu, quod ad rem attinet, valetudinem tuam cura diligenter, &, quod facis, me redama. Madrito, III. Nonas Junias, An. MDCCXXII.

F I N I S.



